



United Nations in Timor-Leste



Dezafiu no Rekomendasaun sira kona-ba Estensaun

Protesaun Sosiál ba Ema Hotu iha Timór Leste

Relatóriu husi Diálogo Nasionál ne'ebé
Bazeia ba Avaliasaun



REPÚBLICA
PORTUGUESA



Dezafiu no Rekomendasaun sira kona-ba Estensaun Protesaun Sosiál ba Ema Hotu iha Timór Leste

Relatóriu husi Diálogo Nasionál ne'ebé Bazeia ba Avaliasaun



Copyright © Nasõins Unidas/ Organizasaun Internasionál Traballu nian / Ministériu Solidariedade Sosiál Timór Leste. Publikasaun dahuluk iha tinan 2018.

Direitu sira hotu husi publikasaun Bureau Internasionál Traballu rezervadu tuir Protokolu 2 Konvensaun Universál Direitus Autór nian. Maibé, bele reproduz parte kikuan, laho autorizasaun, ho kondisaun katak tenke hatudu nia fonte. Kona-ba direitus reproduzaun ka tradusaun, tenke submete pedidu ba Gabinete Publikasaun sira (Direitus no Autorizasaun), iha morada *International Labour Office*, CH-1211 Jenebra 22, Suisa. Pedidu hirak-nee Bureau Internasionál Traballu nia sei simu ho di'ak.

Biblioteca, instituisaun no utilizador sira seluk, ne'ebé rejistadu iha organizasaun direitus reproduzaun ruma bele halo kópia tuir lisensa sira ne'ebé sira simu ba finalidade ida-ne'e. Bele vizita www.ifro.org hodi bele hetan organizasaun direitus reproduzaun iha ita-boot-nia nasaun.

Dadus katalogasaun OIT nian

ISBN: 978-92-2-030902-5; 978-92-2-030903-2 (web pdf)

Dezafiu no no Rekomendasaun ba Extensaun Protesaun Sosiál ba Ema Hotu-Hotu iha Timor-Leste: Relatoriu ne'e Diálogo Nasionál ida ne'ebé Bazeia ba Avaliasaun (ISBN 978-92-2-030904-9; 978-92-2-030905-6 (web pdf)), Díli, 2018.

Protesaun sosiál / seguransa sosiál / política protesau sosiál/ finansiametu protesau sosiál nian/ Timór Leste

Disponível mós ho lian português: *Desafios e Recomendações para a Extensão da Proteção Social a Todos em Timor-Leste: Relatório do Diálogo Nacional Baseado na Avaliação/ Nações Unidas*; Organização Internacional do Trabalho Indonésia e Timor-Leste; Ministério da Solidariedade Social de Timor-Leste. Díli: ONU/OIT/Ministério da Solidariedade Social, 2018.

Disponível mós ho lian Inglés: *Challenges and Ways Forward to Extend Social Protection for All in Timor-Leste: Assessment Based National Dialogue Report* (ISBN 978-92-2-030900-1; 978-92-2-030901-8 (web pdf)), Díli, 2018.

Dezignasaun sira ne'ebé uza iha publikasaun husi Bureau Internasionál Traballu (BIT), tuir prátika Nasõins Unidas nian, no apresentasaun dadus ne'ebé deskreve iha ne'ebá la inklui tomada pozisaun husi BIT kona-ba estatutu jurídku nasaun, zona ka territóriu determinadu ka nia autoridade sira, no kona-ba markasaun ba ninia fronteira sira.

Responsabilidade kona-ba opiniaun ne'ebé inklui iha artigu, estudu no testu sira seluk ho asinatura kompromete, de'it, nia autór sira, no la signifika katak BIT subskreve opiniaun ne'ebé inklui iha publikasaun hirak-ne'e.

Mensaun ka omisaun husi empresa, produktu ka prosesu komersiál ruma la signifika apresiasaun favorável ka la favorável husi BIT.

Ita bele hetan BIT nia publikasaun sira iha livraria no iha plataforma distribuisaun dijital, ka bainhira halo solisitasaun diretamente liuhusi morada eletrónica: ilo@turpin-distribution.com. Hodi hetan informasaun liutan bele vizita ami-nia fatin iha internet: <http://www.ilo.org/publns> ka kontaktu liuhusi: pubvente@ilo.org

Foto sira © OIT Indonézia no Timor-Leste. Kapa Fernando do Carmo Lim Ribeiro.

Imprime iha Indonézia.



Dezafiu no Rekomendasaun sira kona-ba Estensaun Protesaun Sosiál ba Ema Hotu iha Timór Leste

Relatóriu husi Diálogu Nasionál ne'ebé Bazeia ba Avaliasaun

Deskrisaun kona-ba dezafiu dezvoltamentu ohin loron nian, medida protesau sosial ne'be iha ba garantia haat idak-idak Pizu Protesaun Sosial sira-nian, identifikasaun kona-ba politika sira-nia lakuna no problema implementasaun, rekomendasaun sira, protokolu avaliasaun lais atu halo estimativa kona-ba kustus hodi avansa pizu protesau sosial no ezersisiu mikrosimulasaun hodi halo estimativa kona-ba reforma sira-nia impaktu.

André Felipe Bongestabs (OIT) mak prepara relatóriu ida-ne'e lori Nasõins Unidas no Ministériu Solidariedade Sosial Timór Leste nia naran.

Aleinde autor na'in, Antónia Carmen da Cruz (MSS), Aida Maria Soares Mota (MSS), Leoneto Vicente F.C. Pereira (MSS), Teresa Coelho (MSS), Nelson José da Cruz Pereira dos Santos (MSS), Nuno Meira Simões Cunha (OIT) no Nuno Tavares-Martins (OIT) mós kontribui ba relatóriu ida-ne'e nia dezvoltamentu.

LIAN MAKLOKE MINISTÉRIU SOLIDARIEDADE SOSIÁL NIAN



Hahú iha tempu independénsia, iha tinan 2002, Timór Leste luta loron-loron hodi rekupera husi tinan barak ho konflitu, no kria kondisaun atu nia sidadaun sira bele moris ho kualidade. Maské iha avansu oioin, sei iha nafatin dezafiu barak kona-ba mukit, nutrisaun, asesu ba saúde, traballu dignu no protesaun kontra risku sosiál enjerál.

Protesaun Sosiál mak direitu ne'ebé Konstituisaun Nasionál garante, no nu'udar elementu importante tebes ba koezaun no dame sosiál. Vizaun ida-ne'e refletidu ona iha kriaun programa no polítika lubuk ida, ho objetivu atu fó apoiu ba grupu populasaun oioin, maibé maioria programa hirak-ne'e dezenvolve ho maneira ketak-ketak, no laiha vizaun estratéjika luan.

Kuadru ida-ne'e husu ita atu aumenta ita-nia esforsu ba dezenvolvimentu polítika protesaun sosiál sira, atu asegura katak timoroan sira hotu hetan oportunidade hodi hala'o sira-nia moris dignu. Atu hatán ba dezafiu hirak-ne'e, Governu Timór Leste hahú prosesu partisipativu diálogu nian, ho ator relevante sira husi governu, parseiru sosiál sira, sosiedade sivil no Nasõins Unidas ne'ebé halo konvite atu halo diskusaun no halo planu hamutuk kona-ba futuru protesaun sosiál nasaun nian. Relatóriu ida-ne'e mak rezultadu ida husi diálogu hirak-ne'e, hodi dezenvolve Sistema Nasionál Protesaun Sosiál nian ida ne'ebé efisiente, efikás no integradu liu.

Observasaun no análise ne'ebé ita realiza durante prosesu diálogu fó vizaun ida luan liu no moos liu kona-ba polítika protesaun sosiál sira-ne'ebé iha. Lakuna no problema implementasaun sira-nian ne'ebé identifika hatudu indikasaun importante kona-ba limitasaun no obstákulu sira, ne'ebé sistema atual hasoru, no loka dalan atu bele foti asaun efetivu hodi hadia asesu no protesaun ne'ebé oferese ba timoroan sira-hotu. Rekomendasaun sira propostu mak rezultadu esperiênsia no koñesimentu husi ator lubuk boot ida, ne'ebé envolve iha prosesu diálogu, hamutuk ho evidênsia konkreta, ne'ebé bazeia ba dados ikus liu no dados ne'ebé ita bele fiar no estudu sira ne'ebé disponível iha nasaun. Liuliu, representa sosiedade timoroan nia rikusoion no diversidade, nu'udar vizaun konjunta atu protesaun sosiál nia prosesu bele lao ba oin.

Rezultadu sira ne'ebé apresenta iha relatóriu ida-ne'e hanesan baze ida kapa'as tebe-tebes ba Estratéjia Nasionál Protesaun Sosiál nian, no nia proposta sira buka haforsa elementu krítiku sira hodi kontribui ba polítika sosiál iha nasaun nia lala'ok dí'ak, inklui habelar apoiu ba grupu vulnerável sira, hametin kapasidade institusionál sira kona-ba halo planu, entrega no halo avaliasaun ba operasaun sira hotu.

Ha'u iha serteza katak reforma proposta sira-nia ezekusaun habelar kobertura no nível protesaun, ne'ebé sistema ezistente oferese, maibé sei prodús mudansa signifikativu ba ema hotu nia kondisaun moris iha Timór Leste, laharee ba ema nia tinan, jéneru ka fatin, maibé liuliu proteje no fó apoiu ba sira-ne'ebé vulnerável liu.

Dra. Florentina da Conceição Pereira Martins Smith
Ministra Solidariedade Sosiál

LIAN MAKLOKE NASÕINS UNIDAS NIAN

Pizu Protesaun Sosiál sira-nian mak konjuntu garantia bázika protesauun sosiál sira-nian ne'ebé tenke habelar ba ema hotu. Hahú tuir iniciativa hamutuk ONU nian, Diresaun Ezekutiva ONU nian iha tinan 2009, no Konferénsia Internasionál Traballu nian adota globalmente, iha tinan 2012, liuhusi Rekomendasaun 202 OIT nian kona-ba Pizu Protesaun Sosiál sira. Konseitu kona-ba Pizu Protesaun Sosiál aliñadu ho Objetivu Dezenvolvimentu Sustentável (liuliu meta 1.3, kona-ba implementa, iha nível nasionál, medida no sistema protesauun sosiál sira-nia ne'ebé adekuaudu ba ema hotu). Governu Timór Leste haree protesauun sosiál nu'udar elementu importante ida b adame no estabilidade, maibé hanesan mós baze ida ba sidadaun sira-nia moris-di'ak.

Nasõins Unidas rekoñese katak protesauun sosiál mak instrumentu ida ne'ebé efetivu atu nasaun ida hamenus mukt, promove dezenvolvimentu sosioekonómiku, no fó apoiu kreximientuekonómiku sustentável no inkluzivu. Direitu ba protesauun sosiál refleto iha Konstituisaun Nasionál, Artigu 56, no tradús iha programa no medida sira ne'ebé Governu implementa, hanesan Subsídiu ba Ferik/Katuas no Inválidu sira (SAIL), Merenda Eskolár, programa transferénsia rendimentu kona-ba *Bolsa da Mãe* ba labarik sira, Seguransa Sosiál Kontributiva ne'ebé foin hahú, entre sira seluk. Maibé, medida hirak-ne'e seidak iha abordajen estratéjiku integradu, no ministériu no ajénsia oioin mak planeia no implementa.

Maské investimentu públiku signifikativu iha protesauun sosiál, populasauun timoroan parte boot ida moris nafatin ki'ak, laiha asesu ba servisu esensial no oportunidade empregu dignu, no espotu ba risku sosiál no ekonómiku. Labarik, feto, traballadór ekonomia informál no ema ho defisiénsia vulnerável liu.

Atu realiza direitu konsagradu iha Konstituisaun, atu alkansa objetivu estabesidu iha Objetivu Dezenvolvimentu Sustentável no iha Planu Estratéjiku Dezenvolvimentu Nasionál, no kumpre kompromisu internasionál ne'ebé Timór Leste asume, presiza esforsu boot husi Governu no husi parseiru dezenvolvimentu, inklui Nasõins Unidas.

Parte importante husi prosesu ida-ne'e mak halibur ator interesadu sira hotu, atu hamutuk identifika lakuna no problema implementasaun sira-ne'ebé iha, no dezenvolve rekomendasaun kona-ba polítika konsolidasaun pizu protesauun sosiál iha nasaun. Ezersísiu, hahú iha tinan 2016, complementa ho ezersísiu ida kona-ba kustus no estimativa kona-ba reforma sira-nia impaktu posível, esensial atu define prioridade viável no asesível.

Ita hein katak prosesu Diálogu Nasionál ne'ebé Bazeia ba Avaliasaun nia rezultadu sira, liuliu rekomendasaun apresentadu iha relatóriu ida-ne'e constitui baze importante atu governu bele dezenvolve Estratéjia Nasionál Protesauun Sosiál. Ita fiar katak abordajen partisipativa ne'ebé uza iha ezersísiu ne'e kontribui mós atu aumenta ator nasionál no parseiru dezenvolvimentu sira-nia komprensaun kona-ba protesauun sosiál nia importánsia no kona-ba dezenvolvimentu vizaun komún ida ba protesauun sosiál iha Timór Leste nia futuru.



Roy Trivedy
Nações Unidas
Coordenador Residente em Timor-Leste



Michiko Miyamoto
Organização Internacional do Trabalho
Diretora para Indonésia e Timor-Leste

AGRADESIMENTU SIRA

Ekipa husi Diálogu Nasionál ne'ebé Bazeia ba Avaliasaun (DNBA) agradese apoiu ne'ebé simu husi ema hotu ne'ebé envolve iha ezersísio DNBA iha Timór Leste: Gabinete Primeiru-Ministru (GPM), Ministériu Solidariedade Sosiál (MSS), Ministériu Saúde (MS), Ministériu Edukasaun (ME), Ministériu Planu no Finansas (MPF), liuliu Diresaun Jerál Estatístika (DGE), Ministériu Agrikultura no Peskas, Ministériu Justisa, Komisaun Direitus Labarik, Sekretaria Estadu Juventude eno Empregu (antiga Sekretaria Estadu Formasaun Profisionál no Empregu), Inspesaun Jerál Traballu nian (IGT), Sekretaria Estadu Igualdade Jéneru no Inklusaun Sosiál (antiga Sekretaria Estadu ba Apoiu no Promosaun Feto), Komisaun Funsan Públika (CFP) Polísia Nasionál Timór Leste (PNTL), Ministériu Defeza (MD), Ministériu Reforma Institusionál, antigu Gabinete Ministru Koordinator Assuntus Ekonómikus (MECAE), no antigu Gabinete Ministru Koordinator Asuntos Sosiais (MECAS), representante traballadór sira no empregadór, liuliu Konfederasaun Sindikatu Timór Leste (KSTL) no Cámara Komérsiu Indústria Timór Leste (CCI-TL). Aleinde ne'e, equipa DNBA rekoñese parseiru dezenvolvimentu no organizasaun sociedade sivil sira-nia kontribuisaun importante durante ezersísio avaliasaun.

Ekipa DNBA hakarak agradese ba Ministériu Solidariedade Sosiál, liuliu ba Diretór-Jerál Protesaun Sosiál, Sr. Eujénio Soares, Diretora Nasionál Seguransa Sosiál Kontributiva, Sra. Aida Mota, no Diretora MSS Munisípiu Líkísá, Sra. Antonia Carmen da Cruz, ba sira-nia lideransa, kompromisu no apoiu durante prosesu DNBA.

Ekipa DNBA hakarak agradece ba instituisaun ONU nian iha Timór Leste ba sira-nia apoiu, participasaun ativa no kontribuisaun téknika ba relatóriu ida-ne'e, liuliu kontribuisaun boot no importante husi UNICEF, OMS no ONU Feto.

Ekipa DNBA valoriza apoiu konstante husi Sra. Michiko Miyamoto, Diretora Eskritóriu OIT ba Timór Leste no Indonézia durante prosesu tomak. Ida-ne'e mós ba Sr. Nuno Cunha, Espesialista OIT kona-ba Protesaun Sosiál iha Ázia no Pasífiku, Sr. Fabio Durán-Valverde, Xefe Unidade Atuariado, Finansas Públikas no Estatístika Departamentu Protesaun Sosiál OIT nian no OIT Timór Leste nia equipa tomak ne'ebé contribui ba relatóriu ida-ne'e liuhusi orientasaun esensial no ho asisténsia durante consulta ba ator sira interesadu iha implementasaun projetu ne'e.

Ikusmai, equipa toma DNBA agrade tebe-tebes ba Ministériu Traballu, Solidariedade no Seguransa Sosiál (MTSSS) Portugal tamba nia apoiu fundamental ba DNBA liuhusi projetu Koperasaun ba Dezenvolvimentu "*ACTION/Portugal - Reforço dos Sistemas de Proteção Social dos PALOP e Timor-Leste*" (2015–18), ne'ebé OIT implementa.

Maibé, autór-na'in mak responsável úniku ba konteúdu no ba opiniaun saída de'it mak inklui iharelatóriu ida-ne'e.

Díli, fulan maiu tinan 2018.

SUMÁRIU EZEKUTIVU

Kompromisu ne'ebé Timór Leste asume kona-ba dezvoltimentu umanu no, liuliu, kona-ba protesaun sosiál, klaru loos iha Konstituisaun¹ no iha polítika sira nasaun nian. Hahú iha independénsia iha tinan 2002, iha ona avansu boot loos, ho melloria vizível iha ekonomia, saúde, edukasaun, hamenus mukt no asesu ba servisu esensiál. Husi independénsia to'o agora, nasaun nia ekonomia aumenta dala haat, tuir termus reais, ho ajuda liuliu husi reseita setór petrolíferu sira-nian. Reseita hirak-ne'e investe diretamente iha fundu investimentu ida, ne'ebé kria hodi halo jestaun ba reseita hirak-ne'e no atu garante katak jersaun tuir mai bele simu buat di'ak husi rekursus naturais nasaun nian.

Maibé, kreximentu ekonómiku ne'ebé lais no ne'ebé la akompaña totálmente ho dezvoltimentu umanu no iha nafatin dezafiu oioin. Sei iha nafatin buat barak atu alkansa atu timoroan sira hotu bele hetan moris ida ne'ebé dignu no ho oportunidade ne'ebé permite atinje sira-nia potenciál tomak – iha tinan 2014, populasaun porsentu 41,8 moris ho osan kiik liu duké 1,54 dólares amerikanus ba loron ida, liña mukt nasional. Progresu neneik liu iha área rural, no apresenta dezigualdade entre Munisípiu 13 ne'ebé halo parte nasaun nian. Maioria ema ne'ebé moris iha liña mukt nia leten, enjerál, moris ladún dook husi liña ne'e – populasaun liu porsentu 90 moris ho osan menus liu duké 5 dólares amerikanus ba loron ida no família sira husi eskalaun rendimentu sira hotu hasoru bebeik difikuldade hodi satisfás sira-nia nesesidade bázika, hanesan alimentasaun, edukasaun, saúde no abitasaun. Protesaun Sosiál bele dezempeña funsaun boot liu kona-ba investimentu rikusoin mina nian ba dezvoltimentu kapitál umanu no atu hadia populasaun nian moris-di'ak.

Iha ámbitu roteiru dezvoltimentu ne'ebé estabelese iha Planu Estratéjiku Dezvoltimentu Nasionál 2011-2030 (PED), nasaun estabelese ona meta ambisiosu, ne'ebé inklui: dezenvolve infraestrutura, fó asesu ba eletrisidade, bee, saneamentu, saúde no edukasaun ba ema hotu, harii instituisaun sira ne'ebé forte no efisiente, fó apoiu ba setór privadu ne'ebé diversifikadu no prósperu, hakotu mukt no dezenvolve kapitál umanu, entre sira seluk. Vizaun estratéjiku mak halo Timór Leste nasaun ida ho rendimentu médiu-aas, to'o iha tinan 2030.

Iha kontestu internasionál, nasaun mak hanesan defensor boot ida ba agenda 2030 no ba Objetivu Dezvoltimentu Sustentável (ODS), husi ida-ne'ebé destaka Objetivu 1.3 " *implementa sistema no medida protesaun Sosiál, ne'ebé adekuaadu iha nível Nasionál, ba ema hotu, inklui pizu sira, no to'o iha tinan 2030 alkansa kobertura substánsial ba mukt no vulnerável sira*". Aleinde ne'e, iha tinan 2015, Estados membrus Komunitade Nasaun sira Língua Portuguesa (CPLP) hametin sira-nia kompromisu kona-ba Pizu sira Protesaun Sosiál nian² no Governu Timór Leste halo kompromisu hodi dezenvolve ninia Estratéjia Nasionál Protesaun Sosiál nian.

Pizu sira Protesaun Sosiál nian (PPS) mak garantia sosiál báziku lubuk ida, ne'ebé define iha nível nasional, ho objetivu atu garante asesu ba servisu esensiál saúde nian no seguransa bázika rendimentu sira nian ba vida tomak, ba ema hotu. Internasionálmente Estadu Membru sira hotu OIT nian aprova ona³, PPS sira tenke dezenvolve liutan no halo ajustamentu ba kontestu nasaun idak-idak nian.

¹Tuir parágrafu 1 "Sidadaun sira hotu iha direitu ba seguransa sosiál no ba assisténsia sosiál, tuir lei".

² Haree: CPLP. 2015. Declaração de Tíbar.

³Haree: OIT. 2012. Recomendações sobre os Pisos de Proteção Social, 2012, n. 202, parágrafo 5.

Iha sentidu ne'e, konsidera direitu sira ne'ebé garantidu iha Konstituisaun Repúblika no kompromisu internasionál ne'ebé Governu Timór Leste asume, Ministériu Solidariedade Sosiál (MSS) hahú ona dezvoltamentu Estratéjia Nasionál Protesaun Sosiál nian (ENPS), bazeia ba konseitu PPS sira-nian, no liuhusi ezersísiu Diálogu Nasionál ida Bazeia ba Avaliasaun (DNBA), ho asisténsia téknika husi Organizaasaun Internasionál Traballu nian (OIT), nu'udar kompenente husi programa globál ACTION/Portugal.

DNBA mak prosesu partisipativu ida ne'ebé analiza kontestu atual protesaun sosiál nian, identifika polítika sira-nia lakuna, problema implementasaun no operasionál, dezvoltolve rekomendasaun hodi habelar PPS ba ema hotu, no halo estimativa ba reforma proposta sira-nia kustus. Prosesu ne'e nia objetivu ikus mak atu kria baze téknika no define PPS nasionál sira liuhusi prosesu lejítimu, nomós estabelese baze sira husi Estratéjia Nasionál Protesaun Sosiál nian no nia dezvoltamentu. Iha Timór Leste, prosesu DNBA envolve instituisaun nasionál no internasionál 20 liu no hala'o entre tinan 2016 no 2018.

Sistema protesaun sosiál timoroan oferese programa no polítika sira oioin, inklui mós medida transferénsia osan ho baze luan, servisu sosiál ba grupu vulnerável, no servisu gratuitu saúde públika no edukasaun nian. Bainhira ita halo análise ba sistema hanesan tomak ida, ita haree katak sistema iha fragmentasaun no hatudu diverjénsia entre objetivu nasionál ne'ebé luan no investimentu alokadu ba programa oioin.

Programa 26 protesaun sosiál nian ne'ebé analiza durante prosesu DNBA uza métodu oioin atu atinje objetivu lubuk ida ne'ebé boot, ne'ebé bele hatudu mudansa kona-ba hamenus vulnerabilidade sira, mitigasaun ba xoke, apoiu ba dezvoltamentu umanu no asesu ba servisu esensial. Maibé, falta estratéjia ida abranjente no koordinada ba protesaun sosiál hamosu lakuna oioin iha sistema ne'ebé eziste, no husik ema barak laiha kobertura no laiha apoiu adekuadu. Iha sentidu ne'e, Estratéjia Nasionál Protesaun Sosiál nian buka fornese kuadru abranjente no koordinadu ba protesaun sosiál iha Timór Leste.

Protesaun Sosiál simu parte signifikativu husi Governu nia despeza, ekivalente ba porsentu 15,5 PIB nãun-petrolíferu nian iha tinan 2015. Maibé, programa sira ba veteranus mak konsentra investimentu boot liu sorin ida husi investimentu totál ba área ne'e, no ida ne'e, mak iha sorin ida, limita envelope fiskál programa sira seluk nian. Distribuisaun la ekilibrada husi rekursus hamosu diferença boot iha nível protesaun ne'ebé sistema oferese ba populasaaun no norma sira jeneroza ne'ebé estabelese ereditariedade direitus bele hamosu dezigualdade boot ba beibeik entre veteranu sira-nia família no la veteranu sira-nian.

Maibé, iha ona senáriu hodi hamenus espasu fiskál ne'ebé Timór Leste karik atu hasoru iha década tuirmai, importante katak orsamentu alokadu ba programa veteranus bele transfere ba programa sira seluk protesaun Sosiál nian, no la'os ba finalidade sira seluk. Elaborasaun ba estratéjia ida ba transferénsia gradual rekursu sira ne'ebé liberta husi programa veteranus ba medida sira seluk mak sai instrumentu importante ida, hodi garante finansiamentu polítika protesaun sosiál sira-nian ho baze ne'ebé luan liu ba longu prazu. Karik planu ba tranzisaun ne'e no definisaun regra sira bele akontese sedu liu, entaun lala'ok ho situaasaun ne'e mós fásil liu.

Sistema nia fragmentasaun no falta estrutura polítika abranjente ida kontribui atu programa oioin hasoru problema sira ne'ebé atu hanesan. Maioria programa sira hasoru falta rekursus finanseirus no umanus, falta mekanizmu garantia qualidade, monitorizasaun no avaliasaun, no atrazu iha disponibilidade orsamentál hodi realiza operaasaun sira. Kestaun hirak-ne'e relasiona beibeik ho problema diretu, hanesan sistema jestaun no informaasaun ne'ebé la adekuadu, falta mekanizmu

koordinasaun ka burokrasia ne'ebé boot. Ita bele halo buat barak hodi hadia kapasidade institusionál sira hodi halo jestaun, entrega, monitorizasaun no avaliasaun ne'ebé dí'ak liuba programa protesaun sosiál sira.

Entre melloria hirak-ne'e ita inklui aumentu troka informasaun entre ajénsia governamentál sira ne'ebé bele kontribui atu estabelese baze dados luan liu, fasilita asesu no análise dados, no kondús ba operasaun sira eficiente liu. Disponibilidade dados no mekanizmu koordinasaun bele iha valór boot ba programa kiik no espesializadu liu, ne'ebé dala barak laiha ekipa téknika no orsamentu boot.

Evidénsia hirak-ne'e hatudu katak iha Timór Leste seidak iha Pizu Protesaun Sosiál estabele sidu no ita bele halo melloria atu garante katak individuu sira hotu iha asesu ba servisu esensiál saúde no seguransa rendimentu, durante faze hotu-hotu moris nian.

Dezafiu sira ne'ebé mosu hodi fó asesu ba servisu esensiál saúde nian ho kualidade ba populasaun tomak relasiona ho problema sira iha nível oferta no buka servisu médiku. Hadia oferta no kualidade servisu saúde signifika mós haforsa infraestrutura ne'ebé iha ona, rekursus umanus no disponibilidade suprimentu médiku sira. Maibé ezi je mós habelar programa atendimentu esternu, hanesan *SISCA no Saúde na Família*, no disponibilizasaun meus atu individuu sira bele hakaat liu obstákulu ne'ebé sira hasoru atu bele to'o iha unidade médika, liuliu falta transporte ka meus komunikasaun.

Husi sorin seluk, ita tenke hametin esforsu hodi aumenta prokura servisu saúde sira-nian, inklui edukasaun ba populasaun kona-ba prátika saudável no kona-ba importánsia kuidadus saúde sira-nian. Entre dezafiu sira ne'ebé iha, ita bele destaka hadia kuidadus saúde materno-infantíl, resposta ba aumentu insidénsia moras krónika no moras ne'ebé la dait no hakotu má-nutrisaun jeneralizada iha nasaun.

Má-nutrisaun mak, karik, problema saúde krítiku liu iha Timór Leste. Taxa prevalénsia aas kona-ba kondisaun oioin ne'ebé relasiona ho má-nutrisaun, hanesan desnutrisaun króniku no desnutrisaun agudu, difikulta dezvoltamentu iha prezente no iha futuru. Ne'e duni, aleinde problema barak ne'ebé afeta ema sira ne'ebé boot ho situasaun desnutrisaun, estimativa hatudu katak problema nutrisional hamenus kreximentu ekonómiku pontu persentuál 1 ka 2 tinan-tinan. Senáriu ida-ne'e nia gravidade no kompleksidade laiha solusaun ida simples, no prezisa implementa asaun integrada no koordinada oioin hodi hasoru problema nia kauza oioin: ábitu alimentar doméstiku, rendimentu, edukasaun, asesu ba bee no saneamentu, estadu saúde no fatór risku ne'ebé relasiona ho estilu moris no kestaun kultural sira.

Esforsu hodi hetan seguransa rendimentu sira ba ema hotu prodús rezultadu limitadu no ne'ebé lahanesan. Grupu balun simu ajuda jenerosa, enkuantu maioria populasaun simu apoiu uituan de'it ka lasimu de'it.

Labarik sira kiik liu tinan 15 representa maizoumenus populasaun total nasaun nian porsentu 40, maibé nia representasaun kona-ba mukit la proporsional – ema ki'ak porsentu 55 mak labarik sira. Maské iha ona polítika oioin kona-ba protesaun sosiál ne'ebé orienta ba labarik sira, sei iha nafatin lakuna kona-ba kobertura, no faixa etária ne'e mak simu investimentu kiik liu *per kapita* iha nasaun.

Entre labarik sira, grupu ida-ne'ebé simu investimentu kiik liu mak labarik sira ho tinan 0 to'o 5. Tinan hahú moris nian, inklui mós tempu sira-nia inan isin-rua, mak períodu krítiku liu ba individuu nia dezvoltamentu fíziku no kognitivu, no evidénsia oioin hatudu katak investimentu iha infánsia

dahuluk, liuliu iha loron rihun dahuluk nian, mak prodús taxa retornu boot liu ba investimentu ne'ebé ita realiza. Ne'e duni, hadia programa sira ne'ebé eziste ona no hatama provizaun tan ba grupu ida-ne'e, hodi garante kuidadu sira adekua no satisfás bebé sira-nia nesesidade, bele lori benefísiu boot ba nasaun nia dezvoltamentu iha longu prazu.

Programa *Bolsa da Mãe* hatudu potenciál boot tebes hodi hadia labarik vulnerável sira-nia moris. Maibé, prestasaun sira-nia valór kiik, difikuldade identifikasaun agregadu familiar ne'ebé elejível, limitasaun orsamentál no limitasaun kapasidade operasionál mak hanesan impedimentu atu programa bele hetan impaktu boot liu. Política seluk ne'ebé mós sub-finansiadu mak Programa Merenda Eskolár. Programa ne'e inklui maioria labarik sira entre tinan 6 no tinan 15 no bele konstitui kontributu boot ida hodi hamenus taxa má-nutrisaun iha Timór Leste. Maibé, orsamentu ne'ebé la suficiente no informasaun katak iha problema balun kona-ba qualidade refeisaun ne'ebé fó ba labarik sira hamenus benefísiu ne'ebé programa ida-ne'e bele oferece.

Enjerál, indivíduu sira iha idade ativa benefisia mós husi apoiu kiik programa protesaun sosiál sira-nian, no baibain sira hasoru situasaun traballu prekáriu. Taxa partisipasaun iha forsa traballu nian sei kiik, ho maizoumenus populasau porsentu 30 ho idade entre tinan 15 no tinan 59 ne'ebé envolve-an iha atividade produtivu; feto sira apresenta taxa partisipasaun kiik liu tan. Aleinde ida-ne'e, un kuartu indivíduu sira ho idade ativa envolve-an iha atividade agrikultura subsisténsia de'it.

Majoria programa protesaun sosiál ne'ebé eziste mak elaboradu hodi hatán ba situasaun vulnerabilidade espesífiku no estremo, hanesan dezastres naturais ka violénsia ne'ebé bazeia ba jéneru, enkuantu programa sira ne'ebé relasiona ho traballu fó kobertura limitadu.

Introdusaun ba sistema kontributivu seguransa sosiál nian dahuluk iha nasaun ne'e, iha tinan 2017, sei aumenta kobertura no nível protesaun ba traballadór no ba sira-nia família. Maibé, nia kobertura iha ligasaun ho empregu formál, ne'ebé representa minoria empregu iha Timór Leste no, hanesan kualkér rejime kontributivu ida, lahó subsidiu, sei lori dékada ba dékada to'o sistema bele atinje maturidade. Ba sira ne'ebé inklui iha empregu informál – inklui ema sira ne'ebé servisu iha agrikultura – programa traballu públiku oferece ba indivíduu sira, ho kapasidade atu servisu, fonte rendimentu ida, no sai hanesan vetor ba dezvoltamentu infraestrutura komunitáriu. Maibé, maské iha programa balun ho natureza hanesan ne'e, nia kobertura kiik loos; aleinde ne'e, iha mós indikasaun katak bele hadia qualidade rezultadu produzidu. Habelar no hadia programa traballu públiku sira-nia efikásia bele kria empregu, hamenus mukit, hadia comunidade sira-nia ativas no dudu ekonomia lokál – liuliu iha áreas rurais. Hamutuk, programa kontributivu no naun kontributivu sira hatudu potenciál boot ida hodi garante nível prestasaun no kobertura adekua ba populasau ho idade ativa.

Protesaun Sosiál ba ferik/katuas mak ida ne'ebé abranjente liu bainhira ita konsidera faixa etária sira. Pensaun Sosiál (Subsidiu Apoiu ba Ferik/Katuas no Inválidu sira – SAIL) nia kobertura kuaze universál no nia prestasaun sira, maské kiik, natoon atu bele prodús impaktu iha família kiak no vulnerável nia laran. Prestasaun lakon poder kompra, tanba laiha reajamentu desde tinan 2010. Presiza haree kestaun ne'e no nível Prestasaun tenke iha ajustamentu hodi bele akompaña inflasaun, se lae bele mosu risku atu pensaun ne'e la prodús ona nia rezultadu tanba lakon valór real prestasaun nian. Aleinde ne'e, ferik/katuas sente dala barak difikuldade asesu ba servisu médiku no ba kuidadus espesializados, tanba servisu hirak-ne'e, públiku ka privadu, laiha de'it no tanba mós sira laiha kondisaun atu selu servisu hirak-ne'e. Akompaña número populasau ferik/katuas ne'ebé aumenta no espetativa moris ne'ebé mós aumenta lalais, esensiál atu hadia oferta no asesu ba servisu espesializadu ba ferik/katuas hodi garante grupu ida-ne'e nia moris dí'ak.

Husi rekomendasaun sira ne'ebé dezenvolve durante prosesu DNBA, balun husik ita halo estimativa kona-ba pensaun sira-nia kustu potenciál. Ezersísiu hodi halo kálkulu kustus utiliza Protokolu Avaliasaun Lais (PAL), ferramenta simples hodi halo kálkulu kona-ba kustus ne'ebé uza projesaun demográfika, ekonómika, merkadu traballu nian no Governu nia despeza, atu avalia kustus kona-ba partisipante sira-nia rekomendasaun, durante prosesu diálogo, ho nia referénsia mak PIB no despeza pública sira. Ba Timór Leste, ita dezenvolve senáriu estimativa kustus 64, inklui programa ezistente sira-nia reforma, hanesan *Bolsa da Mãe* no SAIL, nomós hatama medida foun balun, hanesan subsídiu ba labarik sira ho defisiénsia no insentivu ba kuidadus infantis no maternus. Aleinde ne'e, realiza mós ona ezersísiu mikrosimulasaun ne'ebé simples, bazeia ba dadus ikus ne'ebé disponível husi inkéritu ba agregadu familiár, hodi avalia mudansa potenciál kona-ba insidénsia mukt bainhira hatama ka hala'o prestasaun sira-nia reforma.

Ezersísiu kálkulu kona-ba kustus hatudu katak kombinasan kobertura universál ida ho nível prestasaun ne'ebé adekuaudu mak reforma promisor liu no eficiente hodi hamenus mukt. Liuliu, simulasaun ne'ebé halo tiha ona ba *Bolsa da Mãe* no ba SAIL hatudu evidénsia ida-ne'e: hasa'e kobertura no prestasaun *Bolsa da Mãe* nia valór prodús rezultadu signifikativu liu kona-ba hamenus mukt, enkuantu esforsu sira hodi restrinje SAIL ba indíviduu kiak de'it nia rezultadu mak taxa mukt boot liu duké taxa agora daudaun nian, no nakfila maioria hakaat ba oin ne'ebé realiza depoizda independénsia. Introdús prestasaun sira ba infánsia dahuluk no ba labarik sira ho defisiénsia apresenta mós relasan kustu-benefísiu ne'ebé dí'ak loos. Medida hirak-ne'e atu fó apoiu ba grupu vulnerável liu sira hotu, ho potenciál boot atu hadia signifikativamente sira-nia moris dí'ak, ho kustus kiik naton.

Ita tenke konsidera didiak kustus finanseirus ba reforma hirak-ne'e. Investimentu sira iha protesaun sosiál reprezenta parte signifikativu husi despeza pública no ita tenke hadia investimentu hirak-ne'e nia efikásia. Prioridade sira tenke transfere neneik-neneik, husi política ne'ebé kria hanesan meu hodi aumenta koezaun sosiál, ba medida sira ne'ebé bele prodús impaktu atu hamenus vulnerabilidade no mukt.

Ne'e duni, bainhira ita konsidera evidénsia no rekomendasaun hirak-ne'e, dalan balun ne'ebé identifikadu mak pré-rekizitu ka reforma promisor liu, hodi habelar protesaun sosiál ba ema hotu. Iha reforma sira ne'ebé presiza fó prioridade, tanba sira-nia potenciál impaktu aas, mak **haforsa medida sira hodi fó apoiu ba dezenvolvimentu Infánsia Dahuluk**, liuliu iha loron rihun ida hahú nian, hahú bainhira inan isin-rua, no habelar protesaun to'o idade ativa, liuliu liuhusi **implementasaun tomak rejime kontributivu sistema seguransa sosiál nian** no medida sira ne'ebé bele **hadia traballadór setór informal nia protesaun**. Ne'e duni, atu kualkér reforma saída de'it bele iha susesu, esensial mak **hadia kapasidade institusional iha nível orsamentasaun, jestaun, implementasaun, monitorizasaun no avaliasaun política sira**, nomós **aliña prioridade política sira ho distribuisaun orsamentál**. Fatór rua ne'e importante liu atu investimentu iha protesaun sosiál iha refleksu ba avansu dezenvolvimentu umanu no populasaun nia moris dí'ak.

Sistema Protesaun Sosiál ne'ebé eziste fó baze ida dí'ak loos ne'ebé, hamutuk ho rekursu sira adekuaudu no ho desizaun política informada, sei prodús progresu signifikativu hodi estabelese Pizu sira Protesaun Sosiál nian iha Timór Leste ba ema hotu, no sei alkansa objetivu sira ne'ebé PED no Objetivu Dezenvolvimentu Sustentável estabelese.

ÍNDISE

<u>LIAN MAKLOKE MINISTÉRIU SOLIDARIEDADE SOSIÁL NIAN</u>	<u>V</u>
<u>LIAN MAKLOKE NASÕINS UNIDAS NIAN.....</u>	<u>VI</u>
<u>AGRADESIMENTU SIRA</u>	<u>VII</u>
<u>SUMÁRIU EZEKUTIVU</u>	<u>VIII</u>
<u>ÍNDISE</u>	<u>XIII</u>
LISTA FIGURA.....	XIV
LISTA GRÁFIKU	XV
LISTA TABELA.....	XVI
<u>ABREVIATURA NO AKRÓNIMU SIRA</u>	<u>XVII</u>
<u>1. INTRODUSAUN</u>	<u>1</u>
PIZU PROTESAUN SOSIÁL.....	2
DIÁLOGU NASIONÁL NE'EBÉ BAZEIA BA AVALIASAUN	3
DNBA IHA TIMÓR LESTE	6
KONA-BA RELATÓRIU NE'E	8
<u>2. TIMÓR LESTE – PANORAMA SOSIOEKONÓMIKU</u>	<u>9</u>
DEMOGRAFIA	9
EKONOMIA.....	10
FORSA TRABALU NIAN	14
REZILIÊNCIA, MUKIT NO DEZIGUALDADE	15
<u>3. PROTESAUN SOSIÁL IHA TIMÓR LESTE</u>	<u>21</u>
KOERTURA.....	22
BENEFÍSIU SIRA-NIA ADEKUASAUN	24
INVESTIMENTU SIRA IHA PROTESAUN SOSIÁL	26
ASESU BA SERVISU SAÚDE	32
PROTESAUN SOSIÁL BA LABARIK SIRA	47
PROTESAUN SOSIÁL IHA IDADE ATIVA	63
PROTESAUN SOSIÁL BA EMA FERIK/KATUAS	78
PRINSIPAL LIMITASAUN, LAKUNA NO PROBLEMA IMPLEMENTASAUN	87
<u>4. PROMOVE PIZU PROTESAUN SOSIÁL IHA TIMÓR LESTE</u>	<u>89</u>

OBJETIVU NO REKOMENDASAUN SIRA BA ESTRATÉJIA NASIONAL PROTESAUN SOSIÁL.....	89
5. ESTIMATIVA KUSTUS ATU IMPLEMENTA REFORMA SIRA	94
METODOLOJIA DE CÁLCULO DE KUSTUS.....	94
OPSAUN POLÍTICA PRELIMINAR NO SENÁRIU HODI KALKULA KUSTUS.....	97
POLÍTICAS SIRA BA INFÁNSIA	98
POLÍTICA SIRA BA IDADE ATIVA.....	107
POLÍTICA SIRA BA FERIK/KATUAS	109
POLÍTICA SIRA KONA-BA ASESU BA SAÚDE	110
SUMÁRIU KONA-BA EZERSÍSIU KÁLKULU KUSTUS SIRA-NIAN	114
KUSTUS NO BENEFÍSIU SIRA – IMPAKTU POTENSIÁL BA MUKIT	115
ANÁLIZE BADAQ KONA-BA ESPASU FISKÁL.....	119
6. KONKLUZAUN NO MEIUS HODI PROMOVE PIZU PROTESAUN SOSIÁL IHA TIMÓR LESTE. 122	122
BIBLIOGRAFIA	127
ANEKSU I – PROGRAMA SIRA-NIA KOBERTURA	130
ANEKSU II – REZULTADU HUSI PROTOKOLU AVALIASAUN LAIS.....	132
MODELU PAL – INDIKADÓR PRINSIPÁL – PROJESAUN TO’O IHA TINAN 2030.....	132
MODELU PAL – REZULTADU SIRA BA POLÍTICA SIRA NE’EBÉ ORIENTA BA LABARIK SIRA, TUIR PROGRAMA – PROJESAUN 2030	132
MODELU PAL – REZULTADU KONA-BA POLÍTICA SIRA BA IDADE ATIVA – PROJESAUN BA 2030	136
MODELU PAL – REZULTADU KONA-BA POLÍTICA SIRA BA FERIK/KATUAS – PROJESAUN BA 2030	136
MODELU PAL – REZULTADU BA POLÍTICA SIRA KONA-BA ASESU BA SAÚDE, TUIR PROGRAMA – PROJESASUN 2030.....	137
SENÁRIU AGREGADU HO KUSTU KIIK NO AAS, TUIR GARANTIA PPS NO PROGRAMA NIAN.....	139
ANEKSU III – NOTA METODOLÓJIA BA MIKROSIMULASAUN	141

Lista Figura

<i>Figura 1: Estrutura kona-ba Matrís Avaliasaun nian</i>	<i>4</i>
<i>Figura 2: Prosesu DNBA no ENPS nia dezvoltamentu iha Timór Leste</i>	<i>6</i>
<i>Figura 3: Populasaun Timór Leste tuir Grupu Etáriu sira iha tinan 2015</i>	<i>10</i>
<i>Figura 4: Insidénsia kona-ba Mukit, tuir percentajen populasaun, liuhusi Munisípiu, 2014.....</i>	<i>18</i>
<i>Figura 5: Política no Programa Protesaun Sosiál sira-nian, tuir grupu etáriu alvu no tipu benefísiu – 2016.....</i>	<i>22</i>
<i>Figura 6: Inseguransa Alimentar liuhusi Munisípiu sira, ho percentajen populasaun</i>	<i>38</i>

Lista Gráfiku

Gráfiku 1: Ekonomia Timór Leste nian, tuir PIB Petrolíferu no Naun Petrolíferu, no nia mudansa sira	10
Gráfiku 2: Saldu Fundu Petrolíferu nian no Reseita Petrolífera sira-nian, ho Billaun US\$	11
Gráfiku 3: Indikadór sira kona-ba Mukit iha Timór Leste, tinan 2001 to'o tinan 2014.....	16
Gráfiku 4: Distribuisaun Konsumu, per kapita, iha Timór Leste - 2014.....	19
Gráfiku 5: Agregadu Familiar ne'ebé hasoru difikuldade hodi hatán ba nesesidade sira, tuir tipu, ho % husi Totál Agregadu familiár - 2014	19
Gráfiku 6: Agregadu Familiár sira ho Inseguransa Alimentar, ho persentajen husi totál agregadu familiar, tuir kintil rendimentu nian - tinan 2014.....	20
Gráfiku 7: Númeru Benefisiáriu sira no Grupu-Alvu sira-nia Kobertura (%) programa Protesaun Sosiál iha Timór Leste selesionadu – tinan 2017 ka tinan ikusmai.	23
Gráfiku 8: Prestasaun sira-nia adekuasaun tuir Indikadór Ekonómiku, Programa sira Transferénsia Regular Rendimentus – 2014	25
Gráfiku 9: Despeza Públika, item selesionadu, ho valór korrente (Millaun USD)	26
Gráfiku 10: Investimentu sira iha Programa Protesaun Sosiál, tuir Ministériu Responsável - 2015	27
Gráfiku 11: Investimentu sira iha Programa Protesaun Sosiál, tuir Tipu Programa	27
Gráfiku 12: Distribuisaun Investimentu sira iha Protesaun Sosiál, tuir grupu etáriu – Inklui Programa sira ba Veteranus, iha tinan 2015	29
Gráfiku 13: Distribuisaun Investimentu sira iha Protesaun Sosiál, tuir grupu etáriu – La inklui Programa sira ba Veteranus, iha tinan 2015	30
Gráfiku 14: Asesu ba Bee Moos no Saneamentu, tuir área –tinan 2001 to'o 2015	33
Gráfiku 15: Mortalidade Infantil, kiik liu tinan 1 no kiik liu tinan 5 (ba 1000 moris ho iis), no Mortalidade Materna (ba 100.000 naximentu) – 2001 to'o 2015.....	34
Gráfiku 16: Kuidadus Pré-Natal no Pós-partu, ho persentajen naximentu	35
Gráfiku 17: Indikadór Má-nutrisaun iha Timór Leste, ho persentajen labarik sira ki'ik liu tinan 5	36
Gráfiku 18: Taxa Matrikula Bruta (%), tuir Nível Edukasaun	48
Gráfiku 19: Taxa Imunizasaun ba Labarik sira Kiik liu tinan 5, tuir tipu Vasina	49
Gráfiku 20: Nível Eskolaridade Indivíduu sira iha Forsa Traballu - 2013.....	65
Gráfiku 21: Bolsa da Mãe –Kobertura Atual – Senáriu sira ho Valór Prestasaun ne'ebé la hanesan, ho persentajen PIB nian	99
Gráfiku 22: Bolsa da Mãe - Kobertura Atual – Senáriu sira ho Valór Prestasaun ne'ebé la hanesan, ho persentajen Despeza Públika	100
Gráfiku 23: Bolsa da Mãe – Reforma sira iha Kobertura – Senáriu sira kona-ba Valór Prestasaun Atual, ho persentajen PIB nian	100
Gráfiku 24: Bolsa da Mãe – Reforma sira iha Kobertura – Senáriu sira kona-ba Valór Prestasaun Atual, ho persentajen Despeza Públika	101
Gráfiku 25: Bolsa da Mãe – Reforma sira iha Kobertura no Aumentu 100% iha Valór Prestasaun sira, ho persentajen PIB nian.....	101
Gráfiku 26: Bolsa da Mãe – Reforma sira iha Kobertura no Aumentu 100% iha Valór Prestasaun sira, ho persentajen Despeza Públika.....	102
Gráfiku 27: Bolsa da Mãe – Reforma sira iha Kobertura no aumentu 240% iha Prestasaun sira-nia Valór, ho persentajen PIB nian	102
Gráfiku 28: Bolsa da Mãe – Reforma sira iha Kobertura no aumentu 240% iha Prestasaun sira-nia Valór, ho persentajen Despeza Públika sira-nian	103

<i>Gráfiku 29: Introdusaun Prestasaun sira ba Labarik sira ho Defisiénsia,ho persentajen PIB no Despeza Públika sira</i>	<i>104</i>
<i>Gráfiku 30: Senáriu sira kona-ba Merenda Eskolar, ho persentajen PIB nian.....</i>	<i>105</i>
<i>Gráfiku 31: Senáriu sira kona-ba Merenda Eskolar,ho persentajen Despeza Públika sira-nian ..</i>	<i>105</i>
<i>Gráfiku 32: Introdusaun Prestasaun ba Transporte Eskolar, ho persentajen PIB nian</i>	<i>106</i>
<i>Gráfiku 33: Introdusaun Prestasaun ba Transporte Eskolar, ho persentajen Despeza Públika sira-nian</i>	<i>107</i>
<i>Gráfiku 34: Senáriu kona-ba Empregu Rural, ho persentajen PIB nian</i>	<i>108</i>
<i>Gráfiku 35: Senáriu sira kona-ba Empregu Rural, ho persentajen Despeza Públika sira-nian</i>	<i>108</i>
<i>Gráfiku 36: Senáriu sira kona-ba Kálkulu Kustus ba SAI, ho persentajen PIB nian.....</i>	<i>110</i>
<i>Gráfiku 37: Senáriu kona-ba Kálkulu Kustus ba SAI, ho persentajen Despeza Públika sira-nian</i>	<i>110</i>
<i>Gráfiku 38: Introdusaun Reembolsu Despeza ho Transporte Médiku, ho persentajen PIB nian</i>	<i>112</i>
<i>Gráfiku 39: Introdusaun Reembolsu Despeza ho Transporte Médiku, ho persentajen Despeza Públika sira-nian</i>	<i>112</i>
<i>Gráfiku 40: Introdusaun Insentivu sira ba Kuidadus Materno-Infantil, ho persentajen PIB nian</i>	<i>113</i>
<i>Gráfiku 41: Introdusaun Insentivu sira ba Kuidadus Materno-Infantil, ho persentajen Despeza Públika sira-nian</i>	<i>113</i>
<i>Gráfiku 42: Rezumu kona-ba kustus Estimadus to’o tinan 2030, programa no Senáriu sira selesionadu, ho persentajen PIB nian, tuir garantia PPS nia ne’ebé dominante.....</i>	<i>114</i>
<i>Gráfiku 43: Balansu Fiskál Projetadu ba Timór Leste, ho persentajen PIB nian</i>	<i>120</i>
<i>Gráfiku 44: Númeru Benefisiáriu husi Programa sira Protesaun Sosiál nian iha Timór Leste – 2017 ka tinan sira ikus mai ne’ebé disponível</i>	<i>130</i>
<i>Gráfiku 45: Kobertura ba Grupu-Alvu (%) ba Programa Protesaun Sosiál sira-nian iha Timór Leste – tinan 2016 ka tinan ikusmai ne’ebé disponível</i>	<i>131</i>

Lista Tabela

<i>Tabela 1: Projesaun kona-ba Dezenvolvimentu Demográfiku iha Timór Leste, 2015 -2100.....</i>	<i>9</i>
<i>Tabela 2: Indikadór Ekonómiku no Fiskál iha Timór Leste, tuir folin agora daudaun</i>	<i>13</i>
<i>Tabela 3: Insidénsia Mukit iha Timór Leste, dadus ketak tuir grupu sira</i>	<i>17</i>
<i>Tabela 4: Ministériu Solidariedade Sosiál nia Despeza, tuir programa sira selesionadu – 2010 to’o 2016.....</i>	<i>28</i>
<i>Tabela 5: Projesaun Populasaun to’o iha tinan 2030, tuir faixa etária</i>	<i>95</i>
<i>Tabela 6: Rezultadu husi Ezersísiu Mikrosimulasaun iha Senáriu sira ne’ebé hili, ho Kustus,tuir programa no garantia PPS nian.</i>	<i>117</i>
<i>Tabela 7: Projesaun PAL – Indikadór Prinsipál ba tinan sira ne’ebé selesionadu</i>	<i>132</i>

ABREVIATURA NO AKRÓNIMU SIRA

ADB	Banku Dezenvolvimentu Aziátiku
ASEAN	Asosiasaun Nasaun Sudeste Aziátiku
CCI-TL	Kámara Komérsio no Indústria Timór Leste nian
CD	Komité Desizaun
CESCR	Komité Direitus Ekonómikus, Sosiais no Kulturaís ONU nian
CFP	Komisaun Funsan Públika
CPLP	Komunidade Nasaun sira Lían Portugés
CRD	Komité Redasaun Dokumentus
DESA	Departamentu Asuntus Ekonómikus no Sosiais Nasõins Unidas nian
DGE	Diresaun Jerál Estatística
EdV	Eskala kona-ba Vulnerabilidade
ENPS	Estratéjia Nasionál Protesaun Sosiál
FMI	Fundu Monetáriu Internasionál
FP	Fundu Petrolíferu
GCA	Grupu Konsulta Alargadu
GPM	Gabinete Primeiru-Ministru
GTE	Grupu Tékniku Espesializadu
IGT	Inspesaun Jerál Traballu nian
IMC	Índise masa korporál
JMP	<i>Joint Monitoring Programme</i>
KSTL	Konfederasaun Sindikatus Timór Leste
MdD	Ministériu Defeza
MdE	Ministériu Edukasaun
MdF	Ministériu Finansas
MdPF	Ministériu Planu no Finansas
MdS	Ministériu Saúde
MECAE	Gabinete Ministru Koordinator ba Asuntus Ekonómikus
MECAS	Gabinete Ministru Koordinator ba Asuntus Sosiais
MSS	Ministério Solidariedade Sosiál
ODS	Objetivu Dezenvolvimentu Sustentável
OIT	Organizasaun Internasionál Traballu nian
OMS	Organizasaun Mundiál Saúde nian
ONU	Organizasaun Nasõins Unidas
p.p.	Pontu Persentuál
PAR	Protokolu Avaliasaun Lais
PCD	Ema ho defisiénsia
PED	Planu Estratéjiku Dezenvolvimentu Nasionál 2011-2030
PIB	Produtu Internu Brutu
PNTL	Polísia Nasionál Timór Leste
PNUD	Programa Nasõins Unidas ba Dezenvolvimentu
PPP	Poder Paridade Kompra
PPS	Pizu Protesaun Sosiál sira-nian
R4D	<i>Roads for Development</i>
RDTL	Repúblika Demokrátika Timór Leste
RSE	Rendimentu Sustentável Estimadu



SAIL	Subsídriu Apoio ba Ferek/Katuas no Inválidu sira
SEJT	Sekretaria Estadu Juventude no Traballu
SEPFOPE	Sekretaria Estadu ba Polítika Formasaun Profisional no Empregu
SISCA	Servisu Integradu Saúde Komunitária
UNESCO	Nasõins Unidas nia Organizasaun Edukasiona, Sientífika no Kultural Unidas
UNICEF	Nasõin Unidas nia Fundu ba Infánsia

1. INTRODUSAUN

Ita labele nega progresu sira ne'ebé Timór Leste halo hodi habelar protesaun sosiál no garantia sosiál ba sidadaun sira. Hahú iha nasaun nia independénsia, governu sira desenvolve política no programa protesaun sosiál lubuk ida ho objetivu hodi apoiu ema no família sira ne'ebé vulnerável, tuir determina iha artigo 56 Konstituisaun Nasionál⁴ nian.

Nasaun iha ona política no programa lubuk ida karik ita konsidera nia estájiu desenvolvimentu. Programa abranjente oioin ho natureza naun-kontributiva iha vigór ona, servisu públiku saúde no edukasaun gratuitu no universál ba sidadaun hotu-hotu, no esforsu hodi habelar asesu ba servisu sira seluk ne'ebé esensial (transporte, eletrisidade, bee, saneamento, nst.) mak foku husi investimentu públiku sira, durante tinan sanulu ikus mai. Sistema Protesaun Sosiál ne'ebé eziste, mak uluk harii hodi hadia koezaun sosiál no dame, no programa oioin ho dimensaun oioin mak representa parte boot ida orsamentu Estado nian, tanba to'o iha tinan 2016 programa no rejime sira hotu hetan finansiamentu husi Orsamentu Jerál Estado nian.

Entretantu, númeru programa sira no montante investimentu la signifika katak iha duni kobertura adekua ba grupu oioin sira hotu. Lakuna iha grupu balun nia kobertura signifikativu duni no nasaun laiha abordajen koerente no integrada ba protesaun sosiál, no ida ne'e iha refleksu ba auzénsia estratéjia ka política nasional ida iha área ne'e. Aprovasaun Rejime Jerál Seguransa Sosiál (kontributivu) foin daudauk mak etapa ida importante ba desenvolvimentu sistema integradu protesaun sosiál nian ida. Sistema seguransa sosiál foun atu haforsa espiritu síviku, liga sidadaun idak-idak nia direitus no deveres no hadia protesaun husi grupu vulnerável, sira-ne'ebé moris ki'ak no sira-hotu ne'ebé servisu no kontrubui ho maneira ruma ba desenvolvimentu nasional.

Ita sei presiza halo buat barak hodi garante direitu ne'ebé define iha Konstituisaun Nasionál ba sidadaun timoroan sira hotu, nomós atu atinje objetivu ne'ebé estabelese iha Planu Nasionál Estratéjiku Desenvolvimentu nian (PNED) no iha Objetivu Desenvolvimentu Sustentável (ODS), ho meta 1.3 *"atu implementa sistema no medida protesaun sosiál sira-nian adekua iha nível Nasionál ba ema hotu, inklui pizu sira, no to'o iha tinan 2030 alkansa kobertura substansial ba muki no vulnerável sira"*. Durante Reuniaun Ministru Traballu no Asuntus Sosiais husi Komuidade Nasaun Língua Portuguesa (CPLP) ba dala XIII, ne'ebé organiza iha Timór Leste, iha lora 30 fulan abril to'o iha lora 1 fulan maiu tinan 2015, Estado Membre sira hametin sira-nia kompromisu (Deklarasaun Tíbar nian) kona-ba Pizu sira Protesaun Sosiál (PPS) no Governu Timór Leste halo kompromisu hodi desenvolve nia Estratéjia Nasionál Protesaun Sosiál nian.

Iha kontestu ne'e, haree ba direitu sira ne'ebé Kontituisaun Nasionál garante no ba kompromisu internasional ne'ebé Timór Leste foti, Ministériu Solidariedade Sosiál (MSS), parseria ho Organizasaun Internasional Traballu nian (OIT) iha ámbitu programa ACTION/Portugal, hahú desenvolvimentu Estratéjia Nasionál Protesaun Sosiál. Estratéjia ida-ne'e nia desenvolvimentu bazeia ba konseitu kona-ba Pizu Protesaun Sosiál no realiza liuhusi ezersíu Diálogu Nasionál ne'ebé Bazeia ba Avaliasaun (DNBA).

Relatóriu ida-ne'e mak prosesu diálogu nasional nia rezultadu dahuluk no nia buka hatudu vizaun klaru kona-ba estado desenvolvimentu umanu iha Timór Leste, avalia sistema protesaun sosiál nia situasaun iha nasaun, identifika nia lakuna no problema implementasaun sira, apresenta

⁴ Tuir parágrafu 1 "Sidadaun hotu-hotu iha direitu ba seguransa sosiál no ba asisténsia sosiál, tuir lei".

rekomendasaun, bazeia ba análise ne'ebé realiza ona, no halo simulasaun kona-ba potenciál impaktu no kona-ba reforma hirak-ne'ebá nia kustus realizasaun.

Pizu Protesaun Sosiál

Pizu Protesaun Sosiál sira mak baze konseptuál DNBA nian no ferramenta di'ak hodi analiza programa protesaun sosiál sira, kontributivu no naun kontributivu, no hodi identifika medida nesesária ne'ebé husik ita bele oferese sistema protesaun sosiál ida ne'ebé luan liu no tane iha direitu sira. Konseitu PPS dezenvolve liuhusi Inisiativa Konjunta ba Pizu Protesaun Sosiál husi Organizasaun Nasõins Unidas (ONU), hodi apoiu nasaun sira kona-ba planeamentu no implementasaun medidas protesaun sosiál no servisu sosiál ne'ebé esensiál. Konseitu kona-ba Pizu Protesaun Sosiál tradús iha Rekomendasaun N. 202 OIT nian, ne'ebé OIT nia Estadu Membru sira hotu aprova internacionalmente iha fulan jullu tinan 2012.

Tuir buat ne'ebé estabelese iha Rekomendasaun N. 202 OIT nian, PPS tenke dezenvolve no adekua ba kontestu nasionál, ho objetivu hodi assegura asesu ba garantia sosiál bázika lubuk ida ba siklu moris tomak no ba ema hotu. PPS tenke implementa no respeita nasaun idak-idak no hadia ho maneira gradual nível protesaun ne'ebé oferese hodi assegura katak garantia haat, ne'ebé lista iha kraik, sei iha vigór⁵:

- Asesu ba beins no servisu lubuk ida ne'ebé define nasionalmente, no ne'ebé **konstitui kuidadu báziku saúde esensiál**, inklui kuidadus maternidade, ne'ebé hatán ba prinsípiu disponibilidade, asesibilidade, aseitabilidade no qualidade;
- **Seguransa bázika rendimentu ba labarik sira**, pelumenus ba nível mínimu ne'ebé define nasionalmente, no ne'ebé fó asesu ba nutrisaun, edukasaun, kuidadus no beins no servisu sira seluk nesesáriu;
- **Seguransa bázika rendimentu ba ema iha idade ativa**, pelumenus iha nível mínimu ne'ebé define nasionalmente, no ne'ebé lakonsege hetan rendimentu suficiente, liuliu ba kazu moras, desempregu, maternidade no defisiénsia; no
- **Seguransa bázika rendimentu ba ferik/katuas**, pelumenus iha nível mínimu ne'ebé define iha nível Nasionál.

Garantia haat estabelese padraun mínimu kona-ba asesu, abranjénsia no nível seguransa rendimentu no kuidadus saúde nian iha sistema nasionál protesaun sosiál nian, envésde defende kuadru espesífiku ida ka instrumentu polítika sira-nian. Oinsá nasaun idak-idak tenke kontinua atu promove PPS sira, depende husi desizaun Nasionál ida, ne'ebé bele inklui transferénsia osan, transferénsia jénerus no prestasaun direta servisu sira (hanesan saúde, edukasaun, bee, saneamentu, entre sira seluk) no katak, ikus liu, buka fó ba membru sira hotu sociedade nian possibilidade no kapasidade asesu ba konjuntu mínimu beins no servisu, iha moris nia momentu sira hotu. Maské la'os nasaun hotu-hotu mak bele implementa kedas komponente sira ba populasaun tomak, PPS fó plataforma ida ne'ebé permite projeta nia implementasaun progresiva, iha ámbitu vizaun abranjente sistema protesaun sosiál nian.

Kuadru PPS nian, ema rekoñese loos iha nível internacional, liuliu G20, CPLP, ASEAN no Komité Direitus Ekonómikus, Sosiais no Kulturais ONU nian (CESCR), entre sira seluk. PPS mak konstitui esplisitamente ODS ida, loloos meta 1.3, ne'ebé buka "*implementa sistema no medida protesaun sosiál sira ne'ebé adekua iha nível nasionál ba ema hotu, inklui pizu sira, no to'o iha tinan 2030*

⁵Haree OIT. 2012. Recomendações sobre os Pisos de Proteção Social, 2012, n. 202, parágrafo 5.

alkansa kobertura substansiál ba ema mukit no ba vulnerável sira". Aleinde ne'e, objetivu no meta sira seluk balun iha relasaun direta ho protesaun sosiál, hanesan porezemplu Objektivu 1 "Halakon mukit nia forma oioin no iha fatin saida de'it" ka Objektivu 3 "Garante ema nia moris saudável no promove moris diak ba ema hotu iha idade saida de'it".⁶

Diálogu Nasionál ne'ebé Bazeia ba Avaliasaun

Diálogu Nasionál ne'ebé Bazeia ba Avaliasaun mak prosesu partisipativu ida ne'ebé buka analiza kontestu atuál protesaun sosiál iha nasaun, identifika lakuna sira kona-ba nia kriaasaun no problema implementasaun polítika no programa sira-nian, dezenvolve rekomendasaun konkretu hodi habelar PPS sira ba ema hotu no halo estimativa kona-ba kustus, hodi ezejuta reforma sira ne'ebé propostu, no avansa ba sistema protesaun sosiál ida ne'ebé integradu liu. Iha Timór Leste, prosesu iha tan objetivu hodi kria baze tékniku no define PPS Nasionál, liuhusi prosesu lejítimu ida, atu hahú baze sira ba Estratéjia Nasionál Protesaun Sosiál nian (ENPS) no nia dezvoltimentu.

DNBA konvida ator sira hotu interesadu atu hamutuk dezenvolve diagnóstiku kona-ba senáriu protesaun Sosiál agora daudaun, estabelese polítika prioritáriu partillada no define progresivamente vizaun hamutuk ida ba protesaun sosiál nia avansu iha nasaun. Atór sira hotu ne'ebé relevante hetan konvite hodi participa, inklui Ministériu sira, ajénsia ONU sira-nian, organizasaun representante husi traballadór no empregador sira, parseiru dezvoltimentu no sociedade sivil. Tanba envolve interesadu sira hotu iha área ne'e, prosesu DNBA garante katak pontudevista no ideia sira ne'ebé lahanesan bele integra iha prosesu desde nia momentu hahú, no evita rezisténsia iha tempu oin mai, no protestu ne'ebé bele difikulta rekomendasaun sira-nia implementasaun.

Ho liafuan simples, prosesu ne'e nia objetivu mak hatán ba kestaun sira tuirmai ne'e: *Situasaun protesaun sosiál agora daudaun oinsá? Lakuna hirak-ne'ebé mak iha hodi alkansa PPS sira? Saida mak prezisa halo hodi alkansa PPS sira? Ohin loron no iha futuru sistema nia kustu hira? Estadu bele finansia sistema ka prezisa espasu fiskál liutan?*

Iha Timór Leste ita adota prosesu ida ne'ebé inklui etapa lima: (1) Avaliasaun kona-ba Vulnerabilidade; (2) Dezvoltimentu Matrís Avaliasaun Protesaun Sosiál nian; (3) Kálkulu kona-ba Kustus ba Senáriu Polítika sira-nian; (4) Relatóriu DNBA nia finalizasaun hodi aprova; no (5) Dezvoltimentu ENPS nian. Hakaat idak-idak nia detalhe iha kraik.

Hakaat 1: Análize kona-ba Vulnerabilidade

Iha Timór Leste prosesu ne'e hahú ho hakaat preliminar, ida ne'ebé prevé iha metodolojia-padraun DNBA nian, mak Avaliasaun kona-ba Vulnerabilidade. Faze ida-ne'e inklui kontestu dezvoltimentu umanu nia análise, mukit no vulnerabilidade iha nasaun no produsaun husi diagnóstiku ida kona-ba protesaun sosiál nia situasaun. Nia objetivu mak dezeña imajen ida kona-ba populasaun nia kondisaun moris, nia nesesidade no vulnerabilidade sira, sé mak vulnerável liu no iha ne'ebé, no padraun hirak-ne'ebé ita bele observa iha dinámika nasional. Análize fó evidénsia no indikadór sira, nu'udar baze ba hakaat tuirmai, no uza dados diak liu ne'ebé disponível, inklui sensus, inkéritu no relatóriu Governu no organizasaun internasionál sira-nian, peskiza sientífika no konsulta direta ba parte sira ne'ebé interesadu. Atensaun boot liu fó mak ba

⁶ Haree Nasõins Unidas. 2015. Dokumentu A/70/ L.1, Transformando nosso mundo: a Agenda 2030 para o Desenvolvimento Sustentável.

grupu sira ne'ebé baibain vulnerável liu, hanesan feto, labarik, ferik/katuas, deficiente no sira seluk, no análise jerál halo tiha liuhusi garantia bázika PPS sira-nia lente.

Hakaat 2: Dezenvolvimentu kona-ba Matrís Avaliasaun Protesaun Sosiál nian

Hakaat daruak nia objetivu mak halo deskrisaun kona-ba sistema protesaun sosiál ne'ebé iha, identifika lakuna sira iha nia dezeñu no kriaun no problema implementasaun iha política sira, no halo rekomendasaun hodi kompleta PPS sira. Ba ida-ne'e mak halo Matrís Avaliasaun ida, ne'ebé fó kuadru ida, ne'ebé permite dezenvolve rezultadu sira mak iha leten. Matrís Avaliasaun bazeia ba PPS nia garantia haat hodi estuda kuadru protesaun sosiál nian agora daudaun – kontributivu no naun kontributivu –, hodi identifika lakuna sira iha planeamentu política sira-nian (grupu sira ne'ebé laiha kobertura, garantia sira ne'ebé la observa totálmente, nst.) no identifika lakuna sira iha nível ezekusaun no implementasaun política sira-nian (falla lojística, falta kapasidade técnica ka rekursus umanus, orsamentu ne'ebé la adekua, nst.). Figura 1 hatudu ezemplu kona-ba matrís jenérika.

Figura 1: Estrutura kona-ba Matrís Avaliasaun nian

	Objetivu sira	Política no Programa sira ne'ebé iha ona	Política no Programa sira Planeadu ona	Política sira-nia Lakuna	Problema ezekusaun nian	Rekomen-dasaun sira
Saúde	PPS nia Garantia haat	Identifikasaun kona-ba situasaun agora daudaun iha nasaun		Identifika lakuna iha política sira no iha sira-nia ezekusaun no hatudu oinsá atu atinje PPS		Opsaun política prioritária sira ho akordu liuhusi diálogo nasionál
Infância						
Idade Ativa						
Ferik/ Katuas						

Fonte 1: ILO. 2013. *Social protection assessment based national dialogue: a good practices guide*. Pájina 32.

Bazeia ba kuadru ida-ne'e, ita elabora rekomendasaun hodi hatán ba lakuna sira no hadia programa atual nia implementasaun, atu halo progresu iha prestasaun sira-nia provizaun no servisu sira iha ámbitu PPS nian. Rekomendasaun sira, ne'ebé mosu husi matrís, bele ho natureza oioin, inklui lansamentu programa foun balun, aumenta estensaun programa ne'ebé iha ona (nível kobertura no/ka prestasaun sira), revizaun husi prosesu elaborasaun política sira, hadia prosesu administrativu sira no koordenasaun entre programa sira, no sira seluk tan. Matrís Avaliasaun halo ho ator sira ne'ebé interesadu, liuhusi konsulta direta, semináriu no workshop sira.

Husi Matrís Avaliasaun, prosesu DNBA fahe rekomendasaun sira ba tipu rua: rekomendasaun ne'ebé orienta hodi kria rejime foun ka halo estensaun ba kobertura no ba prestasaun sira naun kontributiva; no rekomendasaun ne'ebé prevé programa kontributivu nia kriaun, inklui melloria iha koordenasaun entre rejime sira ne'ebé la hanesan, no rekomendasaun kualitativu kona-ba qualidade no lala'ok servisu prestadu. Tipu rekomendasaun dahuluk analiza iha DNBA nia hakaat

tuirmai (ne'ebé parte interesada sira konsidera relevante no prioridade), hodi bele halo estimativa kona-ba kustus ne'ebé relasiona ho reforma hirak-ne'e sira-nia implementasaun. Tipu rekomendasaun daruak rekér estudu espesífiku, ne'ebé la tama iha ámbitu ezersísu DNBA nian, tanba rekér métodu sofisticadu liu kona-ba halo estimativa ba ninia kustus.

Hakaat 3: Kálkulu kona-ba Kustus ba Polítika sira-nia Senáriu

Protokolu Avaliasaun Lais (PAL)⁷ mak ferramenta ida ne'ebé OIT dezenvolve no ne'ebé permite halo estimativa kona-ba Kustus ne'ebé relasiona ho prestasaun PPS sira-nia provizaun (ba saúde, labarik sira, ema iha idade ativa no ferik/katuas), no halo sira-nia projesaun iha horizonte tinan 15 iha tempu oin mai. Kustus implementasaun sira-nia estimativa iha tempu presente, no depoizde dezenvolve tiha modelu luan, no konsidera relasaun sira ne'ebé akontese entre elementu sira sosioekonómikus, demográfikus no merkadu traballu nian; husi ezersísu ida-ne'e mak mosu projesaun kona-ba kustus iha tempu oin mai nu'udar parte husi PIB no despeza públika. Estimativa kona-ba kustus hirak-ne'e importante ba diskusaun kona-ba orsamentu Governu nian no kona-ba disponibilidade espasu fiskál nian, nomós hodi ajuda atu define prioridade sira nu'udar opsaun no rekomendasaun ba kuadru polítika protesaun sosiál sira-nian. Ita sei diskute ho detalhe hakaat ida-ne' no nia metodolojia iha Kapítulu 5.

Hakaat 4: DNBA nia Finalizasaun

Relatóriu DNBA halibur husi rezultadu etapa molok sira-ne'e nian no fahe ho parte interesada sira-hotu relevante ba efeito validasaun tékniku. Ne'e inklui aprovasaun husi sistema protesaun sosiál no vizaun jerál nia deskrisaun, rekomendasaun no senáriu propostu sira-nia validasaun, no aprovasaun parámetru no premisa sira ne'ebé uza hodi halo kálkulu kona-ba kustus.

Dokumentu ida-ne'e apresenta relatóriu kona-ba prosesu DNBA iha Timór Leste.

Aleinde validasaun téknika, aprovasaun polítika mak vital hodi halo rekomendasaun no opsaun polítika sira ne'ebé asumidu ona sai realidade. Dokumentu tékniku ikus sei apresenta iha nível aas Governu nian no nia mak serve nu'udar baze ba ENPS, ne'ebé mós sei submete ba aprovasaun polítika.

Hakaat 5: Estratéjia Nasionál Protesaun Sosiál


DNBA iha Timór Leste nia hakaat ida tan inklui identifika, hahú iha prosesu ne'e, estratéjia ida abrajente ne'ebé husik orienta desenvolvimentu no integrasaun iha sistema protesaun sosiál iha nasaun, to'o iha tinan 2030, no sei konsidera Estratéjia Nasionál Protesaun Sosiál 2018-2030 nu'udar produktu ikus prosesu nian. Dokumentu buka estabelese dalan konsetuál no práttiku ba desenvolvimentu sistema nasional protesaun sosiál, iha kuadru ida efikás liu, efisiente, abranjente no integradu to'o iha tinan 2030, bazeia ba evidénsia téknika metin no ho vizaun úniku ne'ebé kria husi vizaun oioin parte interessada relevante sira-nian.

Traballu tomak no diskusaun husi parte interessada, ne'ebé realiza ona iha etapa molok ne'e, kontribui ba ENPS nia versaun preliminar, hanesan hatudu iha Figura 2. Hahú iha análise kona-ba situasaun, husi programa no polítika protesaun sosiál sira-nia inventáriu, husi sociedade nia vizaun kona-ba protesaun sosiál no estimativa kona-ba kustus ba implementasaun PPS ida ba ema hotu, objetivu sira, definisaun no rekomendasaun husi parte sira interesadu, tuir estratéjia koerente,

⁷ Husi inglés: *Rapid Assessment Protocol* – RAP.

viável no sustentável, hodi bele ajuda PPS iha Timór Leste la'ó ba oin. ENPS nia desenvolvimentu sei diskute liu tan iha Kapítulu 4.

Figura 2: Prosesu DNBA no ENPS nia desenvolvimentu iha Timór Leste



DNBA iha Timór Leste

Hanesan hatudu ona, DNBA mak prosesu partisipativu ba ida-ne'ebé parte interesada sira hetan convite, hodi elabora hamutuk diagnóstiku kona-ba senáriu protesaun sosiál nian agora daudaun, halo política prioritária ne'ebé fahe no define neneik-neneik vizaun hamutuk kona-ba hakaat sira ba oin kona-ba protesaun sosiál iha Timór Leste – no ne'ebé sei tradús iha Estratéjia Nasionál Protesaun Sosiál nian.

Prosesu hahú iha fulan marsu tinan 2016, ho VI Governu Konstitusionál Timór Leste nian, no ENPS nia draft dahuluk remata tiha iha semestre dahuluk tinan 2017; relatóriu ida-ne'e remata iha legislatura VII Governu Konstitusionál nian. Ita hein katak VIII Governu Konstitusionál fó continuidade ba prosesu desenvolvimentu no aprovasaun ENPS, no halibur ba prosesu partisipativu vizaun no lala'ok husi governu tolu ne'ebé la hanesan.

Prosesu Partisipativu

Prosesu realiza ho Governu Timór Leste nia supervizaun liuhusi Ministériu Solidariedade Sosiál (MSS) nia lideransa, no ho asisténsia técnica husi Nasõins Unidas ho liderança técnica husi Organizaun Internasionál Traballu nian (OIT). Parte sira ne'ebé interesadu organiza tuir grupu hirak-ne'ebé ka'er knaar no nível envolvimentu iha prosesu oioin. Grupu sira ne'ebé estabelese mak: Komité Desizaun ida, Grupu Konsulta Luan ida, Komité Redasaun Dokumentu sira no Grupu Tékniku Especializadu haat.

Komité Desizaun (KD) konstituidu ho elementu sira ne'ebé Governu Timór Leste⁸ nomeia, mak grupu responsável hodi aprova dokumentu, análise no desenvolvimentu sira iha âmbito prosesu

⁸Komité Desizaun inklui representante sira husi Gabinete Primeiru-Ministu, Gabinete Ministru Kordenador ba Asuntus Sosiais (MEKAS), Gabinete Ministru Kordenador Asuntus Ekonómikus (MEKAE), Ministériu Finansas no representante

DNBA. Aleinde ne'e, tanba grupu nia instituisaun sira mak nivel aas, ita hein katak nia membru sira bele fo apoiu ba prosesu aprovasaun politika ENPS nian. KD halibur malu dahuluk iha fulan outubru tinan 2016, hodi halo revizaun intermediariu kona-ba projetu no halo avaliasaun kona-ba konteudu sira ne'ebé prodúus to'o iha momentu ne'ebá. Ita hein katak sira bele enkontru dala ida tan hodi remata no halo aprovasaun ikus ENPS nian, hodi submete depois estratéjia atu Governu halo aprovasaun formál.

Komité Redasaun Dokumentus (KRD) mak responsável hodi elabora dokumentu sira, prodús relatóriu tékniku sira no halo draft ENPS. Konstitui husi tékniku MSS no OIT nian, no funsiona nu'udar fasilitadór prinsipál atu KD aprova materiál sira. KRD halibur malu beibeik durante tempu projetu ne'e la'o.

Grupu sira iha ne'ebé maioria diskusaun no análise akontese mak Grupu Tékniku Especializadu (GTE). Parte sira ne'ebé interesadu partisipa iha grupu traballu ida, ka liu, ne'ebé relevante tuir sira-nia objetivu, koñesimentu no mandatu, tanba iha grupu haat, idak-idak haree garantia esensial PPS nian ida (Labarik sira, Ema iha Idade Ativa, Ferik/Katuas no Saúde)⁹. Grupu idak-idak lidera husi instituisaun governamental ne'ebé iha konesimentu especializadu kona-ba tema ne'ebé diskute, ho apoiu husi ajénsia ONU nian. Grupu idak-idak enkontru dala lima iha tinan 2016 no, iha tinan 2017, sira realiza reuniaun finalizaun. Aleinde ne'e, ita organiza mos eventu tolu – ida dahuluk iha fulan juñu tinan 2016, ida daruak iha fulan outubru tinan 2016 no ida datoluk iha fulan marsu tinan 2018 – iha ne'ebé grupu haat hasoru malu hodi halo diskusaun kona-ba kestaun global, dezafiu komun no vizaun unifikada kona-ba protesaun sosial ba Timór Leste iha tinan 2030.

Haree ba detalhe tékniku maioria diskusaun no haree ba rekomendasaun barak ne'ebé mosu husi GTE nia traballu, iha fulan marsu 2017 ita realiza semináriu adisional ida tan, ho diretor sira-nia partisipasaun, ho ofisial nivel aas no ho Ministra Solidariedade Sosial de'it, hodi avalia buat ne'ebé dezenvolve ona to'o iha momentu ne'ebá no hodi halo eskolla estratéjiku entre opsaun politika propostu ne'ebé la hanesan durante prosesu diálogo. Desizaun sira ne'ebé foti mak rezultadu husi diskusaun klaru kona-ba konseitu, rekomendasaun no estratéjia xave. Rezultadu husi eventu ne'e mak rekomendasaun lubuk ida ne'ebé koerente liu, bazeia ba konseitu sira ne'ebé define ho klaru, kona-ba politika, programa no rejime sira ne'ebé tenke konsidera iha ámbitu Sistema Nasionál Protesaun Sosial nian.

Ikus liu, Grupu Konsulta Alargadu (GKA) inklui mos, aleinde representante sira husi Governu, representante husi parseiru sosial, sociedade sivil timoroan no parseiru internasionál sira, inklui ajénsia ONU ne'ebé envolve iha protesaun sosial. Grupu ne'e harii hodi garante avaliasaun luan no validasaun rezultadu ikus prosesu DNBA nian no nu'udar maneira atu verifika, besik sociedade sivil timoroan, karik rezultadu prosesu hatudu duni populasan Timór Leste nia hakarak no

tolu husi Ministériu Solidariedade Sosial (Diretor-Jerál Protesaun Sosial no Asuntus Kombatentes Luta Libertasaun Nasionál, Diretor Nasionál Seguransa Sosial Kontributiva no Diretor Nasionál Seguransa Sosial Naun Kontributiva).

⁹ 1) Grupu Tékniku Especializadu iha área Labarik sira: lidera husi MSS, apoiu tékniku husi UNICEF no representante sira husi MEKAS, Komisaun Direitus Labarik, Ministériu Justisa, Ministériu Edukasaun no Ministériu Saúde. 2) Grupu Tékniku Especializadu iha área Idade Ativa: lidera husi SEPFOPE, apoiu tékniku OIT no kompostu husi representante sira MSS, MEKAE, MEKAS, Ministériu Saúde, Sekretáru Estadu ba Apoiu no Promosaun Sosioekonómika Feto sira, Inspesaun Jerál Traballu nian, Komisaun Funsan Públika, Polisia Nasionál Timór Leste, representante sira husi Parseiru Sosial, Konfederasaun Sindikatus Timór Leste (KSTL) no Kámara Komérsiu no Indústria Timór Leste nian (CCI-TL). 3) Grupu Tékniku Especializadu iha área Ferik/Katuas: lidera husi MSS, apoiu tékniku OIT no kompostu husi representante sira MEKAS no Ministériu Saúde. 4) Grupu Tékniku Especializadu iha área Saúde: lidera husi Ministériu Saúde, apoiu tékniku OMS no representante sira integrante husi MSS, MEKAS, MEKAE no Komisaun Kombate HIV/SIDA.



nesesidade sira. Iha fulan marsu tinan 2018, ami realiza workshop ida hodi halo revizaun no aprova rezultadu prosesu DNBA no nia relatóriu.

Kona-ba relatóriu ne'e

Relatóriu ida-ne'e buka apresenta avaliasaun no rekomendasaun sira kona-ba habelar protesaun sosiál, ne'ebé dezenvolve ona liuhusi prosesu konsultivu, ne'ebé Governu Timór Leste organiza, ho assisténsia téknika ONU nian no ho parseiru sosiál, parseiru dezenvolvimentu no sosiedade sivil sira-nia partisipasaun.

Haree ba medida protesaun sosiál sira-nia abranjénsia luan, sira-ne'e afeta no iha sinerjia oioin ho polítika saúde, edukasaun no empregu nian. Maibé, área hirak-ne'e iha Governu timoroan nia tutela oioin, no sira iha sira-nia estratégia rasik no planu ba longu prazu. Hanoin ida-ne'e, hamutuk ho intensaun atu kria duplikasaun no sobrepozisaun ba mandatu protesaun sosiál nian, relatóriu ida-ne'e observa protesaun sosiál nia knaar atu fó apoiu ba saúde, edukasaun no empregu, maibé husik polítika espesífiku área hirak-ne'e nian ba sira-nia tutela. Relatóriu nia estrutura iha kapitulu neen, inklui Introdusaun ne'e. Kapitulu 1 halo deskrisaun kona-ba prosesu DNBA iha Timór Leste. Kapitulu 2 no 4 apresenta rezultadu sira kona-ba metodolojia nia etapa 1 no 2, Avaliasaun Vulnerabilidade no Matrís Avaliasaun Protesaun Sosiál nian, no inklui konstestu timoroan nia deskrisaun, situasaun dezenvolvimentu umanu, kuadru atuál programa protesaun sosiál sira-nian no konjuntu rekomendasaun no senáriu ne'ebé dezenvolve ona. Kapitulu 5 hatudu detalhe kona-ba kálkulu kustus ba opsaun polítika sira ne'ebé hili ona no Kapitulu 6 apresenta konkluziun no dezafiu prinsipál ba dezenvolvimentu sistema protesaun Sosiál iha Timór Leste.

2. TIMÓR LESTE – PANORAMA SOSIOEKONÓMIKU

Timór Leste mak nasaun ida joven loos iha mundu no ne'ebé hahú iha tempu independénsia, iha tinan 2002, nasaun kiik ne'e ema konsidera hannesan ezemplu kona-ba tranzisaun ba demokrasia. Maibé, nia istória kiik nu'udar Estadu soberanu hasoru difikuldade boot loos hodi mantein dame, nomós hodi hasai nia populasaun husi situasaun mukit estremu no garante moris dignu ba timoroan sira hotu. Depoizde referendu ba independénsia iha tinan 1999, nasaun hasoru atake ida husi grupu sira-ne'ebé kontra independénsia, no ida-ne'e kontribui ba infraestrutura sira-nia destruisaun kuaze totál no duni-sai uma ema rihun ba rihun. Iha tinan 2006-2007, krize política ida ameasa estabilidade, bainhira mosu protestu no epizódiu violénsia oioin, no lori tan destruisaun no ema nia deslokasaun. Maibé, desde momentu ne'ebá, nasaun hatudu beibeik nia reziliénsia no nia kompromisu ho dame no dezvoltamentu. Kapítulu ida-ne'e hatudu elementu oioin ne'ebé influensia protesaun sosiál, husi pontudevista jerál, no husik ba Kapítulu 3 análise ne'ebé sentradu iha garantia haat esensiál PPS sira-nian.

Demografia

Timór Leste nasaun ida joven loos, ho populasaun maizoumenus abitante millaun 1,18. Kuaze populasaun porsentu 60 kiik liu tinan 25 no idade mediana mak tinan 18,5 iha tinan 2015; husi sorin seluk, maizoumenus porsentu 8,2 idade boot liu tinan 60¹⁰. Figura 3 hatudu pirâmide demográfica Timór Leste nian. Taxa fertilidade ida-ne'ebé boot loos iha mundu, ho média labarik 5,9 ba feto idak-idak¹¹, maibé taxa ne'e komesa tuun durante tinan sira ikusmai. Tuir projesaun, senáriu ne'e atu muda neneik, ho índise dependénsia nafatin kiik iha dékada sira tuirmai, hanesan hatudu iha Tabela 1. Husi sorin seluk, esperansa moris bainhira moris ho iis aumenta lalais loos, husi tinan 60,2 iha 2001 ba tinan 68,2 iha 2014, melloria fulan 6 tinan-tinan.¹²

Tabela 1: Projesaun kona-ba Dezenvolvimentu Demográfiku iha Timór Leste, 2015 -2100

Índise Dependénsia ¹³	2015	2030	2050	2100
Índise Dependénsia Totál	95,3	85,1	68,8	73,4
Índise Dependénsia Infantil	82,0	73,1	55,4	32,4
Índise Dependénsia Ferik/Katuas	13,3	12,0	13,3	40,9

Fonte 2: Ba 2015: RDTL, Ministériu das Finanças. 2016. Censo Geral População e Habitação 2015. Ba 2030 no 2050: RDTL, Direção Geral de Estatística. 2011. Projeções do Censo de 2010. Para 2100: DESA. 2015. *World Population Prospects. The 2015 Revision*.

Maioria populasaun moris iha área rural (porsentu 70,5). Populasaun urbana konsentra iha kapitál, Díli, Munisípiu ne'ebé ho populasaun barak liu, ho populasaun urbana nasaun nian porsentu 70. Família média iha maizoumenus membru 5,7 no ba porsentu 16 feto sira mak xefe.¹⁴

¹⁰ Haree RDTL, Ministériu Finanças. 2016. Sensus Jerál Populasaun no Abitasaun nian 2015.


¹¹ Haree DESA. 2015. *World Population Prospects. The 2015 Revision*.

¹² Haree PNUD. 2016. Relatório de Desenvolvimento Humano 2015.

¹³ 1) *Índise Dependénsia Totál (%)*: sasukat kona-ba proporsaun dependente sira (ema sira entre tinan 0 no'ó tinan 14 no liu tinan 60) ba Totál populasaun iha idade ativa (husi tinan 15 to'ó tinan 59). Índise dependénsia Totál mak soma husi Índise dependénsia infantil no ferik/katuas. 2) *Índise Dependénsia Infantil (%)*: sasukat kona-ba proporsaun labarik sira ne'ebé dependente (tinan 0 to'ó tinan 1) ba populasaun iha idade ativa (tinan 15 to'ó tinan 59). 3) *Índise Dependénsia Ferik/Katuas (%)*: sasukat kona-ba proporsaun populasaun ho tinan 60 liu ba idade ativa (tinan 15 to'ó tinan 59).

¹⁴ Haree nota rodapé n.7

Figura 3: Populasaun Timór Leste tuir Grupu Etáriu sira iha tinan 2015




Fonte 3: RDTL, Ministériu Finansas. 2016. Censo Geral da População 2015

Ekonomia

Timór Leste nia ekonomia kiik. Maibé, nasaun ida ne'ebé dependente loos husi mina-rai. Nia reseita mina-rai no gás natural apresenta taxa kreximentu impresionante no sira mak fó porsentu 80 liu husi Orsamentu Totál Estadu nian desde tinan 2005.¹⁵ Maibé, reserva total mina-rai kiik loos no iha previzaun ne'ebé hatudu katak kampu mina-rai nia atu hotu iha tinan 2023 – no, hamutuk, reseita sira-nia fluksu. Karik laiha esplorasau ba reserva mina-rai no gás natural sira seluk, nasaun sei rai hela de'it nia setor naun-petrolíferu. Ekonomia naun petrolífera nia kreximentu¹⁶ halo progresu ho maneira konstante, no duplika ona entre 2006 no 2014¹⁷; maibé, aumentu despeza públika mak dudu nia – kreximentu iha setór krítiku ekonomia nian, hanesan agrikultura ka indústriia, tuir ritmu neneik liu. Gráfiku 1 hatudu evolusaun PIB, Petrolíferu no Naun Petrolíferu, desde tinan 2005.

Gráfiku 1: Ekonomia Timór Leste nian, tuir PIB Petrolíferu no Naun Petrolíferu, no nia mudansa sira



Fonte 4: RDTL, Ministériu Finansas. 2015. Contas Nacionais 2000 – 2014.

¹⁵ RDTL, Ministério das Finanças. 2015. Contas Nacionais 2000 – 2014.

¹⁶ Ligasaun kiik entre setor petrolíferu no parte seluk ekonomia nian no reseita sira ne'ebé mai husi setor petrolíferu deposita diretamente iha Fundu Petrolíferu, lori análise ekonómika realiza beibeik tuir termus ekonomia naun petrolífera.


¹⁷ Husi millaun US\$ iha tinan 2006 ba millaun US\$ 1174 iha tinan 2014.

Governu halo planu hodi uza reseita mina-rai nian hodi dezenvolve infraestrutura no kapitál umanu ne'ebé permite alkansa kreximentu ekonómiku sustentável no diversifikadu, no hadia qualidade moris populasaun tomak nian. Ne'e duni, investimentu sira iha projetu infraestrutura buras porsentu 448 desde tinan 2010. Despeza hirak-ne'e representa PIB naun petrolíferu nia parte konsiderável no nia aumentu sira akompaña besik husi kreximentu ekonómiku jerál – maibé, investimentu iha setor privadu no konsumu doméstiku hela iha kotuk (nu'udar parsela PIB nian). Hodi mantein kreximentu ba médiu no longu prazu importante diversifika ekonomia.¹⁸

Mina-rai no Gás Natural

Reseita sira hotu husi setor petrolíferu orienta ba Fundu Petrolíferu (FP), fundu riqueza soberana nian ida ne'ebé serve nu'udar estabilizador finansas timoroan hodi hasoru xoke kona-ba folin mina-rai nian no hadia jestaun reseita mina-rai no gás nian. FP hakarak garante katak nia rekursus uza tuir interesse nasional no ba jersaun prezente no futuro nia interesse. Ohin loron, FP fornese orsamentu Estadu nia parte boot liu no, iha tinan 2015 nia rohan, apresenta ona saldu Billaun US\$ 16,2 – maizoumenus PIB naun petrolíferu nasional dala 12.¹⁹ Gráfiku 2 hatudu dinámika kona-ba FP nia rikeza desde tinan 2005.

Gráfiku 2: Saldu Fundu Petrolíferu nian no Reseita Petrolífera sira-nian, ho Billaun US\$



Fonte 5: RTDL, Ministériu Finanzas. 2016. Relatório Anual do Fundo Petrolífer 2016

Governu bele foti tinan-tinan buat ne'ebé ita bolu Rendimentu Sustentável Estimadu (RSE)²⁰, medida ida kona-ba uza rekursus ne'ebé buka garante katak fundu nia rikeza nafatin konstante no fó ba jersaun sira oin mai rikusoin natural nasaun nia rendimentu. Maibé, depoizde krize iha tinan 2007, Governu foti beibeik husi FP valór boot liu RSE – iha tinan 2016 de'it, foti porsentu 128 liu RSE.²¹ Iha tinan 2015, levantamentu husi FP aleinde RSE, hamutuk ho jurus negativus, duni fundu ba nia deklíniu dahuluk desde nia kriaun.

¹⁸ Haree FMI. 2016. Konsulta 2016, Artigo IV – Timór Leste.

¹⁹ RTDL, Ministério das Finanças. 2016. Relatório Anual do Fundo Petrolífero 2016.

²⁰ Estabelesidu ho porsentu 3 husi ativu sira hotu ne'ebé refere ba reserva petrolífera todosos ativos, inklui saldu fundu petrolíferu nian no valór líkidu agora daudaun husi reseita sira oin mai.

²¹ Haree RDTL, Ministério das Finanças. 2017. Relatório Anual do Fundo Petrolífero 2016.

Ekonomia Naun Petrolífera

Ekonomia naun petrolífera rejista kreximentu menus volátil, tanba la depende ona husi mina-rai nia folin, no duplika iha termus real entre tinan 2006 no 2014.²² Maibé, nia kreximentu depende nafatin husi despeza públika sira, ne'ebé representa média ida boot liu porsentu 95 PIB naun petrolíferu entre tinan 2010 no 2014.²³

Maské espetativa aas kona-ba setór privadu nian, nia dezvoltamentu kontinua limitadu. Iha evidénsia kiik katak investimentu ba infraestrutura iha tradusaun iha kreximentu setór privadu. Governu haree agrikultura, turizmu no petrokímika hanesan área-xave ba dezvoltamentu ekonómiku, no nia hahú ona halo investimentu iha domínio hirak-ne'e; maibé, ita seidauk bele haree sira-nia retornu.

Agrikultura hatudu potenciál boot ida, nu'udar meu hodi hadia qualidade moris iha nasaun tomak, tanba constitui fonte subsisténsia prinsipal ba timoroan na'in 4 husi na'in 5 no representa maizoumenus porsentu 30 PIB naun petrolíferu nian. Maské Governu nia kompromisu kona-ba setór agríkula, ida-ne'e apresenta rezultadu irregular tinan ba tinan no iha evidénsia kiik kona-ba manán produtividade nian.²⁴ Agrikultura nia rendimentu sira mak iha nível nasaun viziñu sira-nia okos no família agrikula típika bele karakteriza hanesan "produtor ho rekursus kiik no ho produsaun kiik" – ilustrasaun ida kona-ba ne'e mak traballadór agríkula subsisténsia nia número significativu, 179.000, ne'ebé korresponde ba maizoumenus indíviduu sira ho idade ativa porsentu 25 (husi tinan 15 to'o tinan 59).²⁵ Falta infraestrutura sira ho qualidade no asesu ba merkadu, hamutuk ho téknika ka produktu sira ne'ebé inkrementa atividade agríkula nia uzu kiik, mak obstáculu prinsipál ba setór nia kreximentu.

FMI, iha nia Konsulta ba Artigu IV husi tinan 2017, destaca katak ekonomia nia diversifikasaun ho susesu mak fatór xave ba kreximentu ekonómiku ba longu prazu iha Timór Leste, liuliu bainhira mina-rai nia reseita sira hatuun ka hasa'e retirada husi FP.

Situasaun Fiskál Timór Leste nian

Reseita públika sira tuun lalais desde tinan 2012, akompañá folin no produsaun, mina-rai komesa mós tuun. Resultadu mak superavit orsamentál nia dekréximu porsentu 25,9 iha tinan 2014 ba porsentu 4,2 iha tinan 2015 – no perspetiva ba tinan hirak-tuimai ladun dí'ak liu. Reseita doméstika sira, naun petrolífera, representa média ida porsentu 11,7 despeza públika nian totál entre tinan 2008 no 2016 no, maské taxa kreximentu konstante iha períodu ne'e, sira la akompañá taxa kreximentu despeza públika sira-nian. Karik la halo esplorasau ba reserva mina-rai foun, ita hein katak produsaun remata iha tinan 2023, no husik nasaun lakon nia fonte reseita prinsipál. Tabela 2 hanesan rezumu kona-ba indikadór fiskál prinsipál no pozisaun finanseira Governu Timór Leste nian.

²² Husi US\$ 594 Millaun iha tinan 2006 ba US\$ 1174 millaun iha tina 2004. Haree RDTL, Ministériu Finansas. 2015. Konta Nasional sira 2000-2014.

²³ RDTL, Ministério das Finanças. 2015. Contas Nacionais 2000 – 2014.

²⁴ ADB. 2016. *Timór Leste Country Partnership Strategy 2016-2020*.

²⁵ RDTL, SEPFOPE. 2015. Inquérito à Força de Trabalho 2013.

Tabela 2: Indikadór Ekonómiku no Fiskál iha Timór Leste, tuir folin agora daudaun

	2010	2011	2012	2013	2014	2015	2016
PIB Totál (Petrolíferu) - US\$ Millaun	4.267	5.973	6.809	5.641	4.175	2.620	2.100
PIB Năun Petrolíferu - US\$ Millaun	941	1.149	1.291	1.313	1.400	1.412	1.480
Saldu FP – US\$ Biliaun	6,9	9,3	11,7	14,9	16,5	16,2	15,6
Reseita Doméstika sira - US\$ Millaun	2.202	3.351	3.739	3.240	2.416	1.228	1.368
<i>Petrolífera (% husi reseita sira)</i>	<i>96,1</i>	<i>96,7</i>	<i>95,2</i>	<i>93,9</i>	<i>75,2</i>	<i>77,9</i>	<i>77,7</i>
<i>Năun Petrolífera(% husi reseita sira)</i>	<i>3,9</i>	<i>3,3</i>	<i>3,7</i>	<i>4,8</i>	<i>7,0</i>	<i>15,8</i>	<i>14,5</i>
Despeza Públika - US\$ Millaun	804	1.118	1.197	1.344	1.395	1.448	1.952
<i>Solidariedade Sosiál (% husi despeza sira)</i>	<i>12,8</i>	<i>10,6</i>	<i>13,5</i>	<i>11,1</i>	<i>10,5</i>	<i>13,5</i>	<i>8,2</i>
<i>Pensaun Veteranu sira</i>	<i>6,2</i>	<i>6,5</i>	<i>9,5</i>	<i>6,9</i>	<i>5,7</i>	<i>9,2</i>	<i>5,4</i>
<i>Seluk Solidariedade Sosiál</i>	<i>6,6</i>	<i>4,1</i>	<i>4,0</i>	<i>4,2</i>	<i>4,8</i>	<i>4,3</i>	<i>2,8</i>
<i>Saúde(% husi despeza sira)</i>	<i>4,4</i>	<i>3,6</i>	<i>4,2</i>	<i>4,5</i>	<i>4,4</i>	<i>4,3</i>	<i>1,9</i>
<i>Edukasaun (% husi despeza sira)</i>	<i>8,6</i>	<i>6,4</i>	<i>6,9</i>	<i>6,3</i>	<i>8,0</i>	<i>7,0</i>	<i>4,8</i>
<i>Infraestrutura(% husi despeza sira)</i>	<i>24,7</i>	<i>52,6</i>	<i>43,5</i>	<i>43,7</i>	<i>34,9</i>	<i>29,7</i>	<i>45,6</i>
Finansiamentu Públiku - US\$ Millaun	1.013	1.371	2.020	1.857	1.084	1.640	2.050
<i>RSE (% finansiamentu)</i>	<i>49,5</i>	<i>53,5</i>	<i>32,9</i>	<i>42,4</i>	<i>58,3</i>	<i>39,0</i>	<i>26,0</i>
<i>FP hasai ho exesu (%finansiamentu)</i>	<i>30,5</i>	<i>23,4</i>	<i>41,1</i>	<i>0,0</i>	<i>9,2</i>	<i>39,0</i>	<i>55,1</i>
<i>Reseita Naun Petrolífera (% finansiamentu)</i>	<i>8,4</i>	<i>8,1</i>	<i>6,8</i>	<i>8,3</i>	<i>15,5</i>	<i>11,8</i>	<i>8,4</i>
<i>Subvensaun sira (% finansiamentu)</i>	<i>26,0</i>	<i>19,9</i>	<i>12,6</i>	<i>13,2</i>	<i>17,0</i>	<i>10,1</i>	<i>10,0</i>
<i>Empréstimu sira(% finansiamentu)</i>	<i>0,0</i>	<i>0,0</i>	<i>2,1</i>	<i>2,3</i>	<i>2,9</i>	<i>4,3</i>	<i>5,2</i>
<i>Sira seluk (%finansiamentu)</i>	<i>0,0</i>	<i>0,0</i>	<i>6,7</i>	<i>36,1</i>	<i>0,0</i>	<i>0,1</i>	<i>0,0</i>
Balansu Fiskál – % PIB Petrolíferu (inkl. Reseita Petro.)	41,9	46,3	46,1	43,8	36,8	-18,2	-94,3
Balansu Fiskál – % PIB Naun Petrolíferu (la inklui Reseita Petro.)	-76,4	-87,6	-78,8	-87,3	-56,9	-83,3	-111,4

Fonte 6: RTDL, Ministério das Finanças. 2015. Contas Nacionais 2000 – 2014; 2016. Orçamento Retificativo do Estado 2016 - Visão Geral do Orçamento - Livro 1; 2016. Relatório Anual do Fundo Petrolífero 2015; Portal Transparência Timór Leste nian.

Senáriu ne'e akontese bainhira despeza públika sira to'o iha sira-nia nível aas liu desde independénsia ho razaun katak iha investimentu todan ba infraestrutura. Governu nia investimentu sira liu millaun US\$ 241 iha tinan 2007 ba millaun US\$ 1952 iha tinan 2016, no RSE mak suporta investimentu hira-ne'e no, dala barak liu, ho razaun katak iha retirada exesu husi FP. Ba kurtu prazu, FP bele fó seguransa no estabilidade fiskál maské reseita kiik liu, despeza boot liu no défise naun petrolíferu alarmante. Maibé, exesu retirada husi FP hamenus fundu nia valór ba longu prazu, no ida ne'e hamenus RSE no nia konsekuénsia mak foti retirada boot liu ho exesu – sírkulu visiozu ida hodi bele mantein nível despeza ne'ebé hanesan. Karik laiha kontrolu, siklu ida-ne'e bele aselera no konsume lalais FP, no bele hamosu derepente falta rekursus hodi hatan ba despeza públika sira.

Investimentu sira iha setor sosiál, liuliu iha Ministériu Solidariedade Sosiál, Edukasaun no Saúde, representa Orsamentu Jerál Estadu nia parte significativu ida. Nível despeza sira iha setor sosiál hasoru mudansa tinan ba tinan, ho tendénsia jerál ba kreximentu (ho folin korrente) maské iha redusaun iha orsamentu ba tinan 2016. Aleinde ne'e, aumentu boot sira iha investimentu iha infraestrutura provoca parsela despeza públika sira nia redusaun relativa, mezmuke tuir termus reais orsamentu alokadu laiha redusaun. Kestaun ne'e diskute ho detalhe iha Kapítulu 3.

Ba longu prazu, sustentabilidade fiskál sei depende husi investimentu públiku iha infraestrutura no kapitál umanu nia retornu, no husi kriaun kondisaun favorável ba kreximentu husi setór privadu, ne'ebé bele kondús ba nível reseita naun-petrolífera boot liu. Dezafiu hirak-ne'e sei afeta orsamentu protesau sosiál, item ida prinsipál iha Governu nia konta sira. Maibé, despeza korrente sira hotu sei hasoru problema krexente hodi mantein nível atuál, liutan atu hasai tiha nível sira-ne'e.²⁶

Forsa Traballu nian

Forsa traballu nia partisipasaun iha Timór Leste mak ida ne'ebé kiik liu iha rejiaun, ho média ida porsentu 30,6 populasaun ho idade ativa – feto sira porsentu 21 no mane sira porsentu 39,5. Maské partisipasaun kiik no kreximentu ekonómiku nasaun nian lais, traballadór porsentu 11 dezempregadu.

Traballadór sira-nia partisipasaun boot liu mak iha setór servisu, ho porsentu 45,1, enkuantu porsentu 40,5 servisu iha setór agríkula; porsentu 12,7 de'it forsa traballu nian mak iha setor industrial. Maibé, okupasaun frekuente liu mak iha traballu agríkula, florestal, peska (porsentu 39 husi empregu), tuirmai traballadór sira iha setor servisu no setor faan representa porsentu 17,7 forsa traballu nian.

Maibé, iha imajen ida seluk kona-ba merkadu traballu timoroan. Entre populasaun ho idade ativa, porsentu 25,7 envolve iha agrikultura subsisténsia – grupu significativu ida ne'ebé ladun iha sobrepozisaun ho sira-ne'ebé ita konsidera nu'udar parte forsa traballu nian²⁷. Populasaun ida-ne'e representa kuaze ema sira hotu ne'ebé inklui iha forsa traballu no, bainhira ita haree katak empregu metade liu bele konsidera hanesan empregu vulnerável (porsentu 55) no porsentu 29

²⁶ Haree Banco Mundial (2015). Timór Leste Public Expenditure Review: Infrastructure; IMF (2016). Article IV Consultation with Timór Leste; e ADB (2016) Technical Assistance Report - Timór Leste: Fiscal Policy for Improved Service Delivery.

²⁷ Tanba definisaun metodológika no padraun internasionál sira, traballadór ne'ebé dedika an ba produsaun agríkula subsisténsia de'it la konsidera nu'udar forsa traballu nian o, tuirmai, la konsidera iha indikadór empregu nian.

de'it mak okupasaun formál, hatudu evidénsia kona-ba kondisaun traballu prekáriu iha Timór Leste.²⁸

Ema ida idade ativa sira-nia kondisaun sei analiza ho detalhe iha Kapítulu 3.

Reziliénsia, Mukit no Dezigualdade

Fitar sira husi tinan okupasaun estranjeiru no husi konfliktu sira nafatin vizível iha sociedade timoroan. Nakfila eventu hirak-ne'e nia efeitu sira iha infraestrutura, edukasaun, saúde, kapasidade produtiva no nasaun nia moris dí'ak, mak dalan ne'ebé naruk no susar. Hahú iha independénsia, Timór Leste halo esforsu hodi halakon danus no prospera nu'udar nasaun iha dalan dezvoltamentu. Maibé, dezafiu no risku barak kontinua nafatin no afeta prosesu hamenus mukit, hadia nível jerál moris nian no kreximentu ekonómiku sustentável no ekuitativu.

Maioria indikadór dezvoltamentu hatudu diferença boot entre área urbana no área rural, nomós variasaun boot entre Munisípiu sira. Área hanesan Díli hatudu progresu ida ne'ebé la hanesan, enkuantu comunidade sira ne'ebé dook ka izoladu simu parte kiik liu husi dezvoltamentu nia dividendu ne'ebé Timór Leste alkansa ona tanba kreximentu ekonómiku espresivu iha tinan hira ikusmai.

Xoke no Reziliénsia

Populasaun Timór Leste nian hasoru risku oioin ne'ebé, bainhira kahur hamutuk ho mukit nia nível aas, no mekanizmu disponível hodi hasoru situasaun uituan de'it ne'e husik maioria timoroan sira iha pozisaun vulnerável. Entre tinan 2010 no tinan 2011, kuaze agregadu familiar sira hotu (porsentu 93) sofre pelumenus xoke tipu ida. Xoke sira husi dezastre natural no ekonómiku mak frekvente liu entre agregadu familiar sira, no sira ne'ebé mak komun liu mak "*Aumentu folin aihan* / beins esensiál seluk" (porsentu 82,2), "*Bee-sa'e, rai halai, udan-anin boot*" (porsentu 52,2) no "*Infestasaun praga, moras agrikula no pekuária*" (porsentu 35,4). Kompara ba dadus iha tinan 2007, risku relasionadu ho situasaun sosiopolítica, saúde ka familiar no desastre natural tuun loos, maibé iha rejistu kona-ba aumentu aas ba riskus ekonómiku sira.²⁹

Tanba populasaun porsentu 30 de'it moris iha área urbana, família sira-nia parte boot ida mantein atividade agrikula ka haki'ak animal hodi bele ajuda membrus família sira-nia subsisténsia. Númeru signifikativu agregadu familiar hirak-ne'e depende tomak husi sira-nia produsaun hodi bele moris, no ida-ne'e husik sira espustu ba risku ne'ebé relasiona ho dezastre natural no krize ekonómika, hanesan tempu rai-maran husi fenómeno *El Niño* no konsekuénsia seluk alterasaun klimatika sira-nian.

Reziliénsia ba xoke hirak-ne'e la aas. Xoke ne'ebé koko tiha ona metade liu hamenus rendimentu agregadu familiar sira-nian, sira-ne'ebé rekorre ba mekanizmu hodi hasoru difikuldade hanesan uza sira-nia poupança (porsentu 30,6), empresta osan (porsentu 19,5), haruka adultu ida bá servisu iha fatin seluk (porsentu 18,7), fa'an ativu produtivu (porsentu 19,7), ka hamenus despeza naun-alimentar, hanesan porezemplu saúde no edukasaun (porsentu 15,1). Maizoumenus porsentu 80 husi família sira ne'ebé hasoru xoke, iha fulan 12 molok ne'e, seidak rekupera fali kompletamente iha momentu ne'ebé ita halo peskiza ida ne'e.³⁰

²⁸ Haree RDTL, SEPFOPE. 2015. Inquérito à Força de Trabalho 2013.


²⁹ Banku Mundiál. 2013. Timór Leste Sosiál Assistance Public Expenditure and Program Performance Report.

³⁰ RDTL, Ministériu Saúde. 2015. Inquérito Alimentar e Nutricional 2013.

Mukit

Kreximentu ekonomia timoroan mak lalais liu iha mundu desde nia independénsia. PIB per kapita aumenta husi US\$ 866 iha tinan 2001, ba US\$ 2591 iha tinan 2014³¹; maibé, kreximentu ekonómiku la tradús diretamente hamenus mukit. Haree ba ligasaun kiik entre setor petrolíferu – motor prinsipál ba kreximentu PIB – no restu ekonomia, kriaunsaun empregu no hadia melloria produtividade iha setór seluk avansa neneik-neneik, no limita efeitu diretu kreximentu PIB nian kona-ba hamenus mukit. Hanesan Gráfiku 3 hatudu, bazeia ba Liña Nasionál Mukit nian (US \$ 1,54 per kapita ba loron idak-idak), proporsaun populasaun barak moris ki'ak iha tinan 2014 duké iha tinan 2001, ho grau profundidade ne'ebé atu hanesan. Períodu konflitu (1999-2002 no 2006) iha impaktu iha populasaun nia nível moris, hasa'e loloos insidénsia no profundidade mukit iha nasaun– ikusmai de'it mak nível mukit hahú fila-fali ba valór ne'ebé rejista iha períodu molok independénsia.³²

Gráfiku 3: Indikadór sira kona-ba Mukit iha Timór Leste, tinan 2001 to'ó tinan 2014



Fonte 7: Kálkulu sira husi autór-na'in, bazeia ba: Tinan 2001: Banku Mundiál. 2005. Timor Leste Living Standards Measurement Survey 2001; Tinan 2007: RDTL, Ministériu Finansas. 2008. Inquérito aos Padrões de Vida 2007; Tinan 2011: RDTL, Ministériu Finansas. 2011. Inquérito aos Rendimentos no Despesa dos Agregados Familiares de 2011; no ba tinan 2014: RDTL, Ministériu Finansas. 2016. Pobreza em Timor Leste 2014.

Bainhira ita konsidera Liña Mukit Nasionál (2011 PPP US\$ 1,90 *per kapita* ba loron idak-idak), nível mukit iha tinan 2014 mak kiik liu ne'ebé rejista iha nasaun. Maibé, uza dólar ajusta ho paridade poder atu sosa (PPP US\$) ba Timór Leste problemátiku, tanba nasaun la partisipa iha Programa Komparasaun Internasionál no PPP US\$ ne'ebé uza mak estimativa ne'ebé bazeia ba Índise Folin ba Konsumidor no iha inflasaun. Ne'e duni, maské medida útil ida ba komparasaun internasionál, liña mukit nasional adekua liu hodi observa situasaun mukit iha Timór Leste.³³

Haree de'it média nasional bele subar diferença sira entre seksu, rejiaun, edukasaun no sira seluk tan, tanba mukit afeta liu grupu balun duké grupu seluk.³⁴ Karik ita analiza dadus liuhusi forma dezagregasaun oioin (hanesan hatudu iha Tabela 3), ita bele observa katak esforsu sira hodi hamenus mukit prodús progresu barak iha área urbana sira, husi tinan 2007 to'ó tinan 2014, enkuantuké, husi sorin seluk, áreas rural ladun iha mudansa desde tempu ne'ebá. Fatór posível

³¹ Ho folin korrente. Haree: RDTL, Ministério das Finanças. 2015. Contas Nacionais 2000 – 2014.

³² Importante haree katak rezultadu sira husi tinan 2011 bazeia ba metodologia ida ne'ebé lahanesan ho tinan seluk sira-nian no labele kompara diretamente. Estimativa sira husi tinan 2011 bazeia ba rendimentu agregadu familiar sira-nian, enkuantu dadus husi tinan 2001, 2007 no 2014 bazeia ba nível konsumu.

³³ Ministério das Finanças. 2016. Pobreza em Timor Leste 2014.

³⁴ Banku Mundiál. 2008. Timor Leste—Poverty in a Young Nation.

ne'ebé hamosu diferença ne'e mak nível asetu ba beins, servisu no merkadu sira ne'ebé la hanesan. Suku balun lokaliza dook husi sentru administrativu no aldeia barak nafatin dook husi sentru suku nian. Situasau ida-ne'e fó todan ba individuu sira ne'ebé tenke la'o oras balun ka gasta rekursus ho transporte hodi bele hetan benefísiu sosiál, servisu médiku, edukasau ka hodi bele komersializa sira-nia produsaun exedente – iha kazu barak, viajen nia Kustus boot liu duké potenciál gañu ekonómiku. Dezafiu prinsipál ida, ne'ebé kualker programa protesaun sosiál tenke hasoru mak alkansa comunidade izolada no oferese servisu públiku no benefísiu sosiál – falta estrada no infraestrutura administrativu kria obstákulu tan ba grupu hirak-ne'e sira-nia kobertura.

Tabela 3: Insidénsia Mukit iha Timór Leste, dados ketak tuir grupu sira

		2007	2011	2014	Diferença 2007-2014
Média Nasionál ho valór \$ 1,54 laron-laron		50,4	43,8	41,8	-17,0%
Média Nasionál ba 2011 PPP \$1,90 laron-laron		47,2	77,8	30,3	-35,8%
Área	Urbana	45,2	20,0	28,3	- 37,3%
	Rurál	51,5	53,4	47,1	- 8.5%
Xefe Agregadu Familiár nian	Mane	50,6	44,0	43,4	-14.2%
	Feto	43,5	32,3	27,6	-36.5%
Tinan	Labarik sira (tinan 0 to'o 15)	56,1	50,3	49,0	-12.6%
	Adultu sira (tinan 16 to'o 59)	45,9	39,0	38,6	-12.6%
	Ferik/Katuas (liu tinan 60)	33,6	30,0	26,8	-20.2%
Situasau Laborál (Xefe Agregadu Familiár nian)	Servisu ba nia-an rasik, agríkula	49,0	51,2	53,0	+8.1%
	Servisu ba nia-an rasik, naun agríkula	-	38,5	31,7	-
	Empregadu	28,0	12,6	27,5	-1.7%
Nível Edukasaun (Xefe Agregadu Familiár)	Tersiáriu	17,7	3,8*	24,7	+39.5%
	Sekundáriu	34,3	21,6	34,3	0.0%
	Primáriu	50,1	45,0	41,9	-16.3%
	Pré-primáriu	54,3	38,5*	46,8*	-13.8%
	Laiha edukasaun formál	57,5	47,0	48,0	-16,5%

* 1: Bazeia ba númeru observaun kiik ida.

Fonte 8: Kálkulu sira husi autór-na'in, bazeia ba 2007: RDTL, Ministério das Finanças. 2008. Inquérito aos Padrões de Vida 2007; Ba 2011: RDTL, Ministério das Finanças. 2011. Inquérito aos Rendimentos e Despesa dos Agregados Familiares.; no ba 2014: RDTL, Ministério das Finanças. 2016. Pobreza em Timór Leste 2014.


Ho maneira ne'ebé hanesan, hamenus mukit iha família sira ne'ebé feto mak xefe la'o lalais liu duké iha agregadu familiar ne'ebé mane mak xefe. Motivu ba diferença ne'e rekér estudu klean liu molok bele estabelese konkluzau saida de'it; maibé, diferença ne'e boot no análise kona-ba nia razaun sira bele fó informasaun importante loos. Bainhira ita konsidera idade ne'ebé la hanesan, ita haree katak mukit tuun lalais liu entre ferik/katuas duké entre labarik sira. Tuir diskusaun iha kapitulu tuirmai, sistema protesaun sosiál to'o agora sentradu liu ba ferik/katuas no ida-ne'e mak bele razaun ida ne'ebé esplika taxa diferente kona-ba hamenus mukit.

Kona-ba xefe família nia okupasaun, ema sira ne'ebé servisu ho empregu ne'ebé iha saláriu regular hasoru pozisaun di'ak liu duké sira ne'ebé servisu ba sira-nia an-rasik. Sira ne'ebé servisu ba sira-

nia an-rasik iha agrikultura hasoru risku mukit boot liu no situasaun parese aumenta husi 2007 to'o 2014. Bainhira konsidera edukasaun, família sira ho xefe ne'ebé iha nível eskolaridade aas liu mak iha insidénsia mukit kiik liu duké ba populasaun média. Maibé, importante atu hatudu insidénsia mukit nia diferença entre sira ne'ebé laiha edukasaun formál no sira ne'ebé ho edukasaun primária ladun aas. Tanba ema ne'ebé laiha edukasaun no sira-ne'ebé iha edukasaun primária representa maizoumenos porsentu 45 forsa traballu nian, ne'e sujere katak empregu ho kompleksidade kiik no ho rendimentu kiik mak predomina iha nasaun.

Diferença taxa kona-ba mukit entre Munisípiu sira mós boot. Díli mak iha taxa kona-ba mukit kiik liu (porsentu 29,1), kiik liu metade bainhira kompara ho Oekusi (porsentu 62,5), Munisípiu ne'ebé iha nível mukit aas liu. Figura 4 hatudu taxa kona-ba mukit iha Munisípiu idak-idak iha tinan 2014, bazeia ba liña mukit Nasionál.

Figura 4: Insidénsia kona-ba Mukit, tuir persentajen populasaun, liuhusi Munisípiu, 2014.



Fonte 9: RDTL, Ministério Finanças. 2016. Poverty in Timór Leste 2014.

Elementu-xave husi taxa mukit ne'ebé aas mak kombinasaun husi rendimentu kiik no família boot – média ema na'in 5,79 ba uma-kain ida. Karik família iha traballadór ida de'it no karik ema ida-ne'e manán saláriu médiu US\$ 530 fulan/fulan (iha setor formal, iha tinan 2013), família ida ho ema na'in nein moris ho US\$ 3 per kapita loron/loron. Infelizmente, Senáriu ida-ne'e la'os ida-ne'ebé frequente liu, tanba enkuantu saláriu médiu fó rekursus suficiente hodi tau membru família sira hotu iha liña mukit nia leten, saláriu médiu mak US\$ 272 fulan/fulan (dala ida tan iha setor formal). Família ida ho tamañu médiu ne'ebé moris ho saláriu médiu ladun hetan barak liu duké US\$ 1,56 loron-loron ba ema idak-idak, ne'e valór mínimu iha liña mukit Nasionál nia leten.³⁵


Dezigualdade

Mukit iha Timór Leste difísil atu define nia limite, aleinde limite baibain ne'ebé ita observa iha liña kona-ba mukit monetáriu. Atu determina sé mak kiak no sé mak la'e tarefa difísil loos bainhira distribuissau rendimentu/konsumu populasaun nian "belar". Tuir representasaun iha gráfiku 4, porsentu 93,8 husi populasaun moris ho US\$ 5 ba loron ida, no porsentu 80,8 moris ho menus US\$

³⁵ Haree RDTL, Ministério das Finanças. 2016. Censo Geral da População e Habitação 2015; and RDTL, SEFPOPE. 2015. Inquérito à Força de Trabalho 2013.

3,08 – dobru husi liña mukit nasional. Iha Senáriu ne'e, tau liña ida hodi fahe sé mak mukit no sé mak la mukit bele hamosu sala, tanba volatilidade rendimentu muda individuun nia situasaun beibeik no ho maneira simples haree ba distribuisaun rendimentu hirak-ne'e.


Gráfiku 4: Distribuisaun Konsumu, per kapita, iha Timór Leste - 2014



Fonte 10: RDTL, Ministério das Finanças. 2016. Pobreza em Timor Leste 2014.

Mesmu família sira ne'ebé moris ho rendimentu ida iha liña mukit nia leten baibain hasoru difikuldade sira hodi hatán ba agregadu familiar nia nesesidade tomak. Gráfiku 5 hatudu persentajen populasaun ne'ebé moris iha agregadu familiar ne'ebé hasoru problema hodi hatán ba nesesidade sira oioin. Sosa hahán natoon mak dezafiu ba kuaze um quarto populasaun, maské iha diferença boot loos entre família urbanu no rural. Garante katak ema bele hatán ba nesesidade báziku sira ne'ebé relaciona ho edukasaun, saúde, abitação mak problema komún ida ba persentajen boot populasaun nian. Maské ho kondisaun sira-ne'e, norma kulturál sira – ne'ebé parte importante husi maneira moris timoroan nian – determina katak despeza familiar nia parte boot ida aloka ba festa no serimónia sira. Rejistu sira hatudu katak agregadu familiar idak-idak gasta maizoumenus US\$ 36,37 fulan/fulan ba festa no serimónia sira iha tinan 2014, maizoumenus porsentu 8,3 husi konsumu médiu agregadu familiar nian – valór ne'ebé dalaruma subestimadu.


Gráfiku 5: Agregadu Familiar ne'ebé hasoru difikuldade hodi hatán ba nesesidade sira, tuir tipu, ho % husi Totál Agregadu familiár - 2014



Fonte 11: RDTL, Ministério das Finanças. 2016. Poverty in Timor Leste 2014.

To'o iha momentu ida, ita hein katak família ki'ak liu hasoru problema hanesan ne'e iha nasaun ki'ak ida; maibé, falta hahán akontese iha família sira ho rendimentu nível oioin, no afeta mós sira ho kintil riku liu. Gráfiku 6 kompara número agregadu familiar ne'ebé hasoru falta alimentu tuir nível rendimentu.

Gráfiku 6: Agregadu Familiár sira ho Inseguransa Alimentar, ho persentajen husi totál agregadu familiar, tuir kintil rendimentu nian - tinan 2014



Fonte 12: RDTL, Ministério das Finanças. 2016. Pobreza em Timor Leste 2014.

Pontu Prinsipál

- # Timór Leste nia populasaun joven liu no iha faze kreximentu. Situasaun ida-ne'e mosu husi labarik nia proporsaun aas haree ba populasaun tomak no índise dependénsia kiik ferik/katuas nian. Senáriu ne'e hahú mudansa neneik-neneik depoizde tinan 2030.
- # Nasaun nia ekonomia simu reseita husi setór petrolíferu no despeza públika mós dudu nia. Entretantu, kreximentu ekonómiku ba longu prazu atu depende husi diversifikasaun ekonomia no aumentu produtividade.
- # Traballu sira ne'ebé dignu ladún iha no maioria populasaun ativa envolve an iha setór agríkula.
- # Populasaun espostu ba risku oioin, liuliu xoke sira ne'ebé relasiona ho klima. Tanba falta mekanizmu efisiente hodi hasoru difikuldade sira, xoke hamosu dala barak lakon rendimentu durante tempu barak nia laran.
- # Mukit komesa tuun ona; maibé, populasaun porsentu 41,8 moris nafatin ho situasaun mukit nia laran no progresu la hanesan. Mukit tuun dala haat lalais liu iha área urbanu duké iha área rural, no taxa mukit entre ferik/katuas tuun lalais liu duké entre labarik sira.
- # Mezmu bainhira la ki'ak, maioria indivíduu sira la moris iha nível aas liu liña mukit nian. Populasaun porsentu 6 de'it mak moris ho US\$ 5/loron, enkuantu porsentu 81 moris ho menus US\$ 3/loron.

3. PROTESAUN SOSIÁL IHA TIMÓR LESTE

Iha tinan hirak-ne'ebé tuir independénsia, protesaun Sosiál konsentra-an atu instala fali ema deslokadu sira husi konfliktu iha tinan 1999 no fóapoio ba nesesidade esensial liu, no uza liuliu benefísiu sira en jéneru (sasán), hanesan distribuissau hahán. Espetativa aas ba nasaun foun no frustrasaun ho mudansa nia ritmu neneik depoizde independénsia, entre kestaun sira seluk, hamosu krize polítika iha tinan 2006/2007 no ema mate barak no iha deslokamentu ema maizoumenus rihun 150. Depoizde krize ne'e, Governu muda nia abordajen hodi hatán ba reivindikasaun ne'ebé hamosu konfliktu no buka fó ba populasau benefísiu sira vizível liu nu'udar meu ida hodi promove dame no koezaun sosiál.

Konstituisaun Nasionál iha kompromisu klaru ba dezvoltamentu umanu no rekoñese loloos saúde, edukasaun, assisténsia sosiál no seguransa sosiál nu'udar direitu sidadaun sira hotu.³⁶ Enkuantu Estado nia komponente importante balun, hanesan sistema públiku saúde nian no edukasaun gratuitu no universál, ne'ebé estabelese hafoin nasaun nia independénsia iha tinan 2002, programa sira naun kontributivu abranjente kria de'it iha tinan 2007-2008 hanesan resposta ida ba krize – programa hirak-ne'e barak seidauk hasoru mudansa to'o ohin loron.³⁷

Iha kapitulu ida-ne'e, ita analiza, ho detalhe, atual quadru protesaun sosiál iha Timór Leste, haree ba kobertura, adekuasaun no sistema nia efikásia, nomós oinsá programa oioin hirak-ne'e kontribui ka la'e ba PPS nia avansu iha nasasun. Estrutura ne'ebé iha inklui polítika no programa 26, ne'ebé implementa iha Ministériu lima (Edukasaun, Justisa, Saúde, Obras Públicas no Solidariedade Sosiál) no Sekretaria Estado ida (Sekretaria Estado ba Formasaun Profisionál no Políka Empregu). Sira-ne'e seidauk opera ho maneira integradu, tuir abordajen sistémika no estratéjika. Enjerál, sistema inklui tipu programa tuirmai:


1. Programa sira regular ho transferénsia rendimentu, hodi hamenus mukt no substituisaun rendimentu sira;
2. Medida protesaun sosiál sira-ne'ebé relaciona ho traballu;
3. Programa eskala kiik assisténsia sosiál sira-nian, hodi fó resposta ba situasaun vulnerabilidade espesífiku;
4. Transferénsia ba Kombatientes no Família husi Mártires Libertasaun Nasionál;
5. Ajuda umanitária no resposta ba katástrofe natural no konfliktu sosiál sira;
6. Programa sira ne'ebé buka hadia asesu ba edukasaun, hanesan ho apoio materiál no nutrisaun;
7. Servisu sira hodi promove no fornese asesu ba saúde, hanesan servisu móvel no programa sira ba estájui moris espesífiku.

Programa hirak-ne'e iha variasaun luan kona-ba sira-nia kobertura no orsamentu, no oferese benefísiu ho osan, ho jéneru no liuhusi provizaun direta servisu sira. Figura 5 hatudu tipu benefísiu prinsipál ne'ebé programa sira-ne'e oferese no grupu etáriu sira ba idak-idak. Tuir ita bele haree, programa oioin abranje faixa etária sira hotu, ho konsentrasaun boot liu iha polítika sira ne'ebé haree liu ba idade ativa (husi tinan 17 to'o tinan 59). Iha sistema ne'ebé benefísiu osan mak komún liu no benefísiu en jéneru no provizaun direta servisu sira, beibeik, oferese hamutuk. Husi

³⁶ Haree Konstituisaun Timór Leste (2002) Artigu 57, 59 no 56.

³⁷ Banku Mundiál. 2013. Timor Leste Sociál Assistance Public Expenditure and Program Performance Report.

Figura 5: Política no Programa Protesaun Sosaíl sira-nian, tuir grupu etáriu alvu no tipu benefísiu – 2016



Programa sira ne'ebé fó pagamentu ho osan, baibain mak liuhusi pagamentu úniku hodi hatán ba situasaun vulnerabilidade. Dala barak, desizaun kona-ba halo benefísiu nia pagamentu ka la'e depende diretamente husi traballadór sosiál nia hanoin; tanba sira iha de'it parámetru subjétivu atu foti desizaun, laiha regra klaru kona-ba elejibilidade. Entre programa sira ne'ebé halo pagamentu periódiku regulár, Rejime Tranzitóriu Seguransa Sosiál no Pensaun ba Kombatentes no Família Mártires Libertasaun Nasionál (tuirmai ho naran Pensaun Veteranus) de'it mak asegura pagamentu fulan-fulan liuhusi transferénsia bankária. Husi sorin seluk, programa *Bolsa da Mãe* no Subsídriu Apoiu ba Ferik/Katuas no Inválidu sira (SAII) selu benefísiu tinan ida dala ida ka dala rua de'it, no ho ida ne'e kompromete prinsípiu rua ne'ebé kontribui ba transferénsia nia efetividade transferénsia redimentu sira-nian; previzibilidade no regularidade pagamentu sira-nian.


Kobertura

22 | Dezafiu no Rekomendasaun sira kona-ba Estensaun Protesaun Sosiál ba Ema Hotu iha Timór Leste

moris nian. Tuir hanoin ne'e, ita fó berani atu pizu protesauñ sosal bele oferese protesauñ ba ema barak liu ne'ebé posível. Kobertura ne'ebé oferese ba programa 26 idak-idak iha sistema protesauñ sosal iha Timór Leste lahanesan loos, ho programa sira ne'ebé atende kuaze porsentu 70 husi populasauñ totál nasaun nian (porezemplu programa SISCA) ka atinje kobertura universal ba grupu-alvu ida (porezemplu SAIL ba ferik/katuas), enkuantu sira seluk atende de'it ba individuu balun de'it (porezemplu programa *Família em Sirkunstáncias*).

Ita la bele haree númeru benefisiáriu hanesan medida adekuañ liu hodi hatudu programa nia alkanse, tanba programa idak-idak nia grupu-alvu la hanesan. Halo observasaun kona-ba persentajen populasauñ-alvu ho kobertura husi programa idak-idak fó indikasaun objetivu liu kona-ba nia abranjénsia. Hodi hatudu ida-ne'e, Gráfiku 7 hatudu númeru benefisiáriu sira no kobertura populasauñ-alvu ne'ebé programa 6 boot liu no programa 6 kiik liu abranje (bainhira ita konsidera númeru benefisiáriu sira) iha Timór Leste. Ita bele observa katak programa balun atinje persentajen boot husi populasauñ alvu, maské la fó benefísiu ba ema barak. Ita bele hetan detalhe sira kona-ba definisaun programa idak-idak nia populasauñ alvu, nomós kona-ba programa sira seluk ne'ebé la hatudu iha gráfiku, iha seksaun tuirmai. Aneksu I hatudu programa sira hotu ne'ebé analizadu iha relatóriu ida-ne'e sira-nia kobertura absoluta no relativa.

Gráfiku 7: Númeru Benefisiáriu sira no Grupu-Alvu sira-nia Kobertura (%) programa Protesauñ Sosal iha Timór Leste selesionadu – tinan 2017 ka tinan ikusmai.



* Dadus kona-ba programa saúde iha família refere ba operasaun liu tinan ida.

Fonte 14: Grupu Tékniku Espesializadu: Ministériu Saúde, Ministériu Edukasaun, Ministériu Justisa, Ministériu Solidariedade Sosal no SEPFOPE.

Benefísiu sira-nia adekuasaun

Atu programa protesaun sosiál sira bele atinje sira-nia objetivu, benefísiu ka servisu sira ne'ebé fornese prezisa respeita nível adekuasaun mínimu. Porezemplu, servisu saúde bele gratuitu no universal maibé, karik laiha estabesimentu saúde disponível, médiku, aimoruk ka elementu vital sira seluk ba kuidadus saúde, servisu ne'ebé oferese la adekuaudu atu atinje objetivu atu oferese kuidadus saúde ba populasaun. Sukat servisu sira-nia adekuasaun tarefa kompleksu no liu ona ámbitu relatóriu ida-ne'e. Maibé, benefísiu osan bele analiza ho maneira fásil liu.

Husi programa 14 ne'ebé eziste ona no ne'ebé oferese osan iha Timór Leste, maioria oferese pagamentu úniku ka sirkunstansiál hodi fó kaman ba situasaun vulnerabilidade partikulár, no programa lima fornese transferénsia regulár (liuliu, *Bolsa da Mãe*, SAIL, Pensaun Veteranus no Rejime Tranzitóriu no Jerál Seguransa Sosiál nian). Benefísiu nia valór husi programa regular transferénsia rendimentu idak-idak nian iha variasaun boot.

Rejime seguransa sosiál selu prestasaun ne'ebé relasiona diretamente ho saláriu no tempu kontribuisaun ka tempu servisu públiku nian. Bainhira ita kompara ho esperiénsia internasionál, medida hotu iha fórmula kálkulu prestasaun jenerosa. Rejime Tranzitóriu Seguransa Sosiál iha taxa substituisaun fiksa porsentu 75 saláriu médiu nian durante períodu servisu iha setór públiku ba provizaun sira hotu – no la sura kontribuisaun sira to'o Rejime Jerál Seguransa Sosiál tama iha vigór. Pensaun previstu iha Rejime Jerál Seguransa Sosiál (ferik/katuas, invalidés no sobrevivénsia) hakarak taxa substituisaun porsentu 100 husi saláriu médiu tinan 10 ikus mai nia kontribuisaun ba traballadór sira ho karreira kontributiva kompletu (kontribuisaun durante tinan 30). Iha kontestu nasaun membru ASEAN, taxa substituisaun varia entre porsentu 45 no 75 husi rendimentu segurado. Konvensaun OIT n. 102 kona-ba Seguransa Sosiál (norma mínima) (1952) no Konvensaun n. 128 kona-ba Prestasaun Invalidés, Ferik/Katuas no Sobrevivénsia (1967), preskreve taxa substituisaun mínima porsentu 40 no 45, tinan 30 depoizde hahú kontribuisaun, ba pagamentu periódiku ba ferik/katuas, ema ho invalidés no sobrevivente sira.


Husi sorin seluk, programa *Bolsa da Mãe*, SAIL no Pensaun Veteranus nian iha nível prestasaun fiksiu. Programa *Bolsa da Mãe* oferese US\$ 5 fulan-fulan ba labarik idak-idak (to'o másimu na'in 3 ba agregadu familiar idak-idak), SAIL selu US\$ 30 fulan-fulan no Pensaun Veteranus, ne'ebé selu mós fulan-fulan, varia entre US\$ 276 no US\$ 575, depende durasaun servisu ne'ebé presta eskluzivamente ba luta independénsia. Maské objetivu programa hirak-ne'e la hanesan, diferença entre valór prestasaun boot loos – montante pensaun veteranus boot liu dala 115 kompara ho montante ne'ebé selu husi programa *Bolsa da Mãe*. Gráfiku 8 kompara programa tolu ho medida ekonómika ne'ebé la hanesan hodi avalia prestasaun idak-idak.

Esperiénsia internasionál hatudu katak, transferénsia rendimentu prodús impaktu iha nível konsumu família ki'ak nian, montante prestasaun tenke representa pelumenus porsentu 15 to'o 20 husi rendimentu familiár médiu³⁸. Husi programa sira hotu ne'ebé ita observa laiha ida ho prestasaun ne'ebé tama iha parámetru ne'ebá. Prestasaun *Bolsa da Mãe* representa frasaun kiik kompara ho maioria medida sira, no rezultadu aas liu – kompara ho liña mukt nian – representa liu uituan porsentu 10. Ne'e ladun fó dúvida katak prestasaun sira ne'ebé programa oferese mak situa iha nível adekuaudu nia okos atu bele prodús impaktu efetivu hodi hamenus mukt no,

³⁸ Haree Banku Mundial. 2013. Timor Leste Sosiál Assistance Public Expenditure and Program Performance Report.

portantu, la fó apoiu adekuadu ba família vulnerável sira, hanesan propo'in iha programa nia objetivu sira.

Gráfiku 8: Prestasaun sira-nia adekuasaun tuir Indikadór Ekonómiku³⁹, Programa sira Transferénsia Regular Rendimentus – 2014



Fonte 15: Kálkulu sira husi autór baseia ba: RDTL, Ministério das Finanças. 2016. Pobreza em Timor Leste 2014; e RDTL, Ministério das Finanças. 2015. Contas Nacionais 2000 – 2014.

SAIL nia prestasaun sira mós iha nível preskriu nia okos. Maibé, bainhira ita kompara prestasaun ba konsumu familiar husi porsentu 20 ema ki'ak liu, ka kompara ho liña mukit, prestasaun apresenta potensial ida hodi kontribui pozitivamente ba nível moris populasaun iha nível rendimentu/konsumu hirak-ne'e. Maibé, tanba mekanizmu indeksasaun ne'ebé programa uza – saláriu mínimu setór públiku nian – valór Prestasaun nafatin laiha alterasaun dezde tinan 2010, no lakon neneik-neneik nia poder kompra. Introdusaun kona-ba ajuste regular ligadu ba inflasaun, mudansa ba saláriu médiu, ka rekursu ba mekanizmu indeksasaun dinámiku liu, bele ajuda garante katak transferensia sira-nia valor real nafatin konstante no, tuir ida ne'e mós, programa nia impaktu sira.


³⁹ Konsumu Médiu Agregadu Familiár nian US\$ 422,22 fulan-fulan; Konsumu mediu Agregadu Familiár nian - Urbanu US\$ 553,11 fulan-fulan; Konsumu Médiu Agregadu Familiár nian - Rurál US\$ 364,76 fulan-fulan; Konsumu mediu Agregadu Familiár nian - 20% ki'ak liu US\$ 185,54 fulan-fulan; Liña Nasionál Mukit, US\$ 46,37 fulan-fulan; no PIB per kapita US\$ 215,92 fulan-fulan. Eixu "y" limitadu 200% hodi husik vizualizasaun dados kona-ba programa *Bolsa da Mãe* no SAIL di'ak liu.

Bainhira ita haree nível prestasaun Pensaun Veteranus, evidente katak sira-nia nível aas liu nível medida ekonómika sira seluk ne'ebé ita uza. Prestasaun ho valór kiik liu ekivalente ba maizoumenus porsentu 65 husi konsumu médiu agregadu familiar nasaun nian, no Prestasaun boot liu nia valór mak aas liu porsentu 125. Bainhira ita kompara ho nível konsumu husi ema porsentu 20 ne'ebé kiak liu, ka ho liña mukit nasional, kualker nível pensaun natoon atu hasa'e ho fásil família ida husi situasaun mukit. Nível prestasaun aas loos mak razaun prinsipál ba programa nia kustus aas, hanensan ita atu diskute iha seksaun tuirmai ne'e, maské ida-ne'e mak rejime ho número benefisiáriu kiik liu bainhira ita haree ba programa tolu ne'ebé ita analiza.

Investimentu sira iha Protesaun Sosiál

Depoizde konfliktu iha tinan 2007, investimentu iha protesaun Sosiál aumenta makaas. Maibé, maské aumenta lalais iha total despeza pública, investimentu sira iha setor sosiál la akompañá ritmu ne'e. Tuir ita apresenta iha Gráfiku 9, orsamentu sira ba Ministériu Solidariedade Sosiál, Edukasaun no Saúde aumenta neneik liu duké Orsamentu Jerál Estadu nian, liuliu bainhira ita kompara ho investimentu ne'ebé realiza iha infraestrutura.

Gráfiku 9: Despeza Pública, item selesionadu, ho valór korrente (Millaun USD)



* Investimentu sira iha infraestrutura konsidera orsamentu husi Ministériu Obras Públicas no Fundu Infraestruturas nian.

Fonte 16: 2016. RDTL, Portal da Transparência de Timor Leste.


Husi tinan 2010 to'o 2016, orsamentu Edukasaun nian sa'e maizoumenus dólares millaun 70 ba millaun 93, enkuantu orsamentu ba saúde sa'e husi dólares millaun 36 ba dólares millaun 38. Aumentu orsamentu iha Solidariedade Sosiál dudu liuliu liuhusi despeza ho Veteranu sira-nia pensaun ne'ebé, iha tinan 2016, representa maizoumenus porsentu 65 Ministériu Solidariedade Sosiál nia orsamentu.

Ministériu tolu nia orsamentu sira hetan korte kompara ho sira-nia tinan di'ak liu, no Ministériu Saúde mak hetan redusaun boot liu ho valór kuaze porsentu 40 iha nia orsamentu ba tinan 2015 to'o 2016. Enkuantu ida-ne'e akontese, investimentu sira iha infraestrutura sa'e husi millaun 199 iha tinan 2010 ba millaun 891 iha tinan 2016. Konsentrasaun rekursus públikus boot liu iha infraestrutura, hamutuk ho diminuisaun orsamentu iha setor sosiál, hatudu Governu nia preferénsia ba investimentu iha ativu fíziku, la'os investimentu ba dezvoltamentu umanu.

Hamutuk, programa 26 ne'ebé ita observa sura investimentu Governu Timór Leste nian maizoumenus millaun US\$ 212, ne'ebé ekivalente ba porsentu 15,5 PIB naun petrolíferu, ka

porsentu 8,0 PIB petrolíferu iha tinan 2015⁴⁰, no investimentu médiu ida *per capita* US\$ 179,45. Maibé, investimentu nia distribuisaun ladun ekuitativa. Gráfiku 10 hatudu investimentu hirak-ne'e nia distribuisaun ba instituisaun ne'ebé responsável ba nia ezeusaun. Ita bele haree katak MSS konsentra nia parte orsamentu boot liu ba protesaun sosiál, tanba nia mandatu kona-ba Pensaun Veteranus, ne'ebé uza nasaun nia orsamentu ba protesaun sosiál liu sorin ida.


Gráfiku 10: Investimentu sira iha Programa Protesaun Sosiál, tuir Ministériu Responsável - 2015⁴¹



Fonte 17: Grupu Tékniku Especializadu: Ministériu Saúde, Ministériu Edukasaun, Ministériu Agrikultura no Peskas, Ministériu Justisa, Ministériu Solidariedade Sosiál no SEPFOP.

Haree ba programa sira-nia klasifikasaun ne'ebé ita apresenta iha kapitulu ne'e nia hahú, investimentu konsentradu liu iha Pensaun Veteranus no, menus liu, iha programa regular transferénsia rendimentu no programa promosaun no asesu ba saúde, hanesan Gráfiku 11 hatudu. Hamutuk, programa sira ne'ebé fasilita asesu ba edukasaun, programa asisténsia sosiál sira ho eskala kiik, ajuda umanitária no protesaun sosiál ne'ebé relaciona ho traballu representa investimentu totál kiik liu porsentu 10 iha sistema.

Gráfiku 11: Investimentu sira iha Programa Protesaun Sosiál, tuir Tipu Programa



⁴⁰ PIB petrolíferu projetadu.

⁴¹ Iha tinan 2015, ka tinan ikus mai ne'ebé disponível.

Fonte 18: Grupu Tékniku espesializadu: Ministériu Saúde, Ministériu Edukasaun, Ministériu Agrikultura no Peskas, Ministériu Justisa, Ministériu Solidariedade Sosiál no SEPFOPE.

Analiza tuir perspetiva seluk, investimentu ba veteranus desproporsionalmente boot liu duka investimentu ba grupu sira seluk. Nível prestasaun ne'ebé selu ba veteranus boot liu bainhira kompara ho programa sira seluk no nia rezultadu mak kustus aas, mesmuké ho kobertura limitada populasaun total nian. Aleinde ne'e, prioridade política aas ba programa veteranus bele kria presaun orsamentál iha programa sira seluk iha Ministériu Solidariedade Sosiál, tanba esforsu atu limita MSS nia orsamentu iha efeitu la proporsionál ba despeza sira ne'ebé la relasiona ho veteranus. Husi tinan 2010 to'o 2016, despeza total iha MSS sa'e porsentu 54,3. Iha variasaun boot iha orsamentu nia laran no entre orsamentu programa sira nian, maské ida-ne'e, tendénsia jerál iha nafatin diferença importante. Ba períodu ne'ebé ita analiza, orsamentu Pensaun Veteranus sa'e porsentu 110,8, enkuantu despeza ho programa solidariedade sosiál sira seluk sa'e de'it porsentu 1,7. Tabela 4 hatudu orsamentu MSS nia evolusaun husi tinan 2010 to'o 2016.

Tabela 4: Ministériu Solidariedade Sosiál nia Despeza, tuir programa sira selecionadu – 2010 to'o 2016

	2010	2011	2012	2013	2014	2015	2016
Despeza Total – USD Millaun	\$ 103,7	\$ 118,5	\$ 161,6	\$ 149,2	\$ 146,5	\$ 195,5	\$ 160,1
<i>Diferença (%) ho tinan kotuk</i>	39,1%	15,2%	36,4%	-7,7%	-1,8%	33,5%	-18,1%
Programa ba Veteranus - USD Millaun	\$ 50,0	\$ 72,7	\$ 113,7	\$ 92,7	\$ 79,5	\$ 133,2	\$ 105,4
<i>Parsela (%) orsamentu MSS nian</i>	48,2%	61,3%	70,4%	62,2%	54,3%	68,1%	65,9%
MSS nia Programa sira seluk – USD Millaun	\$ 53,7	\$ 45,8	\$ 47,9	\$ 56,4	\$ 67,0	\$ 62,3	\$ 54,7
<i>Parsela (%) orsamentu MSS nian</i>	51,8%	38,7%	29,6%	37,8%	45,7%	31,9%	34,1%

Fonte 19: 2017. RDTL, Portal da Transparência de Timor Leste; e 2016. RDTL. Orçamento Retificativo do Estado de 2016 - Visão Geral do Orçamento - Livro 1.

Aleinde ne'e, husi pontudevista ida, programa ida-ne'e la'os de'it instrumentu ida hodi garante seguransa rendimentu mínimu ba grupu ida-ne'e, tanba programa ne'e dezvoltidu hodi rekompensa kombatente sira ne'ebé luta ba independénsia Timór Leste nian. Ne'e duni, iha nia esénsia programa ne'e la dezvoltidu nu'udar programa protesau sosiál.


Tuir ita hatudu ona, konsentrasaun rekursus iha grupu veteranus nia laran hamosu kontraste boot bainhira ita relasiona programa ne'e ho programa sira seluk: investimentu sira iha programa ba labarik no ba ema iha idade ativa la proporsionál ba populasaun husi grupu hirak-ne'ebá. Hanesan ita bele haree iha Gráfiku 12, karik orsamentu programa sira hotu fahe ho maneira hanesan ba nia grupu etáriu alvu⁴², montante investidu iha infánsia dahuluk kiik loos, depois aumenta durante idade eskolar, tuun fali durante moris ativu no sa'e makaas depoizde tinan 50 – dalan krontráriu ho distribuisaun etária populasaun nian.

⁴² Presupõi katak fahe orsamentu ho maneira ne'ebé hanesan ba grupu sira hotu no ba idade sira hotu ne'ebé inklui iha grupu etáriu alvu.

Volume rekursus ba grupu sira ho idade boot liu, programa sira ba veteranu mak dudu liu. Maibé, maské ita ignora rejime veteranu sira-nian (Gráfiku 13), investimentu nia konsentrasaun ba ferik/katuas no ba labarik sira ho idade eskolár kontrasta makaas ho investimentu ba infánsia dahuluk no ba populasaun ho idade ativa. Investimentu *per kapita* ba labarik sira mak kiik liu entre grupu etáriu tolu ne'ebé ita observa: US\$ 44,68 ba labarik idak-idak husi tinan 0 to'o tinan 17, US\$ 53,03 ba ema idak-idak iha idade ativa no US\$ 483,73 *per kapita* ba ema sira ho idade boot liu tinan 60, ba tinan idak-idak.

Natural katak investimentu *per kapita* ba sidadaun ferik/katuas boot liu duké investimentu ba labarik sira ka ba adultu sira ne'ebé iha kapasidade atu servisu. Bainhira ita ferik/katuas ona, ita komesa lakon ita-nia kapasidade hodi servisu, ne'e hamenus potensial hodi hetan rendimentu, ne'e duni, ezije apoiu liu hodi bele garante seguransa rendimentu. Pensaun ferik/katuas la'os de'it hodi fó apoiu ferik/katuas sira-nia nesesidade báziku; pensaun sira-ne'e mós nu'udar kompensasaun ba servisu ne'ebé ema hirak-ne'e halo tiha ona ba nasaun durante sira nia moris tomak. Aleinde ne'e, pensaun ne'ebé fó ba ferik/katuas hamenus mós todan ne'ebé sira bele representa ba orsamentu familiar tanba sira-nia nesesidade prestasaun kuidadus barak liu. Aumenta tan, liuhusi transferénsia intrafamiliar, rekursus la konsentra de'it ba ferik/katuas sira, no ida-ne'e permite disponibiliza rekursus barak liu ba agregadu familiar tomak, inklui ba labarik sira.


Gráfiku 12: Distribuisaun Investimentu sira iha Protesaun Sosiál, tuir grupu etáriu – Inklui Programa sira ba Veteranus, iha tinan 2015



Fonte 20: Grupu Tékniku Espesializadu: Ministériu Saúde, Ministériu Edukasaun, Ministériu Agrikultura no Peskas, Ministériu Justiça, Ministériu Solidariedade Sosiál no SEPFOPE.

Kontráriu ne'e, bainhira ita konsidera de'it veteranu sira-nia pensaun, entaun investimentu *per kapita* sa'e ba US\$ 2090,37, boot liu valór alokadu ba labarik idak-idak dala 46. Ida-ne'e mak estimativa besik, tanba, tuir realidade, programa sira laiha número benefisiáriu hanesan ba idade idak-idak abranjida, no benefisiáriu sira iha kustus ne'ebé la hanesan ba programa idak-idak.

Gráfiku 13: Distribuisaun Investimentu sira iha Protesaun Sosiál, tuir grupu etáriu – La inklui Programa sira ba Veteranus, iha tinan 2015



Fonte 21: Grupu Tékniku Espesializadu: Ministériu Saúde, Ministériu Edukasaun, Ministériu Agrikultura no Peskas, Ministériu Justiça, Ministériu Solidariedade Sosiál no SEPOPE.

Investimentu sira iha infánsia dahuluk hamosu retornu boot liu durante ema nia moris, liuliu investimentu ne'ebé halo ba loron moris rihun ida dahuluk, bainhira labarik sira-nia ulun no isin-lolon hakaat husi estájiu dezenvolvimentu kriticu liu. Investimentu sira iha idade dahuluk fasilita labarik sira-nia kreximentu tanba iha asesu ba nutrisaun di'ak ne'ebé husik hadia retornu husi investimentu iha nível edukasaun no saúde no, ikus liu, halo labarik sira sa'e adultu ne'ebé produtivu no saudável liu.

Maské Timór Leste nia investimentu iha protesaun sosiál konsentra iha sidadaun ferik/katuas, la'os ida-ne'e mak kauza investimentu kiik ba labarik sira. Bainhira ita la konsidera veteranu sira-nia pensaun, Governu nia montante investidu ba ferik/katuas ladún liu US\$ 1,30 *per kapita* loron-loron, no pensaun sosiál ba ferik/katuas mak responsável ba valór ida-ne'e nia parte boot liu, US\$ 1,00 *per kapita* loron-loron. Nível prestasaun hirak-ne'e la suficiente atu atinji liña mukt nasional. Solusaun la'os hamenus investimentu ba populasaun ferik/katuas, maibé fó atensaun no rekursus barak liu ba labarik sira, no ida-ne'e mak hamosu retornu investimentu boot liu, ne'ebé atu refleto iha dezenvolvimentu nasaun iha médiu no longu prazu.

Hodi komprende ho detalhe liu oinsá mak estrutura sistema protesaun sosiál iha Timór Leste, inklui risku prinsipál no restrisaun tuir dezenvolvimentu umanu ne'ebé populasaun hasoru, oinsá mak programa sira, ne'ebé iha ona, hatán ba situasaun hirak-ne'e no lakuna no problema implementasaun hirak-ne'ebé iha, seksaun tuirmai analiza polítika no programa lubuk ida, ne'ebé iha ona, tuir garantia haat mínimu ne'ebé Pizu Protesaun Sosiál propõin: asesu ba servisu esensial saúde nian no seguransa bázika rendimentu iha estájiu moris sira hotu – infánsia, idade ativa no ferik-katuas.

Pontu Prinsipál

- # Timór Leste nia kompromisu ba dezenvolvimentu umanu klaru iha Konstituisaun Repúblika, ne'ebé estabelese direitu ba asisténsia sosiál, seguransa sosiál, saúde no edukasaun ba ema hotu. Dispozisaun hodi garante direitu hirak-ne'e tradús ona iha programa protesaun sosiál balun no iha investimentu públiku signifikativu.
- # Maibé, investimentu sira-nia foku to'o agora mak promosaun kona-ba koezaun sosiál no dame, tan ne'e mak iniciativa atu hamenus mikit simu atensaun no orsamentu menus liu.
- # Programa protesaun sosiál 26, ne'ebé analiza ona, uza métodu oioin hodi konkretiza objetivu dezenvolvimentu lubuk ida luan, prevene vulnerabilidade (liuhusi transferénsia regular ho osan), mitiga xoke sira (ho resposta umanitária no ba dezastre sira) apoiu dezenvolvimentu umanu no asesu ba servisu sira esensiál (liuliu liuhusi programa saúde no edukasaun).
- # Maibé, programa sira-nia alkanse no kobertura iha variasaun boot. Programa sira universal, bazeia ba atribuisaun direitus, hatudu taxa kobertura boot liu.
- # Maioria benefísiu sira fó ho osan. Programa sira ho kobertura ka ho grupu-alvu kiik liu baibain uza pagamentu úniku/ho montante fiku, enkuantu transferénsia regular husi transferénsia mak karakterístika husi programa sira boot liu. Prestasaun servisu diretu ne'e mós tipu benefísiu komún; maibé, provizaun servisu sira dala barak mak limitadu ba postu administrativu no ba sentru munispál sira – populasau suku no vila dook liu laiha asesu fásil ba servisu hirak-ne'e.
- # Nível prestasaun transferénsia regular sira ho osan apresenta kontraste boot loos. Programa sira ho kobertura ka grupu-alvu abranjente liu (hanesan, *Bolsa da Mãe* no SAIL) oferece prestasaun ho nível adekuasaun kiik, no ida-ne'e kondisiona nia impaktu ba benefisiáriu sira-nia moris. Husi sorin seluk, programa sira ba Veteranus fó benefísiu sira jenerozu loos, boot liu transferénsia sira seluk dala barak.
- # Investimentu sira iha protesaun sosiál reprezenta parsela signifikativa husi Governu nia despeza sira. Maibé, programa sira ba veteranus konsentra liu porsentu 50 husi investimentu total iha protesaun sosiál. Iha senáriu ida hodi hamenus espasu fiskál, domíniu orsamentu ne'ebé relasiona ho veteranus hamosu presaun tan ba programa protesaun sosiál sira seluk.
- # Husi pontudevista distribuisaun etária, benefísiu sira ba ferik/katuas simu investimentu *per capita* aas liu duké ba labarik ka ba adultu sira iha idade ativa. Maibé, ne'e la'os refleksu husi gastus exesivu ba ferik/katuas, maibé rezultadu husi investimentu la suficiente ba faixa etária sira seluk.
- # Investimentu públiku sira-nia konsentrasaun iha infraestrutura, nomós situasaun hamenus orsamentu husi setor sosial, hatudu katak Governu nia prioridade mak kria ativu fíziku no despeza hirak-ne'e, sira-nia sasukat la tuir investimentu iha dezenvolvimentu umanu, inklui iha protesaun sosiál.

Asesu ba Servisu Saúde

Saúde iha Timór Leste

Servisu saúde públika iha Timór Leste gratuitu ba sidadaun sira hotu no garantidu nu'udar direitu ida iha Konstituisaun Repúblika nian.⁴³ Iha ona progresu espresivu iha área saúde, iha Timór Leste, iha tinan hirak ikusmai. Esperansa moris bainhira moris ho iis aumenta husi tinan 60,2 iha tinan 2001, ba tinan 68,2 iha tinan 2014, melloria fulan 6 liu kada tinan. Maské servisu públiku saúde iha nasaun gratuitu ba sidadaun sira, iha nafatin fatór barak ne'ebé impedimentu ba konkista kobertura universál saúde nian.

Obstákulu dahuluk mak infraestrutura saúde, ne'ebé kompostu husi postu saúde 293, Sentru Saúde Komunitáriu 68, Klínika Maternidade 43 no ospital nein de'it iha nasaun tomak. Hanesan konsekuensi, média nasionál atu ema to'o iha sentru saúde mak minutu 36 – 52 iha área rural, no perkursu ida-ne'e baibain ema halo ho ain (porsentu 78,6). Falta ambulánsia no, ba kazu balun, falta estrada hodi atende ba kazu sira hotu ne'ebé bele konstitui obstákulu boot ida atu comunidade sira izoladu bele iha asesu ba kuidadus médikus.⁴⁴

Kestaun seluk mak falta rekursus umanus kualifikadu. Situasaun ida-ne'e hahú muda ona lalais tanba investimentu boot ne'ebé realiza iha formasaun médiku sira nasionál – agora daudaun, Timór Leste iha ona médiku sira barak liu duké mínimu ne'ebé OMS rekomenda⁴⁵ (iha tinan 2014 iha médiku 0,8 ba abitante 1000, enkuantu iha tinan 2007 valór ne'e mak 0,3). Maibé, númeru pesoál atendumentu naun-médiku – liuliu enfermeira no parteira sira – kiik liu padraun mínimu internasionál. Iha tinan 2014, iha enfermeira no parteira 1,4 ba abitante 1000, enkuantu iha 2007 iha 0,9. Maibé, distribuisaun pesoál médiku la ekuitativu no iha rejiaun balun iha rekursus umanus ho númeru ne'ebé liu, enkuantu sira seluk laiha rekursus natoon. Ba kestaun espesífiku balun, hanesan saúde mentál, númeru profisionál sira formadu iha nasaun ita bele sura ho liman ida de'it – iha de'it psikiatra 0,26 ne'ebé servisu iha área saúde mental ba abitante rihun 100 iha tinan 2011. Pasiente sira ne'ebé presiza kuidadus hirak-ne'e iha opsaun uituan de'it kona-ba klínika ne'e bé oferece tratamentu no, iha establesimentu sira-ne'ebá, iha konsulta uituan de'it ho médiku sira.

Problema ida seluk refere ba ekipamentu médiku no aimoruk ne'ebé falta beibeik, liuliu iha klínika saúde iha suku sira iha áreas remotas, maské despeza boot ba aimoruk no ba suprimentu médiku (porsentu 31 husi orsamentu naun-salariál iha tinan 2015), mak sinaliza problema distribuisaun no inefisiénsia sira seluk. Mesmuké ho sistema saúde atual, pagamentu diretu ba saúde representa de'it frasaun kiik husi despeza totál ho saúde iha Timór Leste, no despeza públika representa porsentu 91,7 husi despeza total ho saúde iha tinan 2013.⁴⁶ Maibé, proporsaun kiik kona-ba pagamentu diretu la signifika katak servisu públiku kobre parte boot liu husi prokura kuidadus saúde nian.

Tanba obstákulu asesu ne'ebé refere iha leten no tanba falta servisu saúde privadu iha fatin seluk ne'ebé la'os iha Díli, pagamentu diretu kiik bele signifika de'it katak sira laiha asesu ba servisu

⁴³ Haree Artigu 57 Konstituisaun nian.

⁴⁴ Haree PNUD. 2015. Relatório de Desenvolvimento Humano 2015; RDTL, Ministério Saúde. 2011. Plano Estratégico Nasionál do Setor da Saúde 2011-2030; RDTL, Ministério Saúde. 2017. Relatório Estatístico de Saúde Janeiro-Dezembro 2016; e RDTL, Ministério Finanças. 2011. Inquérito aos Rendimentos e Despesa dos Agregados Familiares de 2011


⁴⁵ OMS rekomenda médiku 0,55 ba ema 1000 no tékniku saúde 1,73, naun-médiku, ba ema 1000.

⁴⁶ Haree Banco Mundial. 2016. Turning Challenges into Opportunities: the Mid-Term Health Expenditure Pressure Study in Timór Leste; OMS. Global Health Workforce Statistics; RDTL, Ministério Saúde. 2011. Plano Estratégico Nasionál do Setor da Saúde 2011-2030.

saúde, mezmuké sira bele no hakarak selu servisu hirak-ne'e. Kestaun seluk prátika komún iha rai laran mak halo tratamentu tradisionál, no dala barak tratamentu ne'e substitui utilizaun servisu medisina no impede pasiente sira simu kuidadus médikus ne'ebé adekuadu. Situasaun ida-ne'e mosu husi populasun nia koñesimentu uituan kona-ba kuidadus saúde ka kona-ba ábitu ladun dí'ak ka saudável, no husik folklore no fiar antigu mak determina trasu komportamentál. Dadas husi 2011 hatudu katak, individu sira ho moras grave, porsentu 5,1 no porsentu 11,5⁴⁷ simu tratamentu tradisionál iha áreas urbana no rurál. Laiha rejistu kona-ba kazu ne'ebé ladun grave, no kona-ba problema saúde grave, númeru bele subestimadu no despeza ho servisu hirak-ne'e la kontabiliza nu'udar pagamentu diretu ba saúde.

Kestaun sira seluk, ne'ebé aumenta risku ba saúde, mak taxa kiik kona-ba asesu ba bee moos no saneamentu iha rai-laran. Fonte bee moos no saneamentu bele prevene moras oioin, hanesan diarreia no kólera no asesu ba servisu esensial hirak-ne'e asosia baibain ho taxa má nutrisaun labarik kiik liu tinan 5 nian. Komunidade rurál sira hasoru risku boot liu duké comunidade sira iha área urbanu, hanesan ita bele haree iha gráfiku 14. Iha progresu balun ona; maibé, hahú iha tinan 2010, estensaun asesu ba bee no saneamentu paradu iha maizoumenus porsentu 70 no porsentu 40.⁴⁸

Gráfiku 14: Asesu ba Bee Moos no Saneamentu, tuir área –tinan 2001 to'o 2015



Fonte 22: OMS/UNICEF Joint Monitoring Programme (JMP) for Water Supply and Sanitation

Kondisaun asesu ba servisu saúde iha efeitu kontráriu iha ema nia moris, no kontribui atu problema saúde ne'ebé bele prevene no bele trata kontinua nafatin. Grupu vulnerável liu, liuliu labarik sira, feto isin-rua no ferik/katuas, espustu ba risku saúde, no qualidade kiik servisu saúde bele compromete sira-nia moris-dí'ak, ba kazu balun ho maneira permanente. Mortalidade materna no mortalidade labarik sira-nian to'o tinan liman komesa tuun desde tempu independénsia. Ritmu redusaun mortalidade infantil labarik sira kiik liu tinan lima estável tinan ba tinan, hanesan ita bele haree iha Gráfiku 15, maibé mortalidade infantil (husi fulan 0 to'o fulan 12) ladun sa'e lalais. Husi sorin seluk, mortalidade materna nafatin konstante husi tinan 2001 to'o 2010, ho feto mate 660 no 557 ba 100000 naximentu, maibé tuun lalais ba 270 óbitus maternu ba 100000 naximentu iha tinan 2015. Feto no labarik-feto iha área rurál iha difikuldade boot liu atu asesu ba servisu saúde seksuál no reprodutivu, liuliu ba kuidadus espesializadus durante partu,


⁴⁷ Refere ba Liña Mukit Nasionál, ne'ebé bazeia ba Inkéritu kona-ba Rendimentu no Despeza Agregadu Familiar sira husi tinan 2011.

⁴⁸ Haree RDTL, Ministériu Saúde. 2015. Inquérito Alimentar e Nutricional 2013; no OMS/UNICEF Joint Monitoring Programme (JMP) for Water Supply and Sanitation (<http://www.wssinfo.org/>)

kuidadus pré no pós-partu no servisu planeamentu familiar, no ida-ne'e mós difikulta hamenus mortalidade materna no infantil.⁴⁹

Mezmu ho tendénsia pozitivu hirak-ne'e, hadia asesu ba saúde seksuál no reprodutivu kontinua kestaun krítiku hodi garante asesu ba saúde no direitu reprodutivu sira ba ema hotu. Númeru partu ne'ebé iha akompañamentu husi profisionál saúde nian aumenta iha tinan sira ikus-mai, husi porsentu 49,3 iha tinan 2010, ba porsentu 61,8 iha tinan 2013, no porsentu 63 iha tinan 2015; maibé, partu porsentu 22 de'it mak akontese iha sentru saúde. Atu asegura katak feto isin-rua sira hotu iha asesu ba kuidadus pré-natal no pós-partu kontinua nafatin dezafiu ida, maské iha ona avansu balun, tuir Gráfiku 16 hatudu. Kestaun ne'ebé relasiona ho falta infraestrutura saúde, falta meius transporte ba sentru saúde, utilizasaun medisina tradisional no falta kompreensaun kona-ba benefísiu asisténsia médiku durante no depoizde isin-rua difikulta atu hadia indikadór hirak-ne'e. Maizoumenus feto ida ba haat seidak simu kuidadus pré-natal husi profisionál (porsentu 23,4), maizoumenus sorin (porsentu 50,9) simu atendimentu pré-natal pelumenus dala haat no porsentu 48 de'it mak simu kuidadus pós-partu iha tinan 2015.⁵⁰

Gráfiku 15: Mortalidade Infantil, kiik liu tinan 1 no kiik liu tinan 5 (ba 1000 moris ho iis), no Mortalidade Materna (ba 100.000 naximentu) – 2001 to'o 2015



Fonte 23: UN Inter-agency Group for Child Mortality Estimation


Risku maternu jerál tuun. Maibé, taxa natalidade nafatin aas, no média mak oan 5,7 ba kada feto ida, hahú ho idade joven. Idade medianu ba naximentu dahuluk mak tinan 22,1, maibé feto porsentu 14 tuur-ahi molok tinan 18. Isin-rua iha idade prekose bele observa liuhusi taxa natalidade entre adolexente sira – naximentu 52,2 ba feto 1000 entre tinan 15 no 19 –, husi sira ne'e porsentu 47,9 husik eskola tanba isin-rua, iha tinan 2013. Planeamentu familiar seidak praktik komun entre timoroan sira, maské iha tinan sira ikusmai iha melloria. Maizoumenus un tersu feto kaben-na'in (porsentu 31,5) iha kestaun la satisfeitu kona-ba planeamentu familiár no porsentu 42 de'it mak iha sira-nia nesesidade atendidu. Utilizasaun kontrasetivu entre feto ho tinan 15 to'o tinan 49 aumenta husi porsentu 6,6 iha tinan 2001 ba porsentu 15,8 iha tinan 2007,

⁴⁹ Haree: RDTL. 2014. Relatório dos Objetivos de Desenvolvimento do Milénio; PNUD. 2015. Relatório de Desenvolvimento Humano 2015; CEDAW. 2015. Conclusões sobre o segundo e terceiro relatórios periódicos combinados de Timor Leste.

⁵⁰ Haree: RDTL, Ministério da Saúde. 2011. Plano Estratégico Nacional do Setor da Saúde 2011-2030; RDTL. 2014. Relatório dos Objetivos de Desenvolvimento do Milénio 2014; RDTL, Ministério da Saúde. 2015. Relatório Estatístico Annual 2015; no RDTL, Ministério da Saúde. 2015. Estratégia Nacional sobre Saúde Reprodutiva, Materna, Neonatal, Infantil e do Adolescente 2015-2019.

no rejista aumentu foun ida ba porsentu 21,1 iha tinan 2010, maibé agora paradu, no nafatin iha porsentu 22 iha tinan 2015.⁵¹

Gráfiku 16: Kuidadus Pré-Natal no Pós-partu, ho percentajen naximentu



Fonte 214: RDTL. 2014. Relatório dos Objetivos de Desenvolvimento do Milénio 2014; Ministério Saúde. 2015. Relatório Estatístico Anual.

Entretantu, karik problema saúde grave liu iha nasaun mak má-nutrisaun jeneralizada, ne'ebé ita konsidera problema krítiku saúde pública nian tuir padraun OMS nian. Iha Timór Leste, má-nutrisaun mak problema saúde ne'ebé kontribui barak liu ba mate prematuru no ba defisiénsia, liuliu laktente no inan foun.⁵² Nutrisaun adekuaudu mak fatór krusiál ba indíviduu sira-nia moris dí'ak iha idade sira hotu, hanesan ita hatudu ona, iha Timór Leste la'os problema husi família k'iak sira-nian de'it. Má-nutrisaun bele iha impaktu la'os iha ema nia saúde de'it, tanba halo nia sai sensitivu liu atu hetan moras no hamenus loos nia kualidade moris, maibé difikulta mós produtividade individual, hamenus resposta kognitivu no fíziku. Desde independénsia, nasaun halo progresu makaas hodi hadia kondisaun nutrisional; maibé nafatin, timoroan ida husi haat mak malnutridu.

Má-nutrisaun, iha etapa dahuluk moris nian, bele hamosu konsekuénsia ba ita-nia moris tomak no labarik sira-nia situaun nutrisional kuaze la apresenta progresu iha totál populaun. Labarik sira-nia nutrisaun la adekuaudu hamenus nia ipóteze sobrevivénsia no sira-nia dezempeñu eskolár, aleinde kondiona sira-nia kreximentu no dezvoltamentu adekuaudu. Enkuantu labarik sira dezenvolve sira-nia kompeténsia kognitivu durante tinan dahuluk moris nian, efeitu husi privasaun bele hamosu konsekuénsia ba tempu naruk no kumulativu. Husi sorin seluk, bainhira ita hadia labarik sira-nia dezvoltamentu, iha infánsia dahuluk, ita bele hadia sira-nia dezempeñu eskolár, sira-nia dezenpeñu iha servisu no sira-nia hahalok sosiál, kleur liu depoizde intervensaun remata ona. Investimentu iha Programa Infánsia Dahuluk nia taxa retornu boot liu bainhira hahú molok moris, no ita bele haree retornu ida-ne'e tuun bainhira halo intervensaun mak iha idade avansadu liu.⁵³ Ita bele komprova katak prevene má-nutrisaun, iha lora 1000 hahú moris, hamosu benefísiu ba labarik nia dezvoltamentu. Iha aspetu ida-ne'e, Timór Leste hatudu avansu, bainhira ita


⁵¹ Haree: RDTL, Ministério das Finanças. 2013 Análise da Situação das Crianças em Timor Leste; PNUD. 2015. Relatório de Desenvolvimento Humano 2015; Banco Mundial. 2005. Timór Leste Living Standards Measurement Survey 2001; RDTL, Ministério da Saúde. 2004. Inquérito Demográfico de Saúde 2003; RDTL, Ministério das Finanças. 2008. Inquérito aos Padrões de Vida 2007; no RDTL, Ministério da Saúde. 2010. Inquérito Demográfico de Saúde 2009-2010.

⁵² Haree Provo, A., Atwood, S., Sullivan, E., & Mbuya, N. (2016). Malnutrition in Timór Leste: A Review of the Burden, Drivers, and Potential Response.

⁵³ Haree Heckman, J.J. (2015) "The Case for Investing in Disadvantaged Young Children" no dokumnetu sira ne'ebé relasionadu hodi hetan informasaun tan.

konsidera persentajen bebé, ne'ebé susu de'it durante fulan nein dahuluk, aumenta husi porsentu 44 iha tinan 2002 ba porsentu 51,5 iha tinan 2010 no, depois, ba porsentu 73 iha tinan 2015.⁵⁴ Husi sorin seluk, prevalénsia desnutrisaun króniku (estatura badak), desnutrisaun aguda no baixu pezu ladún iha mudansa desde 2002 to'o ohin loron, hanesan ita hatudu iha Gráfiku 17. Loloos, iha aspetu balun situausaun aat liu.

Gráfiku 17: Indikadór Má-nutrisaun iha Timór Leste, ho persentajen labarik sira ki'ik liu tinan 5⁵⁵



Fonte 25: Banco Mundial. 2005. Timór Leste Living Standards Measurement Survey 2001; RDTL, Ministério da Saúde. 2004. Inquérito Demográfico de Saúde 2003; RDTL, Ministério da Saúde. 2010. Inquérito Demográfico de Saúde 2009-2010; RDTL, Ministério das Finanças. 2008. Inquérito aos Padrões de Vida 2007; RDTL, Ministério das Finanças. 2013. Análise da Situação das Crianças em Timor Leste; RDTL, Ministério da Saúde. 2011. Plano Estratégico do Setor da Saúde Nacional 2011-2030; RDTL, Ministério da Saúde. 2015. Inquérito Alimentar e Nutricional 2013; no RDTL, Ministério da Saúde. 2015. Estratégia Nacional sobre Saúde Reprodutiva, Materna, Neonatal, Infantil e do Adolescente 2015-2019

Maské programa kombate má-nutrisaun infantil, labarik sira ho tinan lima ba kraik liu metade hasoru desnutrisaun króniku (porsentu 51,9), ho porsentu 20,4 prevalénsia desnutrisaun króniku makaas. Situausaun aat liu tan ba labarik-mane, ho porsentu 53,1, kompara ho labarik-feto sira, ho porsentu 47,2. Labarik sira ne'ebé moris iha área rural iha hipótese boot liu atu sofre desnutrisaun króniku (porsentu 54,5) duka nia par urbanu (porsentu 38,9). Interessante mak kuaze labarik na'in rua ba kada labarik na'in lima (porsentu 39,1) iha família husi populausaun ho kintil riku liu sofre má-nutrisaun. Maské taxa ida-ne'e kiik liu duka labarik sira iha kintil ki'ak liu (porsentu 59,3), dadus

⁵⁴ Haree: RDTL, Ministério da Saúde. 2004. Inquérito Demográfico de Saúde 2003; RDTL, Ministério da Saúde. 2010. Inquérito Demográfico de Saúde 2009-2010; no RDTL, Ministério da Saúde. 2011. Plano Estratégico Nacional do Setor da Saúde 2011-2030

⁵⁵ Indikadór sira kona-ba má-nutrisaun. Definisau: *Desnutrisaun Króniku* – défise aas ba labarik nia tinan. Representa falta iha tempu naruk nia laran nutrisaun adekuaudu no desnutrisaun króniku (iha desviu padraun rua kona-ba referénsia medianu aas nia tuir idade nia okos); *Desnutrisaun Aguda* – défise todan bainhira konsidera labarik nia aas. Representa nutrisaun ne'ebé la adekuaudu ba períodu molok ba sukat no hamosu subnutrisaun agudu, bele mós rezultadu husi hahán nia injestaun la adekuaudu ka epizódiu moras foin daudauk (iha desviu padraun rua kona-ba referénsia medianu aas nia tuir idade nia okos); *Desnutrisaun Aguda makaas* - Mezmuké *Desnutrisaun Aguda*, maibé défise todan mak boot liu (iha padraun referénsia medianu ba aas desnutrisaun ne'e mosu iha desviu tolu nia okos); *Todan kiik (Baixu-Pezu)* – défise todan ba labarik nia tinan. Representa meddida ida ne'ebé inklui aas kompara ho tinan no todan kompara ho aas, no konsidera desnutrisaun agudu no króniku (iha desviu padraun rua nia okos kona-ba referénsia medianu ba nia tinan); *Anemia* – konsentrasaun emoglobina kiik iha labarik nia ran. Representa katak laiha injestaun ferru (besi) natoon (ba anemia nutricional) no, iha grau kiik liu, defisiénsia fosfatu, vitamina B, B12 no elementu balun ne'ebé envolve iha produsaun glóbulus mean. Haree: RDTL, Ministério da Saúde. 2010. Inquérito Demográfico de Saúde 2009-2010.

hirak-ne'e hatudu katak la'os rendimentu kiik de'it mak fatór úniku ne'ebé hamosu má-nutrisaun. Aleinde nee, iha evidénsia katak prevalénsia problema má-nutrisaun iha família ne'ebé ki'ak liu indika nível edukasaun kiik no kondisaun ladiak kona-ba família nia abitasaun.⁵⁶

Maizoumenus labarik porsentu 11 hatudu sinal desnutrisaun agudu no, dala ida tan, labarik-mane sira apresenta taxa aas liu duké labarik-feto sira (porsentu 12,9 no porsentu 9,0). Problema parese sa'e aat liu tan bainhira labarik komesa boot, tanba labarik kiik liu fulan 6 apresenta tiha ona menus liu metade (porsentu 4,5) prevalénsia rejistada iha labarik boot liu (porsentu 12,7 ba labarik sira husi fulan 6 to'o fulan 11). Kontráriu ba desnutrisaun króniku agudu, desnutrisaun agudu barak liu mak iha área urbanu (porsentu 14,3) duké iha área rurál (porsentu 9,8).⁵⁷

Problema kona-ba labarik sira-nia baixu pezu mosu husi desnutrisaun króniku no desnutrisaun agudu, no afeta labarik sira timoroan porsentu 37,7, no porsentu 10,1 sofre baixu pezu severu. Hanesan ho desnutrisaun agudu, baixu pezu aumenta ho idade, aumenta husi labarik sira kiik liu fulan 6 porsentu 7,6 ba kuaze sorin ida (porsentu 49,4) husi labarik sira ho idade boot liu fulan 36. Família sira ki'ak liu no área rural sira mak hatudu taxa aas liu bainhira ita kompara ho nia kontraparte urbanu.

Ho nível prevalénsia aas, anemia mós hanesan nakfila ba epidemia iha Timór Leste, Senáriu ida ne'ebé sa'e aat liu lalais. Iha tinan 2013, porsentu 62,5 husi labarik sira sofre anemia, kuaze dobru husi taxa porsentu 35 ne'ebé rejista iha tinan 2003.⁵⁸

Labarik sira-nia problema nutricional bele hahú molok sira moris, tanba inan nia estadu nutricional durante isin-rua mak vital ba bebé nia dezvoltamentu nomós hodi prevene mortalidade materna – maizoumenus un tersu mortalidade infantil iha Timór Leste relasiona ho inan ka labarik sira-nia má-nutrisaun. Dala barak, feto timoroan sofre má-nutrisaun no defisiénsia mikronutriente sira, situasaun ne'ebé bele aat liutan durante tempu isin-rua. Inan ida la'os isin-rua ba kada aat (porsentu 24,8) ho labarik kiik liu tinan lima sira-nia todan menus liu, ho porsentu 2,7 ho kondisaun severa. Maizoumenus un kuartu feto timoroan (porsentu 27,2) iha Índise masa korporal (IMC) kiik liu 18,5, situasaun ne'ebé di'ak liu duké labarik-feto ho tinan 15 to'o 19, ne'ebé sura porsentu 33,4. Maizoumenus un tersu (porsentu 35) iha pelumenus indikadór ida kona-ba defisiénsia besi (ferru)⁵⁹, maské prevalénsia anemia entre feto ho idade reproduktivu tuun hela ho maneira konstante desde tinan 2001, husi populasau porsentu 32,7 ba porsentu 22,5 iha tinan 2011. Situasaun ne'e hanesan ba feto isin-rua, maské frekuente tan, ho prevalénsia porsentu 24,1.⁶⁰

Razaun sira ne'ebé tane má-nutrisaun nia nível aas la'os de'it disponibilidade ai-han. Nia kauza oioin no diferente no kauza sira-hotu kontribui ba problema ne'e. Kauza diretu, hanesan injeastaun nutrientes ne'ebé la suficiente, no moras beibeik no grave, asosia ba kauza indiretu, hanesan problema ijiéne, prátika alimentasaun la adekuaudu, feto sira-nia situasaun saúde no asesu ba servisu saúde.⁶¹ Beibeik, ema barak la konsome kuantidade calorias adekuaudu loron-loron; labarik porsentu 20,8 la han número mínimu refeisaun rekomendadu loron-loron ba sira nia idade. Falta

⁵⁶ Haree: RDTL, Ministério da Saúde. 2015. Inquérito Alimentar e Nutricional 2013

⁵⁷ Haree: RDTL, Ministério da Saúde. 2015. Inquérito Alimentar e Nutricional 2013.

⁵⁸ Haree: RDTL, Ministério da Saúde. 2015. Inquérito Alimentar e Nutricional 2013.

⁵⁹ Liuliu, prevalénsia anemia porsentu 16 tanba falta ferru (besi) porsentu 27 tanba falta iodu.

⁶⁰ Haree: RDTL, Ministério da Saúde. 2013. Análise da Situação das Crianças em Timór Leste; RDTL, Ministério da Saúde. 2015. Estratégia Nacional sobre Saúde Reprodutiva, Materna, Neonatal, Infantil e do Adolescente 2015-2019; no OMS (2016) Global anemia prevalence and trends 1995-2011.

⁶¹ Haree Provo, A., Atwood, S., Sullivan, E., & Mbuya, N. (2016). Malnutrition in Timór Leste: A Review of the Burden, Drivers, and Potential Response.

diversidade alimentar hanesan mós kestaun frekvente kona-ba nutrisaun infantil timoroan. Labarik ho idade entre fulan 6 no fulan 23 porsentu 27,5 de'it mak iha "diversidade dietética mínima" rekomendadu; labarik sira boot liu apresenta taxa di'ak liu, ho porsentu 40,6, maibé preokupante nafatin.⁶²

Situasaun ida-ne'e rezulta mós husi inseguransa alimentar ne'ebé ita sente durante longu prazu iha rai-laran. Munisípiu sira iha nível seguransa alimentar oioin, hanesan Figura 6 hatudu, ne'ebé mosu husi diferença tuir rendimentu sira, prática agrikula, padraun klimátiku no atividade ekonómiku. Díli mak rejiaun ho persentajen populasau kiik liu ne'ebé sofre ho falta ai-han iha tinan ida nia laran (porsentu 10), enkuantu iha Baukau no Aileu liu metade populasau moris iha situasaun inseguransa alimentar.⁶³ Produitu sira ho orijen animal iha prokura no produsaun limitadu, no balada sira ema uza baibain nu'udar beins komersializável no la'os nu'udar fonte nutrisaun. Liutan, bainhira ai-han sira disponível, agregadu familiar buka liu garante asesu ba ai-han báziku no, dala barak, fa'an ai-han riku ho nutriente hodi bele sosa foos.⁶⁴

Figura 6: Inseguransa Alimentar liuhusi Munisípiu sira, ho persentajen populasau



Fonte 26: RDTL, Ministério das Finanças. 2011. Inquérito aos Rendimentos e Despesa dos Agregados Familiares 2011.

Insidénsia moras mós bele afeta ema ida-nia estadu nutricional. Iha Inkéritu Alimentar no Nutricional Timór Leste nian ba tinan 2013, iha informasaun katak labarik sira ho tinan ida menus liu porsentu 47,7 sofre ho moras iha semana rua molok entrevista; labarik nia kuantidade signifikativu afetadu ho moras hanesan diarreia, isin-manas ho mear no infesaun respiratóriu agudu.⁶⁵ Kona-ba kazu diarreia, labarik porsentu 23,8 de'it mak simu alimentasaun adekudu durante tempu ne'ebé sira moras, no balun de'it mak simu tratamentu. Dala barak, inan sira haree diarreia hanesan parte natural husi infánsia, tan ne'e maka porsentu 50 de'it fó hatene katak sira

⁶² Haree: RDTL, Ministério da Saúde. 2015. Inquérito Alimentar e Nutricional 2013.

⁶³ Dadas desagregadu tuir Munisípiu la'os estatistikamente signifikativu tamba observaun sira registadu uituan de'it. Maibé, amostra bele fornese aprosimasaun husi realidade. Haree: RDTL, Ministério das Finanças. 2011. Inquérito aos Rendimentos e Despesa dos Agregados Familiares 2011.

⁶⁴ Haree Provo, A., Atwood, S., Sullivan, E., & Mbuya, N. (2016). Malnutrition in Timór Leste: A Review of the Burden, Drivers, and Potential Response.

⁶⁵ Insidénsia kona-ba moras hirak-ne'e mak: Diarreia porsentu 16,7; Isin-manas porsentu 32,6; Isin-Manas ho mear porsentu 37,0; no Infesaun Respiratóriu Agudu (IRA) porsentu 9,3. Atu hetan informasaun liután, bele consulta RDTL, Ministério da Saúde. 2015. Inquérito Alimentar e Nutricional 2013.

lori kedas labarik ba klínika saúde. Diarreia nia okorrénsia bebeik hamosu risku boot liu kona-ba desnutrisaun króniku.

Tuir hatudu ona, asesu ba bee mós no ba saneamentu adekuadu la'os universál; faktu ida-ne'e, hamutuk ho ábitu ijiene ladi'ak, prejudika nutriente sira-nia absorsaun no aumenta insidénsia moras. Sentina iha liur nafatin realidade ida ba un kuartu populasan (porsentu 26,1), maské avansu sira-ne'ebé realiza desde tinan 2001, bainhira ema porsentu 46 iha toman ida-ne'e. Prátika ijiéne simples, hanesan fase liman, ema lahalo bebeik tanba falta persesaun kona-ba asaun ida-ne'e nia importánsia (indivíduu porsentu 35 de'it mak fó relata katak importante fase liman molok fó hahán ba bebé ida) ka tanba laiha kondisaun atu halo – porezemplu, tanba laiha bee.

Fator sira seluk relasionadu ho norma no kultura sociedade iha mós influénsia ba nutrisaun iha Timór Leste. Feto sira-nia saúde fízika no mental, fraku liu tanba *stress*, tanba falta poder sosioekonómiku no tanba neglijénsia ho moris-di'ak, bele afeta absorsaun nutriente sira no afeta prátika no kuidadu sira. Aleinde ne'e, isin-rua ho idade kiik, baixu asesu ba kontrasetivu no taxa fertilidade aas mak fatór risku ba anemia no baixu bainhira ema moris, no sira mós kontribui ba má-nutrisaun interjerasional.

Difikuldade asesu no servisu saúde públiku nia qualidade ladi'ak limita liutan realizasaun asaun preventivu no tratamentu nian.⁶⁶

Panorama nutricional iha Timór Leste ameza tebes ba dezvoltamentu futuru nasaun nian. Forsa servisu la nutridu no redusaun reseita mina-rai bele lori nasaun ba senáriu ekonómiku ida ne'ebé difísil karik laiha avansu ho urjénsia.

Bainhira ita konsidera númeru labarik sira ne'ebé ho kondisaun hanesan ne'e, forsa traballu ba tempu oin mai iha Timór Leste bele menus produtivu duké karik ema sira-nia estadu nutricional adekuadu, no ida-ne'e sei kondús ba kreximentu ekonómiku nia redusaun no, dala ida mós, atu kria jersaun adultu ho tendénsia boot liu atu dezenvolve moras króniku – no kontribui hodi kontinua nafatin lasu kona-ba mukit. Ita estima katak má-nutrisaun nia impaktu ba dezvoltamentu ekonómiku hamenus PIB naun-petrolíferu nia kreximentu entre pontu persentuál 1 to'o 2 tinan-tinan, no ida-ne'e representa maizoumenus un kuartu husi kreximentu anuál porsentu 8 ne'ebé Governu projeta ona. Lakon ida-ne'e bazeia ba valór atual kona-ba ema-moris ne'ebé lakon tanba problema nutrisaun no tanba lakon traballadór atual no ba tempu oin-mai sira-nia produtividade no bele evita ida-ne'e.⁶⁷

Populasaun ho problema nutrisaun vulnerável liu ba moras ne'ebé dait no moras ne'ebé la dait. Moras ne'ebé la dait mak kauza ona ba porsentu 44 ema mate ne'ebé bele evita, no enkuantu populasaun komesa tuan, persentajen ida-ne'e karik mós bele aumenta. En jerál, ema boot liu tinan 18 porsentu 72,8 apresenta fatór risku 1 ka 2 ne'ebé predís moras kardiovaskular, no porsentu 19,4 iha fator risku 3 liu, no tau kuaze ema hotu iha rai-laran ho risku. Moras hirak-ne'e ezije kuidadu kosntante no, bebeik, presiza uza aimoruk kleur hodi evita sintoma no agravamentu, no tau todan ba orsamentu familiar no impede autonomia individual.⁶⁸

⁶⁶Haree Provo, A., Atwood, S., Sullivan, E., & Mbuya, N. (2016). Malnutrition in Timór Leste: A Review of the Burden, Drivers, and Potential Response.

⁶⁷Traballador sira ohin loron lakon kapasidade dezempeñu iha servisu tamba anemia no tamba insidénsia bebeik liu kona-ba moras ne'ebé mosu husi falta mikronutriente esensial. Produtividade futuru lakon tamba défice dezvoltamentu kognitivu no fíziku ne'ebé desnutrisaun provoka durante infánsia. Haree RDTL, Ministério da Saúde. 2014. The Economic Consequences of Under-nutrition in Timór Leste.

⁶⁸Haree OMS Timor Leste. 2016. Country Profile; OMS. 2014. National survey for non-communicable disease risk factors and injuries.

Kona-ba moras ne'ebé bele dait, nasaun realiza ona progresu importante, liuliu hamenus insidénsia moras tropikál. Iha tinan 2001, iha kazu malária 113,0 registadu ba kada grupu abitante 1000, iha Timór Leste, no iha tinan 2015 valór tuun ba kazu menus 0,1 ba kada grupu abtante 1000; husi sorin seluk, denge regista de'it kazu 780, kazu 0,6 ba kada abitante 1000. Kona-ba tuberkuloze, moras nia insidénsia nafatin konstante durante dékada 2000, maibé tuun ba kazu 498 ba kada abitante 100000, iha tinan 2009, ba 323 iha tinan 2015. Husi sorin seluk, VIH/SIDA komesa habelar ho maneira konstante. Kazu dahuluk identifika tiha iha tinan 2003 no iha tinan 2015, iha ona kazu 539 registadu, husi kazu hirak-ne'e porsentu 60 mak korresponde ba individuu ho idade entre tinan 25 no 44.⁶⁹

Instituisaun governamentál oioin rekoñese katak aspetu kultura timoroan balun iha influénsia negativu kona-ba kestaun saúde. Laiha konsiderasaun ba seguransa rodoviáriu, hanesan uza sintu seguransa ka kapasete, lori ema ne'ebé envolve iha asidente tránzitu kuaze metade (porsentu 49,6) sofre kanek todan. Fuma mós buat ida popular loos, liuliu ba populasaun ferik/katuas, no ema porsentu 63,1 husi tinan 45 to'o tinan 69 no ema porsentu 43,0 ho tinan entre 18 no 44 fuma sigarru. Aleinde ne'e, fumador porsentu 75,0 konsome liu sigarru 10 loron-loron. Adultu sira mós konsome tua porsentu 28,6 no sira-nia konsumu frequente, tanba ema porsentu 45,5 hemu tua, no hemu liu dala 3 semana-semana. Uzu narkótiku mós komesa sa'e, liuliu entre foin-sa'e sira; maibé, ita seidak iha dadus disponível ne'ebé fó avaliasaun kona-ba problema ida-ne'e. Ábitu sira-ne'e hamutuk hamosu konsekuénsia longu prazu ba saúde, no ida-ne'e representa ameasa ida ba sustentabilidade financeira sistema saúde timoroan nian. Konforme populasaun komesa tuan, ábitu hirak-ne'e aumenta nesesidade kuidadus médikus no, tuirmai, aumenta presaun kona-ba infraestrutura no orsamentu saúde iha Timór Leste.⁷⁰

Pontu Prinsipál

- # Sistema Nasionál Saúde gratuito no universál. Maibé, sofre nafatin ho número limitadu no distribuisaun estabelesimentu saúde nian, falta profissional saúde (liuliu pesoál naun médiku) no falta suprimentu médiku beibeik, ekipamentu no aimoruk sira. Fatór hirak-ne'e atua nu'udar obstákulu iha asesu ba servisu esensiál saúde no kompromete servisu prestadu ba comunidade nia qualidade.
- # Maské nível kiik pagamentu diretu saúde iha nasaun, aspetu ida-ne'e relaciona karik ho problema kona-ba oferta servisu médiku (liuliu iha fatin ne'ebé la'os Díli) no ho falata procura.
- # Asesu ba bee moos no ba saneamentu lato'o ba ema hotu. Situasun ida-ne'e hasa'e risku atu ema hetan moras ne'ebé bele prevene no iha relasaun aas ho labarik sira kiik tinan 5 sira-nia nutrisaun ladi'ak. Área rural sira hatudu progresu maibé neneik loos no hatudu taxa kobertura kiik liu duké iha área urbana.
- # Mortalidade materna no labarik sira kiik liu tinan 5 tuun makaas desde independénsia. Maibé, mortalidade husi labarik sira entre fulan 0 to'o fulan 12 meses tuun neneik liu.
- # Asesu ba servisu saúde seksuál no reprodutiva limitadu, inklui partus ne'ebé realiza iha estabelesimentu saúde nian, kuidadus pré no pós-partu no servisu planeamentu familiar

⁶⁹ Haree RDTL. 2015. Relatório dos Objetivos de Desenvolvimento do Milénio 2015; RDTL, Ministério da Saúde. 2015. Relatório Estatístico Anual; e RDTL. 2014. Relatório dos Objetivos de Desenvolvimento do Milénio 2014.

⁷⁰ Haree: OMS/UNICEF Joint Monitoring Programme (JMP) for Water Supply and Sanitation (<http://www.wssinfo.org/>); no OMS. 2014. Inquérito Nasionál para os fatores de risco de doenças não transmissíveis e lesões.

- # Má-nutrisaun, ho nia forma oioin, iha destake nu'udar emerjénsia saúde iha Timór Leste. Má-nutrisaun mak fatór ne'ebé kontribui liu ba mortalidade materna no infantil, no iha eskala atual mak ameasa ba dezvoltamentu iha nasaun ba longu prazu.
- # Insidénsia aas husi kestaun sira hotu ne'ebé relasiona ho má-nutrisaun, liuliu desnutrisaun króniku, baixu pezu no anemia, rezulta kombinasan fatór oioin, inklui: diversidade alimentar no injeitaun nutriente ne'ebé la suficiente, inseguransa alimentar longu prazu nian, kudadus no ábitu alimentar ne'ebé la adekuaadu, moras nia insidénsia frekvente no grave (liuliu diarreja), falta ijiéne, feto sira-nia kondisaun no saúde, asesu difísil ba servisu saúde nian.
- # Iha ona progresu di'ak kona-ba hamenus insidénsia moras ne'ebé dait, hanesan malária. Maibé, insidénsia moras ne'ebé la dait, hanesan problema kardiovaskular no diabetes, aumenta lalais.

Programa sira ne'ebé Eziste ona⁷¹

Sistema Nasionál Saúde nian

<i>Programa nia Deskrisaun</i>	Servisu saúde sira grátis ba sidadaun hotu iha unidade saúde pública sira. Agora daudaun iha ona ospital 6, postu saúde 192, Sentru Komunitáriu Saúde nian 92 no maternidade 43 iha Timór Leste laran tomak, no profisionál saúde 1535 (médiku, enfermeiru no parteira sira) mak servisu iha fatin hira-ne'e.
<i>Instituisaun Responsável</i>	<i>Ministériu Saúde</i>
<i>Grupu-Alvu</i>	Sidadaun timoroan sira hotu.
<i>Benéfisiu sira</i>	Servisu saúde báziku, espesializadu no emerjénsia nian, inklui fornese aimoruk no realiza ezame fíziku no laboratóriál.
<i>Pagamentu / Mekanizmu entrega nian</i>	Atendimentu akontese iha ospital 6, postu saúde 192, Sentru Komunitáriu Saúde 92 no maternidade 43, programa atendimentu iha comunidade sira no lihusi ambulánsia 144.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 33945000,00⁷²
<i>Kobertura</i>	Universál.

⁷¹ Ita observa de'it programa sira ne'ebé dedika jenerikamente ba prestasaun direta servisu sira-nian de'it, liuliu, unidade atendimentu saúde pública nian, no programa sira ne'ebé habelar atendimentu ba comunidade no família sira. Programa sira ne'ebé refere ba área espesífika saúde nian laiha observasau detalladu iha relatóriu ida-ne'e.

⁷²Konsidera orsamentu alokadu ba Ospital Referénsia, Servisu Distritál Saúde no Laboratóriu sira, unidade responsável ba prestasaun direta servisu sira-nian.

Servisu Integradu Saúde Komunitária nian – SISCA

<i>Programa nia Deskrisaun</i>	Programa Servisu Integradu Saúde Komunitária nian (SISCA) buka hakbesik servisu asisténsia saúde ba comunidade sira liuhusi “pakote báziku” ida ne’ebé fulan-fulan lori bá Suku idak-idak. Atendimentu ne’e prepara hanesan “feira” saúde kiik ida, iha ne’ebé vizitante sira bele asesu ba servisu oioin iha fatin ida de’it, no besik liu duké karik sira tenke bá to’o iha sentru saúde ka ospital sira ne’ebé dook liu.
<i>Instituisaun Responsável</i>	<i>Ministériu Saúde</i> - Servisu Munispál Saúde nian
<i>Baze legál</i>	Laiha lejislasaun espesífiku ne’ebé regulamenta programa ne’e. Nia operacionalizasaun bazeia ba despaxu ministerial sira, iha Lei Orgánika VI Governu Konstitusionál no iha Estratéjia Nasionál Setór Saúde nian ba 2011-2030.
<i>Grupu-Alvu</i>	Ema sira ne’ebé hela iha comunidade ne’ebé servisu vizita, liuliu ho atensaun espesial ba labarik sira husi tinan 0 to’o tinan 5, feto isin-rua, adolexente sira ho idade reprodutiva, ferik/katuas no ema ho defisiénsia.
<i>Benefísiu sira</i>	Programa ne’e fornese servisu hirak tuirmai ba comunidade sira: (i) Asisténsia Saúde Jerál, inklui konsulta médika no edukasaun kona-ba saúde no ijiene; (ii) Atendimentu ba labarik sira, inklui rejistu naximentu, avaliasaun nutrisionál, edukasaun ba inan-aman kona-ba prátika saudável sira; (iii) Asisténsia ba feto isin-rua, inklui avaliasaun nutrisionál, tratamentu no edukasaun kona-ba kuidadus primáriu saúde nian.
<i>Pagamentu / Mekanizmu entrega nian</i>	Fulan-fulan, parte ida husi ekipa sentru saúde, ka ospital besik liu, prepara estrutura ida iha rejaun sentral Suku idak-idak nian no hala’o atendimentu durante loron ida tomak.
<i>Finansiamentu</i>	Programa laiha orsamentu espesífiku ne’ebé estabesidu ona. ⁷³
<i>Kobertura</i>	- Benefisiáriu sira atendidu (2015) – 812870 = porsentu 68,6 husi populasau total ⁷⁴

Saúde iha Família

<i>Programa nia Deskrisaun</i>	Atu habelar servisu saúde nia alcanse, programa Saúde iha Família realiza vizita domisiliária ho objetivu atu identifika kondisaun saúde família idak-
------------------------------------	--

⁷³ Sentru saúde ka ospital mak responsável ba implementasaun iha Suku sira no Aldeia iha nia rejaun, no uza nia orsamentu operasionál.

⁷⁴ Bazeia ba rezultadu sira Censo Geral da População e Habitação 2015.



	idak nian no fatór risku, no oferese atendimentu preventivu no kurativu. Servisu iha mós komponente edukativa forte tebes no buka kontribui atu harii baze dados ba rejistu úniku ba atendimentu saúde saúde nian ba nível hotu-hotu.
<i>Instituisaun Responsável</i>	<i>Ministériu Saúde</i> - Servisu Munisipál Saúde nian
<i>Baze legál</i>	Laiha lejislasaun espesífiku ne'ebé regulamenta programa ne'e. Nia operasionalizasaun bazeia ba despaxu ministerial sira, iha Lei Orgánika VI Governu Konstitusionál no iha Estratéjia Nasionál Setór Saúde nian ba 2011-2030.
<i>Grupu-Alvu</i>	Família timoroan sira hotu, liuliu sira-ne'ebé moris iha fatin izoladu.
<i>Benefísiu sira</i>	Programa disponibiliza servisu sira tuirmai: (i) Vizita médica domisiliária; (ii) Entrega aimoruk no suplementu alimentár, tuir pasiente sira-nia nesesidade; (iii) Informasaun kona-ba saúde individuál membru família idak-idak no kona-ba hahalok saudável no prevensaun moras.
<i>Pagamentu / Mekanizmu entrega nian</i>	Ekipa ho profisionál saúde nian hala'o vizita domisiliária.
<i>Finansiamentu</i>	Programa laiha orsamentu espesífiku ne'ebé estabele sidu ona.
<i>Kobertura</i>	- Indivíduu sira atendidu (2017) – 1,010, 000 = porsentu 81,3 husi populasau n total . ⁷⁵

Pasiente Vulnerável

<i>Programa nia Deskrisaun</i>	Programa oferese apoiu finanseiru ba família pasiente vulnerável sira-nian, atu familiar bele akompaña pasiente durante período internamentu iha ospital ka iha sentru saúde (bainhira pasiente no família la hela iha fatin ne'ebé hanesan ho fatin iha ne'ebé realiza atendimentu saúde). Apoiu buka evita gastus boot liu ba família vulnerável durante tempu tratamentu ne'ebé akompaña ema moras, ka bainhira kazu moras terminál.
<i>Instituisaun Responsável</i>	<i>Ministériu Solidariedade Sosial</i> - Diresaun Nasionál Dezenvolvimento Sosial - Departamentu Protesaun Feto no Reinsersaun Sosial Família Vulnerável

⁷⁵ Bazeia ba rezultadu sira Censo Geral da População e Habitação 2015. Número indivíduu refere ba atendimentu ne'ebé realiza desde programa hahú iha tinan 2015, no laiha dados disponível ba tinan sira ketak-ketak.

<i>Baze legál</i>	Laiha lejislasaun espesífiku atu regulamenta programa ida-ne'e. Nia operacionalizasaun bazeia ba despaxu ministeriál, ba Artigu 56 Konstituisaun Repúblika nian, ba Programa VI Governu Konstitusionál, ba Lei Orgánika MSS nian no ba Planu Longu Prazu MSS nian ba tinan 2011-2030.
<i>Grupu-Alvu</i>	Paciente vulnerável ne'ebé evakua ba ospital referénsia no sira-nia família.
<i>Benefísiu sira</i>	Programa disponibiliza benefísiu osan lubuk ida, tuir paciente nia situasaun: (i) Prestasaun pekuniária loron-loron, ho valór US\$ 4,50, atu sosa hahán ba familiar ne'ebé akompaña paciente, ba períodu másimu loron 12; (ii) Prestasaun pekuniária úniku, ho valór US\$ 10, ba paciente sira ne'ebé presiza sosa roupa, tanba sira-nia roupa estraga tiha durante prosesu atendimentu; (iii) Prestasaun pekuniária úniku, ho valór US\$ 100, hodi sosa hahán adekua ba paciente bainhira ida-ne'e sai husi ospital; (iv) Prestasaun pekuniária úniku, ho valór to'o US\$ 14, hodi apoiu transporte atu paciente o nia família fila-fali ba nia fatin rezidénsia; (v) Prestasaun pekuniária mensál, ho valór US\$ 30, ba paciente terminal husi família vulnerável, to'o nia mate.
<i>Pagamentu / Mekanizmu entrega nian</i>	Pagamentu ne'e tékniku sosiál ida mak realiza diretamente ba paciente sira ka ba sira-nia família.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 25000,00
<i>Kobertura</i>	- Ema moras ne'ebé Benefisiáriu (2015) - 400 = porsentu 1,65⁷⁶ husi Totál indivíduu ospitalizadu - Família sira atendidu (2015) - 200 = porsentu 0,09⁷⁷ husi totál agregadu familiar

Tratamentu saúde ba Kombatente Libertasaun Nasionál

<i>Programa nia Deskrisaun</i>	Programa finansia Kombatente Libertasaun Nasionál Prestasaun atu bá tratamentu médiku iha rai liur (Indonézia, Malázia no Singapura), ba kazu sira ne'ebé labele trata iha rai laran.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Asuntus Kombatentes Libertasaun Nasionál - Departamentu Programa sira

⁷⁶ Bazeia ba número paciente ne'ebé alta ona. Haree: Ministério da Saúde. 2016. Relatório Estatístico da Saúde 2015.

⁷⁷ Bazeia ba número paciente sira ne'ebé simu alta ona. Haree: Ministério da Saúde. 2016. Relatório Estatístico de Saúde 2015.

Baze legál Laiha lejislasaun espesífika hodi regulamenta programa ida-ne'e. Nia operacionalizasaun bazeia ba despaxu ministerial no Estatutu Kombates Libertaun Nasionál nian.

Grupu-Alvu Kombates Libertaun Nasionál.

Benefisiu sira Pagamentu Kustus ba tratamentu saúde prestadu ba Kombates Libertaun Nasionál ne'ebé realiza iha rai liur.

Finansiamentu *Fonte - Orsamentu Jerál Estadu nian*
Orsamentu 2015: US\$ 150000,00
Orsamentu 2016: US\$ 750000,00

Kobertura - Benefisiáriu sira (2015) – 52 = porsentu **0,00⁷⁸** husi populasau total.

Rezumu kona-ba Programa Asesu ba Saúde ne'ebé Eziste ona

Programa/Benefisiu	Grupu-Alvu	Kobertura	Kustu per Kapita
1. Sistema Nasionál Saúde	Sidadaun timoroan sira hotu.	Universál.	L.D.
2. SISCA	Sidadaun timoroan sira hotu.	- benefisiáriu 812870 = 68,6% husi populasau total.	L.D.
3. Saúde iha Família	Família timoroan sira hotu.	- indivíduu 1 010 000 = 81,3% husi populasau total.	L.D.
4. Pasiante sira Vulnerável	Pasiante vulnerável, ne'ebé evakua ba ospital referénsia, no nia família sira	- 400 Benefisiáriu sira = 1,65 % da populasau alvo.	US\$ 62,5 ba beneficiáriu ida
5. Tratamentu Saúde ba Kombates Libertaun Nasionál	Kombates Libertaun Nasionál	- benefisiáriu 52 = 0,00 % husi populasau total.	US\$ 14423,00 ba beneficiáriu ida

Lakuna no Problema Implementasun Política sira-nian

Baze legál Programa oioin lao hela bazeia de'it ba dekretu ministerial, no la garante sira-nia continuidade ba longu prazu ka atribuisaun direitus ba beneficiáriu sira.

Asesibilidade ba Servisu Públiku Saúde sira-nian Maské melloria infraestrutura saúde no programa divulgasaun sira, asesu ba unidade saúde kontinua dezafiu ida ba populasau parte ida ne'ebé signifikativu.

⁷⁸ Bazeia ba rezultadu sira husi Censo Geral da População e Habitação 2015



	Asesibilidade kondisionadu tanba númeru no lokalizasaun estabesimentu saúde sira-nian, tanba númeru ambulánsia no, iha kazu barak, tanba falta meius komunikasaun ho servisu médiku sira, no ida-ne'e husik ema barak laiha asesu efetivu ba saúde. Maibé, esforso hodi hadia asesibilidade bele aumenta buka servisu saúde sira, no tan ne'e servisu sira tenke kompensadu ka presedidu ho dilijénsia sira ne'ebé hadia disponibilidade no kualidade servisu sira-nian.
<i>Benefísiu no Servisu sira-nia kualidade</i>	Programa oioin hasoru problema hodi garante kualidade servisu prestadu ka benefísiu sira enjéneru ne'ebé fó, no rezultadu mak falla provizaun ba polítika hirak-ne'e. Prestasaun servisu intermitente ka servisu ne'ebé ita labele fiar iha estabesimentu saúde pública no falta rekursus umanus, suprimentu médiku no aimoruk mak destaka nu'udar kestaun-xave no resulta má prestasaun servisu.
<i>Servisu sira Espesializadu</i>	Eziste forneshimentu servisu espesializadu kuidadus saúde ba tipu moras balun ne'ebé la suficiente (hanesan moras mentál) ka grupu vulnerável sira (hanesan ferik/katuas no deficiente sira). Iha falta rekursus umanus no infraestrutura adekua.
<i>Alokasaun orsamental</i>	Programa sira ne'ebé buka fó asisténsia médica ba comunidade sira (<i>S/SCA no Saúde da Família</i>) laiha orsamentu adekua, ne'e kria falla provizaun no imprevizibilidade kona-ba prestasaun servisu sira. Husi sorin seluk, programa Saúde ba Kombatientes Libertasaun Nasionál apresenta investimentu <i>per kapita</i> la proporsionál loos.
<i>Mekanizmu Monitorizasaun no Avaliasaun</i>	Maské maioria programa sira iha mekanizmu monitorizasaun no avaliasaun iha sira-nia projetu, uituan de'it mak efetivamente implementa medida hirak-ne'e. Baibain rezultadu mak ezekusaun irregular ida ka instrumentu hirak-ne'e sira-nia falla total, no impede programa sira-nia monitorizasaun no avaliasaun adekuada.

Rekomendasaun sira hodi Promove Asesu Universál ba Servisu Báziku Saúde nian

Aumenta Asesibilidade:

- # Hadia servisu ambulánsia, inklui hamenus tempu atu hatán no hadia mekanizmu kontaktu sira-nian;
- # Avalia viabilidade hodi reembolsu despeza transporte to'o iha sentru médiku ba ema ho kondisaun vulnerável no iha situasaun emerjénsia médika;
- # Avalia kestaun ne'ebé relasiona ho dezigualde jeográfiku no rejionál, liuliu kona-ba disponibilidade estabesimentu médiku no pesoal médiku;

Saúde Materna no Infantil:

- # Avalia possibilidade hodi kria insentivu (finanseiru ka enjéneru) atu inan sira bele iha asesu ba kuidadus pré-natal no pós-partu, no aumenta frekuénsia realizasaun ezame rotina ba labarik sira;
- # Koordena ho política edukasaun hodi promove saúde reprodutiva no edukasaun seksual;

Kuidadus Saúde no Alcanse ba Komunidade sira:

- # Halo programa SISCA no *Saúde na Família* bele regular no previsível liu – aumenta frekuénsia no variedade servisu sira ne'ebé oferese ba comunidade sira;
- # Integra, tuir possível, Prestasaun servisu saúde ho atendimento sosiál no sira-nia baze dadus;

Nutrisaun:

- # Hadia koordenasaun interministerial entre servisu sira no transferénsia sosial, hodi implementa impaktu husi programa ne'ebé iha ona no hadia populasan nia estadu nutrisional;
- # Eduka família sira kona-ba prátika nutrisional di'ak iha momentu atribuisaun prestasaun protesaun sosiál, ho atensaun espesial ba feto isin-rua.

Konsidera katak rekomendasaun sira kona-ba prestasaun servisu diretu (hanesan "*hadia qualidade servisu esensial saúde nian*") sira-nia abordajen luan iha Planu Estratéjiku Nasionál Setor Saúde nian ba tinan 2011-2030, dezvoltadu no implementadu iha ámbitu husi mandatu Ministériu Saúde nian, relatóriu ida-ne'e foku iha proposta sira kona-ba asesu ba servisu saúde sira-nian.

Protesaun Sosiál ba Labarik sira

Labarik sira-nia situasaun

Labarik sira mak grupu vulnerável iha maioria sociedade sira no liuliu iha nasaun ne'ebé iha dalan ba dezvoltamentu. Timór Leste nu'udar nasaun joven, labarik sira (kiik liu tinan 15) mak populasan porsentu 39 no ne'ebé representadu ho maneira la proporsional iha família kiak nia laran – labarik porsentu 49 moris ki'ak, no sira representa porsentu 55 husi número total indíviduu ki'ak. Taxa natalidade ne'ebé aas contribui atu família sira mukt liu, tanba rekursu sira ne'ebé limitadu fahe ba membru família barak liu. Média mak família ki'ak ida iha indíviduu 7,8 no kiak porsentu 80 moris iha domísiliu ho ema na'in 6 ka liu.⁷⁹ Mukt enjerál, hamutuk ho nia konsekuénsia sira no kestaun seluk ne'ebé relasionadu, hanesan insegurança alimentar, lori família uza labarik sira nu'udar maun-de-obra iha agrikultura subsisténsia ka ba servisu remuneradu hodi ajuda hetan rendimentu familiar. Iha tinan 2013, labarik sira porsentu 9 entre tinan 10 no tinan 14 servisu ona, maioria iha produsaun ai-han subsisténsia (labarik-feto porsentu 7,4 no labarik-mane porsentu 7,7), enkuantu persentajen kiik liu servisu ho traballu remuneradu (labarik-feto porsentu 1,8 no labarik-mane porsentu 1,4). Maské indikadór signifikativu kona-ba traballu infantil, informasaun ne'ebé família sira hatudu bele dook husi realidade.⁸⁰


⁷⁹ Haree RDTL, Ministério das Finanças. 2016. Censo Geral da População e Habitação 2015; RDTL, Ministério das Finanças. 2011. Inquérito aos Rendimentos e Despesa dos Agregados Familiares 2011; no ba tina 2014: RDTL, Ministério das Finanças. 2016. Pobreza em Timór Leste 2014.

⁸⁰ Haree RDTL, SEPFOPE. 2015. Inquérito à Força de Trabalho 2013.

Populasaun joven reprezenta potensial kreximentu ekonómiku boot loos, karik nasaun hakarak aproveita nia dividendu demográfiku. Maibé, ne'e posível karik labarik sira iha kondisaun hodi bele boot ho edukasaun no saúde di'ak, hodi tarde liu bele hamutuk ho forsa traballu nu'udar indíviduu produtivu. Nesesidade atu servisu desde kiik impede labarik sira bá eskola, no kompromete sira-nia edukasaun no, tuirmai, sira-nia produtividade no sira-nia potenciál rendimentu iha tempu oin mai. Maské númeru mediu ba tinan eskolaridade populasaun nian mak tina 4,4 de'it, ba labarik sira ne'ebé hahú sira-nia eskola agora, espetativa mak tinan 11,7, no ida-ne'e hatudu melloria boot kona-ba perspetiva edukasionál husi jerasaun ikusmai.⁸¹

Edukasaun públika iha Timór Leste gratuitu no hakarak mós bele universál. Depoizde independénsia, taxa matríkula iha ensinu primáriu tuun, maibé depoizde krize iha tinan 2006-07 situasaun ne'e nakfila. Tuir Gráfiku 18 hatudu, desde tinan 2008, taxa bruta matríkula sira iha ensinu primáriu no sekundáriu sa'e. Maibé, maioria labarik sira la frekuenta eskola pré-primária, no iha aspetu ida-ne'e rejistu kona-ba melloria uituan de'it durante tinan 10 ikusmai. Taxa repetisaun ne'ebé aas sira-nia rezultadu mak taxa matríkula liu porsentu 100 iha respetiva idade ba série idak-idak.

Gráfiku 18: Taxa Matríkula Bruta (%), tuir Nível Edukasaun



Fonte 27: UNESCO - Instituto de Estatísticas no RDTL, Ministério da Educação. Vários anos. *Education Databook*.

Matríkula sira-nia taxa bruta bele subar númeru tebes kona-ba labarik sira-ne'ebé la simu edukasaun. Bainhira ita observa parte labarik sira ne'ebé la tama eskola (ho idade atu frekuenta eskola primária), ita bele haree katak iha ne'e mós iha avansu. Iha tinan 2008, labarik porsentu 22,5 la frekuenta eskola, maibé iha tinan 2014 númeru tuun ba porsentu 2,1— kuaze ho kobertura universál. Rezultadu hirak-ne'e akompaña ho paridade jéneru, tanba iha maizoumenos proporsaun labarik-mane no labarik-feto ne'ebé frekuenta eskola primária atu hanesan. Aleinde matríkula, taxa konkluziun eskola primária mós aumenta barak. Iha tinan 2008, alunu sira ne'ebé remata siklu mak porsentu 83,2, enkuantu iha tinan 2014 persentajen ne'e aumenta ba porsentu 98,4. Husi sorin seluk, ensinu sekundáriu seidaok abranje persentajen boot labarik sira. Matríkula nia taxa bruta aumenta, maibé kuaze metade husi númeru rejistadu ba eskola primária. Taxa matríkula líkida iha eskola sekundária mak porsentu 57 labarik sira iha idade korrespondente.⁸²

⁸¹ Haree PNUD. 2015. Relatório de Desenvolvimento Humano 2015


⁸² Haree UNESCO - Instituto de Estatística, no RDTL; Ministério da Educação. Vários Anos. *Education Databook*; no RDTL. 2015. Relatório dos Objetivos de Desenvolvimento do Milénio 2014

Diferensa boot mak entre eskolaridade primária no sekundária bele tanba fatór oioin; maibé, razaun ida provável mak, asesu ba eskola primária fásil liu duké asesu ba eskola sekundária. Labarik sira lao ho ain maizoumenus minutu 15 to’o eskola primária ida, enkuantu ba eskola sekundária tempu ne’e naruk liu, minutu 42 maizoumenus – minutu 20 de’it iha área urbana no lao ho ain minutu 52 iha área rurál.⁸³

Aleinde ne’e, qualidade edukasaun dook husi ideal. Maské iha avansu iha setór, kona-ba kapasidade institucional nomós rezultadu alkansadu, iha nafatin dezafiu barak, hanesan restrisaun orsamentál, falta transparénsia iha jestaun finanseira, jestaun programa ne’ebé la tama iha esfera edukasaun, no kondisina melloria efetiva qualidade servisu.⁸⁴

Infánsia saudável fundamental ba labarik nia dezvoltamentu tomak. Imunizasaun kontra moras ne’ebé bele prevene mak hakaat dahuluk hodi hamenus labarik sira-nia vulnerabilidade ba problema hirak-ne’e. Tuir Ministériu Saúde, iha tinan 2015, bebé porsentu 64 kiik liu tinan ida hotu-hotu hetan imunizasaun kontra moras infantil komún, aumentu boot porsentu 18 iha tinan 2003 no porsentu 53 iha tinan 2009. Vasina oioin iha taxa diseminaun ne’ebé la hanesan iha populasun no maské iha progresu desde 2002, Gráfiku 19 hatudu katak taxa imunizasaun (ba labarik sira kiik liu tinan ida) kobertura paradu iha porsentu 70 to’o 80 iha tinan sira ikusmai.⁸⁵

Gráfiku 19: Taxa Imunizasaun ba Labarik sira Kiik liu tinan 5, tuir tipu Vasina



Fonte 228: OMS, Immunization surveillance, assessment and monitoring Database.

Lakuna ne’ebé kontinua nafatin iha labarik sira-nia saúde mak ema uza aimoruk ba parazita sira uituan de’it, ne’e kobre de’it labarik na’in 1 ba grupu labarik na’in 3. Kustu-benefísiu ba kombate parazita sira estuda tiha ona iha investigasaun oioin no ema hatudu ona katak ida-ne’e mak maneira baratu no efikás liu hodi hadia labarik sira-nia saúde no nutrisaun, no aumenta sira-nia rendimentu eskolar – bainhira labarik sira moras menus liu, sira mós la sofre lakon nutrisiónál no sira falta eskola menus liu tanba ne’e. No maské insidénsia moras ne’ebé susuk dait, menus metade labarik sira (kiik liu tinan 5) toba iha muskiteiru ne’ebé iha aimoruk. Moras ida ne’ebé hahú habelar neneik-neneik entre labarik timoroan sira mak SIDA. Ohin loron, iha ona kazu 16

⁸³ Haree: Ministério das Finanças. 2011. Inquérito aos Rendimentos e Despesa dos Agregados Familiares 2011.

⁸⁴ Haree: Banco Mundial. 2013. Timor Leste: Ministério da Educação. Avaliação de Eficiência Económica.

⁸⁵ Haree: RDTL, Ministério da Saúde. 2015. Relatório Estatístico Anual; and RDTL, Ministério da Saúde. 2015. Estratégia Nacional sobre Saúde Reprodutiva, Materna, Neonatal, Infantil e do Adolescente 2015-2019.

identifikadu iha rai laran (labrik sira kiik liu tina 15), númeru kiik, maibé tanba kondisaun ida-ne'e habelar entre adultu sira, transmisaun inan-oan bele problema ida karik laiha tratamentu.⁸⁶

Hanesan ita apresenta ona iha seksaun molok ida-ne'e, labarik sira iha Timór Leste nia persentajen boot moris iha kondisaun nutrisional la di'ak no dadus hatudu katak ladun iha avansu atu rezolve problema ne'e. Desnutrisaun króniku nia prevalénsia aas, ohin loron maizoumenus porsentu 51,9, entre problema nutrisaun sira seluk, difikulta kreximentu infantíl, dezvoltamentu kognitivu no prejudika sira-nia sistema imunolójiku. Kombinasan husi má-nutrisaun nia efeitu ladi'ak hamosu prejuízu ba labarik sira-nia prezente no futuru. Labarik sira subnutridu apresenta taxa mortalidade aas liu, sira krexek kiik no fraku liu, ho risku boot liu atu hetan moras króniku, no sira moras beibeik dala barak liu – no ida-ne'e sei obriga sira falta eskola. Bainhira labarik sira ba eskola, sira-nia kapasidade aprendizajen menus liu tanba atrazu kognitivu, no hamenus efetivamente servisu edukativu sira-nia efikásia no hamenus potenciál kona-ba buat ne'ebé labarik sira bele manán iha tempu oin mai. Hadia labarik sira-nia nutrisaun bele iha konsekuénsia makaas ba dezvoltamentu umanu no ekonómiku iha Timór Leste.

Violénsia kontra labarik hanesan okorrénsia komún ida ne'ebé ema barak haree nu'udar asaun dixiplinár, ne'ebé parte husi kestaun boot ida kona-ba violénsia doméstika iha rai-laran. Baku ho ai-sanak nu'udar medida "dixiplinar" ne'ebé inan-aman ka profesór sira aplika mak prátika komún ida, no labarik porsentu 60 hateten katak inan-aman baku sira ho ai-sanak ida, no labarik porsentu 67 dehan profesór sira mak baku. Maské polítika governamentál "toleránsia zeru" ba kastigu korporál ne'ebé profesór aplika, estudante porsentu 48 de'it mak hatene oinsá atu buka ajuda. Iha tinan 2012, iha rejistu kona-ba kazu 169 abuzu seksual, neglijénsia, violénsia no esplorasau labarik sira. Iha probabilidade boot atu númeru ida ne-e bele kiik liu duké realidade, tanba abuzu seksuál reprezenta "tabu" boot ida ba maioria sosiedade no la'os diferente ba timoroan sira. Maizoumenus feto porsentu 72 no mane porsentu 77 hatudu katak sira sofre ona abuzu fíziku molok sira iha tinan 18, no feto porsentu 24 no mane porsentu 42 hatudu katak sira sofre ona abuzu seksuál. Kazamentu sedu liu mós prátika ida komún. Kuaze labarik-feto na'in ida ba kada na'in lima (porsentu 18) kaben molok tinan 18 no na'in husi na'in haat hahoris molok atu kompleta tinan 20. Beibeik, labarik-feto hirak-ne'e husik eskola no iha possibilidade boot liu hodi hasoru komplikasaun durante tempu isin-rua. Maské Konvensaun Internasionál kona-ba Direitus Labarik sira-nian deklar katak labarik-mane no labarik-feto la devia kaben molok tinan 18, lei nasional permite kaben depoizde tinan 15, karik iha inan-aman sira-nia konsentimentu.⁸⁷

Kestaun sira seluk ne'ebé hamosu risku ba labarik sira mak númeru boot labarik sira ne'ebé moris laiha inan-aman ka do'ok husi inan-aman. Adosaun informal parte husi tradisaun lokál, no agregadu familiar porsentu 23 simu oan hakiak. Baibain, adosaun hirak-ne'e akontese iha família nia laran, maské prosedimentu sira atu legaliza situasaun, família uituan de'it mak tuir. Beibeik mós ema la halo rejistu naximentu labarik sira – labarik porsentu 55 kiik liu tinan liman mak iha sertidaun moris –, tanba ina-aman la fó importánsia ba prosedimentu ka laiha asesu fásil ba servisu sira. Situasaun ida-ne'e kontribui ba kultura adosaun informál, tanba laiha rejistu inisial, no ne'e

⁸⁶ Haree: RDTL, Ministério da Saúde. 2015. Estratégia Nacional sobre Saúde Reprodutiva, Materna, Neonatal, Infantil e do Adolescente 2015-2019; and RDTL, Ministério da Saúde. 2015, Relatório Estatístico Anual.

⁸⁷ Haree: RDTL, Ministério das Finanças. 2013. Análise da Situação das Crianças em Timór Leste; PNUD. 2015. Relatório de Desenvolvimento Humano 2015; no Asia Foundation. 2016. Understanding Violence against Women and Children in Timór Leste: Findings from the *Nabilan* Baseline Study.

mós ladún iha impaktu ba informalidade merkadu traballu nian, tanba ema barak laiha dokumentus durante sira-nia moris tomak.⁸⁸

Pontu Prinsipál

- # Timór Leste nia populasaun joven loos: kuaze individuu porsentu 40 kiik liu 15. Ida-ne'e representa potenciál boot, maibé atu bele hetan dividendu presiza mós labarik moris iha ambiente ne'ebé permite atinje sira-nia potensial tomak, inklui asesu ba edukasaun no ba servisu saúde ho kualidade.
- # Labarik sira hasoru risku mukit boot liu duké faixa etária sira seluk no sira mak representa maioria individuu ki'ak – labarik porsentu 49 ki'ak no ki'ak porsentu 55 mak labarik sira.
- # Asesu ba edukasaun komesa di'ak uituan ona. Kuaze labarik sira hotu tama iha eskola primária no liu porsentu 80 remata ona siklu. Maibé, asesu ba ensinu pré-primáriu no sekundáriu sei nafatin kiik, liuliu ba kazu ensinu pré-primáriu. Falta infraestrutura sira (númeru eskola) mak fatór-xave ba asesu uituan de'it ba ensinu pré-primáriu no sekundáriu.
- # Independentemente husi siklu skolár, iha evidénsia katak kualidade servisu edukativu públiku prestadu bele di'ak liu tan.
- # Taxa imunizasaun kontra moras komún atinje labarik entre porsentu 70 no 80, maibé taxa koberrtura nafatin paradu desde tinan 2010.
- # Má-nutrisaun entre labarik sira jeneralizadu no ladún di'ak, liuliu iha tinan dahuluk moris nian. Labarik sira malnutridu iha sira-nia dezvoltimentu fíziku no kognitivu prejudikadu, no ida-ne'e hamenus sira-nia dezempeñu eskolar no hamosu risku ba sira-nia dezvoltimentu potenciál durante sira-nia moris tomak.
- # Problema sira seluk, hanesan violénsia ne'ebé hasoru labarik sira, Kaben sedu liu, taxa kiik kona-ba rejistu sivil naximentu nian no prátika adosaun informal mak beibeik no dala ruma parte husi kultura timoroan.

Programa sira ne'ebé iha

Bolsa da Mãe

Programa nia Deskrisaun

Programa Bolsa da Mãe kria tiha ona iha tinan 2008 nu'udar maneira ida atu fó apoiu ba família vulnerável liu, liuliu família sira ho labarik, liuhusi transferénsia rendimentus, no insentiva kuidadus ne'ebé facilita dezvoltimentu kapitál umanu nian, liuhusi aplikasaun kondisionalidade sira. Programa pilotu realiza ona iha comunidade uituan de'it, no depois hetan avaliasaun no habelar ba nasaun tomak.

Programa nia kondisionalidade sira estabelese katak, atu simu benefísiu, labarik sira rejistadu iha programa, ho idade entre tinan 6 no tinan 17, tenke inskritu no frekuenta eskola, no sira ne'ebé kiik liu tinan 6 tenke simu imunizasaun obrigatóriu no halo *check-ups* kada fulan ne'in.

⁸⁸ Haree: PNUD. 2015. Relatório de Desenvolvimento Humano 2015; no RDTL, Ministério das Finanças. 2013. Análise da Situação das Crianças em Timor Leste.

<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Asisténsia Sosiál - Departamentu Bolsa da Mãe
<i>Baze legál</i>	<i>Dekretu-Lei n. 18/2012</i>, husi loron 4 fulan abril, Subsídio Apoíu Kondisionál “Bolsa da Mãe”; <i>Diploma Ministerial n. 27/2012</i>, husi loron 19 fulan setembru, Regulamentasaun ba Subsídio Apoíu Kondisionál <i>Bolsa da Mãe</i>.
<i>Grupu-Alvu</i>	Agregadu familiar sira iha situasaun vulnerabilidade ekonómika no sosiál, ho labarik sira iha sira-nia responsabilidade. Agregadu benefisiáriu hili bazeia ba aplikasaun eskala vulnerabilidade, ne’ebé konsidera: (i) família nia situasaun ekonómika, hodi limita elejibilidade ba agregadu sira ne’ebé moris ho osan kiik liu US\$456,25 <i>per capita</i> tinan-tinan; (ii) agregadu nia kompozisaun, ne’ebé atribui prioridade ba família monoparental ka ekiparada; (iii) número labarik sira, ho atribuisaun valorasaun boot liu ba família sira ho número labarik ne’ebé boot liu; (iv) número labarik sira ne’ebé iha defisiénsia, ho atribuisaun pontuasaun boot liu ba família sira ho labarik barak liu ida iha situasaun hanesan ne’e.
<i>Benefísiu sira</i>	Prestasaun pekuniária kondisionál, ho valór US\$5/fulan ba labarik idak-idak to’o iha másimu labarik na’in tolu - US\$ 60 to’o US\$180/tinan ba agregadu familiár. <i>Fórmula kálkulu:</i> Loron 365 x liña ofisiál mukit⁸⁹ x 13,5% (valór porsentu ne’ebé korresponde ba impaktu estimadu subsidiu nian hodi hamenus mukit) x n. Labarik sira (to’o limite na’in tolu).
<i>Pagamentu / Mekanizmu entrega nian</i>	Banku Nasionál Komersiál Timór Leste nian hala’o pagamentu ho osan (maské lejislasaun estabelese katak pagamentu hirak-ne’e tenke halo liuhusi transferénsia bankária) iha nível postu administrativu (ho planu ona hodi hala’o iha nível Suku nian). Pagamentu sira hala’o tinan ida dala ida (maské lejislasaun estabelese katak sira tenke realiza pelumenus fulan nein-fulan nein).
<i>Finansiamentu</i>	<i>Fonte - Orsamentu Jerál Estadu nian</i> - Kustus Administrativus: US\$ 65930,00 - Transferénsia individuál sira: US\$ 8383040,00 Orsamentu 2017: US\$ 8968 680,00
<i>Kobertura⁹⁰</i>	- Agregadu familiár sira (2017) – 61705 = porsentu 29,9 husi totál;

⁸⁹ Valór Prestasaun seidaun atualiza hodi hanesan li’na mukit nasional ne’ebé estabelese iha tinan 2016, ho valór US\$ 1,56 *per capita* ba loron idak-idak.

⁹⁰ Bazeia ba resultadu sira husi Censo Geral da População e Habitação 2015.

- Agregadu sira-nia membrus (2016) – 277964 = porsentu **23,4 husi populasau total**;
- Labarik sira benefisiadu (2017) – 183265 = porsentu **32,0 husi total labarik sira** (tinan 0 to'o tinan 17).

Merenda Eskolár – Ensinu Pré-eskolár

<i>Programa nia Deskrisaun</i>	Programa ne'e dezenvolve ho objetivu hodi hadia labarik sira-nia nutrisaun, insentiva sira-nia partisipasaun iha ensin u pré-eskolár no fasilita prosesu ensin u-aprendizajen.
<i>Instituisaun Responsável</i>	<i>Ministériu Edukasaun</i> - Diresaun Nasionál Asaun Sosiál Eskolár - Departamentu Merenda no Transporte Eskolár
<i>Grupu-Alvu</i>	Labarik sira hotu ho idade entre tinan 3 no tinan 5 ne'ebé frekuenta ensin u pré-eskolár.
<i>Benefísiu sira</i>	Labarik ida-idak iha direitu ba benefísiu ida \$0,25 ba loron idak-idak klase nian, no garante hanesan ne'e refeisaun ida durante períodu ne'ebé iha eskola.
<i>Pagamentu / Mekanizmu entrega nian</i>	Subsídiu ne'ebé atribui indiretamente ba labarik, liuhusi Diretor Pré-Eskola nian, ne'ebé halo jestaun orsamentu hamutuk ho Asosiasaun Inan-Aman no Profesór sira, hodi fornese loron-loron merenda eskolár.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 171275,00
<i>Kobertura</i>	- Eskola sira ne'ebé benefisiadu (2016) – eskola 260 = eskola privadu 80 no Eskola Públika 180 - Labarik sira benefisiadu (2016) – 14871 = porsentu 16,2 husi populasau total (tinan 3 to'o tinan 5) ⁹¹

Merenda Eskolar - Ensinu Primáriu

<i>Programa nia Deskrisaun</i>	Programa ne'e dezenvolve ho objetivu hodi hadia labarik sira-nia nutrisaun, insentiva sira-nia partisipasaun iha ensin u primáriu no fasilita prosesu ensin u-aprendizajen.
<i>Instituisaun Responsável</i>	<i>Ministériu Edukasaun</i> - Diresaun Nasionál Asaun Sosiál Eskolár - Departamentu Merenda no Transporte Eskolár

⁹¹ Bazeia ba resultadu sira husi Censo Geral da População e Habitação 2015.

<i>Grupu-Alvu</i>	Labarik sira hotu ho idade entre tinan 6 to'o tinan 15 ne'ebé frekuenta ensinu báziku.
<i>Benefísiu sira</i>	Labarik idak-idak iha direitu ba benefísiu ida \$0,25 ba loron klase efetivu idak-idak no ba foos grama 75, hodi garante katak bele iha refeisaun ida durante períodu ne'ebé nia iha eskola.
<i>Pagamentu / Mekanizmu entrega nian</i>	Subsídiu ne'ebé atribui indiretamente ba labarik, liuhusi Diretor Pré-Eskola nian, ne'ebé halo jestaun orsamentu hamutuk ho Asosiasaun Inan-Aman no Profesor sira, hodi fornese loron-loron merenda eskolár.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2016: US\$ 6263814,75
<i>Kobertura</i>	- Eskola sira ne'ebé benefisiadu (2016) – eskola 1265 = eskola privadu 61 no eskola públiku 1204 - Labarik sira ne'ebé benefisiadu (2016) – 320040 = porsentu 102,7 husi populasau total (tinan 6 to'o tinan 15) ⁹²

Bolsa estudo ba Kombatentes no Mártires Libertasaun Nasionál nia oan sira

<i>Programa nia Deskrisaun</i>	Programa ne'e kria hodi fó apoiu no asesu ba edukasaun ba Kombatentes no Mártires Libertasaun Nasionál nia oan sira.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Asuntus Kombatentes Libertasaun Nasionál - Departamentu Programa sira
<i>Baze legál</i>	<i>Estatutu Kombatentes Libertasaun Nasionál (Lei n. 3/2006, husi loron 12 fulan abril, ho alterasaun ba Lei n. 9/2009, husi loron 29 fulan jullu Lei n. 2/2011 husi loron 23 fulan marsu);</i> <i>Dekretu-Lei n. 8/2009, husi loron 15 fulan janeiru.</i>
<i>Grupu-Alvu</i>	Mártires no kombatentes Libertasaun Nasionál mate nia oan sira.
<i>Benefísiu sira</i>	Bolsa estudo ba alunu sira hahú husi Ensinu Básiku to'o Ensinu Superior Universitáriu no Tékniku.
<i>Finansiamentu</i>	<i>Fonte - Orsamentu Jerál Estado nian</i> Orsamentu 2015: US\$ 175450,00 Orsamentu 2016: US\$ 258500,00
<i>Kobertura</i>	- Benefisiáriu sira (2015) – 942 = porsentu 0,17 populasau total (tinan 6 to'o tinan 24) ⁹³

⁹² Tanba matrícula líquida ba labarik sira iha eskola primária boot liu porsentu 100, permite katak ida ne'e mós akontese ho programa Merenda Eskolar. Bazeia ba rezultadu sira husi Senu Jerál Populasaun no Abitasaun 2015.

⁹³ Bazeia ba rezultadu sira husi Censo Geral de População e Habitação 2015.

Labarik sira ne'ebé iha konflitu ho Lei

<i>Programa nia Deskrisaun</i>	Programa nia objetivu mak fó apoiu ba reintegrasaun labarik sira ne'ebé iha konflitu ho lei, no oferese ajuda monetáriu ba investimentu iha labarik nia moris di'ak ka hodi apoiu joven atu frekuenta programa formasaun vokasionál ruma. Abranje labarik sira ho idade entre tinan 9 no tinan 13 ne'ebé, maioria, envolve an iha kazu desorden públika. Fó mós apoiu ba joven sira (idade entre tinan 14 no tinan 21), iha momentu ne'ebé sira sai husi sentru detensaun, hafoin kumpre pena prizaun efetivu.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Dezenvolvimentu Sosiál - Departamentu Protesaun ba Labarik
<i>Baze legál</i>	Laiha lejislasaun ida atu regulamenta programa ne'e. Lei Tutelar Edukativa ba Menór idade hein hela aprovasaun.
<i>Grupu-Alvu</i>	Labarik no joven sira hotu ne'ebé iha konflitu ho lei (ho idade entre tinan 9 no tinan 21).
<i>Benefisiu sira</i>	Prestasaun osan únika, ho valór US\$100 to'o US\$ 200. Montante ne'e estabelese tuir avaliasaun vulnerabilidade ne'ebé tékniku servisu sosiál ida realiza.
<i>Pagamentu / Mekanizmu entrega nian</i>	Pagamentu realiza ba labarik ka joven nia família, diretamente liuhusi tékniku sosiál ida, ne'ebé iha momentu ne'ebá ajuda família hodi halo planu despeza hodi investe osan ba labarik ka joven nia moris di'ak.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2016: US\$ 10 000,00
<i>Kobertura</i>	- Benefisiáriu sira (2015) – 40⁹⁴

Kuidadus Esensiál ba Resén-Naxidu (bebé foin-moris)

<i>Programa nia Deskrisaun</i>	Programa ida-ne'e ba labarik sira ne'ebé foin moris, no oferese pakote servisu sira ho objetivu hodi hamenus mortalidade iha fulan dahuluk moris nian. Inklui iha pakote ne'e inan no bebé nia imunizasaun, kuidadus médiku pré no pós-partu, akonsellamentu kona-ba amamentasaun materna (fó susun) no bebé nia nutrisaun.
--------------------------------	--

⁹⁴ Idealmente, kobertura nia kalkulasan bazeia ba númeru totál labarik sira ne'ebé iha konflitu ho lei. Maibé, to'o iha relatóriu ida-ne'e nia publikasaun, informasaun hirak-ne'e la disponível. Ne'e duni, ita la apresenta dados kona-ba kobertura.

<i>Instituisaun</i>	<i>Ministériu Saúde</i>
<i>Responsável</i>	- Diresaun Nasionál Saúde Pública
<i>Baze legál</i>	Laiha lejislasaun iha vigór hodi regulamenta programa ida-ne'e. Atualmente, programa nia lala'ok bazeia ba despaxu ministerial sira, iha Artigu 57 Konstituisaun Nasionál no iha Estratéjia Nasionál kona-ba Saúde Reprodutiva, Materna, Neonatal, Infantil no Adolexente nian. Liutan, programa opera bazeia ba Memorandu Akordu ida ne'ebé selebra entre Governu Timór Leste no UNICEF, ne'ebé facilita prosesu importasaun aimoruk no imunizasaun.
<i>Grupu-Alvu</i>	Labarik sira hotu ne'ebé foin moris (resén naxidu).
<i>Benefísiu sira</i>	Programa entrega servisu no benefísiu ho sasán (enjëneru) lubuk ida: (i) Fornese imunizasaun ba resén-naxidu sira hotu (BCG, OPV 0, HepB 0); (ii) Feto isin-rua simu imunizasaun Tétanu (Tétanus <i>toxoid</i>) no suplementu alimentár, bainhira identifika kazu má-nutrisaun; (iii) Inan sira iha asesu ba aimoruk musan vitamina A no suplementu ferru. Apoiu ba feto isin-rua akontese iha Munisípiu 6 de'it: Ainaru, Ermera, Bobonaru, Kovalima, Díli no Oekuse – Munisípiu hirak-ne'ebé ho rejistu taxa mortalidade mortalidade infantil aas liu.
<i>Pagamentu / Mekanizmu entrega nian</i>	Benefísiu sira entrega diretamente ba pasiente bainhira bá konsulta médika no durante vizita domisiliária ne'ebé programa atendimentu ba família realiza.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 700.000,00 (ba imunizasaun de'it)
<i>Kobertura</i>	- Labarik Benefisiadu (2015) – 44.854 = porsentu 90,9 husi total jestasaun ⁹⁵

Hamenus Morbilidade no Mortalidade Infantil

<i>Programa nia Deskrisaun</i>	Programa ne'e dezenvolve hodi habelar kobertura no mantein qualidade servisu preventivu no kurativu sira-nian ba infánsia dahuluk hodi hamenus mortalidade infantil.
<i>Instituisaun Responsável</i>	<i>Ministériu Saúde</i> – Diresaun Nasionál Saúde Pública – Departamentu Saúde Materno-infantil
<i>Baze legál</i>	Laiha lejislasaun espesífika atu regulamenta programa ida-ne'e.

⁹⁵Haree: RDTL, Ministério da Saúde. 2015. Relatório Estatístico Anual 2015.



Atualmente, nia operasionalizasaun bazeia ba despaxu ministerial, ba Artigu 57 Konstituisaun Nasionál no ba Estratêjia Nasionál kona-ba Saúde Reprodutiva, Materna, Neonatal, Infantil no Adolexente nian.

Liutan, programa opera bazeia ba Memorandu Akordu ida ne'ebé celebra entre Governu Timór Leste no UNICEF, iha ámbitu kapasitasaun téknika ba Ajente Saúde sira-nian no fornimentu aimoruk, nomós iha Memorandu Entendimentu ne'ebé asina entre Governu Timór Leste no OMS, no liuhusi Memorandu ida-ne'e mak presta servisu konsultoria ba programa.

<i>Grupu-Alvu</i>	Labarik sira hotu entre fulan 6 no tinan 5, ho atensaun espesiál ba labarik sira ho problema saúde.
<i>Benefísiu sira</i>	Programa fornese benefísiu sasán (enjéneru) lubuk ida: (i) Suplementu Vitamina A, durante período tomak elegibilidade nian; (ii) Aimoruk ba parazita sira fulan 6 fulan 6 meses; (iii) Imunizasaun ba parazita sira iha fulan 9.
<i>Pagamentu / Mekanizmu entrega nian</i>	Benefísiu hirak-ne'e entrega liuhusi Programa Saúde iha Família, ne'ebé realiza atendimentu domisiliáriu iha comunidade sira.
<i>Finansiamentu</i>	La disponível.
<i>Kobertura</i>	- Labarik sira benefisiadu (2015) – 170930 = porsentu 103,1 husi populasaun total (fulan 6 to'o tinan 5) ⁹⁶

Nutrisaun ba labarik sira

<i>Programa nia Deskrisaun</i>	Timór Leste nia índise má nutrisaun boot loos iha mundu no programa ida-ne'e dezenvolve hodi nakfila senáriu ida-ne'e. Nia objetivu prinsipál mak hamenus defisiánsia mikronutriente sira ne'ebé relaciona ho labarik sira-nia má nutrisaun.
<i>Instituisaun Responsável</i>	<i>Ministériu Saúde</i> – Diresaun Nasionál Saúde Pública – Departamentu Nutrisaun
<i>Baze legál</i>	Laiha lejislasaun espesífiku hodi regulamenta programa ida-ne'e.

Atualmente, nia operasionalizasaun bazeia ba despaxu ministerial, ba Artigu 57 Konstituisaun Nasionál no ba Estratêjia Nasionál kona-ba Saúde Reprodutiva, Materna, Neonatal, Infantil no Adolexente nian.

⁹⁶ Kobertura boot liu porsentu 100 nia rezultadu mak tamba sala inklusaun nian, hanesan fó benefísiu sira ba labarik sira boot uituan ka uituan idade elejibilidade nian. Bazeia ba rezultadu sira husi Censo Geral de População e Habitação 2015.



Liutan, programa opera bazeia ba Memorandu Akordu ida ne'ebé selebra entre Governu Timór Leste no UNICEF, Programa Mundial Alimentar no Uniaun Europeia, iha ámbitu koperasaun interajénsia sira.

Grupu-Alvu Labarik sira hotu entre fulan 6 no tinan 5 ne'ebé apresenta má-nutrisaun, desnutrisaun aguda grave, anemia, obesidade ka sira-nia todan iha todan normal nia okos.

Benefísiu sira Programa entrega servisu no benefísiu lubuk ida ho sasán (enjéneru):
(i) ba kazu sira má-nutrisaun aguda grave entrega konjuntu RUTF (*ready to use therapeutic food*⁹⁷) no, ba kazu sira ho kompleksidade grave, labarik internadu iha ospital hodi bele hetan tratamentu ho suplementu sira F-75 no F-100;
(ii) Ba kazu sira má-nutrisaun aguda moderada, entrega konjuntu RUSF⁹⁸;
(iii) hodi prevene má-nutrisaun, labarik sira hotu husi fulan 6 to'o fulan 23 simu suplementu MNP (*Micronutrient powder*⁹⁹).

Pagamentu / Mekanizmu entrega nian Suplementu alimentár entrega diretamente ba família sira bainhira bá konsulta médika ka liuhusi Programa Saúde iha Família ka SISCA.

Finansiamentu La Disponível.

Kobertura La Disponível.

Programa Imunizasaun nian

Programa nia Deskrisaun Programa realiza labarik sira-nia imunizasaun kontra moras baibain iha tempu infánsia.

Instituisaun Responsável *Ministériu Saúde*
– Direção Nasionál Saúde Pública

Grupu-Alvu Labarik sira husi fulan 6 to'o fulan 12.

Benefísiu sira Entrega benefísiu enjéneru tuirmai:
(i) Imunizasaun hodi prevene tuberkuloze (BCG);
(ii) Imunizasaun hodi prevene Sarampu;
(iii) Imunizasaun hodi prevene Poliomielite – doze haat;
(iv) Imunizasaun pentavalente (hodi prevene tétanu, difteria, epatite B, Haemophilus Influenzae tipu B no pertussis);

⁹⁷ Husi inglés: Alimento Terapeutiku Pronto atu Konsume (tradusaun livre).

⁹⁸ Husi inglés: Alimentos Suplementár Pronto atu Konsume (tradusaun livre).

⁹⁹ Husi inglés: Fariña ho mikronutriente sira (tradusaun livre).

Pagamentu / Liuhusi Sistema Nasionál Saúde.
Mekanizmu entrega nian

Finansiamentu La Disponível.

Kobertura - Labarik sira Benefisiadu (imunizasaun kompletu) (2015) – 26861 = **porsentu 63,6 husi totál naximentu**¹⁰⁰

Rezumu kona-ba Programa sira ne'ebé iha ba Infánsia

Programa	Grupu-Alvu	Kobertura	Kustu per Capita
1. Bolsa da Mãe	Labarik sira husi tinan 0 to'o tinan 17, iha família sira Vulnerável.	- agregadu familiar 61705 = 29,9% husi Totál; - Membru sira agregadu 277964 = 23,4% husi Totál; - Labarik sira 183 265 = 32,0% husi Totál.	US\$ 54,74 ba beneficiáriu idak-idak.
2. Merenda Escolar - Pré-eskola	Labarik sira husi tinan 3 to'o tinan 5.	– Benefisiáriu sira 14871 = 16,2% husi Totál.	US\$ 11,52 ba beneficiáriu idak-idak.
3. Merenda Escolar - Ensinu Báziku	Labarik sira husi tinan 6 to'o tinan 15.	– Benefisiáriu sira 320040 = 102,7% husi Totál.	US\$ 19,57 ba beneficiáriu idak-idak.
4. Bolsa estudo veteranu sira-nia oan	Labarik sira no jovens ira husi tinan 6 to'o tinan 24, oan husi mártir no combatente libertasaun nasionál ne'ebé mate ona.	– Benefisiáriu sira 942 = 0,17% husi Totál.	US\$ 274,41 ba beneficiáriu idak-idak.
5. Labarik sira ne'ebé iha konflitu ho lei	Labarik sira no joven husi tinan 9 to'o tinan 21, ne'ebé iha konflitu ho lei.	– Benefisiáriu sira 40	US\$ 250,00 ba beneficiáriu idak-idak.
6. Kuidadus Esensiál ba Resén-Naxidu (Bebé foin moris)	Labarik sira to'o fulan 2.	– Benefisiáriu sira 44854 = 90,9 % husi Totál jestasaun	US\$ 15,60 ba beneficiáriu idak-idak.
7. Hamenus morbilidade no mortalidade infantil	Labarik sira husi fulan 6 to'o tinan 5. Foku ba labarik sira ne'ebé iha problema saúde.	– Benefisiáriu sira 170930 = 103,1 % husi Totál.	La disponível.

¹⁰⁰Haree: RDTL, Ministério da Saúde. 2015. Relatório Estatístico Anual 2015.

8. Nutrisaun ba labarik	Labarik sira husi fulan 6 to'o tinan 5 ne'ebé apresenta problema nutrisaun.	La disponível.	La disponível.
9. Programa imunizasaun	Labarik sira husi fulan 0 to'o fulan 12.	- Benefisiáriu sira 26861= 63,6 % husi Total naximentu	La disponível

Lakuna no Problema Implementasaun Política ba Infánsia sira-nian

<i>Integrasaun</i>	Sistema ne'ebé eziste iha grau fragmentasaun aas. Maioria programa sira-nia objetivu espesífiku liu, maibé laiha mekanizmu integrasaun ho programa sira seluk, no ida-ne'e impede duplikasaun esforsu sira-nia identifikasaun sistemátiku no efisiénsia nia melloria.
<i>Baze legál</i>	Programa oioin opera bazeia ba deketu ministerial de'it, no la garante sira-nia continuidade ba longu prazu, ka atribuisaun direitos ba beneficiáriu sira.
<i>Valór husi Benefísiu sira Períódiku</i>	Benefísiu períódiku regular sira-nia valór, liuliu <i>Bolsa da Mãe</i> no Merenda Escolar, representa frasaun ida kiik de'it husi konsumu familiar médiu, ka husi liña mukit no, hanesan ne'e, la prodús impaktu signifikativu ba labarik sira-nia kondisaun moris. Alein de ne'e, iha diferença boot entre valór prestasaun transferénsia regular sira-nian (liuliu sira ne'ebé orienta atu prevene vulnerabilidade sira) no pagamentu sira ne'ebé realiza atu hatán ba situasaun vulnerabilidade ne'ebé espesífiku. Indivíduu sira la presiza hasoru situasaun vulnerabilidade katastrófika ida atu bele simu apoiu adekuaadu.¹⁰¹
<i>Nutrisaun Infantil</i>	Sistema protesaun sosiál nia resposta ohin loron ba nível aas má-nutrisaun nian – servisu saúde, fó merenda eskolar no subsídiu <i>Bolsa da Mãe</i> – alkansa rezultadu limitadu, no presiza halo programa hirak-ne'e sira-nia revizaun ka reforsu atu sira-nia impaktu bele signifikativu liu.
<i>Sistema Selesaun Benefisiáriu sira</i>	Desizaun kona-ba elejibilidade ba benefísiu balun foti ho maneira <i>ad hoc</i> ka bazeia ba kritériu subjektivu ne'ebé xefe-suku define ho maneira informal ka programa sira estabese. Mezmu kazu sira ne'ebé iha kritériu definidu, tanba distribuísiaun rendimentu hanesan ba ema ki'ak liu porsentu 80, fokalizasaun hamosu sala barak kona-ba eskluzaun, no husik ema barak ho grau vulnerabilidade aas la tama iha programa sira-nia kobertura.

¹⁰¹ Porezemplu, prestasaun sira husi programa Labarik sira ne'ebé Konflitu ho Lei mak equivalente ba prestasaun programa *Bolsa da Mãe* ba tinan tolu.



	Liutan, falta kapasidade administrativa hodi halo benefisiáriu sira-nia verifikasaun no monitorizasaun.
<i>Previzibilidade kona-ba provizaun benefísiu sira</i>	Benefísiu sira-nia pagamentu no servisu sira-nia fornecimentu akontese ho frekuénsia kiik no la regular. Benefísiu periódiku sira-nia pagamentu ho osan, hanesan programa <i>Bolsa da Mãe</i> , akontese de'it tinan ida dala ida iha data ne'ebé variável husi tinan ida ba tinan seluk tuirmai, no asesu ba benefísiu balun no ba servisu sira ne'ebé iha ligasaun ho saúde depende husi programa sira ne'ebé mós laiha kalendáriu fiku ida.
<i>Kualidade Benefísiu no Servisu sira</i>	Programa oioin hasoru problema hodi garante qualidade servisu ka hodi assegura benefísiu sira-nia atribuisaun enjéneru, hanesan programa Merenda Eskolar, no ida-ne'e dala barak nia rezultadu mak falla benefísiu sira-nia provizaun.
<i>Alokasaun no ezeekusaun orsamentál</i>	Programa oioin abranje númeru benefisiáriu kiik liu númeru ema ne'ebé elejível, tanba disponibilidade orsamentál la suficiente bainhira ita konsidera nesesidade sira hotu. Programa <i>Bolsa da Mãe</i> no Merenda Eskolar ezemplu di'ak ba ida-ne'e. Atu kobre universu labarik vulnerável iha Timór Leste, <i>Bolsa da Mãe</i> presiza pelumenus orsamentu porsentu 91 boot liu, no orsamentu atual Merenda Eskolar nia suficiente atu kobre de'it loron escolar 76 durante tinan ida. Aleinde ne'e, maioria programa sira sofre ho atrazu sistemátiku kona-ba disponibilidade orsamentu alokadu, no ida-ne'e provoca atrazu implemetasaun no, iha kazu balun, lori to'o servisu nia suspensaun temporária.
<i>Mekanizmu Monitorizasaun no Avaliasaun</i>	Maské maioria programa iha mekanizmu monitorizasaun no Avaliasaun previstu iha nia konsesaun, uituan de'it mak implementa duni medida hirak-ne'e. Ne'e resulta baibain implementasaun ida iregulár ka mekanizmu hirak-ne'e sira-nia auzénsia tomak, no impede programa sira-nia monitorizasaun no avaliasaun adekuadu.

Rekomendasaun hodi Promove Protesaun Sosiál ba Labarik sira

Bolsa da Mãe:

- # Avalia potenciál impaktu finanseiru no iha nível muki Introdusaun mudansa kritériu elejibilidade no montante benefísiu sira, hodi hadia programa nia efikásia. Proposta sira inklui aumenta benefísiu nia valór no nakfila programa ne'e ba programa universal ida ba labarik sira kiik liu idade eskolar;
- # Avalia impaktu programa sira-nian – inklui operasaun no rezultadu sira – ho maneira sistemátika no abranjente;
- # Kria provizaun espesífika ba labarik sira ho defisiénsia, oferese apoiu finanseiru ida ne'ebé adekuadu;

Programa sira ba Infánsia Dahuluk:

- # Mapeamentu no integrasaun husi komponente oioin Polítika Nasionál Dezenvolvimentu ba Infánsia Dahuluk iha Ministériu responsável sira hotu, hodi aumenta programa hirak-ne'e sira-nia efisiénsia no impaktu;
- # Avalia programa infánsia dahuluk nia efikásia no formula reforma sira ne'ebé adekuaudu hodi hadia labarik sira-nia moris di'ak, liuliu durante loron rihun ida hahú nian, hahú iha tempu inan isin-rua;

Merenda Eskolar:

- # Hadia qualidade refeisaun sira ne'ebé fó ba labarik sira – halo ajustamentu ba operasaun sira hodi bele tuir menu ne'ebé Ministériu Saúde dezenvolve;
- # Avalia possibilidade atu programa fó hahan meu-dia ba labarik sira no hanaruk nia abranjénsia ba ensinu sekundáriu;
- # Avalia dezigualdade jeográfika bainhira halo implementasaun programa, atu padroniza programa nia operasaun iha rejiaun oioin;
- # Kria mekanizmu hodi garante katak refeisaun sira ne'ebé fó mak preparadu ho aihan ne'ebé agrikultór no produtór rural sira husi rejiaun fornese;

Asesu ba Edukasaun:

- # Asegura katak labarik sira hotu iha asesu ba meius transporte hodi bele la'o bá eskola (liuhusi provizaun servisu sira ka prestasaun pekuniáriu);
- # Fó protesaun ba adolexente isin-rua no fasilita sira-prosesu hodi fila-fali bá eskola depoizde bebé moris;
- # Haforsa medida sira hodi halakon traballu infantil no garante katak labarik sira iha infánsia saudável no haksolok;

Kestaun Finanseiru no Orsamentál:

- # Estabelese prestasaun sira-nia sistema úniku pagamentu eletróniku, hodi fasilita pagamentu mensál ba beneficiáriu programa sira oioin;
- # Servisu ho estimativa kona-ba programa sira-nia Kustus ba longu prazu, hodi asegura sustentabilidade no previzibilidade sistema nia orsamentu;
- # Hadia orsamentu nia planeamentu no ezekusaun, hodi garante katak aloka ba programa sira orsamentu ne'ebé adekuaudu no respeita direitu no kritériu sira ne'ebé lei estabelese, no katak orsamentu bele disponível iha momentu ne'ebé di'ak ba nia implementasaun;

Mekanizmu Pagamentu/ Entrega Benefísiu sira

- # Aumenta pagamentu transferénsia regulár osan nia frekuénsia, hodi garante pagamentu mensál no previsível;
- # Dezenvolve mekanizmu rejistu no pagamentu prestasaun sira ne'ebé hatán ba beneficiáriu sira hotu, hanesan mós sistema pagamentu eletróniku, sistema pagamentu móvel no sira seluk;
- # Avalia maneira alternativu ba prestasaun sira-nia provizaun hodi garante katak valór ne'ebé selu investe tuir objetivu políka idak-idak nian.

Hanesan ho rekomendasaun sira kona-ba saúde, rekomendasaun kona-ba prestasaun direta servisu edukativus (hanesan “hadia qualidade edukasaun”) mak aborda dala barak loos iha Planu Estratéjiku Nasionál ba Edukasaun 2011-2030, ne'ebé dezenvolve no implementa tuir mandatu Ministériu Edukasaun. Tanba ne'e, relatóriu ne'e buka apresenta proposta sira kona-ba asesu ba edukasaun.

Protesaun Sosiál iha Idade Ativa

Situasaun Populasaun iha Idade Ativa

Maské la'os grupu vulnerável ida, individu sira iha idade ativa presiza hatene oinsá atu hasoru risku oioin lubuk ida, liuliu sira ne'ebé relasiona ho traballu. Timór Leste iha maizoumenus individu 624000 entre tinan 15 no 59, ne'ebé representa porsentu 52,7 husi populasaun totál. Maibé, partisipasaun iha forsa traballu uituan de'it bainhira ita kompara ho nível internasionál (porsentu 30,6 de'it). Maizoumenus individu ida ba haat (porsentu 25,7) mak agrikultor subsisténsia, servisu ba nia an-rasik hodi sustenta nesesidade nia família rasik de'it. Ladun iha sobrepozisaun merkadu traballu ho traballu subsisténsia, tanba sira ne'ebé traballu ho objetivu subsisténsia porsentu 6,9 de'it mak iha traballu seluk ne'ebé inklui sira iha forsa traballu. Mesmu ho partisipasaun uituan de'it iha forsa traballu, taxa dezempregu mak porsentu 11, no porsentu 10,5 dezempregadu longa durasaun. Rejime Jerál Seguransa Sosiál, rejime kontributivu dahuluk iha rai-laran, hahú funsionamentu iha fulan agostu tinan 2017. To'o iha ne'ebá, segmentu espesífiku balun de'it mak benefisia protesau boot liu relasionadu ho traballu (hanesan funsionáriu públiku sira), liuhusi rejime tranzitóriu naun kontributivu.¹⁰²

Konsidera katak ema sira ne'ebé tama iha forsa traballu, porsentu 69 iha empregu informal ida, taxa ne'e aas karik ita haree ba padraun internasionál. Traballu temporáriu mós komún, no traballadór ida ba 3 (porsentu 29) iha kontratu ho durasaun limitadu no un tersu seluk (porsentu 36) iha nia servisu pelumens tinan rua. Senáriu ida ne'e tau beibeik individu sira iha situasaun inserteza no prekariedade – traballadór dois tersus (porsentu 69,9) iha empregu ida vulnerável, aumenta porsentu 55 iha tinan 2013. Iha tinan ida ne'ebá, ema sira ho empregu vulnerável maioria mak feto – porsentu 70, kontra mane porsentu 48 iha situasaun ne'e.¹⁰³

Papél jéneru iha impaktu signifikativu ba feto sira-nia partisipasaun iha forsa traballu. Feto iha idade ativa porsentu 21,3 de'it mak hola parte, kompara ho mane porsentu 39,7. Kona-ba traballu subsisténsia, diferença entre seksu kiik liu, maibé nafatin signifikativu, no feto entre tinan 15 no tinan 59 porsentu 22,5 iha okupasaun ne'e, kontra mane porsentu 25,3. Auzénsia planeamentu familiar no número oan ne'ebé barak ba kada feto ida difikulta mós feto bele halo sira-nia karreira la'os iha uma. Feto sira-nia partisipasaun iha merkadu traballu nia konsekuénsia mak sira-nia dependénsia ekonómika, no ida-ne'e hamenus feto sira-nia autonomia no sira-nia partisipasaun iha desizaun uma-laran nian, aleinde priva merkadu produtivu husi ativu valiozu no kapasidade produtiva.

Foin daudauk Timór Leste aprova kriaun rejime kontributivu seguransa sosiál dahuluk (Lei n. 12/2016), ne'ebé buka habelar protesau ba traballhadór no ba traballadór sira-nia família. Sistema foun obrigatóriu ba traballadór setor privadu no públiku sira-hotu (inklui sira ne'ebé antes Rejime Tranzitóriu Seguransa Sosiál kobre, no la prejudika sira nia direitus adkiridus), no tuir prinsípiu repartisaun ba nia finansiamentu. Rejime Jerál Seguransa Sosiál foun oferese provizaun ba kontinjénsia ema ferik/katuas, invalidés, maternidade/paternidade, mate no, iha futuru, asidente traballu. Rejime hahú la'o iha agostu tinan 2017 no, iha janeiru tinan 2018, iha maizoumenus traballadór rihun 70 rejistadu no selu kontribuisaun, no ida-ne'e representa forsa

¹⁰² Haree RDTL, Ministério das Finanças. 2016. Censo Gerál da População e Habitação 2015; RDTL, SEPFOPE. 2015. Inquérito à Força de Trabalho 2013; no OIT. 2010. Key Indicators of the Labour Market Database.

¹⁰³ Haree RDTL, SEPFOPE. 2015. Inquérito à Força de Trabalho 2013; no PNUD. 2015. Relatório de Desenvolvimento Humano 2015.

traballu porsentu 36. Ita hein katak iha tinan 2018 traballadór 10000 to'o 12000 seluk tan halo inskrisaun iha sistema.

Kondisaun traballu iha espasu barak atu introdús melloria. SEPFOPE hatudu katak maioria atividade produtivu, padraun saúde no seguransa iha traballu nafatin dook husi buat ne'ebé dí'ak liu. Iha tinan 2015, ita rejista asidente traballu todan 11 iha rai-laran, ne'ebé rezulta ema mate na'in haat no kanek todan na'in nein.¹⁰⁴ Númeru, maské kiik, reprezenta de'it insidente sira ne'ebé ema relata – maioria kazu ema la fó hatene, liuliu okorrénsia ne'ebé ladún grave, iha merkadu informal nomós iha agrikultura subsisténsia. Konsidera katak traballadór rua ba kada lima mak iha setór agríkula (porsentu 40,5) no katak atividade sira seluk iha Timór Leste uza maun-de-obra intensivu, insidénsia moras ne'ebé relasiona ho traballu bele aas. Maibé, seidak iha dados kona-ba matéria ida-ne'e.¹⁰⁵

Saláriu kiik mak problema komún ba traballadór timoroan. Saláriu mensál médiu ba funsionáriu sira iha setor formal iha rai-laran mak US\$ 512,98, enkuantu saláriu mensál medianu mak maizoumenus metade, US\$ 272,00. Tuir buat ne'ebé exploradu iha seksaun ne'ebé analiza muki iha nasaun, montante hirak-ne'e la suficiente atu família média bele moris iha liña muki nia leten. Traballadór ida ba kada tolu (porsentu 36,4) bele konsidera empregadu baixa remunerasaun, tanba manán menus duké 2/3 saláriu medianu, iha kazu ne'e US\$ 181 fulan-fulan. Feto sira manán menus liu, US\$ 450,05, kompara ho mane sira, ne'ebé simu US\$ 533,51; no tan, tanba karakterístika kulturál sira, feto iha jornada dupla tanba sira mak responsável ba servisu uma-laran nian no atu haree labarik sira.¹⁰⁶ Aleinde ne'e, ita presiza konsidera katak forsa traballu porsentu 69 la tama iha setor formal no baibain iha rendimentu kiik no regular liu. Traballador informal sira, hamutuk ho agrikultór subsisténsia, mak constitui maioria populasau iha idade ativa no moris iha kondisaun prekáriu liu duké traballadór sira husi setor formal.

Idade média atu tama iha forsa traballu mak tinan 22,7 no idade média saída mak tinan 63,5 – liu uituan tinan 40 ba moris média traballu nian. Kondisaun traballu ba foin-sa'e sira aat liu duké média. Porsentu 11,1 de'it husi foin-sa'e entre tinan 15 no tinan 24 iha merkadu traballu – pontu persentuál rua de'it liu númeru labarik sira iha situasaun traballu infantíl. Husi sira-ne'e, liu ida ba lima dezempregadu (porsentu 21,9), no ida-ne'e representa kuaze dobru husi média nasional. Aleinde ne'e, idade mediana atu hahú empregu dahuluk mak tinan 25,5, ne'e signifika katak foin-sa'e ida tenke hasoru média tinan 2,5 desempregu molok atu konsege servisu ida.¹⁰⁷

Maizoumenus ema ho idade entre tinan 15 no tinan 24 porsentu 14,4 dedika an ba atividade agrikula subsisténsia, taxa kiik liu duké média populasau. Entre foin-sa'e sira, porsentu 24,3 laiha servisu no la frekuenta sistema ensinu ka formasaun, *NEET*¹⁰⁸. Kazu hirak-ne'e nia okorrénsia beibeik entre idade joven liu; maibé, kontráriu ho buat ne'ebé ita baibain observa iha nasaun sira seluk, prevalénsia la apresenta katak iha redusaun makaas bainhira tama iha tinan ruanulu, no ida-ne'e bele indica katak iha númeru foin-sa'e permanente ne'ebé la tama iha forsa traballu. Atu alkansa foin-sa'e sira-nia potensial tomak mak iha Planu Estratéjiku Dezenvolvimentu 2011-2030 Timór Leste nia nu'udar elementu-xave hodi alkansa nia objetivu sira. Planu tau esperansa boot iha foin-sa'e nia liman, tanba sira ne'e, bainhira tama iha forsa traballu ho nível edukasaun no

¹⁰⁴ Grupu Tékniku Especializadu: SEPFOPE.

¹⁰⁵ Haree RDTL, SEPFOPE. 2015. Inquérito à Força de Trabalho 2013.

¹⁰⁶ Haree RDTL, SEPFOPE. 2015. Inquérito à Força de Trabalho 2013.

¹⁰⁷ Ibid 95.

¹⁰⁸ Husi inglés: *Not in employment, education or training*.


produtividade aas liu produtividade duké jerasaun molok sira, sira sei dudu kreximentu ekonómiku ba nível seluk.¹⁰⁹

Maibé, atu aproveita sira-nia "bónus demográfiku", Timór Leste tenke garante dahuluk katak nia labarik sira iha asesu ba edukasaun ho kualidade no ba kondisaun nesesáriu hodi dezenvolve an didi'ak enkuantu sira sa'e boot. Aleinde ne'e, bainhira oras to'o ona atu tama iha forsa traballu, presiza mós servisu ne'ebé permite uza no dezenvolve sira-nia kbiit. Subdezenvolvimentu merkadu traballu mak refleksu kona-ba ambiente difísil ba empreendedorizmu iha nasaun – Timór Leste hetan klasifikasaun iha pozisaun 173, entre nasaun 189, iha "*Doing Business Index 2016*" husi Banku Mundiál, índise ida ne'ebé analiza aspetu ekonomia oioin, infraestrutura no elementu sira seluk ne'ebé influensia empreza sira-nia susesu.¹¹⁰

Formasaun profisional no vokasional limitadu nafatin, no ida-ne'e halo dezenvolvimentu kompeténsia téknika difísil, liuliu bainhira ita konsidera indíviduu uituan de'it ne'ebé iha edukasaun superior. Iha tinan 2012, forsa traballu porsentu 7,2 de'it mak partisipa iha tipu formasaun ka atividade hanesan, no kursu sira popular liu mak: "oinsá lori veikulu kiik motorizadu", "opera ekipamentu todan" no "alvenaria". Kuaze partisipante 3 ba kada 5 mak mane (porsentu 59,5) iha tina 34 ba kraik (porsentu 63) no ho edukasaun sekundária kompletu (porsentu 56). Maské partisipasaun iha atividade formasaun profisional uituan de'it, rezultadu sira fó motivasaun, tanba un tersu husi dezempregadu sira hatudu katak nia konsege servisu ka estájiu depoizde remata sira-nia kursu, no un kuartu (porsentu 25) empregadu sira hatudu katak sira simu ona aumentu ka promosaun. Atividade formasaun sira-nia estensaun bele ajuda hamenus adekuasaun nia kompeténsia ba traballadór porsentu 7,5, sira ne'ebé okupa pozisaun ne'ebé la korresponde ba sira-nia nível edukasaun.¹¹¹

Dezempeñu edukativu forsa traballu nian mak kestaun seluk ne'ebé afeta oferta servisu di'ak liu no seguransa rendimentu ba sira-ne'ebé agora iha idade ativa. Hanesan Gráfiku 20 hatudu, forsa traballu porsentu 44 kompleta ona ensinu sekundáriu, no traballador sira kuaze metade frekuenta de'it ensinu primáriu ka la frekuenta nein ensinu primáriu. Hatudu mós katak servisu edukasaun no trasu kulturál nasaun nian hanesan obstákulu ba "kompeténsia sosial sira", ba koñesimentu finanseiru báziku no insentivu ba autodezenvolvimentu, no ida-ne'e hamenus traballadór timoroan nia kompetitividade bainhira kompara ho traballadór husi rai liur.¹¹²

Gráfiku 20: Nível Escolaridade Indivíduos sira iha Força Trabalho - 2013



Fonte 29: RDTL, SEPFOPE. 2015. Inquérito à Força de Trabalho 2013.

¹⁰⁹ Haree RDTL, SEPFOPE. 2015. Inquérito à Força de Trabalho 2013; no RDTL. 2011. Plano Estratégico de Desenvolvimento de Timor Leste 2011-2030.

¹¹⁰ Haree Banco Mundial. 2016. Doing Business Index 2016.

¹¹¹ Haree RDTL, SEPFOPE. 2015. Inquérito à Força de Trabalho 2013.

¹¹² Haree RDTL, SEPFOPE. 2015. Inquérito à Força de Trabalho 2013.

Falta alfabetizasaun mós problema ida, tanba, bainhira laiha kapasidade atu lee no hakerek, potensial produtivu traballadór nian limitadu loos. Iha avansu makaas iha matéria ida ne'e desde tinan 2001, bainhira forsa traballu alfabetizadu mak porsentu 37,6 de'it, ne'e aumenta ba porsentu 50,6 iha tinan 2007 no ba porsentu 58,3 iha tinan 2010. Taxa alfabetizasaun aas liu husi jerasaun joven liu hatudu katak tendénsia atu bele di'ak liutan kontinua nafatin. Entre foin-sa'e sira ho idade entre tinan 15 to'o 24, taxa alfabetizasaun mak porsentu 79,5 iha tinan 2010 no dadus iha tinan 2015 hatudu taxa alfabetizasaun porsentu 80,5 entre mane foin-sa'e sira no porsentu 78,6 entre feto foin-sa'e sira iha forsa traballu. Maské uzu teknolojia informasaun sa'e, dadus hatudu katak foin-sa'e seidakup aproveita potensial kona-ba uzu ferramenta no rekursu aprendizajen *on-line* ka asesu ba informasaun ne'ebé bele hadia sira-nia kondisaun moris.¹¹³

La'os iha servisu fatin de'it mak iha dezafiu, iha liur mós iha dezafiu atu hasoru. Hanesan ita hatudu ona, kazamentu bainhira idade kiik liu halo parte husi kultura timoroan no, enkuanto idade mediana ba kazamentu dahuluk mak tinan 20,9 ba feto no tinan 25 ba mane sira, barak kaben molok atinje tinan 18. Ne'e halo feto sira hetan oan sedu liu, no ita bele konstata bainhira ita haree idade mediana ba partu dahuluk mak tinan 22,1 – nomós sira iha oan barak loos (média labarik 5,7 ba feto idak-idak).

Situasaun ida-ne'e difikulta feto sira-nia manutensaun iha forsa traballu, no la tuir intervalu frekuente entre kada vés feto isin-rua fali – intervalu hirak-ne'e, ikus liu, bele impede sira-nia partisipasaun tomak. Feto sira beibeik vítima violénsia doméstisa, problema rekoñesidu ona iha Timór Leste. Maizoumenus feto entre tinan 15 no 49 porsentu 59 hateten katak sira vítima violénsia física ka seksuál husi sira-nia parseiru intímu no porsentu 14 vítima violasaun – feto porsentu 86 no mane porsentu 81 fiar katak aseitável laen ida baku nia feen tanba sirkunstánsia balun. Insidénsia violénsia kontra labarik-feto ho tinan 15 to'o tinan 19 sujere katak prátika aat ne'e akontese durante adultu nia moris tomak, no bele hahú ona iha infánsia.¹¹⁴

Pontu sira Prinsipál

- # Timór Leste apresenta taxa partisipasaun kiik iha forsa traballu: porsentu 30,6. Maibé, kuaze ema iha idade ativa un kuarto envolve an iha agrikultura subsisténsia.
- # Maské taxa partisipasaun kiik iha merkadu traballu, dezempregu afeta traballador porsentu 11.
- # Maioria empregu mak informal ka vulnerável, indikasaun ida kona-ba kondisaun traballu prekáriu. Saláriu kiik mós komún, un tersu traballadór sira konsideradu traballadór ho remunerasaun kiik.
- # Feto sira iha taxa partisipasaun kiik liu média nian iha forsa traballu. Kazamentu sedu liu, taxa fertilidade aas no papel jéneru la ekilibradu mak ita identifika nu'udar kauza ba feto sira-nia partisipasaun kiik liu iha traballu ne'ebé la'os iha uma.

¹¹³ Haree UNESCO - Instituto de Estatísticas; no PNUD. 2015. Relatório de Desenvolvimento Humano 2015.

¹¹⁴ Haree RDTL, Ministério da Saúde. 2014. Estratégia Nacional sobre Saúde Reprodutiva, Materna, Neonatal, Infantil e do Adolescente 2015-2019; RDTL, Ministério das Finanças. 2013. Análise da Situação das Crianças em Timór Leste; PNUD. 2015. Relatório de Desenvolvimento Humano 2015; RDTL, Ministério da Saúde. 2010. Timór Leste 2009-2010 Inquérito Demográfico de Saúde; e Asia Foundation. 2016. Understanding Violence against Women and Children in Timór Leste: Findings from the *Nabilan* Baseline Study.

- # Foin-sa'e sira hasoru situasaun prekáriu iha merkadu traballu. Maské porsentu 11 de'it partisipa iha forsa traballu, foin-sa'e hasoru taxa dezempregu porsentu 21, kuaze dobru husi média nasionál. Aleinde ne'e, un kuartu foin-sa'e sira la servisu no la frekuenta sistema ensinu ka formasaun.
- # Oportunidade formasaun profisional no vokasional limitadu no nível eskolaridade ema iha idade ativa kiik loos. Obstákulu hirak-ne'e signifikativu ba kriaunsaun empregu dignu, produtivu liu no ho remunerasaun di'ak liu.

Programa sira ne'ebé Eziste ona

Rejime Jerál Seguransa Sosiál

<i>Programa nia Deskrisaun</i>	Rejime Jerál Seguransa Sosiál mak rejime kontributivu ida ne'ebé abranje traballadór husi setór atividade sira hotu, hodi fó apoiu ba traballadór no sira-nia família bainhira situasaun ferik/katuas, invalidés, mate no maternidade/paternidade. Sistema tuir prinsípiu repartisaun no inklui antigu Rejime Tranzitóriu Seguransa Sosiál nian ba funsionáriu públiku sira.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Rejime Kontributivu Seguransa Sosiál nian
<i>Baze legál</i>	Lei N. 12/2016 husi loron 16 fulan novembru, Lei Seguransa Sosiál nian.
<i>Grupu-Alvu</i>	Rejime obrigatóriu ba traballadór sira hotu husi setór atividade hotu (privadu no públiku) no opsonál ba traballadór sira ba nia-an rasik, ezeutivu/administrador no traballador doméstiku sira.
<i>Benefísiu sira</i>	Programa estabelese provizaun lubuk ida, ho osan, ne'ebé buka proteje traballadór no sira-nia família liuhusi prestasaun ba situasaun: (i) Ferik/Katuas – Pensaun sira, ba traballadór sira ho tinan 60 ka liu. Prestasaun nia valór bazeia ba saláriu médiu no ba durasaun karreira kontributivu; (ii) Invalidés – Pensaun sira ba invalidés parsial no totál. Prestasaun nia valór bazeia ba saláriu médiu no ba durasaun karreira kontributiva; (iii) Mate – Pagamentu úniku, pensaun sobrevivénsia no reembolsu despeza funeráriu karik funsionáriu mate. Prestasaun sira-nia valór muda tuir saláriu médiu karreira kontributivu; (iv) Maternidade/Paternidade –Subsídiu substituisaun rendimentu ba maternidade, paternidade, adosaun, risku klíniku durante isin-ruano interrompsaun isin-rua. Prestasaun sira-nia valór muda tuir saláriu médiu karreira kontributivu;

Pagamentu / Mekanizmu entrega nian Pagamentu sira halo liuhusi transferénsia bankária, liuhusi banku ne'ebé presente iha Munisípiu sira.

Finansiamentu Fonte sira – Empregadór sira-nia Kontribuisaun (porsentu 6) no Trabalhador (porsentu 4), ho komplementu husi Orsamentu Jerál Estadu nian.

Reseita sira:

- Kontribuisaun ba Seguransa Sosiál: US\$ 21779175,00,00
- Funan husi Investimentu sira: US\$ 13000,00
- Transferénsia husi Orsamentu Jerál Estadu nian: US\$ 4229156,00

Totál Reseita ba tinan 2017: US\$ 26021331,00

Despeza:

- Transferénsia Sosiál: US\$ 4861971,00
 - Antigu Rejime Tranzitóriu Seguransa Sosiál nian: US\$ 4140000,00
 - Prestasaun Kontributivu: US\$ 721971,00
- Administrasaun no Operasaun sira: US\$ 89156,00

Totál Despeza ba tinan 2017: US\$ 4951127,00¹¹⁵

Kobertura - Trabalhador Seguradu (2017) – 70000 = **porsentu 36,6 husi forsa traballu nian.**¹¹⁶

Apoiu Sosiál ba Indivíduu no Família iha Sirkunstánsia

Programa nia Deskrisaun Programa ne'e kria nu'udar ferramenta ida hodi fó apoio ba indivíduu no família sira ne'ebé hasoru situasaun temporária vulnerabilidade extrema. Programa la'o nu'udar resposta emerjénsia, no oferese benefísiu ho osan ne'ebé buka rezolve ka hamenus problema ne'ebé indivíduu ka família hasoru.

Instituisaun Responsável *Ministériu Solidariedade Sosiál*
- Diresaun Nasionál Dezenvolvimentu Sosiál - DNDS
- Departamentu Protesaun Feto no Reinsersaun Sosiál Família Vulnerável sira

Baze legál Laiha lejislasaun espesífika kona-ba regulamentasaun programa ida-ne'e nian.
Agora daudaun, nia operacionalizasaun bazeia ba despaxu ministeriál, ba Lei Orgánika Ministériu Solidariedade Sosiál, ba Programa VI Governu Konstitusional no ba de Asaun Anuál DNDS nian.

Grupu-Alvu Indivíduu ka família sira iha situasaun vulnerabilidade extrema.

¹¹⁵ Despeza no Reseita sira la ezejuta tomak iha tinan 2017 tanba estensaun iha prazu inskrisaun ba Seguransa Sosiál no, tuirmai, ba implementasaun efetiva rejime nian. Entretantu, tamba Orsamentu Retifikativu tinan 2017 la aprova iha Parlamentu Nasionál, dados orsamentál hirak-ne'e mak ikus mai ne'ebé disponível.

¹¹⁶ Bazeia ba rezultadu husi Censo Geral de População e Habitação 2015 no Inquérito à Força de Trabalho 2013.



Pedidu apoiu ne'e ema mak tenke halo rasik ka liuhusi surat besik autoridade lokál MSS nian ida, ne'ebé avalia rekerente nia kondisaun no foti desizaun kona-ba aprovasaun pedidu pagamentu benefísiu nian. Kritériu Avaliasaun subjektivu, nomós mekanizmu rekerimentu benefísiu nian, ida-ne'ebé latuir prosedimentu espesífiku liu.

<i>Benefísiu sira</i>	Prestasaun pekuniáriu úniku, ho valór US\$ 200 to'o US\$ 500. Montante establesidu tuir avaliasaun vulnerabilidade ne'ebé tékniku Sosiál realiza.
<i>Pagamentu / Mekanizmu entrega nian</i>	Pagamentu realiza diretamente ba família ka indivíduu sira, liuhusi tékniku sosiál ida.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 10000,00
<i>Kobertura</i>	- Agregadu familiár (2015) – 28 = porsentu 0,01 husi Totál agregadu familiár. ¹¹⁷

Apoiu ba Vítima Violénsia ne'ebé Bazeia ba Jéneru no Violénsia Doméstika

<i>Programa nia Deskrisaun</i>	Programa oferece protesaun no apoiu ba vítima violénsia ne'ebé bazeia ba jéneru no Violénsia doméstika sira-nia reintegrasaun. Feto no labarik sira simu apoiu finanseiru no asesu ba servisu apoiu ne'ebé fó kondisaun nesesáriu atu vítima sira bele estrutura fali sira-nia moris do'ok husi agresór sira, aleinde apoiu legál no psikolójiku.
<i>Instituisaun Responsável</i>	<i>Ministériu da Solidariedade Sosiál</i> - Diresaun Nasionál Dezenvolvimentu Sosiál - DNDS - Departamentu Protesaun Feto no Reinsersaun Sosiál Família sira Vulnerável
<i>Baze legál</i>	Laiha lejislasaun espesífiku hodi regulamenta programa ida-ne'e. Ohin loron, nia operacionalizasaun bazeia ba despaxu ministerial, iha Lei Kontra Violénsia Doméstika no iha Planu Nasionál ba Implementasaun Lei Kontra Violénsia Doméstika.
<i>Grupu-Alvu</i>	Feto no labarik sira vítima husi Violénsia ne'ebé bazeia ba jéneru no Violénsia doméstika.
<i>Benefísiu sira</i>	Programa fó servisu no benefísiu lubuk ida enjéneru no osan: (i) Prestasaun pekuniáriu úniku to'o US\$100 atu transporta vítima durante prosesu legal; (ii) Feto vítima akompañadu husi oan sira simu prestasaun pekuniáriu úniku US\$50 atu hatán ba labarik sira-nia nesesidade

¹¹⁷ Bazeia ba rezultadu sira husi Censo Geral da População e Habitação 2015.



immediatu;

(iii) Prestasaun pekuniáriu úniku US\$100 iha prosesu legal nia rohan hodi fasilita reintegrasaun iha comunidade;

(iv) Prestasaun pekuniáriu úniku to'o US\$ 300 ba feto ne'ebé la'en abandona. Apoiu bazeia ba Tribunal nia Rekomendasaun ida;

(v) Prestasaun pekuniáriu úniku to'o US\$ 1500 ba kazu sira ne'ebé rekér akompañamentu durante tempu naruk nia laran;

(vi) Akompañamentu psikolójiku no akonsellamentu;

(vii) Abrigu ba feto sira ne'ebé hasoru risku kontínuu no ne'ebé laiha opsaun abrigo seluk.

Pagamentu / Mekanizmu entrega nian Pagamentu realiza diretamente ba benefisiáriu liuhusi tékniku sosiál ida ne'ebé, iha okaziaun, ajuda halo planu despeza ida atu garante katak osan ne'e investe iha nia reinsersaun sosiál.

Finansiamentu Fonte - Orsamentu Jerál Estadu nian
Orsamentu 2015: US\$ 45000,00

Kobertura - Benefisiáriu sira (2015) – **150 = populasaun alvu porsentu 0,14** (feto vítima Violénsia no labarik sira vítima abuzu)¹¹⁸

Prizioneiru sira-nia Reintegrasaun Sosiál

Programa nia Deskrisaun Programa oferese apoiu ba prizioneiru vulnerável, durante no depoizde kumpre pena prizaun. Benefísiu sira buka fasilita prizioneiru sira-nia reintegrasaun iha sira-nia família no iha sira-nia comunidade, hadia sira-nia abilitasaun profisionál, no fó apoiu ba nia subsisténsia ba semana liberdade dahuluk no/ka atu sosa ferramenta ka instrumentu servisu nian hodi realiza atividade sira ne'ebé ne'ebé nia simu ona formasaun profisionál.

Instituisaun Responsável *Ministériu Solidariedade Sosiál*
- Diresaun Nasionál Dezenvolvimentu Sosiál – DNDS
Ministériu Justisa
- Diresaun Nasionál Servisus Prizionais no Reinsersaun Sosiál
- Departamentu Reinsersaun Sosiál no Observasaun Kriminolójika

Baze legál *Dekretu-Lei n. 14/2014*, Ezekusaun Penas no Medidas Seguransa.

Liutan, nia operacionalizasaun bazeia ba despaxu ministerial, iha Artigu 56 Konstituisaun Nasionál, iha Lei Orgánika Ministériu Solidariedade Sosiál, iha Regulamentu Jerál kona-ba Estabelesimentu Prizional no iha Memorandu Entendimentu ne'ebé selebra entre Ministériu Solidariedade Sosiál no Ministériu Justisa.

¹¹⁸ Haree RDTL, Ministério das Finanças. 2017. Censo Gerál da População e Habitação 2015; Asia Foundation. 2016. Understanding Violence against Women and Children in Timór Leste: Findings from the *Nabilan* Baseline Study.

<i>Grupu-Alvu</i>	Mane, feto, foin-sa'e sira hotu iha servisu prizonal nia tutela no eis-prizioneiru vulnerável ne'ebé kumpre ona sira-nia pena prizaun.
<i>Benefísiu sira</i>	Programa garante servisu no benefísiu osan lubuk ida: (i) Kursu formasaun profisionál ba prizioneiru sira, iha área karpintaria, konstrusaun, alfaiataria, lavandaria, suru no sira seluk; (ii) Akompañamentu psikolójiku no Sosiál; (iii) Prestasaun pekuniáriu úniku ho valór US\$ 120 atu prizioneiru nia família realiza vizita anual ida; (iv) Prestasaun pekuniáriu úniku ho valór US\$ 350, bainhira remata kumpre pena; (v) Prestasaun pekuniáriu úniku ba transporte atu fila ba nia Munisípiu orijen, ho valór variável, tuir distánsia.
<i>Pagamentu / Mekanizmu entrega nian</i>	Kursu formasaun profisionál hala'o iha instalasaun estabesimentu prizonal. Pagamentu ne'e realiza diretamente ba individuu ne'ebé kumpre pena prizaun ka ba família, iha kazu vizita, liuhusi tékniku reinsersaun Sosiál.
<i>Finansiamentu</i>	<i>Fonte - Orsamentu Jerál Estadu</i> - US\$ 100000,00 (Kursu Vokasional) - US\$ 25000,00 (Benefísiu ba reinsersaun) - US\$ 10000,00 (Vizita Familiar) Orsamentu 2015: US\$ 135000,00 (Totál)
<i>Kobertura</i>	- Benefisiáriu sira ba Kursu Profisional (2015) – 598 = porsentu 100 husi populasau karserária; - Benefisiáriu sira Reinsersaun (2015) – 70 = populasau prizonal porsentu 11,7¹¹⁹; - Vizita Familiar (2015) – 53 = populasau prizonal porsentu 8,4 (inklui labarik sira ne'ebé iha konflitu ho lei);

Rekuperasaun Vítima husi Dezastre Naturál no Konflitu Sosiál sira -nian

<i>Programa nia Deskrisaun</i>	Programa fó apoiu ba vítima sira husi dezastre natural, buka hatán ba nesesidade imediata ema afetadu no mitiga lakon no estragu materiál iha rezidénsia atinjidu.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Jestaun Risku Dezastre
<i>Baze legál</i>	Laiha lejislasaun atu regulamenta programa. Ohin loron, nia operacionalizasaun bazeia ba despaxu ministerial, ba Lei Orgánika MSS nian no ba Planu Longu Prazu ba tinan 2011-2030.

¹¹⁹ Di'ak liu mak kobertura bele kalkula relasiona ho número prizioneiru sira ne'ebé sai ona husi prizaun. Maibé, dados hirak-ne'e la disponível to'o relatóriu ida-ne'e publika.

Grupu-Alvu

Vítima dezastre natural no konflitu sosiál.

Benefísiu sira

Programa entrega benefísiu konjuntu rua en jéneru no osan. Konjuntu ida mak apoiu emerjénsia no ida seluk mak ba rekuperasaun rezidénsia atinjidu:

Apoiu Imediatu Emerjénsia:

- (i) Entrega ai-han ba família idak-idak, inklui supermie kaixa 1, lata sardiña 25, óliu litru 2, biskuit pakote 5, no susubeen 1;
- (ii) Entrega item báziku lubuk ida ne'ebé inklui sana ida, balde ida, bikan no kanuru, kopu, gayung, biti, sabaun, hena, manta, toalla, moskiteiru no lona (ba tenda provizóriu).

Apoiu Rekuperasaun Domisíliu:

- (i) Prestasaun pekuniáriu úniku, husi US\$ 150 to'o US\$ 368, ba kustus maun-de-obra no ai;
- (ii) Material konstrusaun, ne'ebé varia tuir kuantidade no variedade tuir nível estragun ne'ebé uma hasoru.

Pagamentu / Mekanizmu entrega nian

Benefísiu sira ne'ebé ekipa Diresaun Jestaun Risku Dezastre entrega diretamente ba ema afetadu iha dezastre sira.

Finansiamentu

Fonte - Orsamentu Jerál Estadu nian

- US\$ 600800,00 (Prestasaun pekuniáriu)
- US\$ 311170,00 (Material Konstrusaun)
- US\$ 56000,00 (Ai-han)
- US\$ 174750,00 (Item Báziku Lubuk ida)

Orsamentu 2015: US\$ 1142720,00 (Totál)

Kobertura

- Benefisiáriu sira husi Apoju Emerjénsia (2015) – 3000 = **populasaun total porsentu 0,25¹²⁰**;
- Benefisiáriu sira Rekuperasaun Rezidénsia (2015) – 1865 = **populasaun total porsentu 0,15¹²¹**.

Empregu rural

Programa nia Deskrisaun

Programa buka kria oportunidade servisu temporáriu ba comunidade sira área rural, kona-ba konstrusaun estrada no projetu turizmu komunitáriu, adota modelu “cash-for-work” (“osan ba traballu”). Programa traballa diretamente jo comunidade sira atu hili projetu no atu kontratu maun-de-obra. Ba projetu infraestrutura, bele kontratu empreza hodi ezejuta konstrusaun (liuliu empreza kiik lokál), ho kondisaun katak kontratasaun traballadór sira fó preferénsia ba membrus comunidade.

¹²⁰ Bazeia ba rezutadu Censo Geral de População e Habitação 2015.

¹²¹ Bazeia ba rezutadu Censo Geral de População e Habitação 2015.



	Liutan, programa oferece oportunidade ba graduadu sira iha sentru formasaun bele halo estájiu iha projetu konstrusaun kiik hirak-ne'e.
<i>Instituisaun Responsável</i>	<i>Sekretaria Estadu ba Política Formasaun Profisional no Empregu - SEPFOPE</i> - Diresaun Nasionál Política Empregu nian - DNPE - Departamentu Empregu Temporáriu
<i>Baze legal</i>	<i>Dekretu-Lei N. 29/2008</i> , husi loron 13 fulan agostu (iha prosesu revizaun). Liutan, nia operacionalizasaun bazeia ba despaxu ministeriál, ba Lei Orgánika SEPFOPE nian, ba Lei Orgánika VI Governu Konstitusional no ba Planu Estratéjiku Nasionál Empregu nian 2011 – 2030.
<i>Grupu-Alvu</i>	Ema sira-ne'ebé hela iha comunidade rural ho idade entre tinan 17 no tinan 59 ne'ebé disponível no aptu ba servisu.
<i>Benefísiu sira</i>	Prestasaun pekuniáriu US\$ 3 ba kada loron traballu ba traballadór sira kontratadu direktamente liuhusi programa. Iha tinan 2015, traballadór idak-idak iha kategoria ne'e realiza, maizoumenus, loron traballu 13 (ekivalente ba benefísiu médiu US\$ 39 ba traballador idak-idak). Pagamentu ne'ebé halo liuhusi empreza kontratadu bele liu valór ida-ne'e, tuir negosiasaun entre traballador no empregador.
<i>Pagamentu / Mekanizmu entrega nian</i>	Pagamentu ne'ebé halo direktamente ba traballador bainhira comunidade mak realiza servisu. Ba kazu empreza nia kontratasaun, pagamentu realiza ba empreza, tuir termus kontratu nian.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 5000000,00
<i>Kobertura</i>	- Projetu Realizadu (2015) – 60 (komunidade sira-nia projetu) no 22 (projetu infraestrutura); - Traballador (kontratasaun direta) (2015) – 6572 = forsa traballu rural porsentu 3,7 ¹²² .

Roads for Development¹²³ (R4D)

<i>Programa nia Deskrisaun</i>	Objetivu husi R4D mak feto no mane iha área rural bele hetan benefísiu sosiál no ekonómiku husi asesu dí'ak ba estrada, no realiza reabilitasaun no manutensaun rede rodoviária rural uza métodu ne'ebé bazeia ba traballu intensivu.
--------------------------------	---

¹²² Konsidera distribuisaun forsa traballu akordu ho: RDTL, SEPFOPE. 2015. Inquérito à Força de Trabalho 2013.

¹²³ Ho tetun: Estrada ba Dezenvolvimentu (tradusaun livre).

<i>Instituisaun Responsável</i>	<i>Ministériu Obras Públikas, Transporte no Komunikasaun</i> - Diresaun Estrada, Ponte no Kontrolu Inundasaun Programa implementadu ho asisténsia téknika OIT nian, liuhusi projetu kooperasaun Dezenvolvimentu ida ho Austrália.
<i>Baze legál</i>	Laiha lejislasaun espesífiku hodi regulamenta programa ne'e. Programa nia lala'ok bazeia ba orden ministerial, ba Planu Estratéjiku Dezenvolvimentu Nasionál 2011-2030 no ba Planu Diretór Estradas Rurais.
<i>Grupu-Alvu</i>	Komunidade rural sira, fó oportunidade empregu ba individuu sira ho kapasidade traballu. Empreiteiru timoroan, liulu sira-ne'ebé bazeadu iha Munisípiu sira.
<i>Benefísiu sira</i>	Kontratu reabilitasaun no manutensaun ba empreiteiru ka grupu komunitáriu sira, ne'ebé responsável atu selu traballador sira. Mínimu, pagamentu loron-loron mak: - Traballu naun kualifikado = US\$ 5 loron-loron. - Traballu kualifikadu = US\$ 10 loron-loron. En média, benefisiáriu sira servisu entre loron 12 no 14 fulan ida durante tempu bailoron, no loron 20 to'o 24 fulan ida durante tempu udan. Liutan, traballador sira benefisia seguru ida ba asidente no funsionáriu husi empreiteira benefisia seguru asidente ida no seguru médiku ida.
<i>Pagamentu / Mekanizmu entrega nian</i>	Pagamentu halo ho osan. Traballador sira tenke simu pagamentu semana rua-semana rua; maibé, ne'e bele muda tuir kondisaun kontratu idak-idak.
<i>Finansiamentu</i>	<i>Fonte – Orsamentu Jerál Estadu nian</i> Orsamentu 2016: US\$ 13300000,00
<i>Kobertura</i>	- Traballador Benefisiáriu sira (2016) – 4550 = forsa traballu porsentu 2,0. - Totál Loron Traballu (2016) = loron traballu 200499.

Asidente Traballu

<i>Programa nia Deskrisaun</i>	Laiha programa ida ne'ebé estabelese benefísiu ida ba traballador sira, karik akontese asidente ida ka moras ruma ne'ebé mosu tanba traballu. Maibé, Lei Traballu prevé katak ba kazu hirak-ne'e traballador iha indemnizasaun kona-ba reparasaun danus, ho kondisaun katak asidente akontese tanba omisaun la'os tanba la fornese ekipamentu adekuadu ba traballador.
<i>Instituisaun Responsável</i>	<i>Sekretaria Estadu kona-ba Polítika ba Formasaun Profisional no Empregu - SEPFOPE</i>

- Inspesaun Jerál Traballu

<i>Baze legál</i>	<i>Lei N. 4/2012, husi loron 21 fulan fevereiru (Lei Traballu nian).</i>
<i>Grupu-Alvu</i>	Traballador sira hotu ho kontratu regular, temporáriu ka ba prazu indeterminadu.
<i>Benefisiu sira</i>	Determina pagamentu indemnizasaun ida kona-ba reparasaun danus, ho kondisaun katak asidente la'os rezultadu husi komportamentu irresponsável ka naun kumprimentu husi orientasaun no norma seguransa sira iha traballu, ne'ebé empreza ka lei estabelese. Indemnizasaun nia valór, forma pagamentu ka durasaun la estabelese. Maibé garante traballador nia direitu atu falta servisu tanba hetan asidente ba períodu másimu loron 12 tinan-tinan, no ba loron 6 hirak-ne'e simu remunerasaun tomak no 6 simu remunerasaun porsentu 50 husi valór remunerasaun loron-loron nian.
<i>Finansiamentu</i>	Pagamentu indemnizasaun ba asidente, no ba manutensaun pagamentu saláriu, tuir prazu determinadu, mak empregador nia responsabilidade, to'o establesimentu sistema seguransa sosiál.
<i>Kobertura</i>	- Asidente Traballu rejistadu iha tinan 2015 mak 11. ¹²⁴

Rezumu kona-ba Programa sira ne'ebé ih aba ema iha Idade Ativa

Programa	Grupu-Alvu	Kobertura	Kustu per Kapita
1. Regime Jerál Seguransa Sosiál	Traballador sira hotu	- 70000 = forsa traballu 36,6 %	La aplika
2. Apoio Sosiál ba Indivíduu no Família sira iha Sirkunstánsia	Indivíduu no família vulnerável	- 28 = 0,01% Totál agregadu familiar	US\$ 62,50 ba beneficiáriu idak-idak
3. Apoio ba Vítima Violénsia ne'ebé bazeia ba Jéneru no Violénsia Doméstika	Feto no labarik sira vítima violénsia	- 150 = 0,12% husi populasau alvu	US\$ 300,00 ba beneficiáriu idak-idak
4. Prizioneiru sira-nia Reinsersaun Sosiál	Prizioneiru sira hotu, liuliu sira ne'ebé vulnerável liu	- Benefisiáriu kursu vokasional 598 = 100% husi populasau prizonal; - Benefisiáriu Reinsersaun 70 =	US\$ 202,10 ba beneficiáriu idak-idak

¹²⁴ Valór ne'e refere ba asidente traballu rejistadu, maibé númeru hirak-ne'e bele dook loos husi realidade karik itã konsidera kondisaun traballu prekáriu iha rai-laran.

		11,7% husi populasau prizional; - Vizita familiar 53 = 8,4% husi populasau prizional	
5. Rekupersaun Vítima Dezastr Natural no Konfliktu Sosial	Vítima dezastr natural no konfliktu sosial	– Benefisiáriu sira Apoiu Emerjénsia 3000 = 0,25% husi populasau totál; – Benefisiáriu sira Rekupersaun abitasaun 1865 = 0,15% husi populasau totál	US\$ 234,88 ba benefisiáriu idak- idak
6. Empregu rural	Rezidente iha área rurál ho tinan 17 to'o tinan 59	– 6572= 3,7% forsa traballu rural	La aplika
7. Roads for Development	Indivíduu ho kapasidade traballu	– 4450 = 2% forsa traballu	La aplika
8. Asidente Traballu	Trabalhador ho kontratu regular	- 11 kazu asidente traballu iha tinan 2015	La aplika

Lakuna no Problema Implementasaun kona-ba Polítika sira ba Idade Ativa

Integrasaun

Sistema ne'ebé eziste iha grau fragmentasaun aas loos. Maioria programa sira iha objetivu espesífiku liu, maibé laiha mekanizmu integrasaun ho programa sira seluk, no ida ne'e impede identifikasaun sistemátika kona-ba duplikasaun esforsu no kona-ba melloria efisiénsia.

Ezemplu ida mak programa R4D no Empregu Rural, ne'ebé iha propóztu hanesan maibé iha jestaun husi instituisaun Governu nian ne'ebé la hanesan. Iha evidénsia kona-ba kualidade produktu ne'ebé programa ida entrega – integrasaun bele hamenus duplikasaun no husik programa rua nia prátika di'ak liu bele aplika ba projetu obras públikas.

Baze legál

Programa oioin bazeia de'it ba deketu ministerial, no la garante nia continuidade ba longu prazu ka atribuisaun direitu ba beneficiáriu sira.

Programa sira-nia alcanse limitadu no konsentradu

Política sira ba ema iha idade ativa, enjeral, programa eskala kiik. Política iha vigór ba grupu espesífiku ka populasau parte kiik ne'ebé la iha kobertura boot.

Programa abranjente ne'ebé relaciona ho traballu, hanesan seguransa sosiál, foka iha setor formal ekonomia nian, no representa total traballador parte kiik ida no la inklui indiretamente agrikultór subsisténsia.

	Programa Obras Públicas, bele fonte rendimentu importante ba comunidade rural durante estasaun bailoron, no iha alkanse no kobertura limitadu husi merkadu traballu informal. Númeru médiu loron traballu mós kiik liu, no ida-ne'e lori benefísiu kiik ba traballador sira.
<i>Protesaun kontra riskus traballu</i>	Maioria programa ba ema iha idade ativa limitadu atu hatán ba situasaun vulnerabilidade espesífiku. Rejime Seguransa Sosiál foun inklui risku komún ne'ebé relasiona ho traballu, maibé agora iha faze inisial implementasaun nian.
<i>Kualidade Benefísiu no Servisu sira</i>	Programa oioin hasoru problema hodi asegura kualidade servisu prestadu ka atribuisaun benefísiu enjéneru, no hamosu falla provizaun.
<i>Alokasaun no ezelesaun orsamental</i>	Programa barak atende númeru benefisiáriu kiik liu universu ema ne'ebé elejível tanba orsamentu nia alokasaun la suficiente. Aleinde ne'e, maioria programa sofre atrazu sistemátiku kona-ba disponibilidade orsamentu alokadu, ne'e provoca atrazu implementasaun no, iha kazu balun, to'o servisu nia suspensaun temporária.
<i>Mekanizmu Monitorizasaun no Avaliasaun</i>	Maské maioria programa sira iha instrumentu monitorizasaun no avaliasaun previstu iha nia kriaasaun, uituan de'it mak konsege duni implementa medida hirak-ne'e. Ne'e hamosu implementasaun irregular, iha okaziaun oioin, no la permite akompañamentu di'ak no avaliasaun kona-na programa sira-nia ezelesaun.

Rekomendasaun sira hodi Promove Protesaun Sosiál iha Idade Ativa

Dezenvolve Rejime Kontributivu Seguransa Sosiál:

- # Tuir planu, implementa integralmente prestasaun maternidade/paternidade, asidente traballu, invalidés, feik/katuas, mate no sobrevivénsia;
- # Tuir planu, implementa no estabiliza operasaun Institutu Nasionál Seguransa Sosiál nian, responsável ba jestaun Rejime Jerál Seguransa Sosiál;
- # Kria mekanizmu atu traballadór sira iha empregu informal, iha agrikultura subsisténsia no iha empregu prekáriu sira seluk halo sira-nia inskrisaun no partisipa iha sistema kontributivu seguransa sosiál ho maneira fásil liu;

Hadia Operasaun sira:

- # Kria servisu ida koordinadu entre Ministériu ba kestaun relasionada ho Protesaun Sosiál – avalia oinsá hakbesik, halibur programa Empregu Rural no R4D;
- # Kria mekanizmu koordinasaun ho autoridade lokál sira atu implementa programa sira;
- # Avalia dezvoltamentu baze dados integrada ba DNE/MPF, MSS, MS, MJ, ME, SEPFOPE (husi sitema baze dados ne'ebé eziste) – ho possibilidade atu kria instrumentu identifikaun úniku ida ba programa protesauin sosiál sira hotu;
- # Koordena no integra operasaun rejime kontributivu no naun kontributivu seguransa sosiál nian;
- # Haforsa programa sira-nia implementasaun no kapasidade monitorizasaun no avaliasaun;

- # Hadia planeamentu no ezelesaun orsamentu, atu garante katak aloka orsamentu adekuadu ba programa sira, no respeita direitu no kritériu estabesidu iha lei, no katak orsamentu bele disponível iha momentu ne'ebé adekuadu ba nia implementasaun;

Provizaun Adisional:

- # Avalia prestasaun ezistente nia insidénsia ba ki'ak sira no avalia kobertura nia adekusaun no impaktu hodi hamenus mukt. Elabora reforma política hodi hadia sistema Protesaun Sosiál nia efisiénsia no impaktu;
- # Kria provizaun kona-ba seguru dezempregu ba sira-ne'ebé lakon sira-nia servisu, maibé ba sira-ne'ebé la'os responsável ba lakon ida-ne'e;
- # Asegura protesaun ba kazu moras ne'ebé la relasiona ho traballu;
- # Avalia obstákulu sira kona-ba moris-di'ak no kona-ba inklusaun ema ho defisiénsia, no aborda kestaun identifikadu ho medida protesaun sosiál adekuadu;
- # Hadia programa "*Cash-for-work*" nia efisiénsia no abranjénsia hanesan mekanizmu atu kombate mukt – avalia maneira oinsá hamenus duplikasaun esforsu no habelar kobertura.

Protesaun Sosiál no política empregu iha relasaun besik no, durante prosesu diálogo, iha mensaun barak kona-ba formasaun profisionál ka ba medida kriaun empregu. Maibé, hanesan akontese ho saúde no edukasaun, kestaun relasiona ho empregu inklui iha sira-nia Estratéjia Nasionál Empregu 2017-2030, tan ne'e relatóriu haree mak proposta kona-ba protesaun sosiál ne'ebé iha relasaun ho traballu, no husik formasaun profisionál no medida promosaun empregu sira seluk atu inklui iha Estratéjia kona-ba Empregu.

Protesaun Sosiál ba Ema Ferik/Katuas

Ferik/Katuas sira-nia situasaun

Ema ho idade boot liu mak inklui beibeik iha ema vulnerável liu, tanba sira-nia kapasidade traballu diminui ho sira-nia tinan no nesesidade kuidaun aumenta. Timór Leste nasaun joven ida, no populasaun porsentu 8,19 de'it mak iha tinan 60 liu. Esperansa moris ho tinan 60 mak tinan 16,9, diferença boot ida husi tinan 68,2 esperansa moris bainhira moris ho iis.

Estadu timoroan la oferese seguransa sosiál ba ferik/katuas durante tinan barak. Rejime pensaun dahuluk kria de'it iha tinan 2007 ho implementasaun programa subsidiu Apoiu ba Ferik/Katuas no Inválido sira (SAII), pensaun universál ida naun kontributiva ba ema ho tinan 60 liu, ne'bé selu valór hanesan maizoumenus porsentu 65 liña mukt nasional. Iha tinan 2012, institui rejime seguransa sosiál abranjente liu ba funsionáriu públiku sira, Rejime Tranzitóriu Seguransa Sosiál, dala ida ne'e ho montante benefísiu ligadu ba rendimentu ne'ebé sira simu sira-nia moris tomak, maibé ho kobertura restritu liu. Rejime daruak ida-ne'e seidauk kontributivu, maibé ho natureza temporária, tanba integra iha Rejime Jerál Seguransa Sosiál iha tinan 2017.

Hanesan hatudu iha seksaun kona-ba populasaun iha idade ativa, Rejime Jerál Seguransa Sosiál foun prevé provizaun kontributivu ba ferik/katuas, ne'ebé liga ho rendimentu sira durante moris tomak no durasaun karreira kontributivu¹²⁵ indíviduu idak-idak nian. Ne'e mak programa dahuluk tipu ne'e ba setor privadu no substitui rejime tranzitóriu ba funsionáriu públiku sira. Maské nia

¹²⁵ Karreira kontributiva mak sura fulan hira mak traballador halo kontribuisaun ba Seguransa Sosiál, no ida-ne'e mak elementu ida ne'ebé uza ha fórmula atu kalkula pensaun ba ferik/katuas.

introdusaun iha tinan 2017, rejime foun sei han tempu to'o bele prodús impaktu iha traballador apozentadu sira-nia moris. Iha tinan dahuluk sistema nian, traballador uituan de'it ne'ebé to'o iha idade reforma mak iha tempu kontribuisaun natoon atu bele iha asesu ba pensaun kontributiva, no sira-ne'ebé prenxe kritériu mínimu sei iha karreira kontributivu kiik, no ida-ne'e lori ba pensaun kiik. Maibé, enkuantu sitema seguransa sosiál foun amadurese, SAI kontinua relevante nu'udar medida prinsipál protesaun sosiál bainhira situasaun ferik/katuas iha nasaun.

Aleinde ne'e, sira ne'ebé envolve iha luta ba nasaun elejível ba benefísiu veteranu sira-nian, pakote servisu no transferénsia osan jenerozu ne'ebé hanesan asisténsia sosiál ba kombatientes no nu'udar rekompensa ba sira-nia servisu ba nasaun – maibé, nia kobertura limitadu.¹²⁶

Falta programa regular seguransa sosiál ne'ebé bele garante padraun moris konfortável ba ferik/katuas, no ida-ne'e obriga sira kontinua servisu iha faze moris nian ikus liu. Iha evidénsia katak ferik/katuas porsentu 40,3 kontinua servisu depoizde tinan 60 no kuaze na'in ida ba na'in haat kontinua depoizde tinan 70 – barak servisu to'o mate. Dadus sujere katak mezmú ho kondisaun frájl liu, traballu la kamán liu maské sira ferik/katuas liu. Ferik/katuas kontinua média servisu oras 38,4 semana-semána, no na'in ida ba na'in haat (porsentu 26,8) servisu iha agrikultura subsisténsia no porsentu 13,3 envolve an iha atividade produtiva liu ida.¹²⁷

Potensiál kiik kona-ba simu no falta pensaun kontributiva hamenus loos ema ferik/katuas sira-nia autonomia. Kompozisaun agregadu familiar mak indikador kona-ba limitasaun ferik/katuas hasoru hodi bele sustenta-an rasik, ho porsentu 0,9 husi total agregadu familiar de'it formadu ho ema ida ho tinan 60 de'it, enkuantu agregadu familiar porsentu 30,2 iha pelumenus ferik/katuas ida ne'ebé hela hamutuk ho família. Iha informasaun katak, mesmu bainhira hela ho sira-nia família rasik, ferik/katuas barak hanesan vítima violénsia psikolójiku no fíziku, ka la simu kuidadus adekúadu. Barak laiha dokumentu ida, situasaun ne'ebé impede sira-nia asesu ba asisténsia sosiál no husik sira iha kondisaun vulnerável loos.¹²⁸

Problema saúde baibain aumenta tuir idade avansa no, ba timoroan, nível má-nutrisaun aas no komportamentu risku iha efektu ba estadu saúde nian. Ferik/katuas barak moris iha agregadu familiar espóstu ba inseguransa alimentar (porsentu 40,4), no iha époka ne'ebé falta ai-han natoon sira-nia sistema imunolójiku fraku liu no sira-nia kondisaun króniku aumenta. Iha tinan 2010, ferik/katuas porsentu 5 sofre ho moras ruma grave, maské sistema saúde gratúitu, família ho ferik/katuas porsentu 38 iha difikuldade atu selu despeza ne'ebé relasiona ho tratamentu saúde.¹²⁹

Risku hetan moras ne'ebé la da'it aumenta ho idade. Dadus husi tinan 2014 hatudu katak sira ho tina 45 ba leten hasoru risku boot liu duké sira joven liu. Insidénsia kolesterol aas ba ema entre tinan 45 no tinan 69 mak porsentu 23,7, no porsentu 6,9 populasáun ne'e sofre ipertensaun. Ema ho tinan 45 ba leten porsentu ida hetan tiha ona atake kardíaku ka asidente vaskular serebral, no ema ho tinan 55 ba leten porsentu 1,6 moris ho moras kardiovaskular. Aleinde ne'e, populasáun porsentu 0,5 (tinan 45 to'o 69) iha diabetes. Númeru sira n'e hotu refere ba kazu diagnostikadu de'it no karik reprezenta frasaun real ida de'it, tanba asesu ba servisu saúde difísil ba ema barak no ema uituan de'it mak ba doutor atu haree kondisaun ke la'os vizível liu. Aleinde ida ne'e,

¹²⁶ Haree RDTL, Ministério das Finanças. 2016. Censo Geral de População e Habitação 2015; PNUD. 2015. Relatório de Desenvolvimento Humano 2015

¹²⁷ Haree RDTL, SEPFOPE. 2015. Inquérito à Força de Trabalho 2013.

¹²⁸ Haree RDTL, Ministério das Finanças. 2011. Inquérito aos Rendimentos e Despesa dos Agregados Familiares 2011.

¹²⁹ Haree RDTL, Ministério das Finanças. 2011. Inquérito aos Rendimentos e Despesa dos Agregados Familiares 2011.

populasaun nia falta informasaun kona-ba kestaun saúde la fasilita sintoma sira-nia identifikasaun ka kompreensaun kona-ba nesesidade atu obten kudadus adekuadus. Uza tratamentu tradisionál, liuliu iha fatin ne'ebé tradisaun forte liu, bele mós impede pasiente sira simu diagnóstiku ida no tratamentu adekuadu liuhusi medisina modernu.¹³⁰

En jerál, iha informasaun menus liu kona-ba ferik/katuas duké kona-ba grupu etáriu seluk saída de'it iha Timór Leste, maské rekursu boot Govenu aloka ba programa sira ba populasaun ne'e. Ida-ne'e karik mak refleksu kona-ba kuantidade kiik ne'ebé ferik/katuas representa ba populasaun bainhira ita kompara ho grupu sira seluk, no bele mós indísiu kona-ba relasaun fraku entre informasaun individual no konsesaun polítika sira ba ferik/katuas – polítika sira atual uza kritériu elejibilidade universal ka kategóriku, opsaun ne'ebé bele lao ho dadus uituan de'it. Situasaun ida-ne'e bele muda iha futuru, bainhira rejime kontributivu seguransa sosiál abranjente liu no rekolla dadus regular sa'e nesesidade ida ba sistema tuir aumentu númeru ferik/katuas iha populasaun nia laran.

Pontu Prinsipál

- # Esperansa moris aumenta lalais, maibé iha evidénsia uituan de'it katak qualidade moris ba ferik/katuas mós di'ak liu. SAIL nia kobertura boot fornese apoiu importante ba ema ferik/katuas, maibé valór prestasaun kiik la garante katak sira bele moris livre husi mukit.
- # Sistema seguransa sosiál kontributiva foun buka hadia nível pensaun ba ferik/katuas; maibé, tanba nia períodu maturasaun naruk, durante programa nia tinan dahuluk, prestasaun pensaun atu nafatin kiik. Liutan, sistema limitadu ba setor formal, ne'ebé representa de'it postu traballu porsentu 30.
- # Ferik/katuas nia falta seguransa rendimentus lori parte populasaun boot, ho tinan 60 liu, kontinua servisu bainhira ferik/katuas. Ne'e akontese no laiha evidénsia katak traballu kamán liu ka adaptadu ba ferik/katuas sira.
- # Risku ba saúde aumenta bainhira ferik/katuas aumenta idade no, maské servisu saúde públika gratuitu no universal, ferik/katuas barak hasoru difikuldade asesu no pagamentu despeza ne'ebé relasiona ho tratamentu médiku.
- # Husi sorin seluk, veteranu sira husi luta independénsia iha problema hirak-ne'e hotu salvaguardadu. Veteranu sira iha direitu ba pensaun jenerosa, baibain boot liu duké rendimentu familiar mediu, ba servisu kuidadus médikus eskuzivu, entre vantajen sira seluk. Kontraste entre nível protesau oferésidu ba veteranu sira no ba sira ne'ebé la'os veteranu boot loos; ereditariedade ba pensaun hirak-ne'e bele kontribui hodi kria sistemátika kona-ba dezigualdade.
- # En jerál, iha informasaun menus liu kona-ba kondisaun, problema no dezafiu ema ferik/katuas nia moris duké faixa etária seluk.

¹³⁰ Haree OMS. 2014. Inquérito Nacional para os fatores de risco de doenças não transmissíveis e lesões.

Programa sira ne'ebé iha

SAIL – Subsídriu Apoio ba Ema Ferik/Katuas no Inválidu sira

<i>Programa nia</i> <i>Deskrisaun</i>	Subsídriu ba sidadaun sira ho idade hanesan, ka boot liu, tinan 60 no ba adultu sira portador defisiénsia inkapitadu ba traballu. Programa buka asegura asesu ba rendimentu mínimu ba sidadaun sira ne'ebé la abranje iha tipu pensaun seluk ba ferik/katuas ka invalidés.
<i>Instituisaun</i> <i>Responsável</i>	<i>Ministériu Solidariedade Sosial</i> - Diresaun Rejime Naun Kontributivu Seguransa Sosial
<i>Baze legál</i>	<i>Dekretu-Lei n. 19/2008</i> , husi loron 19 fulan juñu, Subsídriu Apoio ba ema ferik/katuas no Inválidu sira; <i>Diploma Ministerial Konjuntu/MSS/MF 2010</i> , husi loron 25 fulan agostu (Aumentu montante ba subsídriu Apoio ba ema Ferik/Katuas no Inválidu sira).
<i>Grupu-Alvu</i>	Sidadaun timoroan sira hotu ho idade hanesan, ka boot liu tinan 60, no ema portador defisiénsia ne'ebé laiha kapasidade atu servisu ho idade hanesan ka boot liu tinan 18.
<i>Benefisiu sira</i>	Prestasaun pekuniáriu ho valór US\$ 30 fulan-fulan. <i>Fórmula hodi kálkula:</i> SAIL nia valór la bele liu 1/3 valór saláriu mínimu ba funsaun públika, no la bele kiik liu valór tinan kotuk liu.
<i>Pagamentu /</i> <i>Mekanizmu</i> <i>entrega nian</i>	Pagamentu semestral no halo liuhusi transferénsia bankária ka ho osan, liuhusi entidade bankária sira presente iha Munisípiu.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2017: US\$ 30600000,00
<i>Kobertura</i>	- Ferik/Katuas Benefisiáriu sira (2016) – 87001 = porsentu 92,8 husi total ferik/katuas (tinan 60 ka liu) ¹³¹ . - Inválidu Benefisiáriu sira (2016) – 8298 = porsentu 20,0 husi total inválidu sira (tinan 18 ka liu) ¹³² .

Rejime Tranzitóriu Seguransa Sosial

<i>Programa nia</i> <i>Deskrisaun</i>	Programa mak medida naun kontributiva temporária ida, ne'ebé estabesele enkuantu sistema kontributivu seguransa sosial seidak tama funsionamentu. Nia objetivu mak substitui funsionáriu públiku sira-nia rendimentu, iha situasaun ferik/katuas, invalidés no mate.
--	--

¹³¹ Bazeia ba rezultadu Censo Geral de População e Habitação 2015.

¹³² Bazeia ba rezultadu Censo Geral de População e Habitação 2015.

<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Rejime Kontributivu Seguransa Sosiál
<i>Baze legál</i>	<i>Lei n. 6/2012</i> , husi loron 29 fulan fevereiru, Rejime Tranzitóriu Seguransa Sosiál.
<i>Grupu-Alvu</i>	Funshonáriu sira husi Administrasaun Públika nian, inklui Forsa Defeza no Seguransa.
<i>Benefísiu sira</i>	Programa estabesele prestasaun kontributiva lubuk ida, ho osan, tuir tipu pensaun: (i) Pensaun ferik/katuas: Prestasaun pekuniáriu mensal, ho valór porsentu 75 saláriu mediu karreira tomak nian; (ii) Pensaun invalidés: Prestasaun pekuniária mensal, ho valór porsentu 75 saláriu mediu karreira tomak nian; (iii) Pensaun sobrevivénsia: Prestasaun pekuniária mensal, ho valór ne'ebé bele varia husi porsentu 65 to'o porsentu 100 saláriu médiu karreira tomak nian, tuir família benefisiáriu ne'ebé atu simu pensaun nia konfigurasaun.
<i>Pagamentu / Mekanizmu entrega nian</i>	Pagamentu haloo liuhusi transferénsia bankária ka ho osan, liuhusi entidade bankária presente iha Munisípiu sira.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2017: US\$ 2522201,00
<i>Kobertura¹³³</i>	- Ferik/Katuas Benefisiáriu sira(2017) - 510 = porsentu 0,5 husi total ferik/katuas (tinan 60 ka liu). - Inválidu Benefisiáriu sira(2017) - 7 = porsentu 0,00 husi total inválidu sira (tinan 18 ka liu). - Sobrevivente Benefisiáriu sira (2017) - 725 = porsentu 0,06 husi populasau total .

Pensaun ba Kombatientes no Mártires Libertasaun Nasionál

<i>Programa nia Deskrisaun</i>	Programa ne'e kria nu'udar medida ida ne'ebé buka rekoñese, valoriza no apoiu ema sira-ne'ebé luta ba nasaun nia independénsia. Kombatiante no família Mártires Libertasaun Nasionál simu pensaun fulan-fulan ka prestasaun pekuniáriu úniku, depende husi tempu total partisipasaun iha luta, ba sira-nia servisu ba nasaun.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Asuntus Kombatientes no Mártires Libertasaun Nasionál

¹³³ Bazeia ba rezultadu Censo Geral de População e Habitação 2015.



- Departamentu Pensaun no Subvensaun sira

<i>Baze legál</i>	<i>Lei n. 3/2006, husi loron 12 fulan abril (Estatutu Kombatentes Libertasaun Nasionál), ho alterasaun Lei n. 9/2009, husi loron 29 fulan jullu, no Lei n. 2/2011, husi loron 23 fulan marsu;</i> Dekretu-Lei n. 15/2008, husi loron 4 fulan juñu, ho alterasaun Dekretu-Lei n. 25/2008, husi loron 23 fulan jullu, Dekretu-Lei n. 35/2009, husi loron 2 fulan dezembru, Dekretu-Lei n. 25/2010, husi loron 15 fulan dezembru, Dekretu-Lei n. 42/2011, husi loron 21 fulan setembro, no Dekretu-Lei n. 6/2012 husi loron 15 fulan fevereiru.
<i>Grupu-Alvu</i>	Kombatentes no familiar mártires Libertasaun Nasionál.
<i>Benefisiu sira</i>	Programa prevé prestasaun pekuniáriu, konforme tempu partisipasaun iha luta libertasaun Nasionál: (i) Pensaun mensál, ho valór US\$ 276 to’o US\$ 575, selu ba Kombatentes Libertasaun Nasionál ho tinan 8 ka liu dedikasaun eskruziva ba luta Libertasaun Nasionál; (ii) Pensaun mensál, ho valór US\$ 230 to’o US\$ 287,50, selu ba familiar dos Mártires Libertasaun Nasionál; (iii) Prestasaun pekuniáriu uniku, ho valór correspondente ba montante dala sanulu-resin-rua vensimentu mínimu funsaun públika, selu ba Kombatentes Libertasaun Nasionál ho tinan 4 ka 7 dedikasaun eskruzivu ba luta Libertasaun Nasionál; (iv) Prestasaun pekuniáriu úniku, ho valór korrespondente ba montante dala sanulu-resin-rua pensaun sobrevivénsia ne’ebé mártir iha direitu.
<i>Pagamentu / Mekanizmu entrega nian</i>	Lihuahusi transferénsia bankária diretamente ba konta benefisiáriu indika.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 119724000,00
<i>Kobertura</i>	- Pensaun nia Benefisiáriu sira (2015) – 31445 = populasaun total porsentu 2,6¹³⁴. - Benefisiáriu Prestasaun Pekunária Úniku (2015) – 25829 = populasaun total porsentu 2,1¹³⁵.

¹³⁴ Bazeia ba rezultadu Censo Geral de População e Habitação 2015.

¹³⁵ Bazeia ba rezultadu Censo Geral de População e Habitação 2015.

Servisu Funeráriu

<i>Programa nia Deskrisaun</i>	Fó apoiu ba família enlutadu liuhusi forneseimentu transporte funeráriu husi uma mortuáriu ba família enlutadu nian uma, husi uma ba igreja no husi igreja ba rate. Famílias vulnerável bele mós rekér kaixaun ba defuntu.
<i>Instituisaun Responsável</i>	<i>Ministériu Solidariedade Sosiál</i> - Diresaun Nasionál Asistência Sosiál - Departamentu Servisu Funeráriu
<i>Baze legál</i>	<i>Dekretu-Lei n. 21/2009</i> , husi lora 6 fulan maiu (Servisu Transporte Funeráriu). Kona-ba fahe kaixaun sira, laiha lejislasaun espesífika ne'ebé regulamenta programa ne'e. Agora daudaun, nia operacionalizasaun bazeia de'it ba despaxu ministerial.
<i>Grupu-Alvu</i>	Ba servisu transporte: sidadaun hotu ne'ebé mate, inklui ema sira la identifikadu. Kona-ba fahe kaixaun, família vulnerável sira hotu iha direitu ba benefísiu.
<i>Benefísiu sira</i>	Programa fornese servisu no benefísiu lubuk ida enjéneru: (i) Servisu transporte funeráriu; (ii) Kaixaun ba ema husi família vulnerável ne'ebé mate.
<i>Pagamentu / Mekanizmu entrega nian</i>	Fornesimentu servisu no benefísiu sira efetua diretamente, tuir kondisaun ne'ebé konkorda ho ema mate nia família.
<i>Finansiamentu</i>	<i>Fonte - Orsamentu Jerál Estadu nian</i> Orsamentu 2015: US\$ 39820,00
<i>Kobertura</i>	- Servisu transporte (2015) – 1397 = porsentu 12,3 ema mate ¹³⁶ . - Distribuisaun kaixaun (2015) – 811 = porsentu 7,1 ema mate ¹³⁷ .

Rezumu kona-ba Programa sira ne'ebé eziste ona ba Ferik/Katuas

Programa	Grupu-Alvu	Kobertura	Kustu per Capita
1. SAIL	Sidadaun sira hotu ho idade hanesan ka boot liu tinan 60 no ema portador defisiénsia inkapasadu ba servisu, ho idade hanesan ka boot liu tinan 18	- Ferik/Katuas na'in 87001 = 92,8% husi totál ferik/katuas; - inválidus na'in 8298 = 20,0% husi totál inválidus.	US\$ 324,54 ba benefisiáriu idak-idak

¹³⁶ Bazeia ba rezultadu Censo Geral de População e Habitação 2015.

¹³⁷ Bazeia ba rezultadu Censo Geral de População e Habitação 2015.

2. Rejime Tranzitóriu Seguransa Sosiál	Funsionáriu Administrasaun Públika, inklui Forsa Defeza no Seguransa.	- Ferik/Katuas na'in 510 = 0,5% husi totál ferik/katuas; - inválidus na'in 7 = 0,02% husi totál inválidus; - sobrevivente na'in 725 = 0,06% husi populasau totál.	US\$ 2030,75 ba benefisiáriu idak-idak
3. Pensaun Kombatenes no Mártires Libertasaun Nasionál	Kombatenes no familiar husi Mártires Libertasaun Nasionál	- Pensaun 31445 = 2,6% husi populasau totál; - Prestasaun Pekuniária Úniku 25829 = 2,1% husi populasau totál.	US\$ 2090,37 ba benefisiáriu idak-idak
4. Servisu Funeráriu	Sidadaun no família vulnerável sira hotu, kona-ba fahe kaixaun	- 1397 Transportadu = 12,3% ema mate; - 811 kaixaun ne'ebé fahe = 7,1% ema mate.	US\$ 18,03 ba benefisiáriu idak-idak

Lakuna no Problema Implementasaun kona-ba Polítika sira ba Ema Ferik/Katuas

Benefisiáriu sira-nia Rejistu no Dokumentasaun

Uza kartaun eleitoral hanesan dokumentu identifikaun fasilita fraude nia okorrência, tanba simples atu falsifika tipu dokumentu ne'e. Liutan, ferik/katuas barak laiha dokumentu ida, no ida-ne'e difikulta benefisiáriu sira-nia identifikaun loos nomós pagamentu sira-nia pagamentu, bainhira ema mate.

Sertifikasaun Invalidés

Prosedimentu padraun ba sertifikasaun invalidés dala ruma la uza, seidak iha lista kona-ba médiku sira kredensiadu ne'ebé bele sertifika situasaun invalidés. Ida-ne'e halo ema ho defisiésia inkapasadu ba servisu nia identifikaun la konsistente no sujeita ba sala no injustisa.

Valór Adekuadu ba Benefisiu sira

Banefísiu SAIL nia valór relasiona ho saláriu mínimu servisu públiku nian. Polítika sira luan liu buka kontrola despesa sira iha setór públiku ho saláriu impede ajustamentu saláriu mínimu, no ida-ne'e blokeia alterasaun saída de'it iha nível programa nia prestasaun. Aleinde ne'e, Veteranu sira-nia Pensaun asosia mós ba saláriu mínimu setor públiku nian, no ida-ne'e kontribui ba argumentu sira ne'ebé defende katak tenke evita halo ajustamentu tanba programa veteranu sira-nia orsamentu boot. Ne'e halo nível prestasaun paradu tinan 5 liu ona, no signifika hamenus poder kompra, tan ne'e mak valór real prestasaun kiik liu.

<i>Provizaun</i> <i>Benefísiu nia</i> <i>Previzibilidade</i>	Banefísiu sira-nia pagamentu no fornecimentu servisu sira akontese ho frekuensia kiik no irregular. Pagamentu prestasaun periódica ho osan, hanesan SAIL, akontese tinan ida dala rua de'it no iha data ne'ebé variável tinan-tinan.
<i>Servisu sira</i> <i>Espesializadu</i>	Kona-ba prestasaun servisu espesializadu ba ferik/katuas, hanesan lar ba ferik/katuas no kudadus saúde espesializadu iha lakuna boot ida.
<i>Mekanizmu</i> <i>Monitorizasaun no</i> <i>Avaliasaun</i>	Maské maioria programa sira iha mekanizmu monitorizasaun no avaliasaun previstu iha sira-nia kriaun, uituan de'it mak implementa medida sira ne'e. Ne'e rezulta implementasaun irregular ka laiha de'it mekanizmu hirak-ne'e, no ida-ne'e impede sira-nia monitorizasaun no avaliasaun adekua.

Rekomendasaun sira atu Promove Protesaun Sosiál ba Ema Ferik/Katuas

Hadia Transferénsia Sosial:

- # Avalia revizaun kona-ba mekanizmu indeksasaun¹³⁸ ne'ebé iha – saláriu mínimu setor públiku nian – hodi mantein transferénsia sosiál nia poder kompra konstante iha tempu naruk nia laran;
- # Investiga razaun tanba saída mak ferik/katuas kontinua servisu mesmu depoizde elejível ba pensaun sosiál sira;
- # Avalia programa sira-nia impaktu – inklui operasaun no rezultadu – ho maneira sitemátika no abranjente;

Mekanizmu Pagamentu/ Entrega Benefísiu sira:

- # Aumenta pagamentu transferénsia regular ho osan nia frekuénsia, atu garante pagamentu mensál previzível;
- # Dezenvolve mekanizmu rejistu no pagamentu prestasaun ne'ebé inklui benefisiáriu sira hotu, hanesan sistema pagamentu eletróniku, sistema pagamentu móvel no sira seluk tan;

Kriaun Proviszaun Adisional:

- # Kria programa hodi hadia ferik/katuas sira-nia kondisaun moris, inklui programa servisu sosiál nia vizita ba uma, entretenimentu no programa prestasaun kudadus (hanesan estabelesimentu ne'ebé fó kudadus);

Melloria Operasaun:

- # Avalia desenvolvimentu beze dadus ida integrada ba DNE/MPF, MSS, MS, MJ, ME, SEPFOPE (husi sistema baze dadus ne'ebé iha), ho possibilidade kria instrumentu identifikaun úniku ba programa protesau sosiál sira hotu;
- # Kordena no integra operasaun rejime kontributivu no naun kontributivu seguransa sosiál sira-nian;
- # Haforsa programa sira-nia implementasaun no kapasidade monitorizasaun no avaliasaun;
- # Traballa ho estimativa kustus ba longu prazu hodi assegura sistema nia orsamentu nia sustentabilidade no previzibilidade;

¹³⁸ Atualizasaun automática ba valór Prestasaun iha tempu naruk nia laran, tuir fórmula ida komposta ho indikadór diferente atu kalkula taxa ajuste nian.

- 
- # Hadia orsamentu nia planeamentu no ezekusaun, atu garante katak aloka orsamentu adekuadu ba programa sira, respeita direitu no kritériu estabesidu iha lei, no katak orsamentu disponível iha momentu adekuadu ba nia implementasaun.

Prinsipal Limitasaun, Lakuna no Problema Implementasaun

Sistema protesaun sosiál Timór Leste nian inklui programa no polítika oioin, maibé ida-ne'e la signifika katak iha kobertura no nível prestasaun adekuadu. Bainhira ita haree sistema hanesan tomak ida, ita haree hanesan dezekilibradu, tanba objetivu jerál polítika sira-nian parese la korresponde ba prioridade sira ne'ebé fó ba programa, investimentu la abranje grupu vulnerável sira no prestasaun sira-nia adekuasaun la compatível ho nia kobertura. Hanesan konsekuensi, grupu balun simu apoiu jenerozu ida, enkuantu sira seluk – dala barak kiak no vulnerável sira – ikus liu la benefisia protesaun.

Maské númeru programa, uituan de'it mak iha mekanizmu atu kordena formulasaun no implementasaun polítika sira, nomós operasaun, ka atu fahe rekursus ka informasaun. Rezultadu mak sistema fragmentadu ida, ho programa oioin ne'ebé luta ho problema sira ne'ebé atu hanesan, hanesan rekolla informasaun kona-ba benefisiáriu efetivu no potenciál, no ida-ne'e hamosu duplikasaun esforsu. Ezemplu ida mak programa R4D no Empregu Rural. Programa rua ne'e iha propóztu, benefísiu no mekanizmu ezekusaun atu hanesan, maibé iha estrutura jestaun no implementasaun la hanesan. Kordenasaun ka sentralizasaun esforsu sira bele halibur polítika idak-idak nia karakterístika di'ak liu iha programa úniku efikás liu.

Husi pontudevista operasionál, programa barak hasoru problema hanesan. Maioria operasaun hatudu katak iha rekursus umanus la sufisienten no ne'ebé fahe ho maneira ne'ebé la ekilibradu (dala barak negligensia área rural), falta mekanizmu garantia qualidade, monitorizasaun no avaliasaun, aleinde lakuna orçamental no atrazu kona-ba ezekusaun orsamentu. Kestaun hirak-ne'e relaciona baibain ho problema iha prosesu planeamentu iha nível instánsia administrasaun públika, ho sistema jestaun no informasaun la adekuadu no la atualizadu, ho falta kordenasaun no burokrasia barak demais.

Hadia prátika sira atu fahe informsasaun bele kondús ba kriaun baze dadus abranjente no kompletu liu, hadia uzu rekursus ne'ebé iha no implementa disponibilidade dadus ba operasaun sira-hotu. Disponibilidade dadus no mekanizmu kordenasaun bele importante loos ba programa kiik no especializadu liu, ne'ebé la rekér estrutura ka orsamentu boot atu cobre didi'ak nia grupu-alvu.

Kona-ba programa transferénsia sosiál, nia funsaun substituisaun rendimentu protesaun sosiál nian funsiona loos ba grupu restritu ida de'it – veteranus no família mártires libertasaun nasional. Prestasaun pekuniária substánsial hirak-ne'e, hamutuk ho servisu adisionál (hanesan atendimentu médiku no bolsa estudu ba nia oan sira), fó ba benefisiáriu padraun moris di'ak liu duké maioria timoroan sira. Kombinasan husi benefísiu aas ho númeru benefisiáriu no regra jeneroza kona-ba transmisaun direitus ba dexendente no membru família sira seluk, mantein programa sira-nia kustu aas ba tempu naruk.

Ita la ko'alia kona-ba merese kompensasaun ba servisu ne'ebé veteranus no mártir sira presta durante luta ba independénsia ne'e la'os atu diskute, tanba sira-nia dedikasaun no sakrifísiu mak possibilita Timór Leste nia soberania no, dala barak, pensaun iha duni impaktu klean iha kapasidade atu kria rendimentu no moris di'ak ba benefisiáriu sira-nia agregadu familiar. Maibé, transmisaun kona-ba eransa benefísiu tenke analiza didi'ak, atu bele konsege mantein ekilíbriu

kona-ba apoiu ne'ebé fó ba individuu sira ne'ebé presiza protesaun ohin loron, ka karik presiza iha tempu oin mai.

Orsamentu ba programa sira ba veteranus mak responsável ba envelope fiskál ba protesaun sosiál nia sorin ida liu. Hanesan ne'e, importante atu garante katak rekursu sira ne'ebé liberta ba programa veteranus iha tinan ba tinan bele orienta ba polítika protesaun sosiál sira seluk ne'ebé orienta liu ba hamenus mukt, tanba restrisaun orsamentál sei limita programa balun nia operasaun, tuir buat ne'ebé observa iha avaliasaun ne'ebé halo iha seksaun molok ida ne'e. Adosaun husi estratégia ida atu halo transferénsia gradual rekursus libertadu hsi programa veteranus ba medida sira seluk mak instrumentu importante atu garante polítika protesaun sosiál ho baze luan liu nia finansiamentu. Sedu liu mak ita halo planu no define ninia regra, fásil liu atu hasoru situasaun ne'e.

Bolsa da Mãe mak programa ida ne'ebé iha alkanse limitadu tanba nia orsamentu la suficiente. Maské nia objetivu esplísitu atu hamenus mukt, programa ne'e mak iha investimentu *per capita* kiik liu polítika transferénsia sosiál sira hotu. Hanesan konsekuénsia, nia impaktu ladun boot, tanba valór benefísiu ne'ebé selu kiik liu ho valór ne'ebé presiza hodi hamosu diferença boot ba família ida nia nível moris. Aleinde ne'e, karik halo pagamentu tinan ida dala ida, agregadu familiar labele sura programa nia benefísiu ba sira-nia despeza loron-loron nian, hanesan sosa ai-han no beins sira seluk. Haree ba kobertura, ita estima katak programa atinje de'it metade família elejível de'it tanba limitasaun orsamentu no tanba siklu inskrisaun la regulár. Aleinde ne'e, tanba distribuisaun rendimentu iha nasaun, ho populasau liu porsentu 80 moris ho menus US\$ 3 loron-loron no haree ba rekursu administrativu no monitorizasaun programa ne'ebé limitadu, abordajen universál ba benefisiáriu sira-nia selesau bele aumenta makaas família kiak no vulnerável liu nia alkanse, hanesan ita observa iha programa SAI no Merenda Eskolar, ne'ebé kobre kuaze individuu elejível sira hotu.

SAI fó substituisaun rendimentu ba ferik/katuas no inválidu sira; maibé, tanba valór benefísiu, sidadaun ferik/katuas barak presiza kontinua servisu nafatin aleinde sira nia idade elejibilidade atu asegura sira-nia sustentu. Ho maneira ne'ebé hanesan ho programa *Bolsa da Mãe*, pagamentu halo de'it tinan ida dala rua no valór benefísiu la permite katak família sira depende husi programa ida-ne'e de'it. Ho introdusaun rejime kontributivu seguransa sosiál foun, traballadór formál/asalariadu bele iha asesu ba nível protesaun aas liu, maibé ida ne'e sei abranje mós traballadór sira ne'ebé tama iha kategoria hirak-ne'e – no konstitui minoria ida – no kobertura no protesaun efetiva sei buras neneik-neneik tuir sistema foun nia amaduresimentu iha dékada sira oin mai.

Ikus liu, programa barak implementa laho lejislasau sólidu atu tane, hanesan lei no deketu-lei. Ida-ne'e tau sira iha pozisaun frájl kona-ba sira-nia manutensaun ba longu prazu, tanba okorrénsia mudansa polítika bele sobu programa hirak-ne'e ho maneira fásil. Entre hirak-ne'e, iha hetan maioria programa asisténsia sosiál eskala kiik, ne'ebé oferece protesaun importante no servisu ba grupu sira ne'ebé dala barak hasoru pozisaun vulnerabilidade extrema (hanesan feto vítima violénsia, foin-sa'e ne'ebé iha problema ho lei ka família sira ne'ebé fó apoiu ba membru ida moras). Aleinde ne'e, la eziste Lei Bazes Protesaun Sosiál nian no ida-ne'e impede meta, konseitu sira-nia institucionalizasaun, rekoñesimentu direitus no baze transversal ne'ebé posibilita polítika protesaun sosiál sira-nia dezvoltimentu, establesimentu no manutensaun.

4. PROMOVE PIZU PROTESAUN SOSIÁL IHA TIMÓR LESTE

Prosesu DNBA iha Timór Leste nia objetivu esplísitu mak dezenvolve baze téknika ba Estratéjia Nasionál Protesaun Sosiál 2017-2030 (ENPS). ENPS mak dahuluk ba tipu ne'e no inklui programa, meta no mandatu sira husi Ministériu no instituisaun públika oioin.

Hanesan hatudu iha Kapítulu 1, prosesu DNBA nia etapa idak-idak kontribui ba ENPS nia componente oioin. Produitu husi prosesu e'e la inklui iha âmbito relatóriu ida-ne'e, ho exesaun objetivu dezenvolidu ba ENPS. Objetivu hirak-ne'e representa meta global agenda protesau sosiál nian iha Timór Leste to'o iha tinan 2030 no kriadu husi análise ne'ebé realiza kona-ba kondisaun moris populasaun timoroan, atual kuadru programa, lakuna no problema implementasaun sira-nian iha sistema.

Iha hakaat 2 prosesu DNBA, durante prosesu konsulta no partisipasaun ativa husi ator relevante, ita estabesele rekomendasaun lubuk ida atu bele ajuda objetivu sira avansa. Ba rekomendasaun balun ita halo mós sira-nia estimativa kona-ba kustus, kalkula durante Hakaat 3; Rekomendasaun sira seluk rekér medida sofistikadu, no indikadu ba estudu futuru. Rekomendasaun sira ba Timór Leste bazeia iha objetivu ENPS enkuantu meu atu alkansa no promove PPS iha rai-laran. Rekomendasaun sira dezenvolidu mak lista iha seksaun tuirmai, ho sira-nia objetivu ENPS.

Objetivu no Rekomendasaun sira ba Estratéjia Nasionál Protesaun Sosiál

Rekomendasaun sira atu avansa ho PPS iha Timór Leste organiza tuir objetivu ENPS korrespondente, no tuir kategoria espesífiku liu ligadu ba natureza rekomendasaun idak-idak nian. Husi rekomendasaun ne'ebé apresenta iha ne'e, balun dezenvolve ho detalhe liu iha senáriu sira kona-ba kákulu kustus iha kapítulu tuirmai.

Hanesan ita bele haree iha kapítulu molok ida-ne'e, rekomendasaun oioin ne'ebé ligadu ba ENPS nia objetivu sira mós ligadu ba garantia bázika PPS nian ida ka liu. Enkuantu iha Kapítulu 3, rekomendasaun sira apresenta atu komplementa kuadru analítiku ezersísiu DNBA nian, iha ENPS nia aplikasaun prátiku liu, no buka nia desdobramentu ba atividade konkretu.

Objetivu 1

Kontribui atu hapara mukt iha Timór Leste, no garante katak ema hotu konsege satisfás sira-nia nesesidade bázika tomak durante moris nia faze hotu, nomós iha situasaun krize individual no familiár, liuliu grupu sira vulnerável liu no indivíduu sira ho nesesidade espesial.

Rekomendasaun sira

Transferénsia Sosial:

- # Avalia impaktu finanseiru potenciál no iha nível mukt introdusaun mudansa sira kona-ba kritériu elejibilidade no montante benefísiu, atu hadia programa nia efikásia;
- # Avalia revizaun kona-ba mekanizmu indeksasaun ne'ebé iha – saláriu mínimu setor públiku – atu mantein transferénsia sosiál nia poder kompra konstante iha tempu naruk nia laran;
- # Investiga razaun tanba saída mak ferik/katuas kontinua servisu mesmu depoizde elejível ba pensaun sosiál;
- # Avalia programa sira-nia impaktu – inklui operasaun no rezultadu sira – ho maneira ida sistemática no abranjente;

Mekanizmu Pagamentu/ Entrega Benefísiu sira:

- Aumenta pagamentu transferénsia osan nia frekuénsia transferénsia, hodi garante pagamentu mensal no regular;
- Dezenvolve mekanizmu rejistu no pagamentu prestasaun ne'ebé hatán ba beneficiáriu sira hotu, hanesan sistema pagamentu eletróniku, sistema pagamentu móvel no sira seluk tan;
- Avalia maneira alternativu kona-ba prestasaun nia provizaun, atu garante katak valór ne'ebé selu investe tuir polítika idak-idak nia objetivu sira¹³⁹;

Kria Provizaun Adisional:

- # Avalia prestasaun nia insidénsia ba ema kiak no avalia kobertura ne'ebé iha nia adekuasaun no impaktu atu hamenus mukt. Elabora reforma polítika hodi hadia Sistema Protesaun Sosiál nia efisiénsia no impaktu;
- # Kria provizaun espesífika ida ba labarik sira ho defisiénsia, no oferece apoiu finanseiru adekuadu;
- # Kria programa atu hadia ferik/katuas sira-nia kondisaun moris, inklui programa servisu sosiál sira halo vizita iha uma, entretenimentu no programas prestasaun kuidadus (hanesan estabelesimentu ne'ebé fornese kuidadus hirak-ne'e);

Objetivu 2

Oferese asisténsia atu individuu no família sira hakotu siklu mukt, no permite ba ema hotu deenvolvimentu tomak liuhusi asesu ba edukasaun ho qualidade no ba nutrisaun adekuadu, liuliu desde momentu isin-rua to'o tinan 8.

Rekomendasaun sira

Nutrisaun:

- Hadia kordenasaun interministerial entre servisu sira ne'ebé kordena transferénsia sosiál sira, atu implementa programa nia impaktu no hadia populasan nia estadu nutricional;
- Eduka família sira kona-ba prátika nutricional di'ak iha momentu atribuisaun prestasaun protesau sosiál, ho atensaun espesial ba feto isin-rua;

Programa sira ba Infánsia Dahuluk:

- Halo mapa no integra componente oioin polítika nasional deenvolvimentu infánsia dahuluk nian iha Ministériu responsável, atu aumenta programa hirak-ne'e sira-nia efisiénsia no impaktu;
- Avalia programa ba infánsia dahuluk sira-nia efikásia no elabora reforma adekuadu atu hadia labarik sira-nia moris-di'ak, liuliu durante loron 1000 moris nian, hahú bainhira isin-rua;

Merenda Eskolar:

- Hadia qualidade refeisaun ne'ebé fó ba labarik sira – ajusta operasaun sira atu bele tuir menu ne'ebé Ministériu Saúde deenvolve;
- Avalia possibilidade programa oferece hahan meiu-dia ba labarik sira no habelar nia abranjénsia ba ensinu sekundáriu;
- Avalia dezigualdade jeográfika kona-ba programa nia implementasaun, atu padroniza programa nia operasaun iha rejiaun ne'ebé la hanesan;

¹³⁹Porezemplu, atu garante katak prestasaun programa *Bolsa da Mãe* uza ba labarik sira-nia benefísiu.

- Kria mekanizmu hodi garante katak prepara refeisaun ho ai-han ne'ebé agrikultór no produtor reurál rejiaun nian fornese;

Asesu ba Edukasaun:

- # Asegura katak labarik sira hotu iha asesu, ka meu transporte atu bele desloka bá eskola (liuhusi provizaun servisu ka prestasaun pekuniáriu);
- # Fó protesaun ba feto adolexente isin-rua no fasilita sira-nia prosesu hodi fila-fali bá eskola depoizde partu;
- # Hametin medida sira hodi halokon traballu infantil no garante katak labarik sira iha infánsia ida saudável no ksolok.

Objetivu 3

Hadia sistema seguransa sosiál ba traballador sira hotu, inklui sira-ne'ebé iha merkadu traballu informal no iha agrikultura subsisténsia, atu bele proteje sira husi risku relasionadu ho traballu no ho situasaun vulnerabilidade.

Rekomendasaun sira

Dezenvolve Rejime Kontributivu Seguransa Sosiál:

- # Tuir planu, implementa integralmente prestasaun maternidade/paternidade, asidente traballu, invalidés, feik/katuas, mate no sobrevivénsia;
- # Tuir planu, implementa no estabiliza operasaun Institutu Nasionál Seguransa Sosiál sira-nia, responsável ba jestaun Rejime Jerál Seguransa Sosiál;
- # Kria mekanizmu atu traballadór sira iha empregu informal, iha agrikultura subsisténsia no iha empregu prekáriu sira seluk halo sira-nia inskrisaun no partisipa iha sistema kontributivo seguransa sosiál ho maneira fásil liu;
- # Kordena no integra operasaun rejime kontributivu no naun-kontributivu seguransa sosiál sira-nian;

Kria Provizaun Adisionál:

- # Kria provizaun kona-ba seguru dezempregu ba sira-ne'ebé lakon sira-nia servisu, maibé sira la'os responsável ba lakon ida-ne'e;
- # Asegura protesaun ba kazu moras ne'ebé la relasiona ho se traballu;
- # Avalia obstákulu sira ba moris-di'ak no ba inkluziun ema ho defisiénsia, no aborda kestaun identifikadu ho medida protesaun sosiál adekuadu;
- # Hadia programa "*Cash-for-work*" nia efisiénsia no abranjénsia hanesan mekanizmu atu combate mukt – avalia maneira oinsá hamenus duplikasaun esforsu no habelar kobertura.

Objetivu 4

Asegura kondisaun atu ema hotu bele iha asesu ba servisu saúde, la haree ba kondisaun sosiál, financeira, idade ka hela fatin, liuliu ba prestasaun kuidadus materno-infantil espesializadu.

Rekomendasaun sira:

Aumenta Asesibilidade:

- # Hadia servisu ambulánsia, inklui hamenus tempu atu hatán no hadia mekanizmu kontaktu nian;
- # Avalia viabilidade atu rembolsu despeza transporte to’o sentru médiku, ba ema ho kondisaun vulnerável no iha situasaun emerjénsia médika;
- # Avalia kestaun ne’ebé relasiona ho desigualdade jeográfika no rejionál, liuliu kona-ba disponibilidade estabesimentu médiku;

Saúde Materna no Infantil:

- # Avalia possibilidade kriaun insentivu (financeiru ka enjéneru) atu inan sira bele realiza kuidadus pré-natal no pós-partu, no aumenta realizasaun ezame rotina ba labarik sira-nia frekuénsia;
- # Kordena ho polítika edukasaun atu promove saúde reprodutiva no edukasaun seksual;

Kuidadus Saúde no Komunidade sira-nia Alkanse:

- # Halo programa SISCA no *Saúde na Família* regular no previzível liu – aumenta servisu oferésidu ba comunidade nia frekuénsia no variedade;
- # Integra, tuir posível, prestasaun servisu saúde ho atendimentu sosial, no nia baze dadus rasik.

Objetivu 5

Hadia kapasidade institucional Sistema Protesaun Sosiál Nasionál, atu integra no kordena informasaun no operasaun, no assegura rekursus investidu sira-nia sustentabilidade no jestaun financeira di’ak.

Rekomendasaun sira:

Hadia Operasaun sira:

- # Kria servisu kordenadu entre Ministériu ba kestaun relasionadu ho Protesaun Sosiál;
- # Kria mekanizmu koordinasaun ida ho autoridade lokál sira atu implementa programa sira;
- # Avalia dezvoltamentu baze dadus integrada ba DNE/MPF, MSS, MS, MJ, ME, SEPFOPE (husi sistema baze dadus ne’ebé iha ona) – ho possibilidade atu kria instrumentu identifikasaun ida úniku ba programa protesaun sosiál sira;

Hadia Kualidade Servisu Prestadu:

- # Hadia tempu resposta no kualidade servisu asisténsia sosiál;
- # Habelar ámbitu dezvoltamentu rekursus umanus área sosiál nian, kapasita ajente sosiál sira atu hadia kualidade atendimentu sosiál, inklui programa formasaun kontínua;
- # Haforsa programa sira-nia implemtasaun no kapasidade monitorizasaun no avaliasaun;

Kestaun Financeira no Orsamental:

- # Estabelese sistema pagamentu prestasaun eletróniku úniku, atu facilita pagamentu mensal ba programa oioin nia benefisiáriu sira;



- # Servisu ho estimativa kona-ba Kustus longu prazu, atu assegura sustentabilidade no previzibilidade orsamentu sistema nian;
- # Hadia planeamentu no ezelesaun orsamentu, atu garante katak aloka orsamentu adekuadu ba programa sira, no respeita direitus no kritériu estabebesidu iha lei, no katak orsamentu disponível iha momentu adekuadu ba nia implementasaun.

5. ESTIMATIVA KUSTUS ATU IMPLEMENTA REFORMA SIRA

Kapítulu ida-ne'e apresenta rekomendasaun sesionadu ba ezersísiu kálkulu kona-ba kustus ne'ebé hola parte iha prosesu DNBA iha Timór Leste. Opsaun reforma idak-idak ka provizaun idak-idak foun kriada organiza iha senáriu lubuk ida ne'ebé representa parámetru oioin atu implementa rekomendasaun formulada iha etapa molok prosesu nian, ne'e katak, rekomendasaun sira identifikadu durante protesaun sosiál nia avaliasaun.

Enliña ho análise vulnerabilidade no avaliasaun protesaun sosiál ne'ebé halo antes, senáriu polítiku ne'ebé apresenta iha ne'e agrupadu tuir garantia bázika Pizu Protesaun Sosiál ne'ebé rekomendasaun kontribui, liuliu asesu ba servisu saúde esensial no seguransa bázika rendimentu ba labarik sira, ema iha idade ativa no ferik/katuas.

Hili política kálkulu kustus determina tanba desizaun Grupu Tékniku Espesializadu (GTE) ne'ebé envolve iha prosesu DNBA, no konsidera limitasaun ferramenta kálkulu Kustus atu aplika. Hanesan ne'e, parámetru sira ba reforma deside ho membru GTE nia partisipasaun no Komité Redasaun Dokumentus sira (CRD).

Seksaun tuirmai halo deskrisaun kona-ba metodologia kálkulu kustus, ho foku ba limitasaun impostu ba ferramenta kálkulu kustus, tanba sira esensial atu determina katak rekomendasaun bele halo parte husi ezersísiu, no presupostu sira ne'ebé subliña projesaun kustus, deskreve mós rekomendasaun sira sesionadu no apresenta ho detalhe sira-nia senáriu kona-ba kálkulu Kustus.

Metodolojia de Cálculo de Kustus

Prosesu DNBA uza Protokolu Avaliasaun Lais (PAL)¹⁴⁰, ne'ebé OIT dezenvolve nu'udar ferramenta kálkulu kustus ba rekomendasaun ne'ebé partisipante elabora durante prosesu diálogo. PAL nak metodolojia simples ne'ebé permite halo estimativa kona-ba kustus kriaun ka reforma provizaun protesaun sosiál sira-nian, bazeia ba projesaun demográfika, ekonómika, merkadu traballu no despeza pública.

Ba dezenvolvimentu senáriu kálkulu kustus, importante mós kompredeferramenta PAL nia limitasaun atu bele uza di'ak liutan. Ferramenta PAL projetadu ba rekomendasaun sira ne'ebé relasiona ho PPS sira-nia estensaun – ne'e implica mudansa kona-ba programa sira-nia kobertura no/ka ho valór prestasaun programa naun kontributivu ne'ebé iha, no kriaun prestasaun foun naun kontributiva. Tipu rekomendasaun ne'e bele kalkula ho PAL. Seksaun tuirmai apresenta rekomendasaun sira ne'ebé tama iha tipu ne'e, hamutuk ho nia senáriu sira.

Tipu rekomendasaun sira seluk, hanesan sira ne'ebé relasiona ho kriaun ka mudansa rekjime kontributivu seguransa sosiál, ka refere ba alterasaun kona-ba programa nia operasaun no kordenasaun, ka rekomendasaun kualitativa, la tama iha âmbito ferramenta PAL no reker estudu klean liu. Prosesu DNBA la inklui kálkulu kustus ba tipu rekomendasaun sira ne'e.

Projesaun ne'ebé halo bazeia ba metodolojia do PAL bazeia ba premisa lubuk ida ne'ebé designa maneira oinsá diferente indikador demográfiku, ekonómiku, forsa traballu no despeza pública atu evolui durante períodu projesaun nian. Fator rua halo tarefa ida dezafiu iha Timór Leste. Fator dahuluk tanba Timór Leste iha de'it tinan 15 independénsia no, durante períodu ne'e, liu husi xoke oioin, negativu no pozitivu, ne'ebé hamosu mudansa boot no lais ba maioria elementu sira ne'ebé

¹⁴⁰ Ho inglés: *Rapid Assessment Protocol*.

uza iha PAL. Daruak, dadus istórikus uituan de'it no dala barak ita la bele fiar. Hanesan ne'e, presupostu ne'ebé modelu aplikadu uza mak konservador, tanba realiza previzaun ida ba futuru ba númeru tinan atu hanesan períodu ne'ebé nasaun independente ona bele prodús obra fantazia no la'os senáriu real ida.

Presupostu Demográfiku

Projesaun kona-ba populasaun to'o tina 2030 (tuir seksu no idade) mai husi projesaun Diresaun-Jerál Estatística Timór Leste nian bazeia ba Sensus 2010 no ajusta ba rezultadu Sensus tinan 2015. Ne'e signífika katak tendénsia entre tinan 2010 no 2015 ajustadu no projetadu iha futuru. Tabela 5 hatudu rezultadu projetadu ba projesaun populasional.

Tabela 5: Projesaun Populasaun to'o iha tinan 2030, tuir faixa etária

Idade	2017	2020	2025	2030
0-4	195.438	209.555	231.449	249.999
5-9	169.554	183.623	207.042	229.207
10-14	149.567	160.424	182.063	205.616
15-19	131.238	140.162	159.032	180.699
20-24	114.405	123.772	138.517	157.400
25-29	94.151	105.795	122.049	136.835
30-34	77.137	85.321	104.172	120.413
35-39	54.180	69.104	83.795	102.524
40-44	49.301	46.347	67.591	82.146
45-49	47.684	50.788	45.059	65.884
50-54	37.471	42.035	48.893	43.516
55-59	29.962	32.962	39.900	46.570
60-64	24.957	26.317	30.573	37.192
65-69	20.426	21.440	23.446	27.440
70-74	15.599	16.298	17.865	19.759
75-79	10.830	11.176	12.177	13.569
80+	10.025	10.906	12.499	14.533
TOTAL	1.231.924	1.336.022	1.526.120	1.733.300

Fonte 23: Kálkulu husi autór bazeia ba RDTL, Ministério das Finanças. 2011. Censo Geral da População e Habitação de 2010 no RDTL, Ministério das Finanças. 2016. Censo Geral da População e Habitação de 2015.

Presupostu Makroekonómiku no Fiskal

Kreximentu PIB

Modelu kálkuku kustus uza projesaun kreximentu PIB nian ba períodu to'o tinan 2021, tuir FMI estima no publika iha Konsulta ba Artigo IV - Timór Leste, tinan 2016. Ida-ne'e konsidera reseita dekrexente setor petrolíferu no la asume katak reserva adicional ka kampu foun esplorado to'o tinan 2030, ne'e signifik katak husi tinan 2022, PIB petrolíferu no PIB naun petrolíferu, iha prátika, atu hanesan. Ba períodu tinan 2022-2030, ita presupõin katak tendénsia linear kreximentu PIB naun petrolíferu entre tinan 2015 no tinan 2021 nafatin konstante.

Inflasaun

Ita supõin katak inflasaun mantein nafatin média ekivalente ba média jeométrika entre tinan 2005 no tinan 2015. Ida-ne'e refleto tendénsia Jerál inflasaun Nasionál no konsidera planu investimentu Governu nian, ne'ebé baibain refere nu'udar prinsipal motor inflasaun iha rai laran.

Reseita no Despeza Pública

Reseita no despeza pública bazeia ba projesaun Ministériu Finansas, tuir Livru 1 Orsamentu Estadu ba tinan 2017, no kobre períodu tinan 2015 to’o tinan 2021. Tuir projesaun hirak-ne’e, despeza pública kontinua sa’e, atinje nia aas iha tinan 2019, ho projetu infraestrutura boot nia ezekusaun. Reseita total kontinua sofre tuun makaas tuir reseita petrolíferu mós tuun, to’o para iha tinan 2021, no reseita naun petrolíferu sei kontinua sa’e ho ritmu konstante, maibé la suficiente atu mantein nível tinan 2015 nian ho persentajen PIB.

Ita presupõin katak, depoizde tinan 2021, nível despeza tuun ba nível ne’ebé ita observa iha tinan 2015, hodi hamenus exesu retirada husi Fundu Petrolíferu. RSE tuun tuir FP drenadu iha parcela significativa rikeza nian, no projetaduatua permanece konstante entermus real depoizde tinan 2022 (ita konsidera katak retirada exesu mós tuun). Reseita naun petrolífera projetadu husi tinan 2022 to’o tinan 2030 tuir tendénsia istória kreximentu desde tinan 2005.

Presupostu Merkadu Traballu nian

Taxa Partisipasaun iha Merkadu Traballu

Dadus kona-ba partisipasaun forsa traballu disponível iha Inkéritu ba Forsa Traballu tinan 2010 no tinan 2013; maibé, tanba alterasaun metodolojia, nia rezultadu sira labele kompara direktamente. Tuirmai, projesaun kona-ba taxa atividade to’o tinan 2030 (tuir seksu no ba idade individual idak-idak) bazeia iha dadus Inkéritu ba Forsa Traballu iha Timór Leste iha tinan 2013 no nia projesaun iha futuru hatuur iha presupostu kona-ba aumentu anuál porsentu 0,6 (aplikadu ba idade idak-idak ho maneira independente), hanesan mós uza iha estudu atuarial dezvoltadu hodi kria Rejime Jerál Seguransa Sosiál iha tinan 2016. Hanesan ne’e, taxa partisipasaun iha forsa traballu aumenta husi porsentu 29,5 iha tinan 2013 ba porsentu 33,9 iha tinan 2030.

Empregu Informal

Dadus kona-ba persentajen empregu informal iha empregu total disponível de’it ba tinan 2010 no tinan 2013 iha Inkéritu ba Forsa Traballu. Hanesan iha pontu molok ida-ne’e, alterasaun metodolojia la permite halo komparasaun ida diretu entre dadus sira. Ne’e duni, projesaun to’o tinan 2030 bazeia ba dadus Inkéritu ba Forsa Traballu iha Timór Leste iha tinan 2013 no nia projesaun iha futuru hatuur iha presupostu katak kreximentu partisipasaun iha forsa traballu mak dudu husi procura no kondús ba formalizasaun boot liu postu traballu sira-nian. Hanesan ne’e, ita presupõin katak taxa empregu informal tinan 2013, ne’ebé to’o iha porsentu 71,9, atu hamenus hamutuk ho melloria iha taxa partisipasaun iha merkadu traballu, porsentu 0,6 tinan-tinan, no atinje porsentu 64,9 empregu informal iha tinan 2030.

Produtividade

Tanba falta dadus istórikus kona-ba empregu no partisipasaun, ita assume presupostu katak empregu nia aumentu aliñadu ho kreximentu forsa traballu nian, no supõin katak tama iha forsa traballu procura mak dudu. Ne’e duni, traballu nia produtividade kalkula hanesan rezultadu número traballadór empregadu no fahe PIB. Iha premissa hirak-ne’e, produtividade naun petrolífera aumenta ho maneira consistente, maibé ho taxa kreximentu dekrexente iha tempu nia laran. Bainhira inklui setor petrolíferu, produtividade tuun to’o reseita petrolífera pára no, tuirmai, tuir tendénsia naun petrolífera.

Saláriu Mínimu

Timór Leste laiha saláriu mínimo ida ofisial. Maibé, saláriu mínimo ba funsionáriu públiku sira mak US\$ 115 fulan-fulan, no valór ida-ne’e mak uza nu’udar parámetru nasional, tuir desizaun n.02/

CNT/2012 husi Konsellu Nasionál Traballu nian. Ita espera katak saláriu mínimu aumenta hamutuk ho inflasaun.

Presupostu kona-ba Nível Moris no Protesaun Sosiál

Liña Mukit no Taxa kona-ba Mukit

Estimativa ikusmai kona-ba liña mukit ne'ebé bazeia ba konsumu mak husi tinan 2014, tuir dadus Inkéritu kona-ba Kondisaun Moris iha Timór Leste iha tinan 2014. Liña mukit kalkula tuir abordajen ne'ebé analiza nesesidade bázika sira-nia kustu, inklui konsumu mínimu kalorias, nesesidade sira naun alimentar no componente ida ketak ne'ebé representa rezidénsia indíviduu sira-nia "renda". Liña mukit nasional estimada ho valór US\$ 1,54 *per kapita* loron-loron (ka US\$ 46,37 *per kapita* fulan-fulan), ho Índise mukit porsentu 41,8. Ita supõin katak liña kona-ba mukit aumenta tuir inflasaun no taxa kona-ba mukit nafatin konstante durante períodu projesaun.

Nível Prestasaun sira

Ba senáriu *Status Quo*, ita kalkula katak prestasaun sira aumenta hamutuk ho inflasaun. Kona-ba senáriu sira-seluk, maioria bazeia ba parte husi liña mukit nian no, ne'e duni, tuir projesaun ne'ebé ita hatudu antes. Iha seksaun tuirmai, ita esplika ho detalhe montante prestasaun kalkulada ba senáriu idak-idak.

Kobertura no Taxa Adezaun

Taxa kobertura no adezaun sira hotu nafatin konstante durante períodu projesaun, anaunser indica ho maneira seluk ka bainhira prestasaun seletiva pasa ba universál. Atu kria prestasaun foun, taxa adezaun estimadu bazeia ba programa ba grupu sira atu hanesan.¹⁴¹

Opsaun Polítika Preliminar no Senáriu hodi Kalkula Kustus

Rekomendasaun sira dezvoltada iha âmbito prosesu DNBA no ne'ebé relasiona ho estensaun Pizu Protesaun Sosiál GTE analiza depois no hadia iha senáriu lubuk ida kona-ba kálkulu kustus. Maioria kazu sira apresenta senáriu oioin ho parámetru ne'ebé la hanesan ba reforma idak-idak ka programa foun propostu, atu observa variedade kustus potenciál ne'ebé bele mosu husi eskolla formulasaun oioin bainhira kria polítika idak-idak.

Senáriu balun propostu bazeia ba presupostu katak kustus atu alkansa rekomendasaun nia objetivu sira (ne'e katak, Kustu atu fó refeisaun ida tan iha programa Merenda Eskolar ka kustu transporte ba labarik sira iha área rural). Premisa hirak-ne'e bazeia ba informasaun limitada disponível no tenke konsidera nu'udar estimativa aprosimada kona-ba kustus potenciál atu implementa senáriu hirak-ne'e. Atu obtein estimativa klaru, ita sugere atu realiza estudu foun klean liutan.

Senáriu sira organiza tuir garantia mínima haat Pizu Protesaun Sosiál sira-nian no tuir programa relevante, tuir sira-nia rekomendasaun rasik asociada ba senáriu no rezultadu ba exersíciu kálkulu kona-ba kustus. Ita bele hetan rezultadu kompletu kona-ba modelu PAL no sira-nia senáriu rasik iha Aneksu II.

¹⁴¹ Porezemplu, ba prestasaun ba labarik sira ho defisiénsia presupõin taxa adesaun hanesan ho taxa adezaun ba *Bolsa da Mãe*.

Políticas sira ba Infância

Sistema proteasaun Sosiál iha Timór Leste inklui programa oioin ne'ebé orienta ba labarik sira, no ne'eb'é fó kombinasau servisu riku, aleinde benefísiu en jéneru no osan. Maibé, iha nafatin dezafiu barak atu hasoru hodi bele promove garantia bázika rendimentu ba labarik sira. Sistema proteasaun sosiál ne'bé iha apresenta lakuna balun iha nível benefisiáriu sira-nia kobertura, problema adekuasaun valór prestasaun, difikuldade hodi garante servisu prestadu sira-nia qualidade no kordena programa oioin sira-nia lala'ok. Atu rezolve problema hirak-ne'e, mak elabora rekomendasaun tuirmai no propõin senáriu sira tuirmai.

a. Bolsa da Mãe

Rekomendasaun sira

Avalia impaktu finanseiru poténsial no iha nível mukt kona-ba mudansa sira ba kritériu elejibilidade no montante prestasaun, atu hadia programa sira-nia efisiénsia;

Avalia mekanizmu indeksasaun ezistente nia revizaun – saláriu mínimu setor públiku nian – atu bele mantein poder kompra transferénsia sosiál sira-nian kontante iha tempu naruk nia laran.

Programa mak rejime transferénsia osan boot liu ih arai-laran bainhira ita konsidera númeru benefisiáriu sira – iha tinan 2015, abranje maizoumentu labarik rihun 154. Ohin loron, programa fornese transferénsia dólar US\$ 5 fulan-fulan ba labarik idak-idak (to'o labarik na'in tolu ba família idak-idak) husi agregadu familiar vulnerável. Programa hasoru dezafiu operacional oioin, ne'ebé varia entre verifika kondisionalidade sira-nia kumprimentu, identifika loloos benefisiáriu sira elejível liuhusi Eskala Vulnerabilidade (EdV) ida, no realiza pagamentu mensál.

Aleinde ne'é, montante prestasaun kiik, no ida-nee hamenus duni impaktu poténsial ne'ebé programa bele ih aba mukt no hadia nível moris nian. Ba labarik sira kiik liu idade eskolar, *Bolsa da Mãe* mak programa transferénsia ne'ebé iha no ne'ebé fó benefísiu ba faixa etária ne'e, maské momentu ne'e krítiku ba labarik nia desenvolvimentu. Iha senáriu prevalénsia má-nutrisaun aas iha kintil riqueza sira hotu, aumenta programa nia kobertura bele prodús Manan boot kona-ba moris-di'ak durante ema-nia moris tomak.

Senáriu propostu projetadu hodi liu limitasaun sira no hadia programa nia efikásia. Iha Senáriu rua ne'ebé mantein kobertura atual (ne'e katak, kritériu elejibilidade no taxa adezaun) no Senáriu ne'en ne'ebé altera programa nia kobertura. Atu komprende di'ak liu tan kombinasau entre kobertura no reforma adekuasaun prestasaun sira-nian, ita realiza ezersísiu kálkulu kustus ba nível hotu prestasaun propostu nian, hamutuk ho Senáriu kobertura. Ne'e duni, ita simula senáriu atuál:

Status Quo: Nível atual kobertura no prestasaun korrijidu tuir inflasaun.

Kobertura Atual – Valór Prestasaun sira ne'ebé Diferente

Senáriu A: Nível atual kobertura no hasae valór Prestasaun 100% (US\$ 10 fulan-fulan, ba labarik idak-idak iha tinan implementasaun)

Senáriu B: Aumentu valór Prestasaun 240% (US\$ 17 fulan-fulan, ba labarik idak-idak iha tinan implementasaun)


Kobertura Diferente – Valór Prestasaun sira ne'ebé Diferente

- Senáriu1:** Elejibilidade universál husi tinan 0 to'o tinan 3, mantein EdV husi tinan 4 to'o tinan 17.
- 1A:** Aumenta valór Prestasaun 100%.
- 1B:** Aumenta valór Prestasaun 240%.
- Senáriu 2:** Elejibilidade universál husi tinan 0 to'o tinan 5, mantein EdV husi tinan 6 to'o tinan 17.
- 2A:** Aumenta valór Prestasaun 100%.
- 2B:** Aumenta valór Prestasaun 240%.
- Senáriu 3:** Elejibilidade universál husi tinan 0 to'o tinan 8, mantein EdV husi tinan 9 to'o 17.
- 3A:** Aumenta valór Prestasaun 100%.
- 3B:** Aumenta valór Prestasaun 240%.
- Senáriu 4:** Elejibilidade universál husi tinan 0 to'o tinan 14, mantein EdV husi tinan 15 to'o tinan 17.
- 4A:** Aumenta valór Prestasaun 100%.
- 4B:** Aumenta valór Prestasaun 240%.
- Senáriu 5:** Elejibilidade universál husi tinan 0 to'o tinan 17.
- 5A:** Aumenta valór Prestasaun 100%.
- 5B:** Aumenta valór Prestasaun 240%.
- Senáriu 6:** Elejibilidade universál hahú husi tinan 0 to'o tinan 3, no aumenta idade máxima neneik-neneik tinan-tinan.
- 6A:** Aumenta valór Prestasaun 100%.
- 6B:** Aumenta valór Prestasaun 240%.


Rezultadu sira

Enjerál, Senáriu sira-nia kustus sa'e neneik liu PIB, no ida-ne'e hamenus parte ne'ebé senáriu sira representa kona-ba PIB. Haree ba Despeza Públika, Senáriu sira sa'e ho persentajen despeza total Estadu nian, tanba ita simu katak hahú husi semestre saruak 2020 Governu atu redús nível muki sira-nian. Exesaun ba padraun mak Senáriu 6, 6A no 6B, ne'ebé aumenta kobertura universál tinan-tinan no aumenta nia Kustus ho persentajen PIB nian no enkuantu parte husi despeza pública durante tempu projesaun nian. Rezultadu kompletu mak sira-ne'ebé apresenta iha kraik.

Gráfiku 21: Bolsa da Mãe –Kobertura Atual – Senáriu sira ho Valór Prestasaun ne'ebé la hanesan, ho persentajen PIB nian




Gráfiku 22: Bolsa da Mãe - Kobertura Atual – Senáriu sira ho Valór Prestasaun ne'ebé la hanesan, ho percentajen Despeza Públika




Bainhira ita konsidera aumentu nível prestasaun sira (Gráfiku 21 no 22) no la halo mudansa kona-ba programa nia elejibilidade, entaun projesaun kona-ba Kustus ba tinan 2030, maioria, tuir konkluzsaun lójika reforma proposta sira-nian: bainhira prestasaun hasoru aumentu, kustus mós aumenta tuir proporsaun. Maibé, importante atu destaka katak, maské iha tinan dahuluk kustus aumenta tuir proporsaun prestasaun sira, tinanba tinan, Kustus ba Senáriu *status quo* tuun *neneik* loos, no prestasaun aas liu sira-nia kustus tuun lalais liu, ho percentajen PIB nian. Kustus ho percentajen despeza públika tuun iha tempu hahú, tanba projetu infraestrutura boot sira aumenta nível despeza; maibé, depoizde 2022, bainhira halo projesaun ba nível despeza hodi ba fali nível sira 2015 nian, kustus sira-nia partisipasaun iha Senáriu hotu-hotu atu aumenta ho maneira konstante liuliu tanba konbinasaun entre kreximentu populasionál boot liu no taxa inflasaun, duké tanba aumentu iha despeza públika.

Gráfiku 23: Bolsa da Mãe – Reforma sira iha Kobertura – Senáriu sira kona-ba Valór Prestasaun Atuál, ho percentajen PIB nian




Gráfiku 24: Bolsa da Mãe – Reforma sira iha Kobertura – Senáriu sira kona-ba Valór Prestasaun Atuál, ho percentajen Despeza Públika




Iha Senáriu sira ne'ebé ho montante prestasaun mantein tuir nível atuál, kobertura nia estensaun prodús kustus nia aumentu iha nível hanesan ho nível previstu iha Senáriu A no B. Parsela PIB nia tendénsia no despeza pública mós tuir padraun hanesan loos. Rezultadu hanesan sira-ne'e destaka relasaun kustus conforme kobertura no nível prestasaun.

Gráfiku 25: Bolsa da Mãe – Reforma sira iha Kobertura no Aumentu 100% iha Valór Prestasaun sira, ho percentajen PIB nian




Year	Status Quo	Senário 1	Senário 2	Senário 3	Senário 4	Senário 5	Senário 6
2018	0.4%	1.6%	1.8%	2.4%	3.2%	3.5%	2.0%
2019	0.4%	1.5%	1.8%	2.4%	3.2%	3.4%	2.0%
2020	0.5%	1.8%	2.2%	2.8%	3.8%	4.5%	2.5%
2021	0.6%	2.2%	2.6%	3.4%	4.5%	5.2%	3.2%
2022	0.6%	2.6%	3.2%	3.8%	5.2%	5.8%	3.8%
2023	0.6%	2.8%	3.3%	4.0%	5.3%	5.9%	4.2%
2024	0.6%	2.8%	3.4%	4.1%	5.4%	6.0%	4.6%
2025	0.6%	2.9%	3.4%	4.1%	5.6%	6.1%	4.9%
2026	0.6%	3.0%	3.5%	4.2%	5.8%	6.2%	5.2%
2027	0.6%	3.0%	3.5%	4.3%	6.0%	6.3%	5.6%
2028	0.6%	3.0%	3.6%	4.4%	6.2%	6.5%	6.0%
2029	0.6%	3.1%	3.6%	4.5%	6.4%	6.7%	6.4%
2030	0.6%	3.1%	3.7%	4.5%	6.6%	6.8%	6.8%

Gráfiku 27: Bolsa da Mãe – Reforma sira iha Kobertura no aumentu 240% iha Prestasaun sira-nia Valór, ho percentajen PIB nian



Gráfiku 28: Bolsa da Mãe – Reforma sira iha Kobertura no aumentu 240% iha Prestasaun sira-nia Valór, ho persentajen Despeza Públika sira-nian



Bainhira prestasaun sira aumenta porsentu 240, senáriu propostu sira-nia kustus global muda husi maizoumenus porsentu 2,6 to'o porsentu 5,5 PIB nian iha tinan 2018, depende husi proposta kona-ba limite idade ba kobertura universál. Kustus hirak-ne'e tuir tendénsia husi simulasaun sira molok ne'e no tuun nu'udar parte PIB nian iha tempu nia laran, no hasoru mudansa entre porsentu 1,6 no porsentu 3,5 husi PIB iha tinan 2030. Kompara ho evolusaun Senáriu *Status Quo*, rezultadu sira iha Senáriu propostu representa aumentu orsamentu ne'bé multiplica dala barak nível atuál. Maibé, laiha Senáriu ida propostu (inklui sira ho nível prestasaun kiik liu), iha ne'ebé nível investimentu atinje Pensaun Veteranu sira-nia nível orsamentu atual. *Trade-offs* entre aumentu iha níve prestasaun no kobertura bele avalia diak liu iha seksaun ida-ne'e nia rohan, bainhira halo simulasaun kona-ba impaktu posível iha nível mukt.

b. Labarik sira ho Defisiénsia

Rekomendasaun Kria programa sira espesífiku ba labarik sira ho defisiénsia, ho apoiu finanseitu adekua.

Labarik sira ho defisiénsia iha Timór Leste elejível ba programa Bolsa da Mãe. Maibé, programa sira-nia limitasaun no estigma ne'ebé defisiénsia hasoru iha nasaun husik dala barak labarik ho defisiénsia desprotejido. Agora daudaun, programa abranj maizoumenus labarik ho defisiénsia 2000, enkuantu númeru totál estimadu kona-ba labarik sira ho defisiénsia entre tinan 0 no tinan 17 mak maizoumenus 24000¹⁴².

Aleinde ne'e, ema ho defisiénsia (PCD) enjerál rekér kuidadu espesiál, no ida ne'e bele aumenta kustus finanseirus ba família. Labarik sira prezisa, tanba sira labarik, atensaun barak liu no kuidadus barak liu duké ema adultu sira, liuliu labarik sira ho defisiénsia. Ne'e duni, hodi apoiu diak liu tan família sira ne'ebé iha labarik ho defisiénsia, ita tenke hadia asesu no nível prestasaun sira ne'ebé iha ona.


Senáriu 1: Fornese prestasaun tuir liña SAIL ba labarik sira ho defisiénsia (US\$ 30 fulan-fulan ba labarik idak-idak, iha tinan implementasaun nian).

Rezultadu sira

¹⁴² Supondo que a incidência de incapacidade em crianças siga a média Nacional de 4,3%, segundo o Censo 2010.

Introdusaun Prestasaun ne'e nia kustu kiik relasiona ho PIB ka ho despeza públika sira. Hanesan akontese iha estimativa molok ida-ne'e, Kustu sa'e neneik liu PIB, no ida-ne'e hamenus nia partisipasaun relativa iha PIB. Maibé, haree ba Despeza Públika, Prestasaun nia Kustu sa'e nu'udar parte despeza total Estado nian, tuir Senáriu sira Bolsa da Mãe sira-nia lójika. Rezultadu kompletu hatudu iha kraik.

Gráfiku 29: Introdusaun Prestasaun sira ba Labarik sira ho Defisiénsia, ho persentajen PIB no Despeza Públika sira



c. Merenda Eskolar

Rekomendasaun Hadia refeisaun ne'ebé fó ba labarik sira-nia kompozisaun – ajusta nia operasaun sira hodi tuir menu ne'ebé Ministériu Saúde dezenvolve;

Avalia possibilidade hanaruk programa ne'e hodi bele fó han meu-dia no abranje labarik sira iha ensinu sekundáriu.

Programa Merenda Eskolar oferese refeisaun ida lora-lora ba labarik sira ne'ebé frekuenta ensinu pré-primáriu no primáriu, públiku no privadu. Tuir prosesu naruk DNBA nian, ita identifika kestaun barak kona-ba programa ida-ne'e; maibé, dezafiu boot liu ne'ebé indikadu mak investimentu insuficiente ba labarik idak-idak (agora daudaun US\$ 0,25 ba lora escolar idak-idak) no difikuldade hodi fornese refeisaun ho kualidade. Aleinde ne'e, tanba programala abranje estudante sira ensinu sekundáriu, tanba nia la eziste ida ne'e hanesan insetivu kiik loos atu labarik sira kontinua sira-nia estudu – taxa abandonu husi ensinu primáriu ba ensinu sekundáriu aumenta dramatikamente. Hodi kumpre rekomendasaun sira ne'ebé hatudu iha leten, mak ita dezenvolve senáriu hirak tuirmai.

Status Quo: Fornese refeisau ida lora-lora ba labarik sira ne'ebé frekuenta ensinu pré-primáriu no primáriu, no konsidera US\$ 0,25 lora-lora, ba labarik idak-idak (ba lora letivu 200 tinan ida).¹⁴³

Senáriu 1: Hasa'e Prestasaun nia valór, fó US\$ 0,42¹⁴⁴ ba kada lora letivu (ba lora letivu 200 tinan ida).

¹⁴³ Maské refere nu'udar Senáriu Status Quo, tuir realidade orsamentu programa nian la sufisiente hodi fornese benefísiu propostu ba labarik sira hotu iha ensinu pré-primáriu no primáriu. Laiha indikasaun klaru kona-ba programa hamenus númeru lora tinan ida-nian ne'ebé oferese refeisaun, ka valór refeisaun lora-lora nian menus liu hodi inklui orsamentu disponível.

¹⁴⁴ Ekivalente ba liña mukit alimentar nasional nia sorin, tuir relatóriu "Pobreza em Timór Leste 2014" (2016).


Senáriu 2: Hasa'e Prestasaun nia valór, fó US\$ 0,83¹⁴⁵ ba kada loron letivu (ba loron letivu 200 tinan ida).

Senáriu 3: Fornese refeisaun ida loron loron ba estudante sira ensinu sekundáriu nian (ho *status quo* – US\$ 0,25 loron-loron, ba labarik idak-idak – ba loron letivu 200).


Rezultadu sira

Hanesan akontese iha estimativa molok ida-ne'e, Kustu sa'e neneik liu PIB, no ida-ne'e hamenus nia partisipasaun relativa iha PIB. Maibé, haree ba Despeza Pública, Benefísiu nia Kustu sa'e nu'udar parte despeza total Estadu nian. Maibé, magnitude kustus ba programa Merenda Eskolar boot liu benefísiu sira seluk. Tanba númeru labarik aas tebes no nível benefísiu nian mós aas liu duké programa sira seluk mak razaun ba ida-ne'e. Rezultadu kompletu mak hatudu iha kraik.

Gráfiku 30: Senáriu sira kona-ba Merenda Eskolar, ho persentajen PIB nian



Gráfiku 31: Senáriu sira kona-ba Merenda Eskolar, ho persentajen Despeza Pública sira-nian



d. Transporte Eskolar

Rekomendasaun Asegura katak labarik sira hotu iha asesu ka meius transporte hodi bele bá to'o eskola (Prestasaun servisu ka pagamentu ho osan).

Hanesan ne'e mós, hodi fó apoiu ba asesu ba servisu médiu, ita halo tiha ona rekomendasaun hodi fasilita transporte, ba kasu edukasaun mós ita halo rekomendasaun ida hanesan. Distánsia

¹⁴⁵ Ekivalente ba liña mukit alimentar nasional nia sorin, tuir relatóriu "Pobreza em Timór Leste 2014" (2016).

do'ok no falta meius transporte representa ba labarik sira barak obstákulu ida hodi frekuenta eskola, liuliu iha área rural no ba estudante sira ensinu sekundáriu. Hodi fasilita labarik sira-nia transporte, iha proposta ida hodi fó montante kiik loron-loron hodi bele taka kustus ba meius transporte ne'ebé iha (mak maioria transporte lokál, uza "*mikrolet*"). Senáriu sira tuirmai mak kona-ba rekomendasaun ida-ne'e nia kustus.

Senáriu 1: Fó ba labarik idak-idak iha eskola primária US\$ 0,50 ba loron letivu idak-idak (loron 200 ba tinan ida).

Senáriu 2: Fó ba labarik idak-idak iha eskola primária, iha área rural, US\$ 0,50 ba loron letivu idak-idak (loron 200 ba tinan ida).


Senáriu 3: Fó ba labarik idak-idak iha eskola primária ka sekundária US\$ 0,50 ba loron letivu idak-idak (loron 200 ba tinan ida).

Senáriu 4: Fó ba labarik idak-idak iha eskola primária ka sekundária, iha área rural, US\$ 0,50 ba loron letivu idak-idak (loron 200 ba tinan ida).


Rezultadu

Introdusaun Prestasaun ida ne'e bele iha kustus aas, no representa persentajen PIB no despeza pública aas liu duké maioria programa sira ne'ebé eziste ona. Kustus aas ne'ebé ita observa mak indikasaun ida katak prestasaun direta servisu liuhusi Estadu bele inklui Kustus kiik liu duké opsaun transferénsia osan. Hanesan mós ho estimativa sira molok ida-ne'e, Kustus aumenta neneik liu PIB, no ida-ne'e hamenus PIB nia partisipasaun relativa iha Senáriu sira, maibé haree ba Despeza Pública, Kustu Prestasaun aumenta nu'udar parcela husi Governu nia despeza totál. Rezultadu kompletu mak apresenta iha kraik ne'e.

Gráfiku 32: Introdusaun Prestasaun ba Transporte Eskolar, ho persentajen PIB nian



Gráfiku 33: Introdusaun Prestasaun ba Transporte Eskolar, ho persentajen Despeza Públika sira-nian



Política sira ba Idade Ativa

Maioria programa sira ne'ebé Governu implementa ba individuu sira iha idade ativa sira-niao objetivu mak kapasidade sira-nia dezvoltamentu. Populasaun nia grupu ida –ne'e beneficia husi kobertura protesaun Sosiál kiik liu; maibé, tenke hadia situasaun ida-ne'e iha tinan hirak tuirmai ne'e ho Introdusaun Rejime Jerál Seguransa Sosiál nian. Maioria Rekomendasaun sira ne'ebé apresenta ba faixa etária ida-ne'e orienta ba dezvoltamentu sistema kontributivu seguransa sosiál nian no ba estabelesimentu prestaun iha ámbitu ne'e ne'ebé seidak inklui iha fase introdutória (hanesan prestasaun ba dezempregu ka moras).

Maibé, nível formalidade kiik husi merkadu traballu tiimoroan sei hamosu, pelumenu iha kurtu prazu, kobertura ida limitada iha sistema kontributivu, no ema sira n'ebé iha empregu informál ka dedika an ba agrikultura subsisténsia sei la asesu nafatin ba sistema protesaun sosiál nian ida ne'ebé abranjente. Hodi hamenus situasaun ida-ne'e, programa Obras Públicas ne'ebé iha agora daudaun bele solusaun ba sira ne'ebé luta hodi hetan servisu ida ka ba sira ne'ebé laiha rendimentu natoon.

a. Empregu Rural

Rekomendasaun Habelar programa "Empregu Rural" nu'udar mekanizmu luta hasoru mukt.

Programa ne'ebé iha inklui componente operasionál rua. Ida dahuluk prevê kontratu empreza sira ba konstrusaun estrada iha área rural. Iha kazu ida-ne'e, empreza privadu tenke kumpre kondisaun balun, liuliu traballadór kontratadu mak husi comunidade sira ne'ebé simu projetu, no katak pagamentu maun-de-obra la kualifikadu varia entre US\$ 3 no US\$ 5 loron-loron. Okomponente daruak prevê traballadór sira-nia kontratasaun direta hodi dezvoltar projetu sira ho kompleksidade kiik liu ne'ebé comunidade sujere. Projetu idak-idak iha, maizoumenus, traballadór 106, ne'ebé simu US\$ 3 ba kada loron servisu no sira servisu maizoumenus loron 13 ba projetu idak-idak. Ohin loron, iha restrisaun orsamentál ne'ebé la permite atinje projetu nia potenciál, tanba projetu sira aprova liu tiha sorin ida hein hela disponibilidade orsamentál atu bele hahú. Senáriu propostu sentradu iha tipu projetu daruak, tanba iha kontrolu boot liu kona-ba pagamentu sira-nia valór no kona-ba loron servisu ne'ebé oferese.

Senáriu 1: Habelar programa nia kobertura hodi ezejuta projetu 200 tinan-tinan (tuir *status quo* traballadór 106 ba projetu idak-idak, ne'ebé servisu loron 13).


Senáriu 2: Habelar programa nia kobertura hodi ezejuta projetu 200 tinan-tinan no aumenta númeru loron servisu ba 50 (tuir *status quo* traballadór 106 ba projetu idak-idak).

Senáriu 3: Habelar programa nia kobertura hodi ezejuta projetu 200 tinan-tinan no aumenta númeru loron servisu ba 75 (tuir *status quo* traballadór 106 ba projetu idak-idak).


Rezultadu sira

Programa nia estensaun prodús kustus iha nível aas liu duké *status quo*. Aleinde ne'e, hanesan mós iha estimativa molok sira-ne'e, kustus ne'e sa'e neneik liu duké PIB, no ida-ne'e hamenus PIB nia partisipasaun relativa, maibé haree ba Despeza Públika Prestasaun nian kustu sa'e iha persentajen despeza total Governu nian. Rezultadu kompletu mak hatudu iha kraik.

Gráfiku 34: Senáriu kona-ba Empregu Rural, ho persentajen PIB nian



Gráfiku 35: Senáriu sira kona-ba Empregu Rural, ho persentajen Despeza Públika sira-nian



Polítika sira ba Ferik/Katuas

Timór Leste nia populasaun ferik/katuas mak karik grupu ida-ne'ebé beneficia husi protesau sasiál nia rejime abranjente liu. Pensaun Sosiál "SAIL" kobre ema ho idade boot liu tinan 60 kuaze porsentu 100 liuhusi transferénsia sosiál ho osan. Eis-funsiunáriu públiku sira iha asesu ba nível pensaun aas liu, ne'ebé asosia ba sira-nia istóriu kona-ba rendimentu iha servisu públiku, no veteranu sira Luta Libertasaun Nasionál mak simu pensaun aas liu iha rai-laran. Kobertura dí'ak no nível prestasaun iha kustu ida, no kustu ida-ne'e aumenta desde programa sira-nia kriasaun. Programa hirak-ne'e sira-nia sustentabilidade mak preokupasaun ida, bainhira ita buka mantein nível protesau adekua ba grupu ida-ne'e.

a. SAIL

Rekomendasaun sira

Avalia potenciál impaktu finanseiru no iha nível muki nian mudansa kona-ba kritériu elejibilidade no kona-ba montante prestasaun sira, atu hadia programa sira-nia efisiénsia;

Avalia mekanizmu indeksasaun nia revizaun – saláriu mínimu setor públiku – atu mantein transferénsia sosiál sira-nia poder kompra konstante durante tempu naruk nia laran.

Tanba programa ida ne'e universál, iha informasaun katak ema balun mós beneficia husi programa transferénsia sosiál sira seluk, hanesan seguransa sosiál tranzitória ka pensaun ba veteranus, no simu mós SAIL. Tanba situasaun ida-ne'e, no haree ba preokupasaun ho programa nia envelope fiskál programa iha tempu naruk nia laran, analiza Senáriu mak proposta hodi hamenus prestasaun sira-nia duplikasaun no hoti esklui indíviduu sira ne'ebé iha prova katak sira la presiza prestasaun, tanba kazu rua kontra programa nia objetivu sira. Senáriu ida tan mak simuladu, iha ne'ebé ita hatama teste kona-ba muki ka ida equivalente – ho maneira haensan ho programa *Bolsa da Mãe* –, ho objetivu atu avalia *trade-off* entre investimentu no impaktu –tanba tuir ita atu hatudu iha kapitulu ida-ne'e, bainhira programa haree de'it kiak sira, nnia efikásia tuun makás o muki iha nasaun aumenta ho maneira signifíkativu.

Aleinde ne'e, prestasaun nia valór ba programa hanesan desde tinan 2010, no ida-ne'e estraga transferénsia no hamenus nia efikásia kona-ba apoiu ba ema ferik/katuas. Senáriu sira ne'ebé propõin iha ne'e hatán ba ida-ne'e no mantein nível prestasaun konstante, tuir liña inflasaun.

Status Quo:

Aumenta prestasaun nia montantetuir inflasaun.

Senáriu 1:

Muda programa nia elejibilidade, la inklui veteranu sira, pensionista rejime tranzitóriu no kontributivu seguransa sosiál nian.

Senáriu 2:

Muda programa nia elejibilidade, no realiza teste kona-ba rikeza (esklui indíviduu sira ho rendimentu boot liu US\$ 5 loron-loron no funsiunáriu públiku sira ativu).


Senáriu 3:

Muda programa nia elejibilidade, no realiza teste kona-ba muki no orienta prestasaun ba sira ne'ebé moris iha liña muki nasional nia okos.


Rezultadu sira

Kontráriu husi rekomendasaun sira seluk no sira-nia kálkulu kona-ba kustus, SAII nia reforma sira buka hamenus programa nia kustus. Hanesan ita bele haree, Senáriu *Status Quo* apresenta kustu aas liu estimativa sira hotu, enkuantu Senáriu sira seluk sira-nia kustus kiik liu uituan, ho exesaun Senáriu 3 ne'ebé hamenus despeza liu sorin ida (tanba corte equivalente kona-ba número beneficiáriu sira, neebé bele hamenus kobertura husi liu porsentu 90 grupu-alvu nian ba menús liu porsentu 20). Tendénsia geral idéntiku ho estimativa molok ne'e: Kustus aumenta neneik liu PIB, no ida-ne'e hamenus nia partisipasaun relativa iha PIB; maibé haree ba Despeza Públika, Kustu Prestasaun sa'e ho persentajen despeza totál Estadu nian. Resultadu kompletu mak apresenta iha kraik. Maibé, atu analiza potenciál konsekuénsia husi reforma hirak-ne'e, tenke konsidera impaktu iha mukit (nia aumentu provável tanba reforma hirak-ne'e sira-nia implementasaun).

Gráfiku 36: Senáriu sira kona-ba Kálkulu Kustus ba SAII, ho persentajen PIB nian



Gráfiku 37: Senáriu kona-ba Kálkulu Kustus ba SAII, ho persentajen Despeza Públika sira-nian



Política sira kona-ba Asesu ba Saúde

Maské sistema saúde públiku universál no gratuito iha Timór Leste, kobertura no asesu efetivu ba populasaun tomak kontinua nafatin dezafiu ida.

Iha nafatin limitasaun barak iha nível oferta servisu saúde, liuliu falta rekursus umanus kualifikadu, infraestrutura saúde la suficiente no suprimentu médiku falta beibeik. Todas estas questões são reconhecidas e abordadas no Planu Estratéjiku Nasionál ba Setor Saúde 2011-2030 rekoñese no

aborda kestaun sira-ne'e hotu¹⁴⁶, no propõin reforma no asaun lubuk ida hodi hadia situasaun hirak-ne'e. Tanba kestaun hirak-ne'e la inklui iha ámbitu DNBA, kustus boot ne'ebé presiza hodi hatán ba lakuna sira ne'e la inklui iha ezersísiu kálkulu kustus ne'ebé apresenta tuimai ne'e.

Aleinde problema oioin ne'ebé iha kona-ba prestasaun servisu saúde, mezmu bainhira infraestrutura disponível, suprimentu no ema, dala ruma ema hasoru difikuldade asesu efetivu ba servisu médiku. Ema ne'ebé moris iha fatin remotu dala barak laiha asesu fasilitadu ba estrada, falta meus transporte no, iha kazu barak, laiha de'it meus hodi bolu servisu médiku emerjénsia (servisu telefóniku la disponível). Baibain, paciente sira tenke lao distánsia dook ka tenke selu servisu transporte karu hodi bele ba to'o iha establesimentu médiku.

Distánsia no kustus asesu ba servisu médiku obstákulu boot ida hodi uza servisu saúde rotina (hanesan ezame pré-natal/pós-partu ka akompañamentu moras króniku) no bele hamosu risku moris ba sira ne'ebé presiza kuidadus emerjénsia. Rekomendasaun no senáriu tuirmai kria tiha hodi haree kestaun hirak-ne'e.

a. Reembolsu Despeza ho Transporte Médiku

Rekomendasaun Avalia viabilidade reembolso despeza transporte kona-ba deslokasaun to'o iha servisu médiku nia fatin, ba ema iha situasaun vulnerabilidade no emerjénsia.

Atu elimina konstrajimentu finanseiru sira ba deslokasaun to'o iha servisu médiku, ita propõin kria programa ida ne'ebé bele reembolso Kustus kontratasaun transporte privadu ba deslokasaun to'o iha establesimentu saúde nian, bainhira servisu públiku la disponível – porezemplu, bainhira sentru médiku laiha ambulánsia hodi transporta paciente sira. Tenke konsidera kestaun barak bainhira projeta polítika ne'e nia implementasaun, hodi garante katak ida-ne'e serve duni ba sira ne'ebé presiza, no la fó marjen atu akontese abuzu utilizaun sistema nian.

Senáriu 1: Kustus reembolso transporte ba servisu saúde, ba paciente iha situasaun emerjénsia – to'o US\$ 20.

Senáriu 2: Reembolsu Kustus transporte ba unidade saúde, ba paciente kiak iha situasaun emerjénsia – to'o US\$ 20.

Senáriu 3: Reembolsu kustus transporte ba unidade saúde, ba paciente kiak iha situasaun emerjénsia – to'o US\$ 20 – iha Munisípiu ho ambulánsia ne'ebé la suficiente no/ka iha ne'ebé laiha liña telefónica ba emerjénsia.

Rezultadu sira


Introdusaun benefísiu bele iha kustu kiik, no representa persentajen kiik PIB no despeza pública nian. Ne'e hatudu katak tipu benefísiu hanesan ne'e iha potenciál atu bele sa'e solusaun eficiente hodi aumnetu asesu ba servisu saúde.

Maibé, introdusaun polítika ne'ebá tenke objetu ba estudu ida detalladu liu kona-ba kustu-benefísiu, tanba informasaun kona-ba buka no kon-ab kustus transporte bazeia ba ipóteze luan tanba falta dadus espesífikus kona-ba matéria ida-ne'e.


Hanesan ho Senáriu molok ida-ne'e, kustus tuun iha persentajen PIB no sa'e ho persentajen Despeza Pública nian. Rezultadu kompletu mak hatudu iha kraik.

¹⁴⁶Detalle liu iha: RDTL, Ministério da Saúde. 2011. Plano Estratégico Nacional do Setor da Saúde 2011-2030.

Gráfiku 38: Introdusaun Reembolsu Despeza ho Transporte Médiku, ho persentajen PIB nian



Gráfiku 39: Introdusaun Reembolsu Despeza ho Transporte Médiku, ho persentajen Despeza Públika sira-nian



b. Insetivu ba Kuidadus Materno-Infantíl

Rekomendasaun Avalia possibilidade kriaun insetivu (finanseiru ka espésie) atu inan sira bele beneficia kuidadus pré-natal no pós-partu no bele lori sira-nia oan hodi realiza ezame rotina.

Komparénsia kiik hodi realiza ezame pré-natal no pós-partu bele esplika uituan ho razaun difikukdade asesu ne'ebé feto isin rua no inan sira hasoru atu bá instalasaun no estabesimentu médiku. Kustus ba tempu, no dala barak mós kustus osan, atu bá sentru médiku ida bele determina ho maneira signifiativu desizaun atu bá ka la bá servisu hirak-ne'e.

Ne'e duni, hodi hamenus barreira asesu no atu kria insetivu ba feto isin-rua no ba inan sira atu sira bele bá halo ezame rotina ne'ebé rekomendadu, oferese benefísiu kiik ida (atu define benefísiu ne'e mak finanseiru ka espésie¹⁴⁷) nu'udar "rekompensa" ba nia komparénsia no ba kuidadus ne'ebé fó ba bebé. Ba ezersísiu hodi kalkula kustus, valór másimu benefísiu ida-ne'e nian mak uza hodi kalkula potenciál kustu implementasaun ba programa ida-ne'e.


¹⁴⁷ Benefísiu sira en jéneru bele inklui item ne'ebé agregadu familiar valoriza durante tempu naruk nia laran (porezemplu, iha vizita médica idak-idak, inan simu sasan ruma ba uzu doméstiku) ka buat ruma ne'ebé fasilita labarik nia kuidadu (porezemplu roupa bebé ka popok).

- Senáriu 1:** Entrega benefísiu ida ho valór US\$ 5 iha vizita pré-natal idak-idak husi total vizita 4 ne'ebé rekomendadu no ida tan ho valór US\$ 10 ne'ebé entrega iha ezame pós-natal 2 ne'ebé rekomendadu.
- Senáriu 2:** Entrega benefísiu ida ho valór US\$ 10 iha vizita pré-natal idak-idak husi total vizita 4 ne'ebé rekomendadu no ida tan ho valór US\$ 15 ne'ebé entrega iha ezame pós-natal 2 ne'ebé rekomendadu.
- Senáriu 3:** Entrega benefísiu ida ho valór US\$ 5 iha vizita pré-natal idak-idak husi total vizita 4 ne'ebé rekomendadu no ida tan ho valór US\$ 10 ne'ebé entrega iha ezame pós-natal 2 ne'ebé rekomendadu – ba família kiak de'it (liuhusi realizaun teste kona-ba mukit).


Rezultadu sira

Introdusaun husi benefísiu ida-ne'e iha kustu kiik, no representa PIB no despesa públika nia percentajen kiik loos. Ne'e hatudu katak tipu benefísiu ne'e iha potenciál nu'udar solusaun eficiente hodi aumenta prokura ba kuidadus materno-infantil, molok no depoizde bebé moris. Hanesan ho Senáriu sira molok ne'e, kustus tuun ho percentajen PIB no aumenta ho percentajen despesa públika nian. Ita hatudu rezultadu kompletu iha kraik.

Gráfiku 40: Introdusaun Insentivu sira ba Kuidadus Materno-Infantil, ho percentajen PIB nian



Gráfiku 41: Introdusaun Insentivu sira ba Kuidadus Materno-Infantil, ho percentajen Despesa Públika sira-nian




Sumáriu kona-ba Ezersísiu Kálkulu Kustus sira-nian

Nível investimentu agora daudun iha protesaun sosiál iha Timór Leste hanesan argumentu forte hodi aumenta sistema nia impaktu no la presiza uza nível despeza aas liu. Kustus ne'ebé discute iha-ne'e inklui de'it mak iha polítika no rekomedasaun lubuk ida ne'ebé bele estima bainhira uza ferramenta PAL, ne'ebé deskreve tiha ona iha kapitulu ida-ne'e. Programa no polítika sira seluk, hanesan pensaun veteranus, sistema kontributivu seguransa sosiál, sistema nasionál saúde nian no nia programa sira SISCA no *Saúde na Família*, atu hatudu de'it balun, la inklui iha ezersísiu kálkulu kona-ba Kustus. Atu prevé investimentu hirak-ne'ebé presiza iha tinan 15 oin mai, ita tenke halo estudu klean no espesializadu. Ne'e duni, iha âmbito relatóriu ida-ne'e, referénsia kona-ba mudansa kustus refere ba alterasaun iha programa sesionadu nia Kustu no ba Introdusaun programa foun tuir buat ne'ebé estabelese iha rekomedasaun sira.

Husi rezultadu ne'ebé apresenta iha seksaun molok ida-ne'e, Senáriu *Status Quo* nia mak dominadu ho programa SAIL, *Bolsa da Mãe* no Merenda Eskolar, ho ekilíbriu entre benefísiu sira ne'ebé orienta ba labarik sira no ba ferik/katuas. Bainhira ita aplika rekomedasaun siraluihusi Senáriu propostu, ita uza senáriu jerál rua, Senáriu ida ho baixu kustu no senáriu ida altu kustu.¹⁴⁸ Gráfiku 42 hatudu kustus estimadus nia rezumu ba programa sira-nia manutensaun ho parámetru no konsesaun ne'ebé eziste, Senáriu *Status Quo*, no ba introdusaun reforma propostu, ho Senáriu altu kustu no baixu kustu.

Gráfiku 42: Rezumu kona-ba kustus Estimadus to'o tinan 2030, programa no Senáriu sira sesionadu, ho persentajen PIB nian, tuir garantia PPS nia ne'ebé dominante.



Senáriu baixu kustu hatudu kustus aas liu uituan duké *Status Quo*. Ne'e akontense tanba reforma propostu ba SAIL, ne'ebé iha nia versaun radikál liu, hamenus númeru benefisiáriu três kuartus, enkuantu reforma sira ba programa *Bolsa da Mãe* no *Merenda Eskolar*, no introdusaun programa

¹⁴⁸ Senáriu baixu kustu inklui Senáriu sira ho kustu kiik liu entre rekomedasaun sira ba programa idak-idak, inklui prestasaun foun sira-nia kriaun. Husi sorin seluk, Senáriu altu kustu inklui senáriu ho kustu aas liu entre parámetru estimadu, inklui prestasaun foun. Senáriu sira ne'e hotu, altu no baixu, la konsidera *Status Quo*.

Transporte Eskolar ida, apresenta kustus aas liu duké nível atuál. Kompozisaun detalladu ba Senáriu idak-idak ita bele haree iha Aneksu II.

Ho maneira hanesan, kustus ba Senáriu altu kustu ne'ebé dada husi programa Merenda Eskolar no Transporte Eskolar, ne'ebé hamutuk representa maizoumenus porsentu 3,4 PIB nian iha tinan 2030; programa *Bolsa da Mãe*, iha kazu n'e kuzae universál, bele custa maizoumenus porsentu 3,6 PIB nian. Iha Senáriu altu, investimentu iha labarik sira sa'e dominante bainhira relasiona ho garantia PPS sira seluk.

Importante foka katak, entre Senáriu oioin, inklui *Status Quo*, investimentu ne'ebé orienta ba individuu sira iha idade ativa kiik liu duké sira-ne'ebé orienta ba labarik no ba ferik/katuas sira. Ne'e mak refleksu presupostu katak, ikus liu, transferénsia sira ne'ebé halo iha agragadu familiar nia laran bele halo benefísiu sira to'o iha populasaun barak liu, mezmuké formalmente ema hirak-ne'e la inklui iha grupu-alvu.

Independentemente manutensaun *Status Quo* ka reforma proposta iha Senáriu Kustus kiik liu no aas liu, despeza ho protesaun sosiál iha Timór Leste mak rubrika boot ida iha orsamentu Estadu nian no nia programa sira afeta diretamente ema nia moris rihun ba rihun. Hili atu mantein programa sira ka atu implementa reforma sira tenke bazeia ba dados no koñesimentu metin, no tenke konsidera konsekuénsia posível sira hotu ne'ebé mudansa hirak-ne'e bele hamosu.

Aleinde ne'e, rekomendasaun sira liuhusi prosesu DNBA sobrepostu ka hamosu konfliktu. Komprende potenciál impaktu ba mukit, pozitivu no negativu importante atu bele foti desizaun polítika efikás liu, atu hadia investimentu públiku nia aproveitamentu. Ba fin ida ne'e, seksaun tuirmai analiza senáriu propostu sira-nia potenciál impaktu hodi hamenus mukit.

Kustus no Benefísiu sira – Impaktu Potensiál ba Mukit

Atu halo estimativa kona-ba rekomendasaun proposta sira-nia impaktu ba mukit (no konsidera mukit monetáriu) iha Timór Leste, ita realiza ezersísiu mikrosimulasaun. Ezersísiu mikrosimulasaun uza inkéritu ba agregadu familiar sira hodi haree potenciál impaktu husi mudansa polítika kona-ba konsumu doméstiku ka individual, ka kona-ba nível rendimentu no, tuirmai, impaktu kona-ba mukit nia insidénsia no klean.¹⁴⁹ Simulasaun hirak-ne'e fó indikasaun inisiál kona-ba impaktu posível ne'ebé introdusaun prestasaun protesaun sosiál iha ba mukit. Análize mós fó informasaun tan kona-ba potencial kustu-benefísiu reforma idak-idak ka prestasaun ia introdusaun, no husik diskusaun informadu liu pkona-ba formulasaun polítika sira. Aleinde ne'e, ezersísiu mikrosimulasaun observa estensaun protesaun sosiál nu'udar investimentu ida ne'ebé kontribui ba dezvoltamentu nasionál, envésde kustu. Deskrisaun ida detalladu liu kona-ba metodologia aplicada bele consulta iha Aneksu III.

Konjuntu dados utilizadu ba mikrosimulasaun bazeia ba Inkéritu kona-ba Kondisaun Moris iha Timór Leste - 2014 (TLSLS-3). TLSLS-3 estabese limiar Nasionál mukit nian ho valór US\$ 1,54 *per kapita*, ba loron ida. Ida-ne'e mak liña mukit ne'ebé uza hanesan padraun ba ezersísiu mikrosimulasaun. Individuu sira ho konsumu *per kapita* iha lia mukit nia okos sei konsidera kiak

¹⁴⁹ Porezemplu, karik Prestasaun foun US\$ 10 fulan-fulan atribui ba individuu ho konsumu mensál é US\$ 40, ezersísiu mikrosimulasaun permite avalia individuu nia konsumu mensál foun. Aleinde ne'e, permite mós avalia karik situasaun mukit muda ba indivisuu depoizde prestasaun nia introdusaun. Iha ezemplu leten, depoizde simu prestasaun, individuu nia konsumu mensal sa'e ba US\$ 50, ne'ebé iha liña nasionál mukit, estabeseida iha US\$ 46,37 – ne'e duni, iha ezemplu ida ne'e, Prestasaun husik individuu sai husi situasaun mukit monetáriu.

no, tuir konjuntu dados TLSLS-3, insidénsia mukt iha nasaun mak porsentu 41,8 iha tinan 2014, no padraun referénsia ba medisaun impaktu hamenus mukt iha ámbitu ezersísu nian.

Simulasaun kona-ba Senáriu propostu sira-nia impaktu

Senáriu sira ba simulasaun hili bazeia ba benefísiu spropostu sira-nia natureza, no ba disponibilidade dados relevante iha baze dados. Husi situasaun *Status Quo* ne'ebé ita observa iha dados, ita sukat situasaun mukt indíviduu sira-nia. Tuirmai, indíviduu sira-nia konsumu modifikadu liuhusi prestasaun sosiál nia introdusaun ka reforma, ne'ebé sira iha ka laiha direitu, no ita assume katak Senáriu Rekomendasaun sira-nian implementa tomak. Ikus liu, sukat mukt iha konstestu situasaun foun atu estabeselese karik iha mudansa kona-ba mukt nia insidénsia iha nasaun. Senáriu sira simuladu espesífika iha kraik, iha seksaun rezultadu.

Senáriu Simuladu molok Transferénsia Sosiál sira

Ezersísu mikrosimulasaun mós permite observa oinsá mukt evolui potenciálmente karik prestasaun disponível agora daudaun pára, kazu baze dados iha variável nesésaria atu halo. Iha prátika, tipu simulasaun ida-ne'e oferese estimativa ida besik redusaun mukt ne'ebé programa sira ne'ebé iha prodús. Iha kazu TLSLS-3, ita identifika família no indíviduu sira ne'ebé simu transferénsia programa *Bolsa da Mãe*, SAI, Pensaun Veteranus no "*benefísiu seluk*", no nia montante sira. Ho informasaun ida-ne'e, posível ona atu simula pretasaun hirak-ne'e sira-nia remosaun husi agregadu familiar no, bainhira hasai tiha ona, avalia nível konsumu foun *per kapita* lahó prestasaun sira-ne'e. Ne'e permite kalkula insidénsia mukt iha kontestu situasaun foun agregadu nian.

Senáriu kriadu oferese estimativa ida kona-ba insidénsia mukt "molok transferénsia sira" – porezemplu, karik taxa mukt nasional mak porsentu 41,8 liu iha tinan 2014, no depoizda hasai prestasaun klasifikadu hanesan "*benefísiu seluk*" medisaun foun hatudu taxa mukt porsentu 42,8, no ita bele interpreta katak "*benefísiu seluk*" komesa hamenus mukt pontu persentuál 1.

Bainhira aplikadu ba konjuntu dados TLSLS-3, rezultadu simulasaun ne'e hatudu katak programa *Bolsa da Mãe* hamenus insidénsia mukt maizoumenus pontu persentuál 0,8, SAI hamenus insidénsia mukt maizoumenus pontu persentuál 2,7, Pensaun Veteranus hamenus insidénsia mukt maizoumenus pontu persentuál 2,1 no "*benefísiu seluk*" hamenus insidénsia mukt maizoumenus pontu persentuál 0,4.

Ne'e duni, ezersísu ne'e hatudu katak programa hirak-ne'e hamutuk, iha tinan 2014, contribui hodi hamenus insidénsia mukt pontu persentuál 6; karik hasai tiha, taxa mukt sa'e ba porsentu 47,8 populasaun totál. Maibé, rezultadu hirak-ne'e tenke konsidera ho kuidadu, tanba insidénsia no montante ne'ebé simu dala ruma subestimadu, no ida-ne'e bele hamosu distorsaun kona-ba dados rejistados. Rezultadu sira tenke interpreta hanesan estimativa besik ne'ebé bele oferese indikasaun kona-ba eventual senáriu real. Atu obtein presizaun dí'ak liu kona-ba programa sira-nia impaktu, tenke halao estudu klean kona-ba idak-idak nia impaktu ba mukt.

Ezersísu Mikrosimulasaun nia Rezultadu sira

Ezersísu ida-ne'e nia rezultadu sugere katak senáriu propostu balun iha potenciál atu contribui hodi hamenus duni mukt iha Timór Leste. Hsi sorin seluk, reforma balun propostu iha potenciál atu nakfila avansu iha luta contra mukt no ita tenke konsidera ho kuidadu.

Ita labele rezultadu hirak-ne'e ketak, tanba polítika metin ida tenke konsidera impaktu, maibé tenke mós konsidera kustu intervensaun, atu avalia dí'ak liu opsaun ne'ebé dí'ak liu ba nasaun. Tabela 6 ahtudu rezultadu ezersísu mikrosimulasaun ba senáriu idak-idak ne'ebé

aplikametodolojia, no hatudu impaktu potenciál ba reforma idak-idak ba insidénsia mukit, ninia kustus ba senáriu idak-idak no indikator kustu-benefísiu (ho persetajen PIB) ba kada pontu percentual ne'ebé reforma proposta hamenus.

Tabela 6: Rezultadu husi Ezersísiu Mikrosimulasaun iha Senáriu sira ne'ebé hili, ho Kustus, tuir programa no garantia PPS nian.

<i>Senáriu Simuladu</i>		Potensiál Hamenus Mukit	Kustu Estimadu iha tinan 2030 (% PIB nian)	Kustu p.p. Hamenus Mukit (% PIB nian)
<i>Senáriu kona-ba Polítika ba Labarik sira</i>				
<i>Bolsa da Mãe</i>	Senáriu A: Hasai valór prestasaun 100% (US\$ 10 ba fulan ida, ba labarik ida iha tinan implementasaun nian)	1,0 p.p.	0,93 %	0,93 %
	Senáriu B: Hasai valór prestasaun 240% (US\$ 17 ba fulan ida, ba labarik ida iha tinan implementasaun nian)	2,3 p.p.	1,57 %	0,68 %
	<i>Senáriu sira ho prestasaun ne'ebé mantein iha nível atuál</i>			
	Senáriu 1: Elejibilidade universál husi tinan 0 to'o tinan 3, mantein EdV husi tinan 4 to'o tinan 17.	0,4 p.p.	0,78 %	1,95 %
	Senáriu 2: Elejibilidade universál husi tinan 5, mantein EdV husi tinan 6 to'o tinan 17.	0,6 p.p.	0,93 %	1,55 %
	Senáriu 3: Elejibilidade universál husi tinan 0 to'o tinan 8, mantein EdV husi tinan 9 to'o tinan 17.	1,1 p.p.	1,13 %	1,02 %
	Senáriu 4: Elejibilidade universál husi tinan 0 to'o tinan 14, mantein EdV husi tinan 15 to'o tinan 17.	2,0 p.p.	1,50 %	0,75 %
	Senáriu 5: Elejibilidade universál husi tinan 0 to'o tinan 17.	2,3 p.p.	1,66 %	0,72 %
	<i>Senáriu sira bainhira bainhira hasae prestasaun 100%</i>			
	Senáriu 1: Altera elejibilidade ba universál husi tinan 0 to'o tinan 3 anos, mantein EdV husi tinan 4 to'o tinan 17.	1,1 p.p.	0,99 %	0,90 %
	Senáriu 2: Altera a elejibilidade ba universál husi tinan 0 to'o tinan 5, mantein EdV husi tinan 6 to'o tinan 17.	1,7 p.p.	1,18 %	0,69 %
	Senáriu 3: Altera elejibilidade ba universál husi tinan 0 to'o tinan 8, mantein EdV husi tinan 8 to'o tinan 17.	2,5 p.p.	1,44 %	0,57 %
	Senáriu 4: Altera elejibilidade ba universál husi tinan 0 to'o tinan 14, mantein EdV husi tinan 15 to'o tinan 17.	4,4 p.p.	1,93 %	0,43 %
	Senáriu 5: Altera elejibilidade ba universál husi tinan 0 to'o tinan 17.	5,2 p.p.	2,14 %	0,41 %
	<i>Senáriu sira bainhira hasae prestasaun 240%</i>			
	Senáriu 1: Elejibilidade universál husi tinan 0 to'o tinan 3, mantein EdV husi tinan 4 to'o tinan 17.	1,7 p.p.	1,68 %	0,98 %

Senáriu 2: Elejibilidade universál husi tinan 0 to'o tinan 5, mantein EdV husi tinan 6 to'o tinan 17.	2,9 p.p.	2,00 %	0,68 %
Senáriu 3: Elejibilidade universál husi tinan 0 to'o tinan 8, mantein EdV husi tinan 9 to'o tinan 17.	4,5 p.p.	2,45 %	0,54 %
Senáriu 4: Elejibilidade universál husi tinan 0 to'o tinan 14, mantein EdV husi tinan 15 to'o tinan 17.	8,9 p.p.	3,28 %	0,36 %
Senáriu 5: Elejibilidade universál husi tinan 0 to'o tinan 17.	9,8 p.p.	3,64 %	0,37 %
Subsídriu ba labarik sira ho Defisiénsia: Fó prestasaun sira tuir liña SAIL ba labarik sira hotu ho defisiénsia (US\$ 30 fulan-fulan ba labarik idak-idak, iha tinan implementasaun nian).	0,2 p.p.	0,03 %	0,15 %

Senáriu sira kona-ba Política ba Ferik/Katuas

SAIL	Senáriu 1: Altera elejibilidade programa nian, la inklui veteranu sira, pensionista husi rejime tranzitóriu no kontributivu seguransa sosiál nian.	0,0 p.p.	1,39 %	n.a.
	Senáriu 2: Altera elejibilidade programa nian, ho realizasaun testes kona-ba rikeza (la inklui individuu sira ho rendimentu boot liu US\$ 5 loron-loron no funsióriu públiku ativu)	0,0 p.p.	1,35 %	n.a.
	Senáriu 3: Altera elejibilidade programa nian, ho realizasaun testes kona-ba mukit no direiona prestasaun ba sira ne'ebé moris iha li'na mukit nasional nia okos de'it.	+ 2,2 p.p.*	0,38 %	n.a.

Senáriu de Políticas para o Asesu à Saúde

Kuidados Materno-Infantil	Senáriu 1: Benefísiu ho valór US\$ 5 sei fó iha vizita idak-idak husi total vizita pré-natal 4 rekomendadu no ida tan ho valór US\$ 10 ne'ebé enrga iha ezame pós-natal idak-idak husi total ezame 2 rekomendadu.	0,3 p.p.	0,04 %	0,13 %
	Senáriu 2: Benefísiu ho valór US\$ 10 sei fó iha vizita idak-idak husi total vizita pré-natal 4 rekomendadu no ida tan ho valór US\$ 15 ne'ebé enrga iha ezame pós-natal idak-idak husi total ezame 2 rekomendadu	0,4 p.p.	0,08 %	0,20 %
	Senáriu 1: Benefísiu ho valór US\$ 5 sei fó iha vizita idak-idak husi total vizita pré-natal 4 rekomendadu no ida tan ho valór US\$ 10 ne'ebé enrga iha ezame pós-natal idak-idak husi total ezame 2 rekomendadu. – ba família (mediante realizasaun teste ida kona-ba mukit).	0,3 p.p.	0,02 %	0,06 %

Senáriu Agregados

Senáriu ba Baixu Kustu	+1,3 p.p.*	1,21 %	0,93 %*
Senáriu ba Kustu Aas	10,4 p.p.	5,14 %	0,49 %

Fonte 24: Autór nia kálkulu bazeia ba TLSLS-3

*Valór hirak-ne'e representa aumentu insidénsia iha nasaun.

Hanesan ita bele haree, Senáriu balun rekomendadu hatudu poténsiál boot ida kona-ba hamenus mukt, enkuantu sira seluk bele nakfila avansu balun ne'ebé realizadu ona iha tinan 15 ikusmai. Estratéjia oioin hodi apoiu hamenus mukt iha impaktu poténsiál oioin no iha mós kustus oioin, no sugere katak programa balun bele ekonómiku liu duké sira seluk. Porezemplu, poténsiál hamenus mukt ho introdusaun insentivu propostu ba Kuidadus Materno-Infantis mak modestu bainhira ita kompara ho Senáriu sira kona-ba programa *Bolsa da Mãe*; maibé, nia kustus kiik liu, no sugere katak mesmuké hanesan ne'e bele solusaun efikás ida. Ida-ne'e mós bele ba kriaun prestasaun ida ba labarik sira ho defisiénsia.

Kona-ba relasaun kustu-efikásia, sira-ne'e bele muda barak, inkluzive ba programa ida de'it, bainhira ita konsidera parámetru ne'ebé la hanesan. Senáriu dezvoltadu ba programa *Bolsa da Mãe* hatudu ida-ne'e ho klaru. Bainhira mantein prestasaun iha nível atual, poténsiál hodi hamenus mukt limitadu uituan (no varia entre p.p. 0,4 no p.p. 2,3 hamenus mukt), ho kustu boot liu reforma sira seluk. Bainhira ita halo kombinasaun entre prestasaun nia aumentu valór no kobertura nia estensaun, simulasaun sira hatudu rezultadu eficiente liu ba kustus, hanesan ita bele haree iha senáriu 4 no 5. Ida-ne'e, hamutuk ho análise kona-ba prestasaun sira-nia adekuasaun iha Kapítulu 3, haforsa argumentu katak, maské programa halo transferénsia ba benefisiáriu sira-nia agregadu familiar, karik nível prestasaun aas liu, impaktu ba mukt aumenta liu duké aumentu ida proporsionál.

Husi sorin seluk, limita SAI nia elejibilidade bele compromete esforsu hamenus mukt parte boot ida ne'ebé ita observa iha Timór Leste iha década ikusmai. Bainhira la inklui sira-ne'ebé karik la presiza prestasaun (senáriu 1 no 2), taxa mukt nafatin iha nível hanesan. Maibé, impozisau teste kona-ba mukt, ka mekanizmu hanesan, bele lori família barak sa'e kiak fali – provavelmente ho impaktu negativu boot liu ho impaktu ne'ebé simulasaun hatudu, tanba iha ne'e ita assume identifikasaun perfeita kona-ba ema kiak, no ida-ne'e dook loos husi realidade. Aleinde ne'e, corte ida-ne'e ba benefisiáriu sira SAI loro ema tama fali situasaun mukt nomós, husi pontudevista nasional, hamenus sistema protesaun sosiál iha Timór Leste nia efikásia, tuir ita bele haree iha senáriu kona-ba baixu kustu. Ne'e duni, mesmu ho investimentu boot liu, reduzaun mukt ne'ebé alkansa ho programa sira hotu kiik liu nível atuál, ne'e katak, taxa kona-ba mukt sa'e, revertida ho kobertura SAI nia diminuisaun.

Tanba metodologia ida-ne'e nia limitasaun sira, rezultadu ne'ebé apresenta tenke hare nu'udar indikativu kona-ba poténsiál hodi hamenus mukt no hanesan medida ida ne'ebé husik ita kompara impaktu simuladu ho kustus simuladu (tuir modelu PAL), no la'os hanesan ferramenta presiza hodi identifika ema na'in hira mak atu sai husi mukt karik mudansa ruma realiza iha quadru protesaun sosiál timoroan. Maibé, tenke analiza ho kuidadu rezultadu produzidu, tanba eskolla política – ne'ebé dala ruma atu hanesan, ka ho konsekuénsia kiik liu – bele prodús impaktu magnitude boot liu duké observasaun superfisial ida bele sujere. Determina rekomendasaun no senáriu propostu hirak-ne'ebé atu implementa depende la'os husi kustus ka impaktu de'it, maibé mós husi disponibilidade rekursus finanseiru no umanus. Seksaun tuirmai discute dezafiu ne'ebé ita tau iha mobilizasaun rekursus ba protesaun sosiál.

Análize Badak kona-ba Espasu Fiskál

Maské tendénsia kreximentu despeza pública, espasu fiskál ba protesaun sosiál iha década tuirmai bele tuun. Governu nia prioridade atual mak investe iha kriaun infraestrutur física atu nasaun bele atraí investimentu estranjeiru no setor privadu nasional bele buras. Tuir hatudu iha Kapítulu


2, hamutuk ho situasaun ida-ne'e mak dekréximu reseita iha setor petrolíferu, ne'ebé fonte reseita prinsipál iha rai-laran, no aumentu konsumu reserva fiscal Fundu Petrolíferu nian. Perspetiva mak défise fiskal (naun petrolíferu) tuun, maibé kontinua signifikativu durante períodou projesaun tomak.

Iha senáriu desafiante ida-ne'e, karik fonte realista liu kona-ba espasu fiskál ba programa protesaun sosiál mak redistribuisaun no redefinisau prioridade husi orsamentu ne'ebé iha. Tuir ita observa iha Kapítulu 3, investimentu iha grupu veteranu sira boot liu duké investimentu iha grupu sira seluk ho maneira la proporsional no, konsidera regra jenerosa kona-ba transmisaun direitus ba dexendente ka membru família sira seluk, programa nia orsamentu tuun neneik durante tempu nia laran.

Maské la desrespeitu direitu adkiridu, karik estabelese kontrolu rigorozu liu kona-ba hereditariedade direitus no definisaun klaru kona-ba kondisaun atu benefísiu bele transmite ba jerasaun foun, bele hamenus programa sira-nia kustus ho maneira efektivu no kria espasu fiskál importante ba medida protesaun sosiál sira seluk. Independentemente husi taxa reduzaun programa ba veteranus sira-nia kustus, importante atu garante katak rekursu libertadudurante tina barak nia laran bele orienta ba polítika protesaun sosiál ho impaktu boot liu ba situasaun mukt, tuir ita observa iha kapítulu molok ida-ne'e.

Husi senáriu estimadu, senáriu kona-ba baixu kustu hatudu de'it impaktu kiik iha balansu fiskal nasaun nian, hanesan ita bele haree iha Gráfiku 43. Senáriu kona-ba kustus aas aumenta défise públiku ba porsentu 48 PIB nian. Aumentu défise lalais husi tinan 2017 ba tinan 2018 mosu tanba kombinasau gastu menor Estadu nian iha tinan dahuluk, tanba tinan eleitorál, no tanba reseita petrolífera boot liu ne'ebé tenke simu.

Gráfiku 43: Balansu Fiskál Projetadu ba Timór Leste, ho persentajen PIB nian



Durante períodou ne'ebé estudu ida-ne'e hala'o, Fundu Petrolíferu bele kompensa défise orsamentál atual no futuru nian. Maibé, situasaun ida-ne'e han nia riqueza no hamenus retornu finanseiru ocos nian. Ba longu prazu, sustentabilidade fiskal depende husi investimentu públiku iha infraestrutura no kapitál umanu nia retornu, no iha kriaun kondisaun favorável ba kreximentu setór privadu, atu bele kria nível recita naun petrolífera boot liu. Orsamentu ba protesaun Sosiál, maské elementu krítiku iha ekuasaun ida ne'e, bele influensia rezultadu sira ne'ebé di'ak no sira ne'ebé la di'ak. Karik investe didia'k no kordena orsamentu protesaun sosiál, sei ajuda dudu dezvoltamentu umanu no, tuirmai, lori retornu aas liu iha kapitál umanu. Maibé,



karik investimentu sira halo mak iha programa sira ho retornu kiik/impaktu kiik, sei iha agravamentu husi pozisaun fiskál ne'ebé kestaun delikadu ona ba Governu. Realiza investimentu eficiente no efikás esensiál ba Estratéjia Nasionál Protesaun Sosiál iha Timór Leste nia susesu.

6. KONKLUSAUN NO MEIUS HODI PROMOVE PIZU PROTESAUN SOSIÁL IHA TIMÓR LESTE

Relatóriu ida-ne'e apresenta Diálogo Nasionál ne'ebé Bazeia ba Avaliasaun Protesaun Sosiál iha Timór Leste nia konklusaun no rekomendasaun sira, Diálogo ne'e la'o husi tinan 2016 nia hahú 2016 to'o iha 2018.

Ita observa katak avansu ne'ebé Timór Leste halo desde independénsia mak notável, maibé hodi alkansa objetivu sira establesidu iha nia Planu Estratéjiku Dezenvolvimentu Nasionál nian (PED) nomós hodi konkretiza Objetivu Dezenvolvimentu Sustentável to'o tinan 2030, progresu ida-ne'e tenke acelera liutan.

Agora daudaun iha nafatin lakuna balun kona-ba provizaun Pizu Protesaun Sosiál ida ba timoroan sira hotu. Durante tinan 15 ikusmai, ita harii sistema protesau n soslál ida ne'ebé luan no diversifikadu, no ne'ebé konstitui baze metin iddi hamenus mukit no ba dezenvolvimentu umanu, no ajuda ida ba PED nia susesu no ba ODS nia prosekusaun.

Atu ne'e, sistema protesau n soslál timoroan tenke efikás no eficiente liu. Ida-ne'e vitál, no bainhira ita konsidera katak nasaun nia motor ekonómiku prinsipál – setor petrolíferu – atu hasoru diminuisaun signiflikativu, no nia rezultadu mak espasu fiskál kiik liu no iha senáriu polítiku ida delikadu liu.

Bainhira ita halo análise hanesan tomak ida, ita haree katak sistema ne'e fragmentadu hela no apresenta diverjénsia entre objetivu naslonál no investimentu alokaduba programa oioin. Falta kuadru ida abranjente no koordinadu ba protesau n soslál hamosu lakuna sira oioin iha sistema ne'ebé iha, no husik ema barak laiha kobertura no apoiu adekuadu. Iha sentidu ne'e, dezenvolvimentu no implementasaun Estratéjia Nasionál Protesau n Soslál dahuluk iha nasaun representa hakaat esenslál hodi fó ferramenta polítika ida nível aas ne'ebé posibilita sistema nia kordenasaun no integrasaun.

Maské protesau n soslál konstitui parte signiflikativu despesas Estadu nian, ekivalente ba porsentu 15,5 PIB naun petrolíferu nian iha tinan 2015, parte boot liu konsentra iha programa sira ba veteranu no família mártires luta libertasaun naslonál sira-nian. Rekursu sira-nia distribuisaun la ekilibradu prodús diferença boot loos kona-ba nível protesau n ne'ebé oferese ba populasau n, no regra jenerozu ba ereditariedade direitu sira bele hamosu deziguladade boot entre família veteranu no sira ne'ebé la'os veteranu.

Maibé, iha senáriu kona-ba hamenus espasu fiskál ne'ebé Timór Leste karik atu hasoru duni iha dékada oin mai, importante katak orsamentu konsiderável ne'ebé aloka ba veteranu sira-nia programa bele orienta fali ba programa protesau n soslál sira seluk, no la'os ba finalidade seluk. Elabora estratéjia ida ba transferénsia gradual rekursus, ne'ebé liberta iha programa sira ba veteranus, atu ba medida ho impaktu boot liu hodi hanenus mukit mak instrumentu importante ida hodi assegura polítika protesau n soslál ho baze abranjente liu no ba tempu naruk nian laran sira-nia finansiamentu. Sedu liu tranzisaun ida-ne'e hahú nia halo planu no define nia regra sira, fáclil liu ita bele hasoru situasaun.

Husi pontudevista operasionál, programa barak hasoru problema hanesan. Maioria sofre ho falta rekursus finanseirus no umanus, ho falta mekanizmu kontrolu qualidade, monitorizasaun no avaliasau n, no kapasidade implementasaun limitadu. Kestaun hirak-ne'e iha refleksu iha servisu sira-nia qualidade, iha beneflsiu sira-nia provizaun irregular, iha atrazu no interrupsaun prestasaun

servisus no, enjerál, iha nível kiik liu protesaun ba populasau. Hadia dezvoltamentu kapasidade sira (iha nível sentrál no munisipál), mekanizmu koordinasau no troka informasau entre ajénsia governamental esensiál atu implementa operasau eficiente no efikás.

Protesau Sosiál nia kobertura muda barak entre programa sira no ita bele identifika lakuna entre populasau. Maské polítika balun iha númeru benefisiáriu limitadu, bainhira ita observa grupu-alvu ita haree katak kobertura efetiva bele aas loos, hanesan ho kazu programa kuidadus esensial ba Resén-naxidu (bebé ne'ebé foin moris), ne'ebé cobre grupu-alvu porsentu 90,9. Husi sorin seluk, rejime sira seluk, maské ho númeru benefisiáriu boot, la kobre didi'ak populasau-alvu – hanesan programa *Bolsa da Mãe*, ne'ebé alkansa labarik porsentu 28,1.

Kona-ba aspetu ida-ne'e, programa sira hanesan SAIL, Merenda Eskolar o SISCA hatudu katak abordajen universál atu estabesele elejibilidade benefisiáriu sira efikás liu hodi alkansa populasau vulnerável, duké programa sira ne'ebé uza tipu teste ruma kona-ba mukt. Abordajen universál kontribui liu hodi hamenus mukt no atu garante seguransa rendimentus ba ema hotu, maské la orienta de'it ba grupu ema kiak no vulnerável.

Iha dezekilíbriu boot loos entre nível prestasau programa sira-nian, liuliu kona-ba transferénsia sosiál regular. Bainhira ita haree tuir faixa etária, labarik sira simu investimentu *per capita* kiik liu ema hotu nian. Programa sira ne'ebé beneficia númeru indíviuu barak liu fó nível prestasau kiik liu (porezemplu, *Bolsa da Mãe*, Merenda Eskolar no SAIL), ne'ebé limita impaktu ne'ebé polítika hirak-ne'e bele iha hodi hadia ema nia qualidade moris. Husi sorin seluk, prestasau ne'ebé atribui ba veteranu sira no ba mártir sira-nia família jenerozu liu, no bele korresponde ba valór rendimentu familiar mediu dala barak.

Problema kona-ba valór prestasau kiik grave liu iha programa *Bolsa da Mãe*. Programa oferese US\$ 5 fulan/fulan, no representa rendimentu maioria família sira parte kiik loos, inklui kiak sira. Hodi aproveita di'ak liutan transferénsia sosial, liuliu sira-ne'ebé ba labarik sira, prestasau oferese tenke boot liu natón atu prodús rezultadu signifikativu iha família sira-nia moris loron-loron nian. Hasa'e nível prestasau transferénsia sosiál ho baze abranjente no mantein nia nível tinan-ba-tinan mak aspetu rua esensiál hodi hadia sistema protesaun sosiál nia efikásia.

Bainhira ita observa sistema protesaun sosiál timoroann liuhusi lente garantia haat PPS nian, klaru katak presiza hadia atu garante katak indíviuu isra hotu iha asesu ba servisu saúde esensiál no ba seguransa rendimentu iha moris nia faze hotu-hotu.

Iha nível asesu ba servisu esensial saúde nian ho qualidade ba ema hotu, dezafiu mak kestaun oferta no buka servisu médiku. Hadia oferta no qualidade servisu saúde ezije estensaun infraestrutur no asesu ba suprimentu médiku, aumentu rekursus umanus disponível, nomós haforsa mekanizmu ne'ebé ajuda indíviuu sira liu obstákulu jeográfiku ka ekonómiku ne'ebé dificulta nia asesu ba estabesimentu médiku.

Haree ba problema saúde urgente liu iha rai laran, ita tenke hametin esforsu hodi hamenus má-nutrisaun, ho nia maneira oiain, no mortalidade materna no infantil. Problema má-nutrisaun ezije atensaun espesial ida. Taxa insidénsia aas ne'ebé ita observa hamenus qualidade moris populasau parte ida boot, aumenta risku mortalidade infantil no materna, hasa'e risku kona-ba moras króniku no moras ne'ebé la dait, no prejudica nasaun nia dezvoltamentu ba longu prazu. Ita tenke foti medida kordenada no eficiente hodi hasoru má-nutrisaun nia kauza hotu, inklui família sira-nia edukasau kona-ba prátika nutrisiónal no ijiene ne'ebé adekua, hadia asesu ba bee moos, saneamentu no kuidadus saúde adekua, no implementasau medida apoiu ba indíviuu no família ne'ebé la konsege hetan ai-han ho maneira estável no adekua.

Esforsu atu garante seguransa rendimentus ba ema hotu prodús rezultadu limitadu no la hanesan. Iha grupu balun ne'ebé simu apoiu jenerozu, enkuantu maioria populasaun simu apoiu uituan de'it k ala simu apoiu.

Labarik sira simu nível investimentu *per kapita* kiik liu, maské representa kuaze populasaun total sorin ida no maioria ema kiak. Maské iha programa oioin ba labarik sira, iha nafatin lakuna iha nível kobertura no, mesmu bainhira simu apoiu, nível prestasaun kiik demais atu bele halo diferença boot.

Entre labarik sira, grupu etáriu ne'ebé simu apoiu kiik liu mak labarik sira ho tinan kiik liu idade eskolár, husi tinan 0 to'o tinann 5, maské estudu oioin hatudu katak grupu ida-ne'e mak prodús investimentu nia retornu boot liu. Hadia kobertura no apoiu ba infánsia dahuluk, liuliu durante loron moris 1000 dahuluk, hahú bainhira isin-rua, bele aumenta makaas dezvoltamentu infantil iha nível físiku no kognitivu, no fó benefísiu barak ba labarik sira-nia moris di'ak no ba nasaun nia dezvoltamentu iha tempu naruk nia laran.

Programa *Bolsa da Mãe* hatudu potenciál boot hodi hadia labarik vulnerável sira-nia moris. maibé, limitasaun orsamentál no kapasidade operasionál, valór kiik prestasaun sira-nian, problema selesaun benefisiáriu no kalendáriu pagamentu espasadu no irregular liu impede programa ida-ne'e nia impaktu boot liu. Bainhira ita konsidera katak pagamentu prestasaun mak tinan ida dala ida, família sira labele depende husi prestasaun ida ne'e atu hatán ba despeza loron-loron nian, hanesan sosa ai-han ba sira-nia oan. Aleinde ne'e, hanesan ita bele haree ho programa SAI no Merenda Eskolar, foti abordajen universal ida hodi hili benefisiáriu sira bele aumenta makaas alkanse ba família kiak no vulnerável liu liuhusi programa *Bolsa da Mãe*. Ne'e permite evita sala kona-ba eskluzaunne'ebé akontese iha programa sira ne'ebé hili benefisiáriu sira liuhusi eskala vulnerabilidade ka teste seluk hanesan. Módulo ida espesífiku ba programa *Bolsa da Mãe* bele dezvoltadu ba infánsia dahuluk no inklui apoiu ba ina isin-rua no ba labarik sira portador defisiénsia, no oferese kobertura universál no nível prestasaun adekuaudu, no ida-ne'e bele ajuda hakaat-liu problema dezvoltamentu oioin – desde mortalidade infantil no materna to'o iha desnutrisaun – no oferesekondisaun di'ak liu ba timoroan sira hotu ne'ebé foin moris (resén-naxidu).

Hametin apoiu ba infánsia dahuluk no reforma ba programa *Bolsa da Mãe* husik ona hadia labarik sira-nia protesaun. Maibé, karik Programa Merenda Eskolar bele finansia ho maneira adekuaudu no bele foti medida hodi garante refeisaun sira-nia qualidade, programa bele contribui makaas atu hamenus taxa má-nutrisaun iha Timór Leste.

Aleinde indíviduu sira iha idade ativa, protesaun limitadu bainhira ita haree ba kontestu kona-ba risku aas ne'ebé relaciona ho traballu. Entre programas disponível, maioria oferese protesaun kontra situasaun vulnerabilidade espesífiku no estremu, ho kobertura no rekursus limitadu.

Introdusaun sistema kontributivu seguransa sosiál nian avansu importante ba sistema protesaun sosiál ida abranjente liu, liuliu ba indíviduu sira iha idade ativa, no fó ba populasaun nível protesaun no moris-di'ak aas liu. Maibé, molok atinje sistema nia maturidade, prestasaun sei nafatin kiik, tanba traballadór sira bele acumula de'it karreira kontributiva badak durante tinan hahú nian.

Kontestu ida-ne'e, hamutuk ho merkadu traballu nia nível informalidade aas, haforsa argumentu katak kombinasau programa kontributivu no naun kontributivu, hanesan programa SAI ka traballu públiku sira, mak konjuntu polítika sira adekuaudu liuatu garante nível prestasaun no kobertura adekuaudu ba populasaun iha idade ativa. Iha sentidu ida-ne'e, haforsa, habelar no hadia

programa traballu públiku sira-nia importánsia (Empregu Rurál no R4D) bele dezempeña knaar importante atu kria empregu, hamenus mukit no hadia ekonomia lokál, liuliu iha área rurál.

Seguransa rendimentu ba ema ferik/katuas iha Timór Leste garantidu de'it iha nível mínimu ba maioria ferik/katuas liuhusi SAIL. Programa atinje kobertura kuaze universál no oferese prestasaun iha nível ne'ebé bele hadia kondisaun moris husi sira ne'ebé iha situasaun mukit ka vulnerabilidade. Maibé, importante muda mekanizmu indeksasaun, atu bele ladepeinde husi saláriu mínimu setor públiku nian, atu evita katak prestasaun paradu durante tinan barak nia laran.

Aleinde ne'e, iha nesesidade atu hadia qualidade no disponibilidade servisu adaptadu ba ferik/katuas sira-nia nesesidade, liuliu servisu médiku no kuidadu espesializadu. Ohin loron, servisu hirak-ne'e limitadu ba populasaun ferik/katuas uituan de'it, enjerál ida-ne'ebé ho kondisaun sosioekonómiku di'ak liu.

Ikus liu, hanesan ita hatudu liuhusi ezersísio kálkulu kustus, importante konsidera reforma proposta sira-nia impaktu finanseiru diretu – hanesan aumenta rekizitu orsamental, maibé importante mós analiza programa diferente sira-nia konsekuénsia hodi hamenus mukit no relasaun kustu-efikásia.

Ezersísio sira hatudu katak kombinasau kobertura universál ho nível prestasaun adekuaду konstitui reforma di'ak liu ba programa sira ne'ebé eziste ona. Bainhira ita observa parámetru oioin simuladu ba programa *Bolsa da Mãe*, premissa ida-ne'e evidensiadu. Senáriu sira ne'ebé propõin nível prestasaun aas liu hatudu potenciál boot liu atu hamenus mukit, no ida-ne'e aumenta tan ho grupu etáriu boot liu, abranjidu ho maneira universál. Ne'e katak, Senáriu sira ne'ebé apresenta relasaun kustu-benefísio di'ak liutan hodi hamenus mukit mak sira ne'ebé ho prestasaun boot liu no sira-ne'ebé tuir abordajen universál tomak. Introdusaun prestasaun ba infánsia dahuluk no ba labarik sira portador defisiénsia mós parese medida efikás no ekonómika, ne'ebé fó apoiu ba grupu vulnerável liu, ho potenciál boot atu hadia sira-nia moris di'ak.

Husi sorin seluk, proposta sira ne'ebé buka nakfila abordajen universál SAIL nian bele prodús rezultadu ne'ebé ita la dezeja. Razaun prinsipál iha rekomendasaun sira-ne'e nia laran mak buka maneira hodi hamenus programa nia kustu totál; maibé, bainhira halo ida-ne'e, labele evita ona redusaun númeru benefisiáriu sira. Karik ba to iha estremo, no programa tenke uza teste sira kona-ba mukit, no ida-ne'e bele hamosu reversaun husi konkista sira hotu ne'ebé alkansa iha ámbitu redusaun mukit desde independénsia.

Maibé, ita tenke konsidera ho kuidadu kustus kona-ba mudansa hirak-ne'ebá. Hanesan hatudu iha kapitulu 2 no 3, investimentu sira iha protesau sosial representa parte significativu ida orsamentu estadu nian, no ladun provável katak bele hetan aumentu boot ba espasu fiskal. Ita presiza hetan maneira ida atu combina investimentu no impaktu boot liu ho rekursus limitadu. Distribui fila-fali rekursus alokadu ba programa protesau sosial menus efikás ba sira ne'ebé iha impaktu di'ak liu bele uza nu'udar hakaat dahuluk atu avansa lalais liu establesimentu Pizu Protesau Sosial ida ba ema hotu iha Timór Leste.

Rekomendasaun Prioritáriu

Rekomendasaun barak ne'ebé propostu, hamutuk ho senáriu kona-ba kapasidade operacional limitada no aumentu presan fiskál no reseita mina-rai ne'ebé tuun, ezi je establesimentu prioridade.

Ne'e duni, atu hatán ba restrisaun sira ne'e, ita destaka rekomendasaun iha kraik nu'udar hakaat esensial atu sistema protesau sosial iha Timór Leste lao ba oin no hodi habelar Pizu Protesau Sosial ba ema hotu:

- # **Investe hodi hadia kapasidade institusionál**, liuliu programa sira-nia orsamentasaun, jestaun, ezekusaun, monitorizasaun no avaliasaun. Difikuldade oioin sei mosu durante implementasaun rekomendasaun sira hotu no reforma sira bele hasoru risku fallansu karik laiha instituisaun forte no kapás atu garante operaun efikás no eficiente.
- # **Haforsa apoiu ba infánsia dahuluk**, inklui hadia kordenasaun entre programa sira ezistente (no vinkula transferénsia sosial, saúde no nutrisaun), aumenta prestasaun sir aba nível adekuaado, aumenta kobertura no halo programa sira universal (liuliu ba loron moris 1000 dahuluk, hahú durante feto isin-rua) no investe iha sistema nia efisiénsia jerál.
- # **Implementa integralmente seguransa sosial kontributiva**, inklui kriaun Institutu Nasionál Seguransa Sosial, desenvolvimentu no implementasaun dispozisaun sira-hotu ne'eb'e propostu, no realizasaun esforsu kordenadu entre rejime kontributivu no naun-kontributivu hodi alkansa traballador setor formal sira-nia kobertura tomak.
- # Paralelamente, esensial **aumenta traballador setor informal sira-nia protesau** lihusi estensaun programa traballu públiku (aumentu disponibilidade, kobertura no nível prestasaun), no tuir esforsu atu habelar seguransa sosial kontributivu ba grupu traballador hirak-ne'e.
- # Ikus liu, **presiza halo revizaun no hadia ekilibriu kona-ba distribuisaun rekursus finanseirus**. Presiza foti medida hodi alinha prioridade política sira ho orsamentu nia distribuisaun ba programa sira. Meta prioritária sira tenke simu alokasaun rekursus ne'ebé adekuaado, atu hadia efikásia no retornu husi investimentu sira iha protesau Sosial.

BIBLIOGRAFIA

- ADB. 2016. *Technical Assistance Report - Timor Leste: Fiscal Policy for Improved Service Delivery*.
- ADB. 2016. *Timor Leste Country Partnership Strategy 2016-2020*.
- Asia Foundation. 2016. *Understanding Violence against Women and Children in Timor Leste: Findings from the Nabilan Baseline Study*.
- Banco Mundial. 2005. *Timor Leste Living Standards Measurement Survey 2001*.
- Banco Mundial. 2008. *Timor Leste — Poverty in a Young Nation*.
- Banco Mundial. 2013. *Timor Leste Sosial Assistance Public Expenditure and Program Performance Report*.
- Banco Mundial. 2013. *Timor Leste: Ministry of Education Economic Efficiency Assessment*.
- Banco Mundial. 2015. *Timor Leste Public Expenditure Review: Infrastructure*.
- Banco Mundial. 2016. *Doing Business Index 2016*. Disponível em (www.doingbusiness.org/)
- Banco Mundial. 2016. *Turning Challenges into Opportunities: the Mid-Term Health Expenditure Pressure Study in Timor Leste*.
- CEDAW. 2015. *Concluding observations on the combined second and third periodic reports of Timor Leste*.
- CPLP. 2015. Declaração de Tíbar. XIII Reunião dos Ministros do Trabalho e dos Assuntos Sociais da CPLP.
- DESA. 2015. *World Population Prospects: The 2015 Revision*.
- FMI. 2016. Consulta 2016 ao Artigo IV - Timor Leste.
- FMI. 2017. Consulta 2017 ao Artigo IV - Timor Leste.
- Heckman, J.J. 2015. *The Case for Investing in Disadvantaged Young Children*.
- Nasõins unidas. 2015. Documento A/70/ L.1, Transformando nosso mundo: Agenda 2030 para o Desenvolvimento Sustentável.
- Nações Unidas. 2017. *UN Inter-agency Group for Child Mortality Estimation*. Disponível em (<http://www.childmortality.org/>).
- OIT. 1952. C102 – Convenção relativa à Segurança Social (norma mínima).
- OIT. 1967. C128 - Convenção relativa às Prestasaun de Invalidez, Velhice e Sobrevivência.
- OIT. 2010. *Key Indicators of the Labour Market Database*. Disponível em (www.ilo.org/ilostat).
- OIT. 2012. R202 – Rekomendasaun dos Pisos de Proteção Social (No. 202).
- OIT. 2013. *Sosial protection assessment based national dialogue: a good practices guide*.
- OMS, UNICEF. 2017. *Joint Monitoring Programme (JMP) for Water Supply and Sanitation*. Disponível em (<http://www.wssinfo.org/>).

OMS. 2014. *National survey for non-communicable disease risk factors and injuries*.

OMS. 2016. *Global anaemia prevalence and trends 1995-2011*.

OMS. 2016. *Timor Leste Country Profile 2016*.

OMS. 2017. *Global Health Workforce Statistics*. Disponível em (www.OMS.int/hrh/statistics/hwfstats/).

PNUD. 2016. *Relatório de Desenvolvimento Humano 2015*.

Provo, A., Atwood, S., Sullivan, E., & Mbuya, N. 2016. *Malnutrition in Timór Leste: A Review of the Burden, Drivers, and Potential Response*.

RDTL, Ministério da Educação. Diversos Anos (2011 a 2015). *Education Databook*.

RDTL, Ministério da Saúde. 2004. Inquérito Demográfico de Saúde 2003.

RDTL, Ministério da Saúde. 2010. Inquérito Demográfico de Saúde 2009-2010.

RDTL, Ministério da Saúde. 2011. Plano Estratégico do Setor da Saúde Nasionál 2011-2030. Disponível em (www.moh.gov.tl).

RDTL, Ministério da Saúde. 2014. Estratégia Nasionál sobre Saúde Reprodutiva, Materna, Neonatal, Infantil e do Adolescente 2015-2019.

RDTL, Ministério da Saúde. 2014. As consequências económicas da subnutrição em Timor Leste.

RDTL, Ministério da Saúde. 2016. *Relatório Estatístico de Saúde Janeiro-Dezembro 2015*.

RDTL, Ministério da Saúde. 2017. *Relatório Estatístico de Saúde Janeiro-Dezembro 2016*.

RDTL, Ministério da Saúde. 2015. *Inquérito Alimentar e Nutricional 2013*.

RDTL, Ministério da Solidariedade Sosiál. 2012. 10 Anos Depois: O Contributo dos Programas Sociais na Construção de um Estado Sosiál em Timor Leste.

RDTL, Ministério das Finanças. 2008. Inquérito aos Padrões de Vida 2007.

RDTL, Ministério das Finanças. 2011. Inquérito aos Rendimentos e Despesa dos Agregados Familiares 2011.

RDTL, Ministério das Finanças. 2011. Censo Jerálde População e Habitação 2010.

RDTL, Ministério das Finanças. 2013. Análise da Situação das Crianças em Timor Leste.

RDTL, Ministério das Finanças. 2015. Contas Nacionais 2000 – 2014.

RDTL, Ministério das Finanças. 2016. Pobreza em Timor Leste 2014.

RDTL, Ministério das Finanças. 2016. Orsamentu Retificativo do Estado de 2016 - Visão Jerálde Orsamentu - Livro 1.

RDTL, Ministério das Finanças. 2016. Relatório Anual do Fundo Petrolífero 2015.

RDTL, Ministério das Finanças. 2016. Censo Jerálde População e Habitação 2015.

RDTL, Ministério das Finanças. 2017. Relatório Anual do Fundo Petrolífero 2016.



RDTL, SEPFOPE. 2015. Inquérito à Força de Trabalho 2013.

RDTL. 2002. Constituição da República Democrática de Timor Leste.

RDTL. 2011. Plano Estratégico de Desenvolvimento de Timor Leste 2011-2030.

RDTL. 2014. Relatório dos Objetivos de Desenvolvimento do Milénio 2014.


RDTL. 2015. Relatório dos Objetivos de Desenvolvimento do Milénio 2015.

RDTL. 2017. Portal da Transparência de Timor Leste. Disponível em (www.transparency.gov.tl).


UNESCO. 2017. Instituto de Estatísticas. Disponível em (uis.unesco.org).

Aneksu I – Programa sira-nia Kobertura

Gráfiku 44: Númeru Benefisiáriu husi Programa sira Protesaun Sosiál nian iha Timór Leste – 2017
ka tinan sira ikus mai ne'ebé disponível



Gráfiku 45: Kobertura ba Grupu-Alvu (%) ba Programa Protesaun Sosiál sira-nian iha Timór Leste – tinan 2016 ka tinan ikusmai ne'ebé disponível



Aneksu II – Rezultadu husi Protokolu Avaliasaun Lais

Modelu PAL – Indikadór Prinsipál – Projesaun to’o iha tinan 2030

Tabela 7: Projesaun PAL – Indikadór Prinsipál ba tinan sira ne’ebé selesionadu

Indikadór	2016	2020	2025	2030
PIB Nominál (US\$ Millaun)	2.100	2.933	4.529	7.617
Taxa Kreximentu PIB (%)	-19,8%	6,8%	11,2%	10,8%
PIB petrolíferu (US\$ Millaun)	620	286	\$ -	\$ -
PIB naun petrolíferu (US\$ Millaun)	1.480	2.647	4.529	7.617
Taxa Inflasaun (%)	3,4%	3,4%	3,4%	3,4%
Reseita Públika sira (US\$ Millaun)	1.368	1.276	639	757
Despeza Públika sira (US\$ Millaun)	1.953	2.182	2.033	2.408
Taxa Partisipasaun Forsa Traballu nian (%)	30,3%	31,3%	32,7%	34,0%
Taxa Informalidade Empregu nian (%)	70,6%	68,9%	66,9%	64,9%
Produtividade Traballu nian (US\$ ba traballadór idak-idak)	7.047	4.272	3.970	4.169

Fonte 25: Kálkulu husi autór bazeia ba RTDL, Ministériu Finansas. 2015. Kontas Nasionais 2000 – 2014; 2016. Orsamentu Retifikativu Estadu nian ba 2016 – Vizaun Jerál Orsamentu nian - Livru 1; 2016. Relatóriu Anuál Fundu Petrolíferu ba tinan 2015; no tinan 2016. Portal Transparência Timór Leste; FMI. Tinan 2016. Artigu IV Konsultasaun 2016.

Modelu PAL – Rezultadu sira ba Polítika sira ne’ebé orienta ba Labarik sira, tuir programa – Projesaun 2030

Bolsa da Mãe

Senáriu no Indikadór Xave sira	2018	2019	2020	2025	2030
Status Quo: Nível kobertura atual no prestasaun sira ne’ebé korrije tiha ona tuir inflasaun.					
Totál Benefisiáriu sira	170.052	174.205	178.387	200.353	221.980
Prestasaun per kapita (US\$)	62	64	66	79	93
Kustu Totál (ho US\$ Millaun)	10,62	11,25	11,92	15,86	20,82
Kustu tuir % PIB nian	0,41%	0,41%	0,41%	0,35%	0,27%
Kustu tuir % despeza públika sira-nian	0,45%	0,44%	0,55%	0,78%	0,86%
Senáriu 1: Nível kobertura agora daudaun no aumentu valór Prestasaun 100% (US\$ 10 fulan-fulan, ba labarik ida-idak durante tinan implementasaun nian).					
Totál Benefisiáriu sira	170.052	174.205	178.387	200.353	221.980
Prestasaun per kapita (US\$)	124	128	133	157	186
Kustu Totál (ho US\$ Millaun)	23,22	24,61	26,07	34,69	45,53
Kustu tuir % PIB nian	0,90%	0,90%	0,89%	0,77%	0,60%
Kustu tuir % despeza públika sira-nian	0,98%	0,97%	1,19%	1,71%	1,89%
Senáriu 2: Nível atual kobertura no aumentu valór Prestasaun 240% (US\$ 10 fulan-fulan, ba labarik ida-idak durante tinan implementasaun nian).					

Totál Benefisiáriu sira	170.052	174.205	178.387	200.353	221.980
Prestasaun per kapita (US\$)	211	218	226	268	317
Kustu Totál (ho US\$ Millaun)	39,48	41,83	44,32	58,97	77,4
Kustu tuir % PIB nian	1,52%	1,52%	1,51%	1,30%	1,02%
Kustu tuir % despeza públika sira-nian	1,66%	1,64%	2,03%	2,90%	3,21%

Senáriu 3: Elejibilidade universál husi tinan 0 to'o tinan 3, mantein EdV husi tinan 4 to'o tinan 17.

Totál Benefisiáriu sira	287.233	294.130	300.841	335.267	367.321
Prestasaun per kapita (US\$)	62	64	66	79	93
Kustu Totál (ho US\$ Millaun)	19,61	20,77	21,98	29,02	37,67
Kustu tuir % PIB nian	0,76%	0,76%	0,75%	0,64%	0,49%
Kustu tuir % despeza públika sira-nian	0,82%	0,81%	1,01%	1,43%	1,56%

Senáriu 4: Elejibilidade universál husi tinan 0 to'o tinan 5, mantein EdV husi tinan 6 to'o tinan 17.

Totál Benefisiáriu sira	340.697	348.890	357.440	398.573	436.624
Prestasaun per kapita (US\$)	62	64	66	79	93
Kustu Totál (ho US\$ Millaun)	23,26	24,64	26,12	34,5	44,78
Kustu tuir % PIB nian	0,90%	0,90%	0,89%	0,76%	0,59%
Kustu tuir % despeza públika sira-nian	0,98%	0,97%	1,20%	1,70%	1,86%

Senáriu 5: Elejibilidade universál husi tinan 0 to'o tinan 8, mantein EdV husi tinan 9 to'o tinan 17.

Totál Benefisiáriu sira	415.508	425.520	436.862	488.176	535.832
Prestasaun per kapita (US\$)	62	64	66	79	93
Kustu Totál (ho US\$ Millaun)	28,37	30,05	31,92	42,26	54,95
Kustu tuir % PIB nian	1,10%	1,09%	1,09%	0,93%	0,72%
Kustu tuir % despeza públika sira-nian	1,19%	1,18%	1,46%	2,08%	2,28%

Senáriu 6: Elejibilidade universál husi tinan 0 to'o tinan 14, mantein EdV husi tinan 15 to'o tinan 17.

Totál Benefisiáriu sira	550.407	563.994	577.639	647.889	715.866
Prestasaun per kapita (US\$)	62	64	66	79	93
Kustu Totál (ho US\$ Millaun)	37,58	39,84	42,21	56,08	73,41
Kustu tuir % PIB nian	1,45%	1,45%	1,44%	1,24%	0,96%
Kustu tuir % despeza públika sira-nian	1,58%	1,56%	1,93%	2,76%	3,05%

Senáriu 7: Elejibilidade universál husi tinan 0 to'o tinan 17.

Totál Benefisiáriu sira	609.922	624.818	639.816	718.600	796.168
Prestasaun per kapita (US\$)	62	64	66	79	93
Kustu Totál (ho US\$ Millaun)	41,64	44,13	46,75	62,2	81,65
Kustu tuir % PIB nian	1,61%	1,61%	1,59%	1,37%	1,07%
Kustu tuir % despeza públika sira-nian	1,75%	1,73%	2,14%	3,06%	3,39%

Senáriu 8: Elejibilidade universál hahú husi tinan 0 to'o tinan 3 no aumenta to idade másimu gradualmente tinan-tinan.

Totál Benefisiáriu sira	314.365	348.890	384.628	571.220	770.120
Prestasaun per kapita (US\$)	62	64	66	79	93
Kustu Totál (ho US\$ Millaun)	21,46	24,64	28,1	49,45	78,98
Kustu tuir % PIB nian	0,83%	0,90%	0,96%	1,09%	1,04%
Kustu tuir % despeza públika sira-nian	0,90%	0,97%	1,29%	2,43%	3,28%

Labarik sira ho Defisiénsia

Senáriu no Indikadór Xave sira	2018	2019	2020	2025	2030
Senáriu 1: Fó prestasaun tuir SAI ba labarik sira hotu ne'ebé iha defisiénsia (US\$ 30 ba fulan ida ba labarik idak-idak, durante tinan implementasaun nian).					
Totál Benefisiáriu sira	1.544	1.582	1.620	1.820	2.016
Prestasaun per kapita (US\$)	372	385	399	472	559
Kustu Totál (ho US\$ Millaun)	0,63	0,67	0,71	0,95	1,24
Kustu tuir % PIB nian	0,02%	0,02%	0,02%	0,02%	0,02%
Kustu tuir % despeza públika sira-nian	0,03%	0,03%	0,03%	0,05%	0,05%

Merenda Eskolár

Senáriu no Indikadór Xave sira	2018	2019	2020	2025	2030
Status Quo: Fó refeisaun ida lora-lora ba labarik sira iha ensinu pré-primáriu no primáriu, no konsidera US\$ 0,25 ba lora ida, ba labarik idak-idak (ba lora letivu eskola nian 200).					
Totál Benefisiáriu sira	415.312	425.971	436.193	493.580	552.265
Prestasaun per kapita (US\$)	52	54	55	66	78
Kustu Totál (ho US\$ Millaun)	21,48	22,79	24,14	32,36	42,9
Kustu tuir % PIB nian	0,83%	0,83%	0,82%	0,71%	0,56%
Kustu tuir % despeza públika sira-nian	0,90%	0,89%	1,11%	1,59%	1,78%

Senáriu 1: Hasa'e valór benefísiu nian ba US\$ 0,42 ba kada lora letivu (lora 200 ba tina idak-idak).

Totál Benefisiáriu sira	415.312	425.971	436.193	493.580	552.265
Prestasaun per kapita (US\$)	87	90	93	110	131
Kustu Totál (ho US\$ Millaun)	39,7	42,12	44,62	59,82	79,29
Kustu tuir % PIB nian	1,53%	1,53%	1,52%	1,32%	1,04%
Kustu tuir % despeza públika sira-nian	1,67%	1,65%	2,04%	2,94%	3,29%

Senáriu 2: Hasa'e valór benefísiu nian ba US\$ 0,83 ba kada lora letivu (lora 200 ba tinan idak-idak).

Totál Benefisiáriu sira	415.312	425.971	436.193	493.580	552.265
Prestasaun per kapita (US\$)	172	178	184	218	258
Kustu Totál (ho US\$ Millaun)	78,45	83,24	88,18	118,21	156,69
Kustu tuir % PIB nian	3,03%	3,03%	3,01%	2,61%	2,06%

Kustu tuir % despeza pública sira-nian	3,30%	3,27%	4,04%	5,82%	6,51%
Senáriu 3: Fó refeisaun ida ba labarik sira ensinu pré-primáriu, primáriu no sekundáriu, no konsidera US\$ 0,25 ba loron ida, ba labarik idak-idak (ba loron letivu 200 iha tina ida).					
Totál Benefisiáriu sira	475.554	487.537	499.130	565.155	633.548
Prestasaun per kapita (US\$)	52	54	55	66	78
Kustu Totál (ho US\$ Millaun)	27,06	28,7	30,39	40,77	54,14
Kustu tuir % PIB nian	1,05%	1,04%	1,04%	0,90%	0,71%
Kustu tuir % despeza pública sira-nian	1,14%	1,13%	1,39%	2,01%	2,25%

Transporte Eskolár

Senáriu sira no Indikadór Xave sira	2018	2019	2020	2025	2030
Senáriu 1: Fó ba labarik idak-idak iha ensinu primáriu US\$ 0,50 ba loron letivu idak-idak (loron 200 ba tinan ida).					
Totál Benefisiáriu sira	398.374	408.621	418.298	473.612	530.459
Prestasaun per kapita (US\$)	103	107	111	131	155
Kustu Totál (ho US\$ Millaun)	45,33	48,1	50,94	68,33	90,67
Kustu tuir % PIB nian	1,75%	1,75%	1,74%	1,51%	1,19%
Kustu tuir % despeza pública sira-nian	1,91%	1,89%	2,33%	3,36%	3,77%
Senáriu 2: Fó ba labarik idak-idak iha ensinu primáriu, iha área rural sira, US\$ 0,50 ba loron letivu idak-idak (loron 200 ba tinan ida).					
Totál Benefisiáriu sira	280.853	288.078	294.900	333.896	373.974
Prestasaun per kapita (US\$)	103	107	111	131	155
Kustu Totál (ho US\$ Millaun)	31,96	33,91	35,91	48,17	63,92
Kustu tuir % PIB nian	1,23%	1,23%	1,22%	1,06%	0,84%
Kustu tuir % despeza pública sira-nian	1,34%	1,33%	1,65%	2,37%	2,65%
Senáriu 3: Fó ba labarik idak-idak iha ensinu primáriu ka sekundáriu US\$ 0,50 ba loron letivu idak-idak (loron 200 ba tinan ida).					
Totál Benefisiáriu sira	458.615	470.187	481.234	545.186	611.742
Prestasaun per kapita (US\$)	103	107	111	131	155
Kustu Totál (ho US\$ Millaun)	52,19	55,35	58,6	78,65	104,56
Kustu tuir % PIB nian	2,02%	2,02%	2,00%	1,74%	1,37%
Kustu tuir % despeza pública sira-nian	2,19%	2,17%	2,69%	3,87%	4,34%
Senáriu 4: Fornecer para cada criança no ensino primário ou secundário, em zonas rurais, US\$ 0,50 por cada dia letivo (200 dias por ano).					
Totál Benefisiáriu sira	323.324	331.482	339.270	384.356	431.278
Prestasaun per kapita (US\$)	103	107	111	131	155
Kustu Totál (ho US\$ Millaun)	36,79	39,02	41,32	55,45	73,71
Kustu tuir % PIB nian	1,42%	1,42%	1,41%	1,22%	0,97%
Kustu tuir % despeza pública sira-nian	1,55%	1,53%	1,89%	2,73%	3,06%

Modelu PAL – Rezultadu kona-ba Polítika sira ba Idade Ativa – Projesaun ba 2030

Empregu Rurál

Senáriu no Indikadór Xave sira	2018	2019	2020	2025	2030
Status Quo: Mantein kobertura atuál no korrije valór benefísiu tuir inflasaun.					
Totál Benefisiáriu sira	7.613	7.896	8.199	9.985	11.951
Prestasaun per kapita (US\$)	40,34	41,74	43,18	51,15	60,6
Kustu Totál (ho US\$ Millaun)	0,34	0,36	0,39	0,56	0,8
Kustu tuir % PIB nian	0,01%	0,01%	0,01%	0,01%	0,01%
Kustu tuir % despeza públika sira-nian	0,01%	0,01%	0,02%	0,03%	0,03%
Senáriu 1: Habelar programa nia kobertura hodi ezejuta projetu 200 tinan-tinan (tuir status quo traballadór 106 ba projetu idak-idak, ho servisu loron 13).					
Totál Benefisiáriu sira	22.008	22.851	23.734	28.697	34.489
Prestasaun per kapita (US\$)	40,34	41,74	43,18	51,15	60,6
Kustu Totál (ho US\$ Millaun)	0,98	1,05	1,13	1,61	2,3
Kustu tuir % PIB nian	0,04%	0,04%	0,04%	0,04%	0,03%
Kustu tuir % despeza públika sira-nian	0,04%	0,04%	0,05%	0,08%	0,10%
Senáriu 2: Habelar programa nia kobertura hodi ezejuta projetu 200 tinan-tinan no hasai númeru loron ne'ebé servisu ba 50 (tuir status quo traballadór 106 ba projetu idak-idak).					
Totál Benefisiáriu sira	22.008	22.851	23.734	28.697	34.489
Prestasaun per kapita (US\$)	155,17	160,52	166,06	196,73	233,07
Kustu Totál (ho US\$ Millaun)	3,76	4,03	4,34	6,21	8,84
Kustu tuir % PIB nian	0,15%	0,15%	0,15%	0,14%	0,12%
Kustu tuir % despeza públika sira-nian	0,16%	0,16%	0,20%	0,31%	0,37%
Senáriu 3: Habelar programa nia kobertura hodi ezejuta projetu 200 tinan-tinan no hasai númeru loron ne'ebé servisu ba 75 (tuir status quo traballadór 106 ba projetu idak-idak).					
Totál Benefisiáriu sira	22.008	22.851	23.734	28.697	34.489
Prestasaun per kapita (US\$)	232,76	240,78	249,09	295,1	349,61
Kustu Totál (ho US\$ Millaun)	5,63	6,05	6,5	9,32	13,26
Kustu tuir % PIB nian	0,22%	0,22%	0,22%	0,21%	0,17%
Kustu tuir % despeza públika sira-nian	0,24%	0,24%	0,30%	0,46%	0,55%

Modelu PAL – Rezultadu kona-ba Polítika sira ba Ferik/Katuas – Projesaun ba 2030

SAII

Senáriu no Indikadór Xave sira	2018	2019	2020	2025	2030
Status Quo: Halo ajustamentu ba montante prestasaun sira-nian tuir inflasaun.					
Totál Benefisiáriu sira	85.584	87.138	88.833	99.856	116.296

Prestasaun per kapita (US\$)	372	385	399	472	559
Kustu Totál (ho US\$ Millaun)	35,06	36,93	38,94	51,86	71,56
Kustu tuir % PIB nian	1,35%	1,34%	1,33%	1,15%	0,94%
Kustu tuir % despesa pública sira-nian	1,47%	1,45%	1,78%	2,55%	2,97%

Senáriu 1: Altera programa nia elejibilidade, eskui veteranu sira, pensionista rejime seguransa Sosiál tranzitóriu no kontributivu.

Totál Benefisiáriu sira	84.771	86.271	87.417	95.537	108.488
Prestasaun per kapita (US\$)	372	385	399	472	559
Kustu Totál (ho US\$ Millaun)	34,73	36,56	38,32	49,62	66,75
Kustu tuir % PIB nian	1,34%	1,33%	1,31%	1,10%	0,88%
Kustu tuir % despesa pública sira-nian	1,46%	1,43%	1,76%	2,44%	2,77%

Senáriu 2: Altera programa nia elejibilidade no hala'o teste rikeza (eskui indíviduu sira ho rendimentu boot liu US\$ 5 ba loron ida no funsióriu públiku ativu).

Totál Benefisiáriu sira	82.095	83.585	85.210	95.781	111.550
Prestasaun per kapita (US\$)	372	385	399	472	559
Kustu Totál (ho US\$ Millaun)	33,63	35,42	37,36	49,75	68,64
Kustu tuir % PIB nian	1,30%	1,29%	1,27%	1,10%	0,90%
Kustu tuir % despesa pública sira-nian	1,41%	1,39%	1,71%	2,45%	2,85%

Senáriu 3: Altera programa nia elejibilidade o hala'o teste mukit no orienta prestasaun ba sira ne'ebé de'it moris iha liña mukit nasional nia okos.

Totál Benefisiáriu sira	22.937	23.353	23.807	26.761	31.167
Prestasaun per kapita (US\$)	372	385	399	472	559
Kustu Totál (ho US\$ Millaun)	9,4	9,9	10,44	13,9	19,18
Kustu tuir % PIB nian	0,36%	0,36%	0,36%	0,31%	0,25%
Kustu tuir % despesa pública sira-nian	0,39%	0,39%	0,48%	0,68%	0,80%

Modelu PAL – Rezultadu ba Polítika sira kona-ba Asesu ba Saúde, tuir programa – Projesasun 2030

Reembolsu Despesa ho Transporte Médiku

Senáriu no Indikadór Xave sira	2018	2019	2020	2025	2030
Senáriu 1: Kustus kona-ba reembolsu osan transporte ba servisu saúde ba paciente sira iha situasaun emerjénsia – to'o US\$ 20.					
Totál Benefisiáriu sira	11.042	11.345	11.656	13.326	15.155
Prestasaun per kapita (US\$)	21	21	22	26	31
Kustu Totál (ho US\$ Millaun)	0,25	0,27	0,28	0,38	0,52
Kustu tuir % PIB nian	0,01%	0,01%	0,01%	0,01%	0,01%
Kustu tuir % despesa pública sira-nian	0,01%	0,01%	0,01%	0,02%	0,02%

Senáriu 2: Kustus kona-ba reembolsu osan transporte ba unidade saúde sira-nian ba pasiente kiak iha situasaun emerjénsia – to’o US\$ 20.

Totál Benefisiáriu sira	4.616	4.742	4.872	5.570	6.335
Prestasaun per kapita (US\$)	21	21	22	26	31
Kustu Totál (ho US\$ Millaun)	0,11	0,11	0,12	0,16	0,22
Kustu tuir % PIB nian	0,00%	0,00%	0,00%	0,00%	0,00%
Kustu tuir % despeza públika sira-nian	0,00%	0,00%	0,01%	0,01%	0,01%

Senáriu 3: Kustus kona-ba reembolsu transporte ba unidade saúde sira-nian ba pasiente kiak iha situasaun emerjénsia – to’o US\$ 20 – iha Munisípiu sira ne’ebé laiha ambulánsia suficiente no/ka laiha liña telefónica ba emerjénsia.

Totál Benefisiáriu sira	2.265	2.327	2.391	2.733	3.109
Prestasaun per kapita (US\$)	21	21	22	26	31
Kustu Totál (ho US\$ Millaun)	0,05	0,05	0,06	0,08	0,11
Kustu tuir % PIB nian	0,00%	0,00%	0,00%	0,00%	0,00%
Kustu tuir % despeza públika sira-nian	0,00%	0,00%	0,00%	0,00%	0,00%

Insentivu sira ba Kuidadus Materno-Infantis

Senáriu no Indikadór Xave sira	2018	2019	2020	2025	2030
Senáriu 1: Benefisiu ida ho valór US\$ 5 sei fó iha vizita idak-idak husi vizita pré-natal 4 ne’ebé rekomena no valór US\$ 10 seluk ne’ebé entrega iha ezame idak-idak husi ezame pós-natal 2 ne’ebé rekomena.					
Totál Benefisiáriu sira	24.159	24.692	25.087	27.417	29.268
Prestasaun per kapita (US\$)	41	43	44	52	62
Kustu Totál (ho US\$ Millaun)	1,1	1,16	1,22	1,58	2
Kustu tuir % PIB nian	0,04%	0,04%	0,04%	0,03%	0,03%
Kustu tuir % despeza públika sira-nian	0,05%	0,05%	0,06%	0,08%	0,08%

Senáriu 2: Benefisiu ida ho valór US\$ 10 sei fó iha vizita idak-idak husi vizita pré-natal 4 ne’ebé rekomena no valór US\$ 15 seluk ne’ebé entrega iha ezame idak-idak husi ezame pós-natal 2 ne’ebé rekomena.

Totál Benefisiáriu sira	24.159	24.692	25.087	27.417	29.268
Prestasaun per kapita (US\$)	72	75	77	92	109
Kustu Totál (ho US\$ Millaun)	1,92	2,03	2,14	2,77	3,5
Kustu tuir % PIB nian	0,07%	0,07%	0,07%	0,06%	0,05%
Kustu tuir % despeza públika sira-nian	0,08%	0,08%	0,10%	0,14%	0,15%

Senáriu 3: Benefisiu ida ho valór US\$ 5 sei fó iha vizita idak-idak husi vizita pré-natal 4 ne’ebé rekomena no valór US\$ 10 seluk ne’ebé entrega iha ezame idak-idak husi ezame pós-natal 2 ne’ebé rekomena.- ba família kiak de’it (tuir realizasaun teste kona-ba situasaun kiak).

Totál Benefisiáriu sira	11.838	12.099	12.293	13.435	14.341
Prestasaun per kapita (US\$)	41	43	44	52	62
Kustu Totál (ho US\$ Millaun)	0,54	0,57	0,6	0,78	0,98

Kustu tuir % PIB nian	0,02%	0,02%	0,02%	0,02%	0,01%
Kustu tuir % despeza públika sira-nian	0,02%	0,02%	0,03%	0,04%	0,04%

Senáriu Agregadu ho Kustu Kiik no Aas, tuir garantia PPS no programa nian

Programa	Senáriu	Kiik	Aas
Senáriu sira kona-ba Política ba Labarik sira			
Bolsa da Mãe	1. Nível kobertura atual sira-nian no aumentu valór prestasaun nian 100% (US\$ 10 fulan-fulan, ba labarik idak-idak iha tinan implementasaun nian)		
	2. Nível kobertura atual sira-nian no aumentu valór prestasaun nian 240% (US\$ 10 fulan-fulan, ba labarik idak-idak iha tinan implementasaun nian)		
	3. Elejibilidade universál husi tinan 0 to'o tinan 3, no mantein EdV husi tinan 4 to'o tinan 17	X	
	4. Elejibilidade universál husi tinan 0 to'o tinan 5, no mantein EdV husi tinan 6 to'o tinan 17.		
	5. Elejibilidade universál husi tinan 0 to'o tinan 8, no mantein EdV husi tinan 9 to'o tinan 17.		
	6. Elejibilidade universál husi tinan 0 to'o tinan 14, no mantein husi tinan 15 to'o tinan 17.		
	7. Elejibilidade universál husi tinan 0 to'o tinan 17.		X
	8. Elejibilidade universál hahú husi tinan 0 to'o tinan 3 no aumenta gradualmente idade másimu tinan tinan.		
Labarik sira ho Defisiénsia	1. Atribui prestasaun sira enliña ho SAI ba labarik sira hotu ho defisiénsia (US\$ 30 ba fulan ida ba labarik ida, iha tinan implementasaun nian).	X	X
Merenda Eskolár	1. Hasai benefísiu nia valór ba US\$ 0,42 ba kada loron letivu (loron 200 ba kada tinan).		
	2. Hasai benefísiu nia valór ba US\$ 0,83 ba kada loron letivu (loron 200 ba kada tinan).		X
	3. Fornese refeisaun ida lorom-loron ba labarik sira ensinu pré-primáriu, primáriu no sekundáriu, no konsidera US\$ 0,25 ba kada loron, ba labarik idak (loron letivu 200 ba kada tinan).	X	
Transporte Eskolár	1. Fó ba labarik idak-idak iha ensinu primáriu US\$ 0,50 ba kada loron letivu (loron 200 ba tinan ida).		
	2. Fó ba labarik ida-idak iha ensinu primáriu, iha áreas rurais, US\$ 0,50 ba kada loron letivu (loron 200 ba tinan ida).	X	
	3. Fó ba labarik idak-idak iha ensinu primáriu ka sekundáriu US\$ 0,50 ba kada loron letivu (loron 200 ba tinan ida).		X
	4. Fó ba labarik idak-idak iha ensinu primáriu ka sekundáriu, iha áreas rurais, US\$ 0,50 ba kada loron letivu (loron 200 ba tinan ida).		



<i>Senáriu kina-ba Polítika sira ba Idade Ativa</i>		
Empregu Rurál	1. Hanaruk programa nia kobertura hodi ezejuta projetu 200 tinan-tinan (tuir <i>status quo</i> traballadór 106 ba projetu idak-idak, servisu loron 13).	X
	2. Hanaruk programa kobertura hodi ezejuta projetu 200 tinan-tinan no hasai númeru loron ne'ebé servisu ba 50 (tuir <i>status quo</i> traballadór 106 ba projetu idak-idak).	
	3. Hanaruk programa nia kobertura hodi ezejuta projetu 200 tinan-tinan no hasai númeru loron ne'ebé servisu ba 75 (tuir <i>status quo</i> traballadór 106 ba projetu idak-idak).	X
<i>Senáriu kona-ba Polítika sir aba ferik/katuas</i>		
SaII	1. Altera programa nia elejibilidade, la inklui veteranu sira, pensionista rejime seguransa sosiál tranzitóriu no kontributivu nian.	X
	2. Altera programa nia elejibilidade, no halo teste riqueza (la inklui indivíduu sira ho rendimentu liu US\$ 5 loron ida no funsionáriu oúbliku ativu)	
	3. Altera programa nia elejibilidade, no halo teste sira kona-ba mukit no orienta prestasaun ba sira ne'ebé moris iha liña mukit nasional nia okos.	X
<i>Senáriu kona-ba Polítika sira Asesu ba Saúde</i>		
Transporte Médiku	1. Reembolsu kustus transporte nian ba servisu saúde nian ba paciente sira iha situasaun emerjénsia – to'o US\$ 20.	X
	2. Reembolsu kustus transporte ba unidade saúde sira-nian ba pasiente kiak sira iha situasaun emerjénsia – to'o US\$ 20.	
	3. Reembolsu kustus transporte ba unidade saúde sira ba paciente sira iha situasaun emerjénsia – to'o US\$ 20 – iha Munisípiu sira ho ambulánsia la suficiente no/ka laho liña telefone emerjénsia.	X
Kuidadus Materno-Infantis	1. Benefísiu ho valór US\$ 5 ne'ebé fó iha vizita idak-idak husi vizita pré-natal totál 4 ne'ebé rekomendada no ida seluk ho valór US \$ 10 ne'ebé entrega iha ezame idak-idak husi ezame pós-natal totál 2 ne'ebé rekomendadu.	
	2. Benefísiu ho valór US\$ 10 ne'ebé fó iha vizita idak-idak husi vizita pré-natal totál 4 ne'ebé rekomendada no ida seluk ho valór US \$ 15 ne'ebé entrega iha ezame idak-idak husi ezame pós-natal totál 2 ne'ebé rekomendadu.	X
	3. Benefísiu ho valór US\$ 5 ne'ebé fó iha vizita idak-idak husi vizita pré-natal totál 4 ne'ebé rekomendada no ida seluk ho valór US \$ 10 ne'ebé entrega iha ezame idak-idak husi ezame pós-natal totál 2 ne'ebé rekomendadu. – ba família kiak de'it (liuhusi teste kona-ba mukit).	X

Aneksu III – Nota Metodolójika ba Mikrosimulasaun

Hodi halo estimativa kona-ba impaktu ba rekomendasaun sira ne'ebé propostu kona-ba mukt (konsidera mukt monetáriu) iha Timór Leste, ita hala'o ona ezersísiu mikrosimulasaun. Ezersísiu mikrosimulasaun uza inkéritu sira ba agregadu familiar hodi observa mudansa polítika sira-nia impaktu poténsial ba konsumu doméstiku ka individuál, ka ba nível rendimentu no, tuirmai, impaku kona-ba mukt nia insidénsia no klean. Simulasaun hirak-ne'e fó indikasaun inisiál kona-ba posível impaktu ne'ebé introdusaun husi prestasaun sosiál ne'ebé akontese ba mukt. Análize ida-ne'e mós fó informasaun tan kona-ba poténsial kustu-benefísiu ba reforma idak-idak ka ba prestasaun sira-nia introdusaun, no permite diskusaun ida informadu liu kona-ba polítika sira-nia formulasaun. Aleinde ne'e, ezersísiu mikrosimulasaun haree estensaun protesaun sosiál nian hanesan investimentu ne'ebé kontribui ba dezvoltamentu nasional, laós nu'udar kustu ida.

Ba ezersísiu mikrosimulasaun ne'ebé realiza ona, baze dados ne'ebé uza mak Inkéritu sira kona-ba Kondisaun Moris iha Timór Leste - 2014 (TLSLS-3), ne'ebé analiza família 5.916 entre tinan 2014 no tinan 2015. Konjuntu dados inklui informasaun kona-ba agregadu familiar nia rendimentu no konsumu, karakterístika sira kona-ba agregadu sira-nia membrus, hanesan idade, situasaun servisu nian, edukasaun, saúde no utilizasaun servisu sira no agregadu familiar nia karakterístika, hanesan asesu ba bee, saneamentu, eletrisidade no servisu sira seluk. Bazeia ba família no membrus família nia karakterístika hirak-ne'e, ita halo simulasaun kona-ba impaktu poténsial Senáriu balun nian haree ba insidénsia mukt.

TLSLS-3 estabelese limiar mukt *per capita*, ba nasaun no ketak-ketak ba Munisípiu idak-idak, valór US\$ 1,54 *per capita*, ba loron ida. Liña mukt nasional ida-ne'e bazeia ba valór konsumu alimentus (ne'ebé sosa ka husi produsaun rasik), valór renda abitasaun (real ka imputadu) no valór konsumu beins naun alimentares, la inklui renda. Liña mukt ida ne'e mak uza hanesan padraun ba ezersísiu mikrosimulasaun. Individuu sira ho konsumu *per capita* iha liña mukt nia okos mak ita konsidera ki'ak. Bainhira aplika ida ne'e ba konjuntu dados TLSLS-3, mukt nasional nia insidénsia mak porsentu 41,8, no pontu referénsia ne'e mak ita uza hodi sukat impaktu sira hodi hamenus mukt iha ezersísiu nia ámbitu.

Simulasaun kona-ba impaktu senáriu ne'ebé propostu

Iha senáriu sira propostu ba modelu estimativa ba PAL nia kustus, iha balun ne'ebé bele avalia diretamente ho mikrosimulasaun. Ita hili senáriu sira ba simulasaun bazeia ba benefísiu sira-nia natureza no disponibilidade dados iha konjuntu dados nian. Hanesan modelu PAL, mikrosimulasaun iha limitasaun kona-ba tipu senáriu ka prestasaun ne'ebé bele simula; avaliasaun kompleksu liu, hanesan sira-ne'ebé refere ba prestasaun kontributivu, analiza ho estudu espesífiku no espesializadu liu. Hanesan konsekuénsia, mikrosimulasaun ne'e inklui benefísiu sira ne'ebé bele tradús diretamente ba benefísiu finanseiru ho baze iha kritériu sira ne'ebé adekuaduba dados disponível.

Aleinde ne'e, simulasaun husi impaktu mukt estátiku no sukat situasaun mukt individuu sira-nian iha momentu espesífiku ida – iha kazu ne'e, períodu bainhira halo koleasaun dados TLSLS-3: iha tina 2014 to'o tinan 2015 –, buat ne'ebé representa *status quo* simulasaun nian (ne'e katak, situasaun bainhira la implementa rekomendasaun saída de'it, inklui mós kualkér efeitu ne'ebé rejime protesaun sosiál ne'ebé iha prodús tiha ona).

Husi *status quo*, ita observa limiar mukt *per capita* no ita sukat nível mukt individuu sira-nian. Tuirmai, individuu sira-nia rendimentu hetan alterasaun husi prestasaun protesaun sosiál ne'ebé

sira iha ka laiha direitu, no ita simu katak senáriu rekomendasaun sira implementa tomak. Ikus liu, ita sukat mukt iha situasaun foun nia kontestu hodi haree karik iha mudansa ba populasaun kiak iha nasaun. Metodologia ne'e aplika ba senáriu idak-idak ne'ebé hili ba mikrosimulasaun. Senáriu sira simuladu espesifikadu iha seksaun kona-ba rezultadu sira.

Limitasaun sira

Ezersísiu mikrosimulasaun naturalmente limitadu husi dadus disponível iha peskiza ne'ebé ita uza. Hanesan ita hatudu ona, metodolojia estátiku no simu katak implementasaun no impaktu husi reforma simulada mak instantániu no omojénriu ba benefisiáriu idak-idak. Ne'e duni, rezultadu mak hanesan prestasaun foun ka reforma sira realiza iha prazu abranjidu ba konjuntu dadus – tinan 2014 to'o tinan 2015. Hahú husi períodu ne'ebé analiza TLSLS-3, programa oioin nia kobertura bele hasoru mudansa balun no impaktu kona-ba mukt ne'ebé kalkula laho korresaun liña mukt tuir inflasaun. Infelismamente, situasaun hanesan ida-ne'e la bele muda laho simulasaun kompleksu liu no ne'ebé envolve "*tuan*" konjuntu dadus to'o ohin loron, ka to'o iha tinan 2030, ezersísiu hirak-ne'e la inklui iha relatóriu ida-ne'e nia ámbitu. Maibé, tanba dadus hirak-ne'e resente loos no taxa inflasaun no senáriu kona-ba política protesaun sosiál la apresenta mudansa boot husi tinan 2014 to'o 2018, ita estima katak limitasaun ida-ne'e iha efeitu kiik ba rezultadu sira ne'ebé produzidu.

Hodi supera metodolojia ida-ne'e nia limitasaun seluk, ita assume presupostu balun. Dahuluk, bainhira halo simulasaun ba impaktu kona-ba aumentu prestasaun sira husi rejime ne'ebé eziste ona, ita tenke konsidera benefisiáriu sira ne'ebé simu ona prestasaun balun *status quo* programa nian. Ba kazu hirak-ne'e, dadus husik identifika família no indíviduu sira ne'ebé simu ona prestasaun, no mudansa aplika mak iha nível prestasaun nian (porezemplu, simulasaun kona-ba aumentu iha programa Bolsa da Mãe husi US \$ 5 ba US \$ 10). Ida ne'e implika implisitamente katak taxa adezaun no kobertura tipu reforma hirak-ne'e nafatin konstante (exetu bainhira espesifika ho maneira seluk).

Daruak, ba Senáriu sira ne'ebé altera programa sira-nia elejibilidade ka kobertura (porezemplu, nakfila programa Bolsa da Mãe universal ba labarik sira husi tinan 0 to'o tinan 5), Prestasaun ne'ebé iha hamenus dahuluk ba sira ne'ebé simu ona (iha ezemplu, benefisiáriu sira programa Bolsa da Mãe nian husi tinan 0 to'o tinan 5), o la halo alterasaun ba sira ne'ebé reforma la afeta (ba kazu ida-ne'e, benefisiáriu sira husi programa Bolsa da Mãe ho idade entre tinan 6 no tinan 17) no, tuirmai, aplika fali regra elejibilidade/kobertura foun ba grupu dahuluk.

Datuluk, ita fiar katak senáriu sira implementa tomak, no indíviduu elejível idak-idak simu prestasaun. Iha realidade, ne'e bel ela akontese tanbane'e bele la akontese tanba kapasidade impementasaun nia limitasaun sira ka benefisiáriu nia taxa adezaun kiik liu. Ne'e bele halo estimativa aas ba grau magnitude oioin nia efeitu iha mukt. Impaktu sira ne'ebé alkansa tabna nakfila programa balun ba universal bele estimativa aas no, kontráriu, reforma sira ne'ebé restrinje elejibilidade (porezemplu: aplika ba programa prova ida kona-ba meius) iha karik sira-nia impaktu subestimadu.

Ikus liu, tanba ida-ne'e ezersísiu mikrosimulasaun simples, impaktu husi reforma ne'ebé propõin kona-ba mukt la konsidera fatór seluk importante ne'ebé atu fó efeitu pozitivu ka negativu iha taxa mukt, liuliu kreximentu ekonómiku, empregu, política sira makroekonómika Governu nian, no sira seluk tan. Ne'e duni, konsidera limitasaun hirak-ne'e, ita tenke haree rezultadu ne'ebé apresenta nu'udar indikadór potenciál hamenus kiak no nu'udar medida ida ne'ebé permite halo



komparasaun husi impaktu no kustus simuladu (tuir modelu PAL), no la'os nu'udar ferramenta ida ne'ebé loos hodi identifika ema na'in hira mak retidu husi mukit karik realiza reforma ida iha kuadru protesaun sosiál timoroan.